

# ქართული საქალაქური გლეხური

შეკრებილი  
თვეო ჩაზიკაშვილის მიერ.



წიგნი

1

საქართველოს სსრ განათლებას საქონისტრო  
საბაკუო ჯ ახალგაზრდობის ლიტერატურის  
საბელმწიფო გამოცემლობა  
19 თბილისი 31

**ტექსტი დასაბუქდოდ, გაამზადა ანა ღვინიაშვილმა**

## ხალხური სიყვანიძის გამოჩენილი შამკარები თ ე ლ ო რ ა ზ ი კ ა შ ე ვ ი ლ ი

ქართული ხალხური სიტყვიერების მოამაგეთა შორის თედო რაზიკაშვილს ერთი უპირველესი ადგილთაგანი უჭირავს. მის სახელთან დაკავშირებული არის აღმოსავლეთ საქართველოს ბარისა და მთის ცნობილი მხარეების — ქართლის, კახეთის, თუშეთის, ფშავისა და ხევსურეთის ზეპირსიტყვიერების — შეკრებისა და გამოცემის საქმე.

ეს გარემოება გვავალებს უფრო ახლოს გავიცნოთ გამოჩენილი მოღვაწის ცხოვრება და სამშობლოს წინაშე, მისი დამსახურება.

\* \* \*

თედო (თევდორე) პავლეს-ძე რაზიკაშვილი დაიბადა 1869 წელს, ფშავის სოფელ ჩარგალში. ეს სოფელი და კუთხე კარგადაა ცნობილი. აქ დაიბადა ქართული პოეზიის დამამშვენებელი ვაჟა-ფშაველა. დიდმა პოეტმა შორს გაუთქვა სახელი თავის მშობლიურ მხარეს და ყველას შეაყვარა იგი. ამის გამო ახლა აუცილებელი არაა ვილაპარაკოთ იმ მშვენიერი ისტორიული მხარის შესახებ, რომელმაც ძმები რაზიკაშვილები წარმოშვა.

თედო უმცროსი ძმა არის ვაჟა-ფშაველასი. მამამისი ხელმოკლედ ცხოვრობდა და საშუალება არა ჰქონდა უმაღლესი განათლება მიეცა შვილებისათვის. მიუხედავად ამისა ქართული მწერლობისა და ისტორიის კარგი მცოდნე პავლე რაზიკაშვილი თავის ძალ-ღონეს არ იშურებდა, რომ შვილები სწორ გზაზე დაეყენებია და ჯეროვანი სასკოლო განათლება მიეცა მათთვის.

თედოს ავტობიოგრაფიიდან ვგებულობთ, რა მძიმე პირობებში მიმდინარეობდა მომავალი მწერლისა და ფოლკლორისტის აღზრდა.

წერა-კითხვა პატარა თედოს მისმა უფროსმა ძმამ, მწერლობაში ბაჩანას ფსევდონიმით ცნობილმა—ნიკომ ასწავლა. პირველდაწყებით განათლებას თედო სოფელ ჩარგალში შეუდგა, მაგრამ აქ სკოლის დამთავრება ვერ მოასწრო, რადგან მესამე კლასში გადასვლისას ჩარგლის სკოლა მეფის მთავრობამ დახურა. სკოლის დახურვის მიზეზი მეფის მთავრობის მიერ შემუშავებული გარუსების პოლიტიკა იყო, ჩარგალში ქართული ენის არმცოდნე მასწავლებელი დანიშნეს. ამის გამო გლეხებმა ბოიკოტი გამოაცხადეს და შეიღებო სკოლაში აღარ გაგზავნეს. მაშინდელმა ბიუროკრატიულმა მთავრობამ მასწავლებლის შეცვლის მაგიერ თვითონ სკოლა დაჰკეტა და ამით განათლების საშუალება მოუხპო მრავალ ახალგაზრდას. ეს ბედი ეწია თედო რაზიკაშვილსაც. დროებით იგი სასწავლებელს მოწყდა.

პველე რაზიკაშვილის ოჯახი ამ დროს დიდ სიღარიბეს განიცდიდა. ბავშვები ნახევრად მშივრები და ჩაუცმელ-დაუხურავნი იყვნენ. ამის ნათელსაყოფად საკმარისია ერთი ადგილი მოვიტანოთ თედოს მოგონებიდან: „ამ ხანებში საშინლად ღარიბად ვცხოვრობდით. ტანზედ ბევრი არა მეცვა რა, შარვალი სულ არა (ზაფხულში 8-9 წლამდე სულ ტიტველა კაჩებით დავდიოდი), ზამთარში კი შემიკერავდენ მსხვილი ჩითისას... იგეთივე დამატყლული ახალბი, ფეხებზედ ლაზლის წინდები, წინდებს ძირზედ ცხვრის ან ხბოს ტყავი ჰქონდა გამოკერებული იგრევე ბეწვით; აბა ქალამნებს კი ვინ მალირსებდა!“

ასეთ მკაცრ პირობებში იზრდებოდა პატარა თედო. სწავლას მოწყვეტილი ფეხშიშველა ბავშვი სამწყესურში დადიოდა ცხვრისა და ძროხის მოსაველეად.

1907 წელს შედგენილ ავტობიოგრაფიაში თედო რაზიკაშვილი აგვიწერს ფშაველი ახალგაზრდობის ცხოვრების მძიმე პირობებს.

ჩაუტმელ-დაუხურავი პატარა ყმაწვილები დიდი გაკირვე-  
ზით უვლიდნენ საქონელს. „მახსოვს ისე დამეყვებოდა ხოლ-  
მე ფეხის თითები, რომ ხანჯლით დაქრილსა ჰგვანდა. მერე  
რა ძნელი იყო ამისთანა ფეხებით რიყეზედ, მაყვლიან ნაკა-  
ფებში და ახალ ნამკლებში სიარული. რომ მომაგონდება, ახ-  
ლაც ჟრუანტელი მივლის ხოლმე ტანში“. ზაფხულში თუ ფე-  
ხების დახეთქა აწუხებდა პატარა თედოს, ზამთრის სუსხში  
ხელები უჭირვებდა საქმეს. „ზამთარში ისე დამისკდებოდა  
ხოლმე ხელები, თითქო დანით დაუჭრიათ“.

თედოს მდგომარეობა ტიპური იყო 80-იანი წლების  
მშრომელი ახალგაზრდობისათვის. ისინი სწავლა-განათლების  
მინიმალურ პირობებს მოკლებულნი იყვნენ. მცირეწლოვანი ბავ-  
შეიც კი მძიმე ფიზიკურ შრომას ეწეოდა ოჯახის დასახმარებ-  
ლად. „სანამ მკასა და თიბვას შევიძლებდი, საქონელში დავ-  
დიოდი, მერე კი ყველა გლეხურ საქმეს ვაკეთებდი, თივის  
დროს კი სულ ტყესა და წყალში ვიჯექი“, ასე ახასიათებს  
ფშავში გატარებულ წლებს თედო რაზიკაშვილი.

1882 წელს ახალგაზრდა პოეტი ვაჟა-ფშაველა პედაგოგიურ  
მოდლაწეობას შეუდგა. მან მაშინვე ხელი გაუწოდა სახლში  
დარჩენილ ძმას და თავის სკოლაში ტოლათსოფელში წაიყვანა.  
ვაჟასთან თედო ერთი წელი დარჩა. „ეს წელიწადი ჩემთვის  
დიდი ნაყოფიერი იყო. უკვე მეცამეტე წელში ვიყავი. თბი-  
ლად მეცვა, კარგადა ვქამდი, საქმე არა მქონდა რა. მთელი  
ღამეები წიგნების კითხვას ვუნდებოდი“.

თედო წიგნების გარდა გაზეთებსაც ბევრს კითხულობდა.  
გაიჩინა საკუთარი რვეულები, რომლებშიაც იწერდა ყველა  
პოეტურ ნაწარმოებს, რაც კი ჟურნალ-გაზეთებში იბეჭდებოდა  
იმ დროს. „როგორც მწყურვალე წყალს, ისე ვეწაფებოდი  
წიგნებს და გაზეთებს. არ გამიშვია მას აქეთ გადაუწერავი  
სადაც რამ ლექსი დაბეჭდილა, ან პოემა ჩვენი პოეტებისა,“—  
ამბობს თედო ტოლათსოფელში ვაჟასთან გატარებულ დღე-  
ებზე.

ამ ხანში პავლე რაზიკაშვილის ოჯახს ეკონომიური გამო-  
კეთება დაეტყო. ლუკა მასწავლებლობდა, ნიკო სახელმწიფო

ხარჯზე მიიღეს სასწავლებელში... მამას საშუალება მიეცა თედოსათვისაც ეზრუნა და, აჰა, იგი ნიკოსთან გორისაკენ გაისტუმრა სასწავლებლად. გორში თედომ გამოცდები ჩააბარა სემინარიასთან არსებულ რუსული სკოლის უკანასკნელ განყოფილებაში.

ცოდნას მოწყურებული თედო დიდი ხალისით შეუდგა მეცადინეობას. ავადმყოფობისდა მიუხედავად სემინარიის უფროს მოსამზადებელ კლასში გამოცდები დაიჭირა და ისე დაწინაურდა, რომ 1889 წელს გორის საოსტატო სემინარია ფრიადი წარმატებით დაამთავრა.

სემინარიის დამთავრების შემდეგ თ. რაზიკაშვილი უმაღლეს სასწავლებელში არ შესულა, იგი პრაქტიკულ პედაგოგიურ მოღვაწეობას შეუდგა.

ერთი წელიწადი მასწავლებლის ადგილის ძებნას დასჭირდა. სახელმწიფო სკოლაში ადგილის მიცემაზე მას უარი უთხრეს, რადგან ვაჟა-ფშაველას ძმა იყო, და ვაჟა კი სოციალისტურ მისწრაფებებში იყო შენიშნული.

1890 წელს ქართველთა შორის წერა-კითხვის გამავრცელებელმა საზოგადოებამ თედო რაზიკაშვილი გორის მახლობლად სოფელ ხელთუბნის სკოლის მასწავლებლად დანიშნა. აქ თედო განუწყვეტლად 15 წელიწადი მუშაობდა, სანამ 1905 წლის 11 ივნისს ეს სკოლა მთავრობის განკარგულებით არ დაიკეტა. იმ დროიდან სოფ. ხელთუბანი იქცა თედოს მუდმივ საცხოვრებელ ადგილადაც.

თედო რაზიკაშვილი რევოლუციურად მოაზროვნე იყო. პროგრესიული განწყობილება და მეფის მთავრობისადმი სიძულვილი შეუმჩნეველი არ დარჩა იმდროინდელ ხელისუფლებას. 1905 წლის 12 ენკენისთვის თედო დაიჭირეს და რევოლუციური მუშაობისათვის სამუდამო გადასახლება მიუსაჯეს. ის კიდევ გაგზავნეს ოლონეცის გუბერნიაში, მაგრამ მალე მანიფესტმა მოუსწრო და გაათავისუფლეს.

1906 წლის იანვარში თ. რაზიკაშვილს ჟანდარმერიამ კვლავ მიაკითხა, მაგრამ ამ დროს ის უკვე იმალებოდა და ხელში ვერ ჩაიგდეს. სამაგიეროდ სასტიკად გაუსწორდნენ.

რაზიკაშვილის ოჯახს, სახლ-კარს ხელთუბანში: დაანგრიეს და დაწვეს იგი.

თედო ამის გამო ავტობიოგრაფიაში წერს: „იანვრის ოც-დასამში ისევ მომაკითხეს, მაგრამ რაკი აღრევე თავე გავა-რიდე, სახლ-კარი დამინგრიეს ზარბაზნებით და მერე დაწვეს, ვითომ ამით ამოფხვრეს ჩემში მთავრობისადმი მრავალი წლო-ბით გულში ჩამარბული მძულვარება და ზიზლი“.

მეფის თვითმპყრობელობამ საშინელ მდგომარეობაში ჩა-აგდო როგორც თვითონ თედო, ისე მისი ოჯახი. უმუშევრობა, პოლიციისგან დევნა და შიმშილი აჩრდილივით თან დასდევდა მათ.

შენახულია თედო რაზიკაშვილის კერძო წერილი, იაკობ გოგებაშვილისადმი გაგზავნილი, სადაც აღწერილია, თუ რა მდგომარეობაში იმყოფებოდა სახალხო მასწავლებელი რეაქ-ციის პერიოდში. 1906 წელს თ. რაზიკაშვილი ი. გოგებაშვილს სხვათა შორის სწერდა: „რუსეთის ძლიევამოსილმა მთავრობამ იმით ამოიყარა ჩემი ჯავრი, რომ ჯერ ზარბაზნებით დაანგ-რია და გაანადგურა ჩემი სახლი და კარი, ისიც არ იკმარა და მერე ცეცხლით ამოწვა და ამობუგა. ჩემი უდანაშაულო ცოლშვილი ულუკმაპუროდ ცის ქვეშ გაუშვა და ამით დასაჯა. დღეს ჩემი ცოლშვილი მთაში ვაყასა და ბაჩანას შეხიზნენ, თუმცა იმათ ცოლშვილისათვისაც არა ჰქონდათ რა“. ამასთან ერთად თედოს ისიც ძლიერ აწუხებდა, რომ მისი ქალიშვი-ლები სკოლის გარეშე დარჩნენ და სწავლას მოწყდნენ.

გამოჩენილ ქართველ პედაგოგს ი. გოგებაშვილს თ. რაზი-კაშვილი თხოვდა: იქნებ დამეხმაროთ და რომელიმე საქველ-მოქმედო ორგანიზაციამ ჩემი ქალიშვილების აღზრდა იკის-როსო. „ესენი არიან უსწავლელად და იმასაც ივიწყებენ, რაც იცოდნენ. მე რომ ერთ ბინაზედ ვიყო, შეიძლებოდა თვითონ მესწავლებია იმათთვის, მაგრამ ისეთ გარემოებაში ვარ ჩაყე-ნებული, რომ მუდამ დღე მოველი თავისუფლების (და იქნებ სიცოცხლისაც) დაკარგვას“.

მეფის მთავრობამ მოუსპო თედო რაზიკაშვილს მშვიდო-ბიანი მუშაობის შესაძლებლობა. ამით აიხსნება ისიც, რომ

სიცოცხლის მეორე ნახევარში, როცა მეტი გამოცდილება ჰქონდა, თედო შემკრებლობით მუშაობას ველარ აწარმოებდა და უმთავრესად ადრე, 90-900-იან წლებში შეკრებილი მასალების სისტემატიზაციითა და გამოქვეყნებით კმაყოფილდებოდა.

8 წლის შემდეგ თ. რაზიკაშვილი დაუბრუნდა ხელთუბანს და განადგურებული კარ-მიდამო აღადგინა. მის გულში თვით-მპყრობელობის სიძულვილი კვლავ შეუნელებლად ღვიოდა. საინტერესო ცნობას იძლევა ქართლში დაბრუნებულ თედოს შესახებ მისივე ქალიშვილი: „ყუმბარების ნატეხები მარნის თავში ჩაატანა, ვინ იცის ეგების ჩვენი დროც დადგეს და ამ ყუმბარებზე ვახლეინებ თავს ჩვენს მტრებსაო“.

საბჭოთა ხელისუფლების დამყარების შემდეგ თედო რაზიკაშვილს დიდხანს აღარ უცოცხლია, 1922 წლის 19 იანვარს ის ვერაგულად მოკლეს ყაჩაღებმა. ასე მოულოდნელად შეწყდა სიცოცხლე ნაყოფიერი საბავშვო მწერლის და ხალხური სიტყვიერების გამოჩენილი შემკრებისა.

\* \* \*

ფშავი მდიდარია ხალხური სიტყვიერებით, ხოლო ფშაველები განსაკუთრებული სიყვარულითა და პატივისცემით ეპყრობიან თავიანთ სულიერ საუნჯეს; სწავლობენ მას, ავითარებენ და ძვირფასი მემკვიდრეობის სახით გადასცემენ თაობიდან თაობას. თედო, თავის ძმებთან ერთად, ბავშვობაში გაეცნო მშობლიური მხარის მხატვრულ შემოქმედებას, შეიყვარა და შეითვისა იგი. ნიჭიერ ბავშვზე წარუშლელ შთაბეჭდილებას ახდენდნენ ფშაველი სახალხო მეღექსეები თავიანთი გონებამახვილობითა და პოეტური მეტყველებით.

პაველ რაზიკაშვილის ოჯახი იმნაირადვე ცხოვრობდა როგორც ყველა დანარჩენი ფშაველი, მხოლოდ იმ განსხვავებით, რომ პაველ სხვებზე უფრო განათლებული ადამიანი იყო და მომავალი თაობის აღზრდაზე მეტად ზრუნავდა.

ქართულ მწერლობასთან ერთად რაზიკაშვილების ოჯახის სულიერ საზრდოს ადგილობრივი ხალხური სიტყვიერება



შეადგენდა. მშობლები შვილებს ლიტერატურული გმირების თავდადასავალთან ერთად ფშავ-ხევსურული პოეზიის გმირების ცხოვრებასაც აცნობდნენ და ამით მათში პატრიოტიზმის სათუთ გრძნობას ზრდიდნენ.

„მამაჩემი დიდი თავყვანისმცემელი იყო ჩვენი პოეტ-მწერლებისა, — იგონებს თედო, — აღმერთებდა საქართველოს, იმისი სამსახური ყველაზედ უდიდეს მოვალეობად მიაჩნდა. გვიამბობდა მთების პიროფლიანებზე (ე. ი. მთის გმირებზე), აგვიწერდა პოეტურად იმათ ღვაწლს და გენატრებდა სამშობლოსათვის თავდადებას. „ვეფხვისტყაოსანი“, გურამიშვილის ლექსები, ი. ჭავჭავაძის „დიმიტრი თავდადებული“ ზეპირად იცოდა. ზეპირად იცოდნენ ჩვენმა ბიძა-ბიძაშვილებმაც, რომლებიც მუდამ კვირა იყრიდნენ ჩვენსას თავს, კითხულობდნენ და ზოგიც ფანდურზეც დაჰმღერდა“.

განსაკუთრებით თედოს ხალხური მუსიკალური საკრავის ხმა იზიდავდა და იმორჩილებდა. ფანდური მაღალ საოცნებო საგნებს მოაგონებდა მგძნობიერ ახალგაზრდას.

გულში ჩამწვდომი სიტყვებით აღწერს თედო ამ განცდას.

„ეს ფანდურის ხმა ჰხიბლავს კაცს. აჯადოვებს და ატყვევებს, აღვიძებს გულში გრძნობათა ცეცხლს... და როცა ისმენ დიდებულნი კაცის სიტყვებს ისეთი აღტაცებით და მოწიწებით ფანდურზედ დანამღერს, შენც წაგძლევეს ოცნება და იმ დიდებულებთან სახელის განაწილებას განატრებს“.

ასე ალაფრთოვანებდა სამშობლოს სიყვარულით გამსჭვალული ლექსები მომავალ ფოლკლორისტს.

ვაჟა-ფშაველა და თედო რაზიკაშვილი მადლობის სიტყვებით იგონებენ იმ კეთილ გავლენას, რაც მათზე ჰქონდა საკუთარ დედას, ტიპიურ ფშაველ ქალს. დედის დარიგებანი და ზალხური ნაწარმოებების გადმოცემის თავისებური მანერა შვილებში პოეზიის დიდ სიყვარულს ნერგავდა.

კარგად აქვს ეს მოთხრობილი თედო რაზიკაშვილს.

„დედაჩემი მდიდარი ფანტაზიის პატრონი იყო. უბრალო რაიმე ამბავს ისეთი ამბით, ისეთი ფერადებით შეზავებულს გადმოგვცემდა, რომ იხიბლებოდა მსმენელი. ის რომ დევებ-

ზედ ან ეშმაკებზედ, მოჯალაფეებზე დაიწყებდა ლაპარაკს, მე სადღაც მოჯადოვებულს არა არსთა სამეფოში გადამიტაცებდა ოცნება და ჩემი თავი თვითმნახველ-გამგონედ მეჩვენებოდა“.

მეტად გამრჯელ და გულკეთილ ფშაველ ქალს პოეტური მარაგი ამოუწურავი ჰქონდა. „იცოდა აუარებელი ლექსი და ზღაპარი, ცალკე კაცთა და ქალთა ცხოვრება, ლეგენდები და ამბები ჩვენს მეფეებზედ, უფრო თამარზედ და ერეკლეზედ. წაკითხულ გაგონილსაც თავის გემოვნებაზედ გადააკეთებდა და თავისი დაბალი სასიამოვნო ხმით გვიზუზუნებდა. როცა გვიამბობდა რასმე სამწუხარო ამბავს, თანა ტიროდა ხოლმე. თვითონ წერა-კითხვა არ იცოდა. იყო ბუნებით პოეტი, საშინელი მშვიდობის მოყვარე, უკიდურესობამდე გულკეთილი და უხვი; მოულალავი მშრომელი და მოყვარული“.

ვაჟა-ფშაველასაც მისაბად მაგალითად აქვს დასახული დედამისის — ბარბაღე ფხიკელაშვილის მოქმედება. „დედაჩემის ქველობა, — წერდა ვაჟა, — დღესაც სამაგალითოდ არის დარჩენილი. ისე ჩავიდა საფლავში, რომ ერთს არავის ახსოვს იმას გაეჯავრებინოს. გაჯავრებულს, მლანძღველს, რაც აქაურ დედაკაცებში ხშირი მოვლენაა, სიცილით მიეგებებოდა და სამაგიეროს გადაუხდელით შეარცხვენდა, მოარბილებდა“.

ხალხური სიტყვიერებისადმი ინტერესი თედო რაზიკაშვილს გორში ჩასვლის შემდეგ უფრო გაუცხოველდა. გორში იგი ხალხოსნურად მოაზროვნე მასწავლებლებისა და მე-19 საუკუნის ეროვნულ-განმანათვისებელი მოძრაობის მემდროშეების ილია ჭავჭავაძისა და აკაკი წერეთლის გავლენის სფეროში მოექცა. ახალმა იდეებმა და მისწრაფებებმა გაიტაცეს ახალგაზრდა თედო და ხელში კალამი ააღებინეს სამშობლოს სასამსახუროდ.

1886 წელსა და შემდეგაც თედო რაზიკაშვილი საკუთარი მხატვრული ნაწარმოებების წერასა და ხალხური სიტყვიერების შეკრებას შეუდგა. ამ საქმეში თვალსაჩინო ბიძგი მას მწერალმა ნიკო ლომოურმა მისცა.

საინტერესოა მოწაფის მოგონება მასწავლებელზე.

„თუმცა არ ვფიქრობდი მწერლობას, მაგრამ ისე მწამდა მწერლობის ღვაწლი სამშობლოს წინაშე, რომ ოჯახის გავლენას დაემატა მეტად სიმპათიური გავლენა ჩვენი ქართული ენის მასწავლებლის ნ. ლომოურისა. ამაზე მეტი საკეთილო გავლენა არა მგონია კაცმა კაცზედ იქონიოს. ჩემი ველური ბუნება ამისმა ღვთიურმა მოქცევამ დააღბო და გააპატიოსნა. სურვილი სამშობლო ლიტერატურისათვის სამსახურისა ამან გამიორკეცა. დღეს უკვე ვაჟკაცი და ქალარა შერთული იმავე მოწიწებას ვგრძნობ ამ ჩემთვის წმინდა კაცის მიმართ“, — ამბობდა თედო 1907 წელს.

ნიკო ლომოური და აკაკი წერეთელი ახალისებდნენ თ. რაზიკაშვილს სამწერლო ასპარეზზე. ისინი შთააგონებდნენ და ახალ-ახალ თხზულებებს აწერინებდნენ. მალე თედომ სახელი გაითქვა, როგორც საბავშვო მოთხრობების ავტორმა. მაგრამ მისი მოღვაწეობის ეს მხარე არაა დღეს ჩვენი მსჯელობის საგანი. ახლა ჩვენ მისი ფოლკლორისტული საქმიანობა გვაინტერესებს.

თედო რაზიკაშვილი როგორც ქართული სიტყვიერების ჩამწერი და შემკრები ილია ქავჭავაძისა და აკაკი წერეთლის სკოლის წარმომადგენელია. ეროვნულ-განმანათლებლებელი მოძრაობის მედროშეთა შეხედულებები და პირადი მაგალითი თ. რაზიკაშვილში ხალხური პოეზიის შეკრების წყურვილს აღვიძებდა.

დიდი ხანია ილია და აკაკი მოუწოდებდნენ ხალხური პოეზიის შეკრებისაკენ. 80-იან წლებში გამოქვეყნებული აკაკის მგზნებარე საგაზეთო წერილები და ილიას თაოსნობით წერაკითხვის გამავრცელებელი საზოგადოებისგან პეტრე უმიკაშვილისა და იაკობ გოგებაშვილის მიერ შედგენილი ხალხური სიტყვიერების შემკრებთათვის სახელმძღვანელო პროგრამის გამოცემა 1882 წელს, მტკიცე ნიადაგს ამზადებდა შემკრებლობითი მოძრაობის გაშლისათვის. აი სწორედ ამ დროს გამოვიდა საზოგადოებრივი ცხოვრების ასპარეზზე თედო რაზიკაშვილი. ის გულმხურვალედ გამოეხმაურა მოწოდებას და

დიდი ენთუზიაზმით შეუდგა ქართლის, კახეთის, თუშეთის, ფშავისა და ხევსურეთის ზეპირისიტყვიერების შეგროვებას.

მოკლე ხანში თედო რაზიკაშვილმა დიდ წარმატებას მიაღწია. მან პირადად მოიარა დასახელებული კუთხეები, გაეცნო იქაურ საუკეთესო მთქმელებს და საკუთარი ხელით ჩაწერა რამდენიმე ათასი ხალხური ნაწარმოები. ამ მხრივ მან უკან მოიტოვა თავისი დროის გამოჩენილი შემკრებნი და სამართლიანად მოიპოვა ქართული ხალხური პოეზიის საუკეთესო მცოდნის სახელი.

თ. რაზიკაშვილმა სისტემატური შემკრებლობითი მუშაობა მოწაფეობის დროს დაიწყო, 1883 წლიდან. სემინარიის დამთავრების შემდეგ იგი მთელ თავისუფალ დროს შემკრებლობას ახმარს და მდიდარ კოლექციას ჰქმნის, რომლის დაბეჭდვისათვის იგი ჟურნალ-გაზეთების გარდა, ქართული წიგნის გამოცემის ამხანაგობასაც მიმართავდა.

იმდროინდელი საბავშვო ჟურნალები „ჯეჯილი“ და „ნაკადული“ და გაზეთი „ივერია“ ხშირად ბეჭდავდნენ თ. რაზიკაშვილის ჩაწერილ ტექსტებს.

ახალგაზრდა შემკრები ახლად მოპოვებული ძვირფასი მასალების ცალკე წიგნად გამოცემას ცდილობდა. ამის ცოტაოდენი იმედიც იყო. 1889 წელს წერა-კითხვის გამავრცელებელი საზოგადოების თანამშრომელი პოეტი შიო მღვიმელი თ. რაზიკაშვილს ატყობინებდა: „ეხლა უნდათ გამოსცენ ზღაპრები ცალკე წიგნად და შენი ზღაპრებიც შიგ იქნებიან მოქცეულნი“. მაგრამ ეს წამოწყება არ განხორციელდა.

1890-91 წლებში თ. რაზიკაშვილმა გამომცემლობა „ქართული ამხანაგობის“ გამგეობას მიმართა და დიდძალი მასალაც წარუდგინა დასაბეჭდად. გამგეობა დადებითად შეხვდა ამ წინადადებას და „ივერიის“ 1891 წლის 27 ნომერში შემდეგი განცხადება გამოაქვეყნა: „ქართველ ამხანაგობის გამგეობამ 2 თებერვალს მიიღო ბ-ნ თედო რაზიკაშვილისაგან ორიათასამდე ხალხური ლექსი, შვიდასამდე ანდაზა და 350 გამოცანა ქართლსა, კახეთსა, ფშავსა, ხევსურეთსა და თუშეთში გაგონილი. გამგეობა ვალად ჰრაცხს გულითადი მადლობა

გადაუხადოს ბ.ნ რაზიკაშვილს, რომელსაც დიდი შრომა გაუწევია ამ მასალის შეკრებისათვის, რისთვისაც მოუხდომებია შვიდი წელიწადი. ამასთანავე გამგებობას იმედი აქვს დანარჩენ მასალასაც მიაწოდებს ამხანაგობას“.

ამ განცხადების საშუალებით იმასაც ვგებულობთ, თუ რა მდიდარი და მრავალფეროვანი კოლექციის შეკრება მოუხერხებია თ. რაზიკაშვილს მოკლე ხანში. იმ დროისათვის ერთი პირისაგან ეს არაჩვეულებრივი მოვლენა იყო.

როგორც ჩანს ამხანაგობას, აგრეთვე წერა-კითხვის გამავრცელებელ ხაზოგადობას თ. რაზიკაშვილი მასალებს 1891 წლამდეც აწვდიდა. ამას ადასტურებს ქართული ხალხური ზღაპრების ცნობილი გამომცემლის ლადო აღნიაშვილის წერილიც. თ. რაზიკაშვილისადმი გაგზავნილ, წერილში ვკითხულობთ: „მივიღე შენ მიერ გამოგზავნილი ხალხური ნაწარმოების რეველები, რისთვისაც მმართველობა ჩვენის ამხანაგობისა დიდს მადლობას გიძღვნის და კვალდაც მოლოდინშია, რომ ყოველთვის ხელს მიაწვდი და მხარს მისცემ შენის შეძლებისდაგვარ ამ ჩვენს ახალ ამხანაგობას“.

მიუხედავად იმისა, რომ წიგნის გამოცემა არ მოხერხდა და გასამრჯელოს მიღების საშუალებაც არ იყო, თედო რაზიკაშვილს 90-იანი წლების შემდეგაც არ შეუწყვეტია შემკრებლობითი მუშაობა. კვლავ დღითი დღე იზრდებოდა მისი კოლექცია ახალ-ახალი პოეტური შედევრებით.

თედო რაზიკაშვილი 1907 წელს ავტობიოგრაფიაში სწერდა: „აგრეთვე მივყავ ხელი ხალხური ნაწარმოების შეკრებას. შევკრიბე 3.000-ზე მეტი ლექსი, 200-ზე მეტი ზღაპარი და ლეგენდა, მრავალი ცრუმორწმუნეობანი და შელოცვანი, ანდა-ზები და გამოცანები. ეს ამოდენა შრომა ჯერაც ქ. წიგ. გამომ. ამხანაგობასთან ყრია გამოუცემელი თითქმის 17 წელია“.

ორი ათეული წლის განმავლობაში მზის სინათლე არ ღირსებია თ. რაზიკაშვილის მიერ შეკრებილ საუნჯეს. მასში წარმოდგენილ ლექსებს დღესაც ალტაცებაში მოჰყავს მკითხველი საზოგადოება პოეტური სინატიფითა და ფილოსოფიური შინაარსით.

მხოლოდ 1909 წელს შეძლო „ამხანაგობამ“ თ. რაზიკა-შვილის კოლექციის ნაწილობრივი გამოცემა. ეს იყო მხოლოდ პროზაული ტექსტები—ხალხური ზღაპრები ქართლში, კახეთსა და ფშავში ჩაწერილი. სულ დაიბეჭდა 194 სათაური, ორ წიგნად. ქართლური გადმოცემები ცალკე, კახური და ფშავური კიდევ ცალკე.

თ. რაზიკაშვილის მიერ ჩაწერილ და გამოცემულ „ზღაპრებს“ დღემდე არ დაუკარგავს თავისი დიდი მნიშვნელობა.

\* \* \*

დღემდე მეცნიერებაში გარკვეული არ იყო, თუ რა თეორიული შეხედულებებით ხელმძღვანელობდა თედო რაზიკაშვილი და როგორ ჰქონდა წარმოდგენილი ხალხური ნაწარმოებების სპეციფიკა. ამ საკითხების გამორკვევას არსებითი მნიშვნელობა აქვს გამოჩენილი ქართველი მოღვაწის ფოლკლორისტული მემკვიდრეობის შეფასებისათვის.

კითხვაზე პასუხის გაცემის აძნელებს ის გარემოება, რომ თედო რაზიკაშვილს არ დაუწერია გამოკვლევა ხალხური სიტყვიერების ისტორიაზე. საერთოდ თ. რაზიკაშვილი ცოტას წერდა სამეცნიერო ხასიათის შრომებს, ის უმთავრესად შემკრებლობითი საქმიანობით იყო გატაცებული და ნაკლებად ზრუნავდა მის მიერ ფიქსირებული მასალის ისტორიულ შესწავლაზე.

მაგრამ ეს გარემოება მაინც იმის საბუთი არაა, რომ ჩვენ თ. რაზიკაშვილის ფოლკლორისტულ შეხედულებებზე არ ვილაპარაკოთ, ან ასეთ შეხედულებათა არსებობა საერთოდ უარყოთ. არა! თ. რაზიკაშვილი გარკვეულ მეცნიერულ პრინციპებზე დგას. უპირველეს ყოვლისა ეს იქიდან ჩანს თუ როგორ ეპყრობა ის ხალხურ ნაწარმოებებს, როგორ ახდენს მათ ფიქსაციას და სისტემატიზაციას გამოცემის მიზნით. გარდა მრავალმხრივ კომენტირებული ჩანაწერებისა, თედოს კალამს ეკუთვნის რამდენიმე მცირე საგაზეთო წერილი, სადაც ნათლად გამოსჭვივის მათი ავტორის თეორიული შეხედულებები.

როგორია თ. რაზიკაშვილის მიერ ფიქსირებული ტექსტი? იგი ზუსტი და საიმედოა. შემკრები გულმოდგინედ იცავს კუთხურ მეტყველებას, ცდილობს ტექსტის მიმართ რაც შეიძლება ამომწურავი ცნობები მოგვაწოდოს, განმარტოს გაუგებარი სიტყვები და ადგილობრივი გამოთქმები, ახსნას გეოგრაფიული სახელები და ა. შ. ჩამწერი მთქმელს და ავტორ-მთქმელსაც არ ივიწყებს.

სხვადასხვა ჟანრის რამდენიმე ასეული ნიმუშის გასინჯვა გვიჩვენებს, რომ თედო რაზიკაშვილი ხალხური ნაწარმოებების ფიქსაციას ახდენს მტკიცედ შემუშავებული პრინციპების მიხედვით, რომელი პრინციპებიც გათვალისწინებულია 1882 წლის პროგრამაში.

ფოლკლორულ მასალას თ. რაზიკაშვილი მეცნიერული თვალსაზრისით განიხილავს, ტექსტებს კრიტიკულად აფასებს და გარკვეული კლასიფიკაციის მიხედვით ალაგებს. ხალხური პოეზიის ნიმუშების საკლასიფიკაციოდ ის ეთნიკურ-თემატიკურ პრინციპს იღებს.

თ. რაზიკაშვილი ყოველგვარ ფოლკლორულ მასალას არ ჰკრებს. ის პირველ ყოვლისა ნამდვილ ხალხურ შემოქმედებას ეძებს და კიდევაც ნახულობს.

ხალხური სიტყვიერების შეკრება მე-19 საუკუნეში ერთ-ერთ თავდადებასაც საჭიროებდა. ამ საქმის ენათუზიასტებს მრავალი დაბრკოლების გადალახვა უხდებოდათ. ეკონომიურ უსახსრობას მაშინდელი მმართველობის უსულგულობა, ხელის შეშლა და შეკრების პიროვნებაში დაექვება ემატებოდა. მეფის მთავრობის მიერ დაშინებული გლეხობა, სოფლელი მთქმელები გაურბოდნენ მათთვის უცნობ შემკრებს და მის უმწიკვლო შრომას ათვალწუნებით უყურებდნენ.

რევოლუციამდე ფოლკლორისტებს ეს გარემოება ბევრჯერ აღუნიშნავთ. ამაზე სწერდა, მაგალითად, „კვალის“ კორესპონდენტი ფშავლიშვილიც თავის წერილში — „ხალხური ზეპირ-სიტყვიერების შეკრების გამო“.

„...არც ისე მსუბუქ საქმეთ მიმაჩნია ხალხური ეპოსის შე-

კრება. ამეამად ჩვენი ხალხი ცხოვრების სხვადასხვა პირობების გამო მეტად შეშინებული და დაექვებულია. ვისმეს რომ უთხრა: ზღაპარ-ლექსი მიაბზე, ქალაქში უნდა ჩავწეროვო, იმავე წამს გაიფიქრებს: ამ კაცს ჩემთვის უთუოდ სახიფათო რამ სწადია, მისი ქალაქი მე სიკეთეს არ დამაყრისო და უარს გამოგიცხადებთ, ან იმას იფიქრებს: ეს კაცი ნამდვილათ დამცინისო და გიპასუხებთ: ყმაწვილო, თქვენ ნასწავლებს უფრო კარგი ამბები გიწერიათ, იმ ამბებთან ჩვენი გლეხური ზღაპარი-ლექსი რის შაქნისი იქნებაო“.

თედო რაზიკაშვილს სწორედ ასეთ გარემოში უხდებოდა მოღვაწეობა. ადვილი წარმოსადგენია, თუ რამდენად თავდადებული უნდა ყოფილიყო მაშინდელი ფოლკლორისტი, რამდენად უნდა ჰყვარებოდა მას ქართული ეროვნული კულტურა, რომ ხალხური სიტყვიერების ისეთი მდიდარი კოლექცია შეექმნა საკუთარი ხელით, როგორც ეს თედო რაზიკაშვილმა მოახერხა.

მეფის ხელისუფლების მხრივ ხელის შეშლა, პოლიტიკური დევნა და გადასახლება თედო რაზიკაშვილს საშუალებას უსპობდა მთლიანად გამოეყენებია თავისი შესაძლებლობანი. როგორც ზევეთაც ითქვა, სიცოცხლის მეორე ნახევარში იგი მის საყვარელ საქმეს თითქმის ჩამოსცილდა.

შემკრებლობით საქმიანობასთან დაკავშირებულია უკვე მოგროვილი მასალის გამოცემის აუცილებლობა. თ. რაზიკაშვილი თავგამოდებით იბრძოდა, რომ ბექდვითი სიტყვის გზით ხალხს უკან დაჰბრუნებოდა ის, რაც მას საუკუნეთა განმავლობაში შეუქმნია და ეროვნული საუნჯის დამცველთა მიერ დიდი მეცადინეობით შეკრებილა.

ეს საქმე მე-19 საუკუნეში სავალალო მდგომარეობაში იყო. ამაზე ხმამაღლა ლაპარაკობდა მაშინდელი პრესაც.

„მრავალი ხალხური თქმულება და ზღაპარ-ლექსი ჩაწერილა და შეკრებილა დღემდე, მაგრამ ამ საქმეს სამწუხაროდ, ჯერაც წესიერი მიმართულება არ მისცემია. როგორც ვიცი, აქამდის ცალკე წიგნათ გამოცემულია მხოლოდ დ. ხიზანაშვი-



ლის ხალხურ ლექსთა კრებული და ორიოდ ბროშურა ხალხური ზღაპრებისა — ეს არის და ეს. ესენი კი შეადგენენ წვეთს იმ ზეპირსიტყვაობისას, რომელიც გაბნეულია ძველსა და ახალ ჟურნალ-გაზეთებში და ან რომელიც დასაბეჭდია დღეს. (მოიგონეთ «წიგ. გამომ. ამხ.» მიღებული თ. რაზიკაშვილის შეკრებილი ხალხური ეპოსი, რომელიც აგერ ექვსიოდე წელიწადია, რაც ხსენებული ამხანაგობის არქივში განისვენებს)“.

პრესის გამოსარჩლებამაც ვერ უშველა თ. რაზიკაშვილის მიერ შეკრებილი მასალების გამოცემას. ეს საქმე ნაწილობრივ მხოლოდ XX საუკუნის პირველი ათწლეულის ბოლოს მოგვარდა.

\* \* \*

დასასრულ ორიოდ სიტყვა წინამდებარე გამოცემის შესახებ.

თითქმის ხუთი ათეული წელი გავიდა თედო რაზიკაშვილის მიერ ჩაწერილი ხალხური ზღაპრების გამოქვეყნებიდან. ამ ხნის განმავლობაში მრავალი ახალი საყურადღებო ეპიკური მასალა ჩაიწერა და გამოიცა, მაგრამ თ. რაზიკაშვილის „ხალხური ზღაპრები“ მაინც შეუცვლელია.

ჩვენი ახალგაზრდობა დიდი ინტერესით კითხულობს ხალხურ ეპოსს. ამის გამო თ. რაზიკაშვილის კრებულების ახალი გამოცემის საჭიროება ყოველმხრივ საგრძნობია.

საბლიტგანმა ითავა ამ საპატიო საქმის შესრულება.

თ. რაზიკაშვილის „ხალხური ზღაპრები“ ორ წიგნად გამოვა, პირველი გამოცემის მსგავსად. წინამდებარე წიგნში შედის კახეთსა და ფშავში ჩაწერილი ზღაპრები, ხოლო მეორე წიგნში, რომელიც მომავალ წელს უნდა გამოიცეს, მოთავსებული იქნება ქართლში ჩაწერილი ზღაპრები. ამ კრებულში, პირველი გამოცემისაგან განსხვავებით, მიზნისდა შესაბამისად რამდენიმე ცვლილებაა შეტანილი. ეს ცვლილებებია: 1. გამოტოვებულია 30 ზღაპარი (ძვ. გამოცემის № № კახური 6, 11, 26, 29, 31, 34, 38, 39, 43, 44, 45, 46, 48 49 51, 53 54

55, 58, 62, ფშაური 1, 3, 10, 11, 14, 18, 20, 23, 24 და 25),  
2. ასევე გამოტოვებულია ზღაპრის ტრადიციული რელიგიურ-  
ხოტბითი დასაწყისი და 3. შეტანილია ორთოგრაფიული ხა-  
სიათის შესწორებები (ტექსტი მოამზადა ანა ლვინიაშვილმა).  
მომავალ წელს გამოიცენა ქართლში შეკრებილი ზღაპრები.

მის. ჩიქოვანი



კახეთში  
შეკრებილი  
გლეხები







## ქმარი

იყო და არა იყო რა, იყო ერთი ცოლი და ქმარი, ერთი ღვთის საწყლები, უქონლები, ღარიბები, მაგრამ ფეტვივით შრავალი შვილები კი ჰყავდათ. იმათ შვილები სუ ცერისოდენები ძლივს იყვნენ.

ერთხელ ქმარი სამკალს იყო, მუშები ჰყავდა, ცოლი კი ზურს აცხობდა. შემოეხვივნენ შვილები დედას და დაუწყეს ყვირილი და ძახილი: „დედავ, კვერი დაგვიკარ, კვერიო“. დედამ იფიქრა: ამათ რო ყველას თითო კვერი ჩაუკრა, პურად რაღა გამოვაცხოვო. მოუსვა ცოცხი და ეს ამოდენა შვილებს თონეში კი უკრა თავი... მარტო ერთი ცერა ცოცხში შემძვრალიყო და გადარჩა სიკვდილს. ტირის დედა: აქამდი ბევრი შვილები მყავდა, იმასა ვჩიოდი, ახლა ღმერთი გამიწყრა და ერთიც აღარა მყავს; ვისლა უნდა წავაღებინო პური მუშებისთვისაო.

გაიგონა ცოცხში მჯდომმა ცერამ დედის ტირილი, გამოყო თავი და დაუძახა დედას:

— დედავ, მე კიდევ გადავრჩი, მუშებს სადილს მე წავუღებ, თუ კვერიას ჩამიკრავო.

— გამოდი, შვილო, კვერიას როგორ არ ჩაგიკრავ, ოღონდ შენა მყავდე ცოცხალიო,—უთხრა დედამ ცერას.

დედამ კვერია დაუკრა, დაკლა ქათამიც და მოუმზადა სადილი. ცერას სული წაუვიდა ქათმისათვის, გადაჰყლაპა საჩქაროდ, თვითონ კუჭში შეძვრა და დაიშალა. ეძებს კიდევ დე-

და, ჩივის და ტირის: მე ქათამი არ მაჯავრებს, ნეტავი შვილი არ დამქარგვიყოფო.

ღედის სიტყვები რომ გაიგონა, ცერას გული მოეცა:

— აქა ვარ, ღედი, აქაო! — დაუყვირა ღედას კუჭიდან. გამოძვრა ცერა; აუკიდა ჯორს ღედამ მუშების სადილი. და გაისტუმრა. ცერა ჯორზე ვერ შეჯდა, — ყურში ჩაუძვრა და შოიკალათა. მიგოგავს ჯორი გზაზედ. ცერა ჯორის ყურში თბილად ზის და იმღერის...

გზაზე ერთი კაცი მოდის, სამი ცხვარი მოჰყავს; დაინახავს აკიდებულ ჯორს, მოეწონება და იტყვის: მოდი ამ ჯორს. წავიყვან, ბარკს კი მოვიხმარებ, ვინ გაიგებსო.

გაიგონა ცერამ მგზავრის სიტყვები და დაუყვირა:

— რას ამბობ, კაცო, ჩემი კვერია ხახაბი, ჩემი ქათამი ხახაბი, შენც ახახაბიო (ე.ი. ჩაგყლაპავო). ამოხტა ჯორის ყურიდან და დაუდგა გზაზე.

— ცერავ, გზიდან ჩამოგვეცალე, — დაუძახა მგზავრმა, — ცხვრებმა ფეხი არ ჩაგკრან და მოგკლანო.

გაულო ხახა ცერამ და გადაყლაპა მგზავრიც და იმის ცხვრებიც, თვითონ ისევ ჯორის ყურში შეძვრა, მიდის და მიიმღერის.

წინ ერთი ცხენიანი კაცი მოდის, სიმღერა ესმის, იხედება ირგვლივ, არავინა ჩანს მომღერალს, ეშმაკი ეგონა; ბოლოს ჯორი დაინახა, მოეწონა და წაყვანა მოინდომა. ამოხტა ჯორის ყურიდან ცერა და დაუყვირა მგზავრს:

— ჯორს თავი დაანებე, თორემ ჩემი კვერია ხახაბი, ქათამი ხახაბი, კაცი და ცხვრები ახახაბი, შენც ახახაბიო.

— რას ამბობ, ცერავ, — უთხრა მგზავრმა, — გზიდან ჩამოგვეცალე, ცხენმა წიხლი არ ჩამოგკრასო.

გაჯავრდა ცერა, გაულო ხახა და გადაყლაპა ცხენიანი კაცი. მიდის ცერა და მიიმღერის. ერთი მეძროხე შეხვდა. ნახა ჯორი და სთქვა: ჯორს მოეხდი, სადილს მივირთმევე და წავალო.

გაიგონა ცერამ, სისხლი აემღვრა და შეუტია მეძროხეს:

— გზიდან ჩამომეცალე, თორემ შენც ჩემ კვერიასთან, ქათამთან, ცხვრებთან და ცხენიან კაცთან ჩაგალაგებო.

— ცერავ, ძროხებს გზა უყავ, ფეხი არ დაგადგანო, — დაუ-  
ძახა მეძროხემ.

— მეძროხევე, ჰკვიანად მოიქეცო, — დაუძახა ცერამ, — თორემ  
ინანებ. გაულო იმასაც ხახა და ჩაბრძანა თავის ძროხებით  
ცხვრებთან...

წამოვიდა ცერა და მიუტანა პური მამას. მამამ სახლში  
გაგზავნა: დედას საქმე ექნებო. ცერამ დანა მოჰპარა მამას  
და წამოვიდა. სახლში ერთი ხარი ჰყავდათ, ერთი ქვევრი  
ღვინოც ჰქონდათ. დედას უთხრა:

— მამამ დამაბარა, ეგ ხარიც დაკალით და მაგ ქვევრსაც  
ახადეთო. — დაკლეს ხარი, მოჰხადეს ქვევრსაც.

ცერამ წაიღო მამასთან ერთი მუგზური, მისცა მუშებს და  
უთხრა:

— ვინც უფრო ბევრს დაჰწვავთ, იმას უფრო კარგ კერძს  
გაგიკეთებთო. — მოუკიდეს მუშებმა ყანას ცეცხლი და სულ  
ერთიანად გადაბუგეს.

სალამოზე დაბრუნდნენ. მშვენიერი ვახშამი დახვდათ. ერთ  
მუშას, რომელსაც უფრო ბევრი ყანა დაეწვა, ცუდი კერძი  
ერგო და დაიძახა:

— აქი იმას ამბობდით, ვინც უფრო ბევრს დასწვავს, იმას  
კარგ კერძს მიეცემთო. — ეს სიტყვები ცერას დედამ გაიგონა;  
ელდა ეცა:

— ი ყანა ხო არ დაჰწვითო? — ჰკითხა ქმარსა.

— ეს ხორცი საით იშოვნეო? — ჰკითხა ქმარმა ცოლს.

გაიგეს თუ არა ცერას ეშმაკობა, მისდგნენ და შიბერტყეს,  
სცემეს და გამოაგდეს.

წავიდა ცერა გზას. ბევრი იარა, ცოტა იარა, ნახა ერთი  
ცხვარი, დაკლა და შექვამა, ერთი ნაჭერილა დარჩა. შიგ შეძ-  
ვრა და დაიძალა. მოვიდა მგელი, გადაყლაპა ხორცი და  
წავიდა. დადის მგელი, მიეპარება ცხვრებს, უნდა მოტაცება,  
მაგრამ ცერა დაიწყებს მუცლიდან ყვირილს: მოვიდა მგელი,  
მოვიდა მგელიო! და გააქცევენ მგელს. დარბის მგელი შიმში-  
ლისაგან გაცოფებული, ხან სად ეხლება კლდეს და ხან სად.  
მგელი ხან აბოყინებდა, ხან რასა შვრებოდა და ხან რას. უნდო-  
და ამოეგდო და გაეგო რა ჩაყლაპა. ბოლოს მგელი შიმში-  
ლით მოკვდა. ცერა კი ამოძვრა და გაუდგა თავის გზას.

ცერა გზაზე ერთ ქურდს შეხვდა:

— გამარჯვება! ვინ ხარ? სად მიდინხარო? — ჰკითხა ქურდს ცერამ.

— გაგიმარჯოს! ქურდი ვარ, საპარავად მივდივარო! — უპასუხა ქურდმა.

— მეც დიდი ქურდი ვარ, — ეტყვის ცერა, — გამიამხანადი, მე მოვიპარავ, ვერავინა მნახავს, და შენ კი ზილდე მარტო, ხეირი ვნახოო.

— ძალიან კარგიო, — უთხრა ქურდმა და წავიდნენ საქურდავად.

შეიპარნენ ერთ წახლში. გამოზიდეს რასაც მოერეოდნენ. მოიკიდა ქურდმა და მოძუძგა. ცერა კიდეც ყორეში შეძვრა და დაიწყო ყვირილი: ქურდმა სახლი გაქურდა, ჩქარა დაიქირეთო.


გამოეკიდნენ ქურდს და მოკლეს. ამნაირად ოთხი ქურდი მოაკვლევინა ცერამ. ბოლოს ერთი ხარი და ფური იშოვა და დაბრუნდა თავის დედ-მამასთან.

ეხლაც ტკბილად ცხოვრობს და ეს თავის ამბავიც იმას გამოეგზავნა ჩემთვის.

ქირი იქ დავაგდე,  
ლხინი აქ მოვიტანე.  
ქატო იქ დავაგდე,  
ფქვილი აქ მოვიტანე.







## ერთი ხელაღის აგბავი

: იყო და არა იყო რა, იყო ერთი ხელაღა. წავიდა საქურ-  
დალად, ღვინო უნდოდა მოეპარა. ბევრი იარა, ცოტა იარა,  
შემოხვდა ერთი კვერცხი.

- გამარჯვება!
- გაგიმარჯოს!
- საითკე გაგიბეღია?
- ღვინის მოსაპარად!
- მეც შენი ამხანაგი ვიქნები!
- ძალიან კარგიო.

გაუძმობილდა, და წავიდნენ. მიდიან. წინ ერთი მახათი  
შეხვდათ.

- გამარჯვებათ!
- გაგიმარჯოს!
- სად მიდიხართ?
- ღვინის მოსაპარად.
- მეც თქვენი ამხანაგი ვიქნებიო.
- კარგიო. — გაუამხანაგდა და გაუდგნენ გზას. ბევრი  
იარეს, ცოტა იარეს, შემოეყარათ ფილთაქვა.

— გამარჯვებათ თქვენი, — მიამახა ხელაღას, კვერცხს და  
მახათს.

- გაგიმარჯოს, — უპასუხეს იმათ ერთხმად.
- სად მიდიხართ?
- ღვინის მოსაპარად!

— მაშ მეც გამიამხანაგეთო.

— ძალიან კარგო. — წავიდნენ, ოთხნი მიდიან. წინ ერთი მგელი შემოხვდათ.

— გამარჯვებათ!

— გაგიმარჯოს!

— საითკე?

— ღვინის მოსაპარად.

— მაშ მეც მიამხანაგეთო.

— ძალიან კარგო. — გახდნენ ხუთნი და ხუთივემ გასწიეს ღვინის მოსაპარად, სადაც ეგულებოდათ. შევიდნენ სახლში. კაცს ეძინა. მგელი კარებს უკან აიტუზა; მახათი კარებში ჩაერქო; კვერცხი ცეცხლში ჩაეცხო, და ფილთაქვა საკიდელზე შეჯდა. საღვინე ქვევრში ჩაძვრა და დაიბუყბუყა: „სახლის პატრონო! არიქა, ღვინო მოგპარესო!“ წამოფრინდა სახლის პატრონი; მივარდა ცეცხლს, — უნდა აენთო. გატყვრა კვერცხი და ცხელი ნაცარი თვალებში კი შეაყარა. ფილთაქვა ჩამოვარდა და თავში დაეცა. კაცი კარებისაკენ გაიქცა. კარებში ფეხში მახათი შეერქო და წაიქცა. მგელმა კიდევ პირი დააგლო და გააქცუნა ტყეში! საღვინემ ღვინო ამოიღო და წავიდა სახლში. მორჩა და გათავდა თქვენი მტერი და ღუშმანი!





## ორი შაური ალალი, თუ ორი თუბანი არაში

ერთხელ ძველ საქართველოში საშინელი შიმშილობა ჩამოვარდა. არც პური მოვიდა, არც ვაზმა მოიბა მარცვალი და არც ხეს გამოუღია ყვავილი.

შიმშილისაგან გაცოფებული ხალხი ერთმანეთსა სკამდა. მინდორში რომ ვაქვაცი ვაქვაცს შეჭხვედრიყო, ეცემოდნენ ერთმანეთს, იბრძოლებდნენ და, რომელიც დაჭრედა, ის შესკამდა. ყმაწვილები და დედაკაცები ხომ სულ დაქამეს.

ხალხი ძალიან შეთხელდა. გადარჩა მარტო ერთი ბებერი თავის შვილით. იმათ ერთი წლის სარჩო კიდევ ჰქონდათ, ისხდნენ სახლში და გარეთ თავს არა ჰყოფდნენ. ბოლოს რომ მიასუსტეს სასმელ-საქმელი, შვილმა უთხრა დედას:

— დედავ, დრო მიდის, სასმელ-საქმელი გვითავდება, თუ არ წაველ სადმე, ჩვენც გვეწვევა შიმშილი, და ან მე შეგკამ შენ და ან შენ მე. წაველ მე სადმე, ვიმუშავებ, ვიშოვი ორ გროვს და დავბრუნდები ისევ შენთანო.

გამოეთხოვა შვილი დედას და წავიდა ბედის საძებნელად. ბებერი იარა, ცოტა იარა, მოვიდა ერთ ქალაქში. დადის ქუჩებზე და ხან სად შეიხედავს და ხან სად: ეძებს სამუშაოს. ბოლოს ერთი სომეხი შეხვდა:

— რას ეძებ, შვილო, რა დაგიკარგნიაო, — ჰკითხა სომეხმა.

— ჩემ ქვეყანაში შიმშილობაა, წამოველ, მინდა მოჯამაგირედ ვისმე დაფუდგეო, — უპასუხა ვაჟმა.

ვაქარმა უთხრა: — ჩემთან წამოდი, შეილო, დამიდეგ კიდეც და ფასზედაც მომირიგდიო. — გაჰყვა ვაჟი.

ვაქარმა ჰკითხა: — რა მოგცე, რომელს ირჩევ, ორი შაური ალალი, თუ ორი თუმანი არამი?

— ორი შაური ალალი მირჩევნიაო, — უპასუხა ვაჟმა.

დაუდგა ერთს წელს ვაჟი ვაქარს და ისე ერთგულად მუშაობდა, რომ სამი წლის სამუშაოს ერთ წელში აკეთებდა. წელიწადი რომ გათავდა, გამოართვა ორი შაური და წავიდა ბაზარში. იქ თავის ქვეყნის ნაცნობები ნახა. მივიდა მათთან და უთხრა:

— თქვენი ჰირიმეთ, ორი შაური ვიშოვნე ერთ წელს, და დედაჩემს ვერ წაუღებთო?

— რატომო, — უთხრეს სოვდაგრებმა.

ამ დროს გვერდზე ვაშლები ჩამოუტარეს. ვაჟს ძალიან მოეწონა ვაშლები და ჰკითხა:

— რა ღირს გირვანქა ვაშლიო?

— ორი შაურიო, — უპასუხა ვაშლის პატრონმა.

ააწონინა ვაჟმა ერთი გირვანქა ვაშლი და მისცა ორი შაური. გირვანქამ ოთხი ვაშლი აიწონა. ერთი თვითონ შექამა და სამიც დედას გაუგზავნა. ისევ ძალიან და ძალიან შეეხვეწა სოვდაგრებს, რომ ნუ დაუქარგავთ, მიუტანეთო.

წავიდნენ სოვდაგრები. ვაჟი ისევ ვაქარს დაუდგა იმავე ფასად. სოვდაგრები ერთ სახელმწიფოში მივიდნენ. ერთ ბებერთან დადგნენ. გამოჰკითხეს ქალაქის ამბავი და ჰკითხეს:

— რა არის ამჟამად უფრო საგულისნმო ამ ქალაქშიო?

ბებერმა უთხრა: — ჩვენ ხელმწიფეს ერთი ვაჟი ჰყავს, ისიც ავად არის, კვდება და მეშველი კი არავენ არის. ამბობენ, იმან რომ ვაშლი ქამოს, მაშინვე მორჩებაო, ჩვენს სახელმწიფოში კი არსად არ არის ვაშლიო.

სოვდაგრებმა თქვეს: — იმ ვაჟმა რომ ვაშლები გამოგვატანა დედასთან, ვცადოთ, იქნება უშველოს, მოგვცეს რამე, იმის დედისთვის კარგიაო.

ბებერს უთხრეს: — შენ წადი, ხელმწიფეს მოახსენე, თუ რასმეს მოგვცემს, ვაშლი ჩვენა გვაქვს, ჩვენ მოვარჩენთო.

წავიდა ბებერი და მოახსენა ხელმწიფეს. ხელმწიფემ დაიბარა სოვდაგრები და ჰკითხა: მომირჩინე შეილსაო?

სოვდაგრებმა უთხრეს: — ჩვენ კი ვცდით და მორჩენა ღმერთზეაო.

გაუჟკრეს ერთი ვაშლი და შეაჭამეს ავადმყოფს. ცოტა ხანმა გაიარა და ავადმყოფმა აიწია. გაუჟკრეს მეორე და ისიც შეაჭამეს. ავადმყოფი ძალაზე მოვიდა. შეაჭამეს მესამე და სრულებით გასაღდა. ხელმწიფემ იფიქრა: ახლა ამათ რომ საფასე მივცე, იქნება ითვალთმაქცეს, მორჩენა ტყუილად მომაჩვენეს და არ მოარჩინეს კიო. სოვდაგრებს უთხრა:

— ეს ორი კვირა აქ დარჩით, თუ ორი კვირის განმავლობაში ჩემი შეილი ისეთივე საღ-საღამათი იქნება, როგორც ახლა, მერე მე ვიცი, რასაც მოგცემთო.

დარჩნენ სოვდაგრები იქ ორი კვირა. რა უჭირდათ? კარგსა სვამდნენ და კარგსა სჭამდნენ. ორი კვირა გავიდა. ხელმწიფის შეილი უფრო კარგ ჯანზედაც იყო. მაშინ აუკიდა ორმოცი ჯორ-აქლემი ოქრო-ვერცხლი, თვალ-მარგალიტი და მისცა ხელმწიფემ სოვდაგრებს.

სოვდაგრებმა წამოიღეს და წამოვიდნენ. სოვდაგრებმა თავის სიტყვა არ გატეხეს. ვაჟის დედას მიუტანეს ის იმოდენა სარჩო და უთხრეს:

— ეს შეილმა გამოგიგზავნა და შემოგითვალა: ჩვენს ნასოფლარს გარს გალავანი მოაეღე, დუქან-ბაზარი გააშენე, კარგი სასახლე დადგი, საყდარი ააშენე, ხალხს ლუკმაპური გაუჩინე, და მალე მეც მოვალო.

დედაკაცი დალონდა: როგორ ავაშენოო. სოვდაგრებმა გამოართვეს ფული და ორ-სამ დღეში ისეთი ქალაქი გამართეს, რომ იმისთანა არც არაფერი კი არ იყო. ვაჟის დედას მშვენიერი სასახლე დაუდგეს და დასვეს დედოფლად. ხალხსაც ლუკმაპური გაუჩინდა და აიწია წელში...

გავიდა მეორე წელიწადი. გამოართვა ალას ვაჟმა ორი შაური და წავიდა სახლში. თქვა: ბაზარზე ჩავივლი, ორი შაურით რასმე ვივაჭრებ, დედას წავეულებ და გავახარებო. ბაზარში. პატარა ბიჭებს ერთი გოშია დაჰყვანდათ გასაყიდად.

ვაეს მოეწონა გოშია და შეევაკრა. ორი შაური დაუფასეს. მისცა ვაჟმა. წამოიყვანა გოშია და წამოვიდა.

მინდორზე მოდის. წყალი მოსწყურდა, ერთი რცხილა დაინახა, მშვენიერი მწვანე. მივიდა და ცივი წყაროც გამოიჩინებდა. დაჯდა ვაჟი, დალია წყალი. საგძალი ეღო, ამოიღო, თვითონაც ქამა, გოშიასაც აქამა, ადგა და წავიდა. მაგრამ გოშია აღარ გაჰყვა: ებღატება გოშია რცხილაზე, წკმუტუნებს, ჰყეფს და არის ერთ ამბავში. ეძახის ვაჟი: წამოდი, წამოდიო, მაგრამ ტყუილად, გოშია ჰყეფს და წკმუტუნებს. ბოლოს ვაჟმა თქვა: იქნება იმ ხეზე ან ხორცი იღოს, ან საკმელი სხვა რამ, წავალ, ჩამოვუგდებ და შევაკმევო.

მივიდა რცხილასთან. ავიდა ზედ და რცხილაში ერთი შეხერეტილი დაინახა. შეიხედა და შიგ ერთი თასი დგას. გაუხარდა საშინლად ვაჟს, გამოიღო თასი, ჩავიდა წყალზე და დალია. დალია და დადგა. აივსო თასი ვერცხლით. დალია კიდევ, და აივსო კიდევ თასი. ჩაიდგა უბეში ვაჟმა და წამოვიდა.

იარა, ბევრი იარა, ცოტა იარა, მოადგა ერთ ჭადარს. ძირს მშვენიერი წყარო გამოუდიოდა. გვერდზე ხელმწიფის სახლი იდგა. მივიდა ვაჟი წყალთან, ამოიღო თასი, დალია და ვერცხლი პირზე კი გადაეშალა. ფანჯარაში ხელმწიფის ქალი მჯდარიყო და ეცქირნა ვაჟისათვის. ქალს ვაჟი ძალიან მოეწონა, მაგრამ უფრო მეტად იმისი თასის შეძენა მოიწადინა. მოსამსახურე ქალი გაუგზავნა და შეუთვალა:

— არ გაჰყიდი მაგ თასს, ყმაწვილო, ან რას გამოგვართმევო?

ვაჟმა მოისმინა რა ქალის შემოთვლილი, უპასუხა:

— ფულზე მე ამას არ გავეყიდი, რადგანაც ვერცხლიც ამას მოაქვს და ოქროცა, და თუ ცოლად გამომყვება, კი დავეთმობო.

წავიდა მოახლე და მოახსენა ესე ხელმწიფის ქალს. ქალი ჯერ უარზე დადგა, მაგრამ ბოლოს ისევ დათანხმდა. ვაჟი ისეთი არ იყო, რომ არ მოსწონებოდა. მოახლეს უთხრა: წადი და ვაჟს უთხარ: ამაღამ აქ ამოდი, ყარაულებს შემოეპარე ჩუმად. მე ფანჯრიდან სარტყელს ჩამოგაწვდი, იმას მოეკიდე და ისე ამოდიო.

რომ დაღამდა, ვაჟი წავადა ქალთან. შეიპარა ფეხაკრეფით ქურდულად სასახლეში და ესროლა კენჭი ქალის ფანჯარას. ჩამოუშვეს სარტყელი და აიყვანეს ვაჟი. ხელმწიფემ გაიგო, რომ ჩემს ქალს უღალატნია ჩემთვის და გაპარვა დაუპირებიაო. მაშინვე უბრძანა, რომ იმისი ქალიც და იმის სასიძოც გაეყვანათ და დაეხოცათ მინდორზე.

წაიყვანეს ქალი და ვაჟი. გოშია მისდევს უკან და წკმუტუნებს, უღგება წინ ქალს და არ უშვებს.

— რა გინდა, გოშიავ, რალა შენი გული გვაქვს, მოსაკლავად მიგყვართო.

გოშიამ ენა ამოიღვა და უთხრა:

— წადი, მამაშენს შესტირე, მამავ, ნებიერობას დაჩვეული ვარ, ეგ დედაჩემის ძველი ხალიჩა, რომ გაქვს, ეგ მოგვეცი, სანამ დაგვხოცვენ, მაგაზე დავსხდებით-თქო.

ქალმა მართლაც ისე ქნა, როგორც გოშიამ უთხრა. გამოსთხოვა ხალიჩა და გაჰყვნენ. ხალიჩა ისეთი იყო, კაცი რომ ზედ დამჯდარიყო და ეთქვა: აქა და აქ წაიყვანეო, აფრინდებოდა, ასწევდა და წაიყვანდა.

გავიდნენ მინდორზე და ქალმა სთხოვა ხალხს:

— უკანასკნელად მაინც დაგვევით ერთად მე და ჩემი საქმრო სიკვდილის წინ, რომ ასე დავიხოცნეთო.

კაცები რას იფიქრებდნენი დასხეს ერთად და გაუშალეს ხალიჩა...

— აბა, ხალიჩავ! გასწი დედაჩემთან! — უთხრა ვაჟმა ხალიჩას. ასწია ხალიჩამ და ჰერი! დარჩნენ ხახა ცარიელები ხელმწიფის კაცები.

მოფრინდა ხალიჩა ვაჟის ქალაქში და ჩამოეშო სასახლის წინ. აი აქეთ ეცნენ, იქით ეცნენ, რა ვაჟის მოსვლა შეიტყვეს შეიყვანეს დედასთან. გადაკოცნეს ერთმანეთი და დედამ ყველაფერი უამბო, ქალაქი როგორ ააშენეს. გახდა იმ ქალაქის ბატონი ვაჟი და ღღესაც ტკბილად ცხოვრობენ.

ქირი იქა, ლხინი აქა,  
ქატო იქა, ფქვილი აქა.



## სამი ძმისა

იყო და არა იყო რა, იყო სამი ძმა, ლარიბები და საწყლები საშინლად. არათერი არ ებადათ ღვთის განაჩენი, შიმშილით კუჭები ახმებოდათ და სიცივით ზურგები აძრებოდათ. ძმებმა სთქვეს: ყველანი რომ შინ ვიყვნეთ, რა უნდა ვქამოთ, ავდგეთ, ზოგი საღ წავიდეთ და ზოგი საღ, ლუკმა მაინც ვიშოვნოთ.

აღგნენ მართლაც, და წავიდნენ სამუშაოდ. იშოვეს ცოტა რამ, მოიტანეს და დაიწყეს ცხოვრება. ისიც რომ გაუთავდათ, უმცროსი ძმა გამოაგდეს: წადი შენთვის, რაც გინდა ჰქენიო.

წავიდა, მართლაც, უმცროსი ძმა. ბევრი იარა, თუ ცოტა იარა, ერთ ადგილას დაისვენა; გაიხედა და დაინახა, რომ ერთ გორასქვეშ ყაჩაღები დგანან. ერთკენ ოქრო უგროვიათ, მეორე ადგილას ვერცხლი, სხვაგან თვალი და მარგალიტი და ათასი სხვა რამ უნჯი. უგლო უმცროსმა ძმამ ყური ყაჩაღებს, აბა რას იზმენო. ყაჩაღებმა მოტანილი ოქრო-ვერცხლი აწყეს, დააყარეს წინანდელს და უთხრეს გორას:

— გორავ გაიხსენო.— გორა გაიხსნა. შეიტანეს შიგ.

— დაიკეტე ისევაო,— უთხრეს. გორამ პირი შეკრა; და წავიდნენ სადავლოდ.

ისინი რომ გაიგულა, უმცროსი ძმა მივიდა: გაიხსენიო, — უთხრა გორას. გორა გაიხსნა, ჩაიყარა გულაში ოქრო-ვერცხლი, თვალ-მარგალიტი და წამოიღო. გამოიტანა. გორას



უთხრა: შეიკარიო. გორა ისევ შეიკრა; და გახარებულმა გასწია სახლში.

მივიდა შინ, გამოართვა ლიტრიანი ძმებს, ასწყა თვალმარგალიტი და ლიტრიანი ისევ წაუღო. სულ ზუთი ლიტრა გამოუვიდა. გამდიდრდა უმცროსი ძმა. მიდის თან და ისევ მოაქვს ცხენ-ჯორებით.

ერთხელ ძალიან ბევრი მოიტანა. ძმებს ისევ ლიტრიანი სთხოვა ასაწყყად. უფროსმა ძმამ თქვა: მოდი ერთი გავიგებ, რასა სწყყავს, რა აქვს მაგდენიო. მოუსვა ლიტრიანს ძირზე ერბო, რომ ან ზედ მიეკრას, ან დააჩნდეს, რასა სწყყავსო, და მისცა.

ასწყო უმცროსმა ძმამ მოტანილი სარჩო, და ის კი ვერ შენიშნა, რომ ლიტრიანს ძირზე მარგალიტები მიეკრა. დაუბრუნა ლიტრიანი უფროს ძმას და მადლობაც გადაუხადა. უფროსმა ძმამ თქვა: ჰო, ახლა კი გავიგე, რაც უზიდნია მაგას. წავალ, ვკითხავ, საიდან მოაქვს და შეც წავალო. უმცროსმა ძმამ უთხრა:

— ძმაო, იქიდან მოტანა საკირო აღარ არის, ისინი შენ მოგასწრობენ, ჩემი მოტანილი თავსა გვდისო.

გაჯაერდა უფროსი ძმა:

— რას ამბობ, 'ეგ რომ მინდოდეს, არც შენთან მოვიდოდიო. უმცროსმა ძმამ უთხრა:

— კარგი, წადი, შენ, ამა და ამ ადგილას. რომ ერთი გორაა იქ მიდი, იმას უთხარი: გორავ, გაიხსენი-თქო. გორა კარს გიზამს. შედი, გამოიტანე, რამდენიც გინდოდეს და წამოდიო.

უფროსმა ძმამ წაასხა უთვალავი ჯორ-ცხენები და წავიდა მოსატანად. მიდის გზაზე და იმეორებს: გორავ გაიხსენიო, გორავ შეიკარიო. მივიდა. უყო კარი გორამ, და შევიდა. ასწყო იქ ოქრო-ვერცხლი, ჩაყარა ტომრებში, და აკი დაავიწყდა: გორავ, გაიხსენო, დარჩა იქ.

მოვიდნენ ყაჩაღები, ნახეს ქურდი შიგ, გასკრეს ეს უფროსი ძმა ოთხად და ყოველ მხრივ დაუყუდეს ოქრო-ვერცხლს. ელიან ძმები უფროს ძმას. აღარსადაა ის. ყაჩაღებს კიდევ ისა ჰქონდათ გულში იმ კაცს ოთხად რომ სკრიდნენ, რომ ამის

პატრონი მოვა, ნათესავი ვინმე ეყოლება, წაიღებს, და ჩვენ გავიგებთ მერე, ოთხადგაჭრილი მკვდარი ვინ დამარხაო.

ელოდებიან ძმები უფროს ძმას, მაგრამ აბაა! ბოლოს უმცროსი ძმა ადგა, წაასხა ჯორ-აქლემები და წავიდა. მივიდა გორასთან:

— გორავ, გაიხსენიო, — მიაძახა. გორა გაიხსნა, შევიდა შიგ, ნახა მკვდარი კაცი. მაშინვე ჩააწყო საცალოში, ჩაყარა თვალ-მარგალიტიც, გამოვიდა და წამოვიდა. მოვიდა შინ და შეუდგა დასაფლავების თადარიგს. წავიდა, ერთ ხარაზს ათი თუმანი მისცა, წამოიყვანა თვალმბახვეული, შეაკერინა ერთი დიდი ტყავის პერანგი, შიგ ჩაყარა გაჭრილი ძმა და ისე დამარხა.

მივიდნენ ყაჩაღები ადგილას, ნახეს: აღარც კაცი, აღარც თვალ-მარგალიტი. მაშინვე იქით ეცნენ, აქეთ ეცნენ, ერთი ძებნა, ერთი ამბავი. ბოლოს იმ ხარაზს შეხვდნენ. ხარაზმა უთხრა, რომ ერთ კაცს მე შევეუკერე ოთხად გაჭრილის კაცის სულარა, თვალები ამიხვიეს და ისე წამიყვანესო. ყაჩაღებმა უთხრეს:

— უნდა გამოგვყვე და გვაჩვენო ის სახლიო.

ხარაზმა უთხრა: — თვალახილული ვერ გავიგებ გზას, თუ თვალებს ამიხვევთ და ისე წამიყვანთ, იქნება კი გავიგოვო.

აუხვიეს ხარაზს მაშინვე თვალები და წაიყვანეს. ხარაზმა იარა ანდით, იარა და მოვიდა იმ კარებზე, სადაც ის ამბავი იყო. ეს საქმე ღამე ჰქნეს, რომ არ შემოიყოთ სახლი, კარებზე ნიშანი დაადეს და წავიდნენ...

ძმები ძალიან ფრთხილობდნენ. ერთი მოსამსახურე ქალი ჰყავდათ, ის გამოვიდოდა ხოლმე და დაათვალიერებდა კარებსაც და სახლსაც, ხომ არაფერია ისეთი საზიანოვო. იმ დილასაც გამოვიდა ძალიან ადრე, ნახა, რომ ალაყაფის კარებზე რალაც ნიშანია, მაშინვე გაიქცა და ყველა კარებს ის ნიშანი გაუქტა.

მოვიდნენ ყაჩაღები იმათ დასახოცად, ნახეს, ყველა კარებს ნიშანი აქვს. მოგვიგეს საქმეო და დაბრუნდნენ სახლში. სხვანაირად მოვიქცეთო. ადგა ერთი ბებერი ყაჩაღი, იშოვა ერთი

დიდი რუმბი, ერთიც ამაზე მომცრო, ჩასხა იმ რუმბში თერთმეტი ყაჩალი, ერთში კი ზეთი ჩაასხა და წაიღო იქ, სადაც ძმები ცხოვრობდნენ. აატარა და ჩაატარა: ზეთი გასაყიდიო. სალამოზე იმათთან დადგა. უფროსმა ყაჩალმა უთხრა იმათ, რომლებიც რუმბში ისხდნენ: მე ჯობეს კენჭებით ავივსებ, თქვენ ფრთხილად იყავით; როცა ამათ დახოცის დრო მოვა, კენჭებს დავაყრი რუმბს, თქვენ ამოცვივდით და დახოცეთო. კაცებიანი ურემი გარეთ დააყენეს.

ეს ამბავი მოსამსახურე ქალმა გაიგო: შეიტყო რა რომ რუმბებში ზეთი არ არისო, ადგა, რომელ რუმბშიაც ზეთი იყო, ჩამოუშო, აადულა, წაიღო და ჩაუშო რუმბში, სადაც ყაჩაღები ისხდნენ, და სულ ერთიან კი დაახრჩო.

შუალამე რომ მოვიდა, ადგა ყაჩალი, დაუწყო რუმბს კენჭების სროლა, მაგრამ ყაჩაღები არ ინძრეოდნენ. მეორე დღეს ჩავიდა, შედგა წიხლებით: თქვე, ოხრებო, რად დაიძინეთ, რომ მე კენჭებს გესროდითო. მაგრამ ყაჩაღები მკვდრები ნახა. ადგა და წავიდა. ვერც ეს მოუხერხდა. ბოლოს ადგა, ჩაიცვა ვაჭრულად, წაიყვანა თავის შვილი, წაიღო სავაჭრო; ვაჭრობს და ნახევარს მუქთად ურიგებს. ბოლოს ძმებმა თქვეს:

— ეგ კაცი რამდენს აძლევს მუქთად და არავინ კი არ ეპატიეება სახლში, ჩვენ დავიპატიეთო. დაიპატიეეს. მშვენიერი ვახშამი აქამეს. ვახშამზე სხედან. მოსამსახურე ქალი იქ არის. ულესს კბილებს ყაჩალი ქალს, უნდა როგორმე მოიშოროს თავიდან, რომ დაატყუოს ძმები და ამოიყაროს იმათი ჯავრი, მაგრამ ქალი არა შორდება, დაჯდება და დაიწყებს ტკბილ სიმღერას. მოჰყვება ბაიათებს.

ძმები უიარალოები სხედან, ყაჩალი და იმის შვილი აბჯარით არიან შელესილნი.

— საჭირო არ არის ბაიათები, ჩვენ მაგდენი პატივისცემის ღირსნი არა ვართ, ქალს ნუ აწუხებთ, წავიდესო.

— არა მიშავს, — ეტყვის ქალი, — ხანჯლები მომიტანეთ, ხანჯლებზე ვითამაშებო.

მოატანა ხანჯლები. დაუკრა დაირა და დაუარა. ატრიალებს ხანჯლებს, ივლებს ფეხებში; და უცებ გაიღვევს

ხანჯალი, და ყაჩაღების თავები გაგორდებიან იატაკზე. ეცემიან  
ძმები ქალს და წაუჭერენ ყელში:

— რად ჰგმე პურ-მარილი, სტუმარი რად მოგვიკალიო!

— არა უშავს, — უთხრა ქალმა, — ეგენი იმის ღირსნი  
იყვნენო, — და მოუყვა ყველაფერს, რასაც ძმები ხედავდნენ და  
ვერ იგებდნენ, ესმოდათ და ვერ არჩევდნენ...

ჭირი იქა, ლხინი აქა,  
ქატო იქა, ფქვილი აქა.

ელასა — მელასა,  
ჭიქა შეკიდა ყელასა...  
შთქმელსაც და გამგონებელსაც  
ძილი გაამოს ყველასა.





## ხ უ თ ქ ე ნ ჭ უ ლ ა

იყო და არა იყო რა, იყვნენ ცხრანი ძმანი. ცხრავე ისეთი ღარიბები იყვნენ, რომ იმათას ვერც არას ცეცხლი დაწვავდა და ვერც არას წყალი წაიღებდა. ნახევარზე მწივრები იყვნენ. ბოლოს თქვეს ძმებმა: წავიდეთ, ან მოჯამაგირედ ვისმე დავუღვრეთ ან კიდევ ვიმუშაოთ, დღიური ლუკმა ვიმოვოთო.

წავიდნენ. იარეს. ერთ ქვეყანაში მივიდნენ. იქ ერთი დევი შეჰხვდათ. დევმა ჰკითხა:

— სად მიდიხართო?

იმათ უპასუხეს:

— სამუშაოდ, ლუკმის საშოვნელად, გვინდა მოჯამაგირედ ვისმე დავუღვრეთო.

დევმა უთხრა:— მე დამიდექითო.

ძმებმა უპასუხეს:— კარგიო.

წაიყვანა დევმა და წავიდნენ. დევს ცხრა ქალი ჰყავდა, აუარებელი საქონელი, ძროხა და ცხენი ჰყავდა. იმ ღამეს დევმა კარგი ვახშამი აქამა, დააწვინა და თვითონ კი დაუწყუო თვალის ჭერა, თუ როდის დაეძინებათო. რვა ძმას სძინავს, ხუთკუნჭულა კი, უმცროსი ძმა, არ იძინებს, ლოგინში წევს და დევზე აქვს თვალი.

— დაგეძინათ?—დაუძახა დევმა.

— არა!—უპასუხა ხუთკუნჭულამ.

— რა არ გაძინებს?—ჰკითხა დევმა.

— შენი ბატების ყიყინიო!—უპასუხა ხუთკუნჭულამ.

მაშინვე წავიდა დევი, გადაყლაპა ბატები და ცოტა მოი-

ცადა.

— დაგეძინა თუ ისევ გღვიძავს?—ჰკითხა ხელახლა დევმა.

— არა!—უპასუხა ხუთკუნჭულამ.

— რა არ გაძინებს?—ჰკითხა ხელახლა დევმა.

— შენი ძროხების ფეხის ხმაო, — უპასუხა ხუთკუნჭულამ.

წავიდა დევი, გადაყლაპა ყველა ძროხა და დაბრუნდა.

დაუგდო ყური, ყველას სძინავს ვითომ.

— დაგეძინა?—დაუძახა ხუთკუნჭულას.

— არა!—უპასუხა ისევ ხუთკუნჭულამ.

— რა არ გაძინებს?—დაუძახა გაცეცხლებულმა დევმა.

— შენი ცხენების კიხვინიო, — უპასუხა ხუთკუნჭულამ.

დევი ისევ წავიდა, ახლა ცხენების დასაქმელად. ამ დროს ადგა ხუთკუნჭულა, აიღო დევის ქალების ტანისამოსი ძმებს დაუწყო, ძმების და თავის ხანჯლები და ტანისამოსი დევის ქალებს, და გაიტრუნა სული, თითქო დაეძინაო. მოვიდა დევი, დაუარა თავის ქალებს, ვაჟები ჰგონია, დასჭრა თავები და დაყარა. ხუთკუნჭულამ ჩააცვა ძმებს ქალების ტანისამოსი, ისინი კი გაისტუმრა, უთხრა: თქვენ წადით, ხილს გადითო; თვითონ იქ დარჩა.

მეორე დღეს ქალად ჩაცმულმა დევს უთხრა:

— ხორცს ჩავეყრი, ის ვაჟები რომ დავხოცვით იმათას, და მეც ჩემ დებთან წავალ, საყდარში წავიდნენო.

— კარგი, წადიო, — უთხრა დევმა.

წავიდა ხუთკუნჭულა, და გავიდა ხილს. დევმა ხორცი ამოიღო, კამა, და აკი ძუძუები ამოუჩნდა. მაშინვე თქვა: ეს ხუთკუნჭულამ მიყოფო. გადააგდო ხორცი და გამოუდგა ხუთკუნჭულას. კარგა გზა გაიარა და დაუძახა:

— ხუთკუნჭულაე! გამასწარ ხიდსაო?

— გაგასწარ და თვალიც მოგთხარეო! — უპასუხა ხუთკუნჭულამ.

ის ხიდი დევისა და ერთი ხელმწიფის საზღვარზე იდო. იმ ხილს დევი ვერაროგოვრ ვერ გავიდოდა და ძალიანაც ეში-

ნოდა, ამიტომ, რაკი ხიდს გავიდა ხუთკუნჭულა, სამშვიდობოს იყო გასული. დაბრუნდა დევი სახლში კბილის კრაქუნით. ძმები კი წავიდნენ და მივიდნენ ერთ ხელმწიფესთან. ახლა იმას დაუდგნენ მოჯამაგირედ. ძმები აუშურდნენ ხუთკუნჭულას, მოინდომეს იმისი მოკვლა. ხელმწიფეს უთხრეს:

— ერთ დევს ერთი თხა ჰყავს, ის თხა გულთმისანია და, რასაც ან ნახავს, ან გაიგონებს, ყველაფერს იტყვის. ის თხა რომ მოიყვანოს, კარგი იქნებაო.

ის თხა იმ დევისა იყო, ვისთანაც ძმები იყვნენ. ხელმწიფემ დაიბარა ხუთკუნჭულა და უთხრა:

— წადი და, ამა და ამ დევს რომ თხა ჰყავს, აქ მოიყვანე, თუ არ მოიყვან, შენი სიკვდილის მეტი, ვერაფერი გიხსნისო.

რას იზამდა ხუთკუნჭულა, ადგა და წავიდა თხის მოსაყვანად. მივიდა დევის სახლში და დაენახვა თხას. თხამ დაუძახა დევს:—ხუთკუნჭულა! ხუთკუნჭულა! გავიდა დევი გარეთ, ეძებს ხუთკუნჭულას. ხუთკუნჭულა კი კარის უკან არის დამალული. ეძებს დევი, მაგრამ ტყუილად. ხუთკუნჭულა კიდევ დაენახვა თხას. თხამ კიდევ დაიძახა: ხუთკუნჭულა! კიდევ ეძებს დევი, მაინც ვერა პოულობს. ბოლოს გაბრაზებული გადისგრის თხას გარეთ. ხუთკუნჭულა დაავლებს ხელს, გაიქცევა და გავარდება ხიდს. დევი იფიქრებს: ბიჭო, იქნება ის ოხერი ხუთკუნჭულა მართლა სადმე იყოს, თხა მომტაცოს და წაიყვანოსო, და გამოიხედა გარეთ. სადღაა თხა! იმის კვალიც იღარ იყო. მაშინვე გამოეკიდა დევი, ირბინა და მიუახლოვდა ხიდს.

— ხუთკუნჭულავ! გახველ ხიდს, თუ არა?

— თვალი კი არ მოგთხარე!—მოაძახა ხუთკუნჭულამ და წაიყვანა თხა. დევი შინ დაბრუნდა გაბრაზებული...

ხუთკუნჭულამ თხა ხელმწიფეს მოუყვანა, და ძმებს კი, რასაკვირველია, ვერაფრად ეპიტნავათ. ხელმწიფეს უთხრეს:

— დიდებულო ხელმწიფევე, მაგ თხის პატრონს ისეთი ხალიჩა აქვს, რომ მისი ფასი დედამიწის ზურგზე არაფერი იქნება. თუ ხუთკუნჭულამ იმისი თხა მოიყვანა, ხალიჩასაც ადრე მოიტანსო.

ხელმწიფემ ისევ დაიბარა ხუთკუნჭულა და უთხრა, რომ შენ უნდა წახვიდე და იმ დევს რომ ხალიჩა აქვს, ის მოიტანოვო.

ხუთკუნჭულას რა მეტი ღონე ჰქონდა. ადგა და წავიდა. ხელმწიფეს კი მოახსენა, რომ ერთი მუჭა ნემს-მახათი ებოძებინა. მისცეს და წაიღო.

ბევრი იარა, ცოტა იარა, მივიდა დევის სახლში. შეიპარა, სადაც ხალიჩა იყო დაგეჭული და დაარქო ხალიჩაში ნემსები. მოვიდა დევი, დაჯდა ნემსებზე—შეერქო, იქით გადაიწია, იქითაც შეერქო, აქეთ გადმოიწია—აქეთაც შეერქო. ბოლოს რაკი ძალიან შეწუხდა, მოავლო ხელი ხალიჩას და გადაუძახა გარეთ. დაავლო ხელი ხალიჩას ხუთკუნჭულამ, გააქცია და გავარდა ხიღს. დევმა იფიქრა: ის ეშმაკი ხუთკუნჭულა კი არ იყოს სადმე და ის ხალიჩა არ წაიღოსო! გამოიხედა, მაგრამ სადღაა ხალიჩა! დარჩა ხახაცარიელი დევი. გამოეკიდა ხუთკუნჭულას და დაუძახა:

— ხიღს გახველი, ხუთკუნჭულავ, თუ არაო?

— გაველ და თვალის მოგთხარეო!—უპასუხა ხუთკუნჭულამ.

მოვიდა და მოუტანა ხალიჩა. ძმებს უფრო აერიათ გული. ხელმწიფეს მოახსენეს: ხუთკუნჭულამ მაგ თხისა და ხალიჩის პატრონიც რომ მოიყვანოს, ძალიან კარგი რამ სახილველი იქნებაო.

დაიბარა ისევ ხუთკუნჭულა ხელმწიფემ და უთხრა: უნდა წახვიდე და ამ ხალიჩის პატრონიც აქ მოიყვანოვო.

— კარგი,—მოახსენა ხუთკუნჭულამ,—მხოლოდ ერთი ხელი იმერულს ტანისამოსი კი მიშოვით და ხუროს იარაღები, რაც რამ არისო.—ხელმწიფემ უშოვნა, ჩაიცვა ხუთკუნჭულამ, აიღო ხელში ხერხი, ერო, ხუსტარა, საწარბელა, შალაშინი და სხვა და გასწია.

ბევრი იარა, ცოტა იარა, მივიდა დევის საბრძანებელში. უცებ დევს შეხვდა ტყეში.

— ოჰ, შენ არა ხარ ხუთკუნჭულაო?—დაუძახა დევმა.

— აი, ასე და ისე მოუვიდეს ხუთკუნჭულას და ჩემი ცოდო ნუ დაუღიოს ღმერთმა,—უთხრა დევს ხუთკუნჭულამ:—



იმ ვერანას ვშველოდი, იმერელი ვარ, არაფერი მომცა, გამო-  
მაგდოო. დევმა მართლა დაუჯერა.

— თუ იმერელი ხარ,—ჰკითხა,—მაშ შენ კაი ხელობა გე-  
ცოდინება, რას გააკეთებ საკვირველსო?

— მე ისეთ კიდობანს გავაკეთებ,—უთხრა ხუთკუნქულამ,—  
რომ შიგ ჩაჯდეს და ფიცარიც ვერ გააგდებინოო.

— აბა, გააკეთეო,—უთხრა დევმა.

საჩქაროდ გააკეთა კიდობანი ხუთკუნქულამ და უთხრა  
დევს:

— აბა, ჩადი, ნახე ძირს გააგდებინებ თუ ვერაო?

ჩაჯდა დევი, ჰკრა წიხლი და გააგდებინა. გააკეთა მეო-  
რედ, ჩასვა დევი და უთხრა:

— აბა, ახლაც გააგდებინებო?

დევმა მართლაც ველარ გააგდებინა, დაულურსმა და  
უთხრა:

— ფეხით არ იარო, ზურგზე აგვიკიდებ და შენ სახლში  
ისე მიგიტანო.

— კარგიო,—უთხრა დევმა.

მოიკიდა ხუთკუნქულამ და ხუსხუს ხელმწიფისაკენ! ხიდა  
რომ გავიდა, დევს გულმა გაუგო.

— აი, გადამიყვანე, განა, ხიდა?!—უთხრა ხუთკუნქულას და  
დაიზიდა, მაგრამ სად წავიდოდა?

წამოიღო ხუთკუნქულამ და მოუყვანა ხელმწიფეს. შეიკრი-  
ბა მთელი ჯარი, ნაზირ-ვეზირი, ხელმწიფე და სხვა დიდებული  
დევის სანახავად. უნდოდათ გაეხსნათ და ენახათ. ხუთკუნქუ-  
ლა კი გაიქცა, წაიღო ერთი მარილის ქვა და ავიდა ერთ  
მაღალ ჰადარზე. იქიდან უცქერის სეირს. ახადეს კიდობანს.  
ამოვარდა იქიდან გაგიჟებული დევი, დაერია ხალხს და ყვე-  
ლა ერთად კი გააქცია თავის ხელმწიფითა და რვა ძმით შავ  
მუცელში. რაკი ყველა მიყლაპ-მოყლაპა, ხუთკუნქულას დაუწ-  
ყო ძებნა და მერე ჰადარზე შეიხედა. იქ მჯდომი ხუთკუნ-  
ქულა დაინახა და დაუძახა:

— ხუთკუნქულავ, მასწავლე, მანდ როგორ ახველო?

— ამ მარილის ქვას ხომ ხედავ?—დაუძახა ხუთკუნქულამ

დევს,—ეს მარილის ქვა გულზე დავიდევ, ამოვფრინდი და ამოველო.

— სად ვიშოვნო მაგისტანა ქვაო?—ჰკითხა დევმა.

— გულადმა დაწექ, მე ჩამოვეუშვებ, გულზე დაგეცემა და ამოხტებიო,—დაუძახა ხუთკუნქულამ.

დაწვა დევი გულადმა. ჩამოუშვა მარილის ქვა, დაეცა დევს და ორად გახვრიტა. ხუთკუნქულამ ამრიგად მოიშორა დევი თავიდან. ჩამოვიდა ხიდან, ის იმოდენა სარჩო იმას დარჩა. გახდა სიმდიდრისა და შეძლების პატრონი; გახდა ქვეყნის ბატონი და პატრონი. აქვს მუდამ ძველი პური და ძველი ღვინო.





## იადონისა და ბულბულისა

იყო და არა იყო რა, იყო ერთი ხელმწიფე. ჰყავდა იმ ხელმწიფეს სამი ვაჟი. ხელმწიფე რომ დაბერდა, შვილები დაიბარა, უნდოდა იმათი გამოცდა, ვინ გამოდგებოდა ხელმწიფელაჯერ უფროს შვილს უთხრა:

— ჩემო შვილო, შეგიძლიან იმისთანა საყდარი ამიშენო, რომ შიგ წუნი ვერავინ იპოვნოსო?

შვილი დაფიქრდა და მოახსენა:

— არა, მამავ, არ შემიძლიან, ვერ ავაშენებო.

ის დაითხოვა ხელმწიფემ. დაიბარა ახლა შუალა შვილი, იმასაცა ჰკითხა:

— შეგიძლიან, შვილო ჩემო, ისეთი საყდარი დადგა, რომ შიგ წუნი ვერავინ იპოვოსო?

— არ შემიძლიან,— უპასუხა შვილმა.

ხელმწიფემ ისიც დაითხოვა. დაიბარა ბოლოს უმცროსი და ახლა იმასა ჰკითხა ისევ ისე, როგორც სხვებს.

— შვილო ჩემო, შეგიძლიან ისეთი ეკლესია ააშენო, რომ ჯარმა-ჯამათმა წუნი ვერაფერში იპოვოსო?

უმცროსი შვილი დაფიქრდა და მერე უთხრა:

— შემიძლიაო.

უმცროსმა ვაჟმა იფიქრა: მე ხომ არ დავუწყებ შენებას, ხელოსნებს მოვკრეფავ და მე თავს დავადგებიო. მართლაც, დაუძახა ხელოსნებს, ვინც კარგი ეგულეობდა თავის სახელ-

მწიფოში და შეუდგენს გებას. საყდარი რომ ააშენეს, დაიბარა ხელმწიფემ მთელი ჯარი-ჯამაათი და გაასინჯა საყდარი.

— შეამჩნიეთ, რა წუნი აქვსო?—უთხრა ხალხს.

ხალხმა წუნი ვერაფერში უპოვა. ის იყო, ხელმწიფე უნდა შესულიყო შიგ საყდარში და წირვა გადაეხდინა, რომ ერთმა ბერიკაცმა ჩამოიარა.

— ოჰ, კარგი საყდარი აუშენებიათ, რომ ცოტა საძირკველში არ იყოს მრუდეო!—თქვა ბერიკაცმა.

ხელმწიფემ გაიგონა ბერიკაცის სიტყვები, დააყენა და უბრძანა.

— აბა, ბერიკაცო, რა თქვი, კიდევ გამაგონე, გაიმეორეო!

— არაფერი მითქვამს,—უპასუხა ბერიკაცმა,—ეგ ეკლესია ძალიან კარგად არის ნაშენები, რომ საძირკველში ცოტა მრუდე არ იყოსო!

გაიგონა ეს სიტყვები ხელმწიფის შვილმაც, დააყენა მუშები და ისევ დააშლენია. ააშენეს უფრო უკეთესი საყდარი. დაუძახა ისევ ხელმწიფემ ჯარ-ჯამაათს და გაასინჯა. ხალხმა მაინც ვერა იპოვა შიგ წუნი. ხელმწიფე შიგ შესვლას აპირებდა, რომ ერთმა ბერიკაცმა ჩამოიარა. შეხედა ისევ საყდარს და თქვა:

— საყდარი მშვენიერია, რომ გუმბათი ცოტა მრუდე არა ჰქონდესო.

გაიგონა ეს სიტყვები ხელმწიფემ, დააყენა ბერიკაცი და ჰკითხა:

— რა თქვი, ბერიკაცო, მეც გამაგონეო.

ბერიკაცმა ხელმწიფესაც უთხრა, რა წუნიც უნახა საყდარს, და წავიდა. დაადგა ისევ ვაჟი, დააყენა ისევ ოსტატები, და ააშენეს მშვენიერი საყდარი. ხელმწიფემ ისევ დაუძახა ჯარ-ჯამაათს, გაასინჯა საყდარი, მაგრამ წუნი ვერავინ უპოვა. ხელმწიფე შესვლას აპირებდა საყდარში, რომ ჩამოიარა ისევ იმ მოხუცმა და თქვა:

— მშვენიერი ეკლესია არის, რომ იაღონი და ბულბული არ აკლდესო.

გაიგონა ეს სიტყვები ხელმწიფემ, დააყენა მოხუცი და ჰკითხა:

— რა თქვი, ბერიკაცო, რა თქვი, კიდევ გაგვიმეორეო?

ბერიკაცმა გაუმეორა თავის სიტყვები ხელმწიფეს და გაუდგა თავის გზას. ხელმწიფე დაბრუნდა და აღარ შევიდა საყდარში. ვაჟი დალონდა, წასვლა დააპირა, მამამ ერთი სამფეხა ცხენი მისცა და უთხრა:

— წადი და შენ იცი და შენმა საქმემაო.

შეჯდა ვაჟი კოკლ ცხენზე, აისხა აბჯარი და გაუდგა გზებს. მიდის, მაგრამ სად ეშმაკს მიდის, ცხენი ძლივს მიხინხილებს, სამფეხა არის. მოდის ვაჟი და შოტირის. გავიდა ერთ ტრიალ მინდორზე; ერთი ბერიკაცი დაინახა, სიმინდის მორწყვა უნდა, დაიხრება—წვერებზე ფეხს დაიდგამს, აიწევს და ადგება, სიმინდს ვერა რწყავს. დაინახავს მტრიალ ვაჟს, შეჭბრალდება და ეტყვის:

— რა გატირებს, შეილო, რა გაგვირებია, რაზე ღვრი ცრემლებსო?

ვაჟმა ყველაფერი უამბო და უთხრა თავის გასაჭირიც, ან სად მიდიოდა. ბერიკაცმა უთხრა:

— შენ, შეილო, ნუ სწუხარ,—ეგ შენი სამფეხა ცხენი უბრალო ნუ გგონია. შენ უთხარ: ახლა მიჰივს შენი თავი, ჩემო კარგო, და თვითონ იცის. აქეთ გაგიტაცებს ეგ რაში,—უთხრა ბერიკაცმა ვაჟს,—და ზღვას იქით გაგიტანს, იქით კიდევ ქალთან გაგაფრენს, რომელსაც იადონი და ბულბული ჰყავს. თუ ქალი არ წამოიყვანე, იმ ფრინველებს შენ ვერ წამოიყვან. სადაც ქალია, რაში თვითონ მიგიყვანს. ეცადე, კარგად დაიმალო, არა განახოს ქალმა, თორემ ქარა-მტერად გაქცევს. იმან ძილი იცის, ძილის დროს ოქროს თმებს გადმოშლის, და ზევითა სართულიდან მიწაზე ჩამოწვება თმები. შენ მიდი, ის თმები ხელზე დაიხვიე, რამდენიც დაიძახოს: „დავიწვი!“ იმდენი შენ უფრო დაიხვიე. ათას რასმეს შემოგფიცავს, ცას, ხმელეთს, მთელ ქვეყანას და არ ერწმუნო, სანამ იადონისა და ბულბულისა არ დაიფიცოს, რომ შენ გამოგყვება ცოლად. ძალიან სიფრთხილე გმართებს.

ქაჩალი მეფანდურე ოთხი წელია ღრუბელზე ზის, სდარაჯობს ქალს, უნდა იმისი წაყვანა, მაგრამ ვერ მოუხერხებია.

შერე, როდესაც იაღონსა და ბულბულისას შემოგფიცავს, ხელი გაუშვი და ადი იმასთანო...

გამოეთხოვა ბერიკაცს ვაჟი, უთხრა თავის ცხენს:

— აბა, ჩემო რაშო, ეხლა მექირვება შენი თავი.—გაფრინდა ნიავევით, გაიარა ზღვა და გავიდა ხმელზე. გაუკრა იქით და მივიდა ქალის ახლომახლოს. უდარაჯა და როდესაც ქალმა გადმოუშვა ოქროს თმები, მიეპარა, სტაცა და დაიხვია ხელზე. „ვიწვიო!“ დაიძახა ქალმა. ვაჟმა უფრო და უფრო დაიხვია ხელზე.

— რა გინდა ჩემგან?—ჰკითხა ქალმა ვაჟს.

— ცოლად უნდა გამომეყვე,—უპასუხა ვაჟმა.

— გამოგყვები,—უთხრა ქალმა.

— არა, დაიფიცე,—უთხრა ვაჟმა. ქალმა დაიფიცა.

— იაღონისა და ბულბულისა დაიფიცეო!—უთხრა ვაჟმა. ქალმა არ დაიფიცა. ვაჟმა უფრო და უფრო დაიხვია მკლავზე იმისი თმები. „ვიწვიო!“ დაიძახა ქალმა. ვაჟმა უფროც დაიხვია. ქვეყნისა დაიფიცა ქალმა, ცისა, მზისა,—გამოგყვებიო, მაგრამ ვაჟი არ უსმენდა და უფრო იხვევდა თმებს. ბოლოს დაიფიცა ქალმა იაღონისა და ბულბულისა. ავიდა ვაჟიც. ქალმა უთხრა:

— მართალია, მე შენ ფიცი მოგეცე, შეგირთავ, მაგრამ მე შენ არ შეგირთავ, სანამ ერთ რასმე არ გამოვცდი. მე ერთი რაში მყავს, იმ რაშს შენ რაშს მივუსევე, თუ იჩხუბებს, აღარ ვიქნები შენი ცოლი, და თუ არ იჩხუბებს,—შენი ვარ და შენიო.

— კარგიო,—დათანხმდა ვაჟი.—და გაუშვეს რაშები. რაშებმა დაიქიხვინეს თითო, გაექანენ ერთმანეთისაკენ, დაუწყეს ერთმანეთს კისერგადადებულეებმა ფხანა. რაშები დედღდაშვილები იყვნენ და რას წაიჩხუბებდნენ!

შესხდნენ ქალ-ვაჟი, წამოიყვანეს იაღონი და ბულბულიც და წამოვიდნენ. გზა რომ გამოიარეს, ქოსა მეფანდურემ დაინახა, დაეცა შორით ქალს, წაიყვანა, ჩაძვრა მიწაში, გაძვრა ძირს და ისევ ცაში ავარდა.

შეწუხდა ვაჟი. მხლებლებს უთხრა:

— წადით, იშოვეთ ძალიან გრძელი თოკები და აქ მოიტანეთო.

წავიდნენ, მოიტანეს გრძელი თოკები. მოიბა ვაჟმა და უთხრა: ჩამიშვითო! ჩაუშვეს ძირს. დაჰკვერა მერე ხელიდან და წავიდა ძირს. იარა ბევრი, იარა და დაეცა ერთ მინდორზე. ადგა და გაიხედ-გამოიხედა. მინდორზე სამი რაში სძოვს: ერთი შავი, ერთი წითელი და ერთი თეთრი. სძოვენ, სძოვენ და მერე დაიწყებენ თამაშობას. ის რაშები ისეთები იყვნენ: შავზე რომ შემჯდარიყო კაცი, გაქან-გამოქანდებოდა, ხან იქითა ჰკრავდა კლდეს, ხან აქეთ და ისე მოჰკლავდა. ის სიკვდილის მოციქული იყო. წითელზე რომ შემჯდარიყო კაცი, უფრო ქვევით წავიდოდა, და თეთრზე რომ შემჯდარიყო—ზეცას, ამქვეყნად ის ნათლის მოციქული იყო.

ვაჟი ეცადა, უნდოდა შავი დაეჭირა, მაგრამ ვერ დაიჭირა. ვერც თეთრი დაიჭირა. ბოლოს წითელი დაიჭირა. შეჯდა ზედ და წავიდა ქვევით. იარა, იარა და ერთ სახელმწიფოში ჩავიდა. ბევრი იარა, თუ ცოტა იარა, ერთ ქალაქში შევიდა. წყალი მოსწყურდა გზაზე ძალიან. მივიდა იმ ქალაქში ერთ ბებერთან და წყალი სთხოვა. ბებერმა უთხრა.

— შეილო, წყალს დაგაღვივინებდი, მაგრამ არა გვაქვს, წყალი გვეღვეშაპს უჭერია, ყოველდღე თითო ქალსა სკამს და ისე გვაძლევს წყალს წყვით. დღეს ჯერი ხელმწიფის ქალზე არის, ის უნდა შეჭამოსო.

ვაჟმა უთხრა:—დელი, კოკები მომეც, მე წავალ, მე მოვიტანო.

— ნუ, შეილო, გენაცვა, —უთხრა ბებერმა, —ის გვეღვეშაპი ჩაგყლაპავსო.

ვაჟმა არ დაუჯერა. ამოჰგლიჯა მიწიდან საწყლვე ქვევრი და წავიდა. მივიდა. შავადჩაცმული ქალი გულხელდაკრეფილი დგას და ტირის, ტირის, რომ იმის ცოდვით დედამიწა იწვება.

ვაჟი მივიდა და უთხრა: — დაო, ნუ ტირი, შენ გვეღვეშაპის საკმელად არ გაგხდითო.

ქალმა დაუწყა ვედრება ვაჟს:—წადი, ძმობას, თორემ 'ის ვეშაპი მოვა და შენც ჩაგყლაპავს და მეცაო.

— არ კი წავალ,—უთხრა ვაჟმა,—და ცოტას კი დავიძინებ, დაღლილი ვარ, და როდესაც გველვეშაპი მოდიოდეს, გამაღვიძეო.

დაიძინა ვაჟმა. ქალი თავს ადგა. და აი, უცებ ხელით ერთი გველვეშაპი წამოვიდა. ქალმა დაუწყო ღვიძება ვაჟს, მაგრამ ვერ გააღვიძა. ბოლოს დაეცა ქალის სამი ცრემლი ლოყაზე, ამოსწვა და გააღვიძა. წამოხტა ვაჟი. მოზიდა მშვილდს და ჰაერშივე გაგლიჯა შუაზე გველვეშაპი. მერე მიწაზე ხმლით ეცა და აკაფა. ცალ მხარეზე გველვეშაპის ლეში იყო აგებული გორებად და ცალზე ხევად მიდიოდა იმისი სისხლი.

გავარდა ხმა ქალაქში: გველვეშაპი მოკლეს, გველვეშაპი მოკლეს! მოვიდა ხალხი და საქონელი წყალზე, მოვიდა და მოვიდა. დაყმედილი საქონელი და კაცი ბევრი სმისაგან ზოგი იქვე სკდებოდა, ზოგნი გზაზე და ზოგნიც შინ მისულები.

მოუვიდა ხელმწიფესაც თავის ქალი შინ. ხელმწიფის სიხარულს ხომ ველარა შეედრებოდა რა! მაშინვე დაუძახა თავის სახელმწიფოს ხელმწიფემ და სურდა გაეგო, ვინ გადაარჩინა იმის ქალი სიკვდილს, რომ იმისათვის შეერთო. აუარა და ჩაუარა ქალმა შეყრილ ხალხს, მაგრამ ის ბიჭი იქ არ იყო.

მამას უთხრა:—მამავ, ის აქ არ არისო.

მაშინვე გაგზავნა ხელმწიფემ კაცები: წადით, მოიყვანეთ ყველანი, ვინც არ არის აქაო. წავიდნენ და მოიყვანეს ის ბიჭიც.

ბიჭმა გზაზე ერთი კურდღელი დაიჭირა, უბეში ჩაისვა და წამოიყვანა. ჯარში რომ ჩაჯდა, კურდღელი უბეშივე ეჯდა. აუარ-ჩამოუარა ქალმა და უნდა რომ ჩაუჯდეს ვაჟს, მაგრამ ვაჟი ამოუჩენს ყურებს კურდღელს უბიდან და აშინებს ქალს.

ბოლოს მამამ უთხრა ქალს:—შვილო, ვერ იპოვეო?

— ვიპოვე, მაგრამ უბეში რალაც უზის, მამავ, და ის მაშინებსო.

— წადი, შვილო, თვალები დახუჭე და ისე ჩაუჯექიო,—უთხრა მამამ.

დახუჭა ქალმა. თვალები და ჩაუჯდა ვაჟს კალთაში. წამო-



იყვანა სასახლეში ვაჟი ხელმწიფემ დიდის ამბით, მაგრამ ვაჟმა ქალი არ შეირთო:

— დობა ვუთხარ და ახლა როგორღა მერგება?

— მაშ რა მოგცე?—ჰკითხა ხელმწიფემ.

— შენი არაფერი მინდა,—უპასუხა ვაჟმა,—ოღონდ ჩემ სამშობლოში, ჩემ ქვეყანაში ამიყვანეთ როგორმეო.

— მე კი არ შემიძლიან და, რაც ჩემგან იქნება კი, მოგეხმარები,—უთხრა ხელმწიფემ,—ამა და ამ ადგილას ერთ ორბს ბუდე აქვს, არწივი არ უყენებს, შვილებს უჭამს, და თუ იმ არწივს როგორმე მოაშორებ, ის აგიყვანსო.

მაშინვე აიღო ვაჟმა მშვილდ-ისარი და გასწია ორბის ბუდისაკენ. უცებ დაეშვა არწივი და უნდა დაეჭამა ბარტყები; ამ დროს ესროლა ისარი ვაჟმა გულში და გააგდებინა. შემოეხვივნენ ბარტყები ვაჟს და დაუწყეს ალერსი. ვაჟს ბუდეში დაეძინა. მოვიდა ორბი, დაინახა ბუდეში კაცი, გაშალა ბრკყალები იმის მოსაკლავად: მაგას უჭამია კიდევ ჩემი ბარტყებით, მაგრამ შვილები გადაეთარნენ და შეაყენეს:

— დედავ, ჩვენი კეთილისმყოფელი ეს არის, ამან მოკლა არწივი და სიკვდილს გადაგვარჩინაო.

მაშინვე დაჯდა ორბი და ხან ერთი მხარე აუთარა ვაჟს და ხან მეორე, რომ არ დასცხომოდა მზეზე. გამოეღვიძა ვაჟს. ორბმა უთხრა:

— რა მოგცე, კეთილ კაცო, რომ ეს შვილები გადამირჩინეო?

— მე სხვა არაფერი მინდა,—უთხრა ვაჟმა,—ჩემ ქვეყანაში, ზევით ამიყვანეო.

— წადი,—უთხრა ორბმა,—ოთხი კამეჩი გამოართვი ხელმწიფეს, დასკერ, დამაწყე, ზედ შენ შემჯე და მე აგიყვანო.

წავიდა ვაჟი, გამოართვა ხელმწიფეს ოთხი კამეჩი, წამოიღო და წამოვიდა. დასკრა ნაწილ-ნაწილად, დააწყო ორბს მხრებზე, ზედ თვითონ დაჯდა და გასწიეს. რამდენსაც შემოტრიალდება ორბი, იმდენ ნაქერს შეაქმევს ვაჟი. ბოლოს ერთი შემოტრიალდება ეკლდათ, და გაუთავდა ხორციც ვაჟს. რომ აღარ შეაჭამოს, იქვე ჩავარდებიან. აიღო ვაჟმა, გამოიჭ-

რა ნაკუთალი და ის შეაქამა. მოტრიალდა ორბი და ავიდნენ მალა. გადმოხტა ვაჟი და კოკლობა დაიწყო.

— ის ბოლო დროს რა შემაქამეო?—ჰკითხა ვაჟს ორბმა.

— ის ჩემი ხორცი იყო,—უპასუხა ვაჟმა,—აი აქედან გამოვიქერიო.

— წინათვე მცოდნიყო, შეგჰპაძლი,—უთხრა ორბმა. მოუსვა ფთე და ისევ გაუმთელა.

აღდა ვაჟი და წავიდა თავის საცოლისა და იადონ-ბულბულის საძებნელად. ბევრი იარა, თუ ცოტა იარა, მივიდა იქ, სადაც ქოსა მეფანდურეს იმისი ცოლი ჰყავდა, მივიდა და მოეხვია თავის ცოლს...

— ქოსა მეფანდურე სადლა არის?—ჰკითხა ვაჟმა ქალს.

— ეს სამი წელია სძინავს,—უთხრა ქალმა ტირილით.— შენ რომ წაგართვა ჩემი თავი, მაშინვე დაეძინა და სამი დღე იკიდევ აქვს ძილის ვადა...

— როგორ უნდა მოგვლაო?—ჰკითხა ქმარმა.

— ცხრაკლიტულში ერთი გალია აქვს, იქ სამი ჩიტი ჰყავს, ის ჩიტები მაგის სული, ჯანი და გონება არიან, და ვისაც მოკვლა უნდა, ისინი უნდა დახოცოს,—უთხრა ცოლმა.

შევიდა მაშინვე ვაჟი ოთახებში, მიღეწ-მოღეწა ცხრაკლიტული, შევარდა იქ, სადაც ჩიტები ისხდნენ, დაჰგლიჯა სამივეს უცებ თავები და გადაყარა. ჩიტების თავების დაგლეჯა და ქოსა მეფანდურეს სიკვდილი ერთი იყო.

წამოიყვანა ვაჟმა ქალი, იადონ-ბულბულიც და მოვიდა მამასთან. მამამ ძალიან გაიხარა, დალოცა თავის შვილი, დაადგა შეფობის გვირგვინი, დაიწერა ქალზედაც ჯვარი ვაჟმა. ქნეს ერთი დიდი ქორწილი. გაიხარეს და გაგვახარეს. გათავდა თქვენი მტრის დღე.

ქირი იქა, ლხინი აქა,  
ქატო იქა, ფქვილი აქა.





## ხალმნიჟისა ლა მისი მხრა ვაჟის არაკი

თქმა იყოს და ვაგონება,  
გორგოლაჟის ვაგორება.

იყო და არა იყო რა, იყო ერთი დიდი და დიდებული ზელმწიფე. იმ ზელმწიფეს ცხრა ვაჟი ჰყავდა. ამდენ შვილებს იქნება სხვა კი ვაგონარა, მაგრამ ზელმწიფე კი სულ სხვა თვალით უცქეროდა აშას. ის ერთი თვალთა ტიროდა და ერთი თვალთ იცინოდა; რომ ვისმე ეკითხა ზელმწიფისათვის: დიდებულო ზელმწიფევე, რა ვაგონებს, ერთი თვალთ რომ იცინით და ერთი თვალთ ტირითო. ის ეტყოდა: ერთი თვალთ იმიტომ ვიციანი, შვილო, რომ ცხრა ვაჟი მყავს და ერთი თვალთ იმიტომ ვტირი, რომ ამ ცხრა ვაჟში ისეთი არავინ ვამოერია, რომ ჩემი ნაქნარი ექნა, ჩემი ჩანადენი ჩაედინაო.

წა! ერთხელ უფროსმა შვილმა გაიგონა მამის სიტყვები, მივიდა და უთხრა:—მამავ, რა ვაწუხებს, რაზე ტირი, შვილები ამდენი გყვევართ, რამ დაგაღონაო?

— იმან, შვილო, — უპასუხა ზელმწიფემ, — რომ ცხრა ვაჟში ერთი არ გამოხვედით იმისთანა, რომ ჩემი საქმენი თქვენც ვეთავათო.

— იქნებ ჩვენც შევიძლოთ, მამავ, წინათვე რად იტეხთ გულსო, — უთხრა შვილმა.

ჯერ არ ეუბნებოდა მამა და, რაკი შვილმა მოაბეზრა თავი, უთხრა:

— მაშ შეგიძლია, სანამ ხოხობი მოიხრაკებოდეს, წახვიდე და უკვდავების წყალი მოიტანო?

— ვერაო,—უპასუხა შეილმა.

მერე მერვე ვაჟი წამოდგა, იმასაც შეუჟვეთა ხელმწიფემ. ასე ზოგი უარს ამბობდა წასვლაზე, ზოგიც წავიდოდა, მაგრამ ხოხობი დანაცრდებოდა კიდევ იმათ მოსვლამდე.

ბოლოს უმცროსი ვაჟი მივიდა მამასთან და უთხრა:

— მამავ, მე წავალ და მოვიტან, თუ შენ რაშს მომცემო.

მამამ ძალიან უარს უთხრა. მაშინ ადგა ვაჟი, მოჰპარა მამას რაში, გადაჯდა ზედა, და გაფრინდა რაში ჰაერში. მამამ რომ გაიგო შეილის გაპარვა, დასწყევლა: ასემც წასულხარ, არამც მოსულხარო.

მიფრინდა უკვდავების წყაროსთან და მიაწოდა თევზქალს ჩარეკა წყლის ამოსაკრებად. ის ქალი უკვდავების წყალში იყო, წელზევით ქალი იყო და წელქვევით თევზი. ქალმა უთხრა კაცს:

— დაბრუნდი, უკან ნულარ წახვალ, მამისგან დაწყეული ხარ; შენ მაინცდამაინც სიკეთე არ დაგეყრება, გზაზე მოჰკვდებიო.

ვაჟმა არ დაიშალა, გამოართვა უკვდავების წყალი, შემოჰკრა თავის რაშს მათრახი და გააშურა სახლისაკენ. მაგრამ მთაზე ლეკები დახვდნენ, მოჰკლეს, დასჰრეს და გადაჰკიდეს რაშს. რაში დაბრუნდა უკან და ჭიხვინით მოვიდა ქალთან. ქალმა დააწყო ვაჟის ლეში ასო-ასოზე, გადაასხა უკვდავების წყალი და გააცოცხლა.

— ოჰ, რა ბევრი მძინებიაო!—თქვა ვაჟმა და მოიფშვნიტა თვალები.

— აკი გითხარი,—უთხრა ქალმა,—რომ მამის წყევლას კაცი ვერსად წაუვა; მე რომ არ დაგსწრებოდი და ან შენი რაში, შენი ლეშიც აღარსად იქნებოდა ახლა. შინ ნულარ წახვალ,—უთხრა ქალმა,—და სადაც გინდოდეს, სხვაგან წადიო.

გამოეთხოვა ქალს ვაჟი. შემოჰკრა რაშს დეზი და გაუღდა გზებს. ბევრი იარა თუ ცოტა იარა, ბოლოს გამოვიდა ერთდღუზ მინდორზე; გაიხედა და დაინახა, რომ მინდორში რაღა-

ცა ბრკეყვიალეზ: ისეთი საკვირველია, ისეთი კრელი რამ არის, რომ იმისთანა არაფერი არ იქნება ქვეყანაზე. მიუახლოვდა ვაჟი და ნახა რომ ბუმბულია. რაშსა ჰკითხა:

— რას მირჩევ, ავიღო თუ არაო?

— აიღებ—ინანებ,—უპასუხა რაშმა,—არ აიღებ—მაინც ინანებო.

— რაც უნდა მომივიდეს, წავიღებო,—თქვა ვაჟმა. აიღო ფთე, ჩაიდვა უბეში და გაუდგა გზას. ბევრი სიარულის შემდეგ ვაჟი ერთ ხელმწიფესთან მივიდა და დაუდგა მეჯინიბედ. მეორე დღეს გაიყოლა თავის რაში, ორი ბიჭიც სხვა გაიყოლა, წაასხნეს ცხენები და გარეკეს მინდორში. ამოიღო ვაჟმა ის ბუმბული, დაიჭირა ხელში და მთელი დღე იმას შესცქეროდა. ცხენებიც დაავიწყდა და წუთისოფელიც.

ორი დღე კი უთმინეს ამხანაგებმა და მერე კი დაასმინეს ხელმწიფესთან:

— ჩვენ ახალ მეჯინიბეს, დიდებულო ხელმწიფევ, ერთი რაღაცა აქვს, ამოიღებს იშას და მთელი დღე შესცქერის, არც არას თვითონ სკამს, და არც არას ცხენებს აკმევს. საწყლებს მთელი დღე ფერდი-ფერდზე აქვთ მიკრულიო.

მაშინვე დაიბარა ხელმწიფემ ვაჟი და ჰკითხა:

— რა გაქვს ისეთი, რომ მთელი დღე იმას შესცქერის?

— რა უნდა მქონდეს?—უპასუხა ვაჟმა,—რომ რამე მქონიყო, ხომ არც თქვენ დაგიდგებოდით მოჯამაგირედო!

— არა,—უთხრა ხელმწიფემ,—აუცილებლად უნდა მომცეო.

ამოიღო ვაჟმაც კრელი ბუმბული და გადასცა ხელმწიფეს. ხელმწიფე ფთის საკვირველებიდან იყო გამოსული; გაეღო ხახა და შესცქეროდა ბუმბულს. სხვა ვეღარაფერი გაეგო იმის ცქერით, არც სასმელი, და არც საკმელი.

— რა ხახა დაგიღრენია და შემომცქერი, —უთხრა ბუმბულმა ხელმწიფეს,—მე კი არა ვარ საკვირველი, საკვირველი ის არის, ვისაც მე გავვარდიო!

— ვინ მოიყვანს იმასო? —ჰკითხა ხელმწიფემ.

— ვინც მე მომიტანაო,—უპასუხა ბუმბულმა.

მაშინვე დაიბარა ხელმწიფემ ვაჟი და უთხრა:

— უნდა წახვიდე და, სადაც იქნება და სადაც არა, ის ფრინველი მოიყვანო, რომელსაც ის ბუმბული გავარდაო.

ვაჟი ძალიან შეწუხდა. წავიდა და შესჩივლა რაშს:

— ესე, ესეა საქმე, ხელმწიფემ შემიკვეთა, უნდა ის ფრინველი მოვიყვანო, რომელსაც ის ფთე გაჭვარდაო.

— რა მეტი ღონეა, — უპასუხა რაშმა, — უნდა წავიდეო და მოვიყვანოთ. შენ კი წადი და ხელმწიფეს ერთი ჯორი გამოართვი, ერთი კვერი (ჩაქუჩი) და ცხრა მოსართავიო.

წავიდა ვაჟი, გამოსართვა ყველაფერი და მოიტანა რაშთან.

— შემჯექ და წავიდეო! — უთხრა რაშმა. შეჯდა ვაჟი და წავიდა იმ ფრინველის საძებნელად.

ერთ მთაზე მივიდნენ; რაშმა უთხრა ვაჟს:

— იმ ფრინველებმა აქ იციან ჩამოსხდომა. ეგ ჯორი დაკალ, გამოაცალე წილები, ერთი დიდი რკინის პალო ძალიან მაგრა დაარქე მიწაში, ზედ ჯორი დააბი, რომ ვერ წაილოს იმ ფრინველმა, შენ ჯორის გვამში დაჯექი. ის ფრინველი მოვა, ჯერ ერთხელ დაუქროლებს, ჩაუყრის ბრკყალებს წასაღებად, მაგრამ რადგანაც დაბმული იქნება, ვერ წაილებს. მერე მეორედ. რაკი ვერა და ვერ წაილებს, იმას ძალიან უყვარს ჯორის ხორცი, დააჯდება და დაუწყებს კამას. შენ მაშინ ხელი სტაცე, დაიჭირე, მოგეშველები მეც; ჯერ დავასუსტოთ, მერე მე დამაკარ, ზედ ცხრა მოსართავი გადააკარ, მერე შენც ზედ შეჯექ; რამდენიც აიწიოს იმან, შენ კიდევ კვერი უქაკუნე თავშიო.

ვაჟმა ყველაფერი ისე ქნა, როგორც რაშმა უთხრა. მოვიდა ის ფრინველიც. ისეთი ტურთა რამ იყო, რომ იმაზე კარგს კაცის თვალი ვერაფერს ნახავდა. ჯერ ერთხელ დაუტია ლეშს, ჩაუყარა ბრკყალები, მაგრამ ვერ წაილო, ახლა მეორედ, მაგრამ ვერც მაშინ წაილო. მერე კი დაჯდა და დაუწყო გლეჯა ჯორის ხორცს.

ვაჟი იქვე იჯდა. გამოაპარა ჩუმად ხელი, სტაცა ფეხში ამ ფრინველს და დაიჭირა. დაიზიდა ფრინველმა, მაგრამ ამოუხტა კაცი, შესდგა ზედ წიხლით, გაუარა და გამოუარა. მოეშველა რაშიც და როგორც იყო დაიმორჩილეს.

დასუსტებული ფრინველი დააკრეს რაშს და გადაუჭირეს

ცხრა მოსართავი. ზედ თვითონ შეჯდა ვაჟი და გასწიეს. გზაზე თანდათან ცოცხლდება ფრინველი, აიწვეს ზევით და გაჰგლეჯს თითო მოსართავს. უბრაზუნებს ვაჟიც თავში კვერს, რაც ძალი და ღონე აქვს, მაგრამ იმდენს ვერაფერს აკლებს. რვა მოსართავი გაგლიჯა, ერთითლაა დაკრული და ის არის მივიდნენ ხელმწიფესთანაც.

ყვირის ვაჟი:—მომეშველენითო!

მიეშველნენ მაშინვე და შეიყვანეს ფრინველი ცალკე ოთახში. ხელმწიფე მისჩერებოდა ამ ფრინველს და ველარ აშორებდა თვალს.

— რა ხახა დაგიღრენია და შემცქერი, — უთხრა ხელმწიფეს ფრინველმა, — მე რა ვარ, საკვირველი ის არის, ვინც მე გამზარდაო.

— ვინ მოიყვანს იმასაო? — ჰკითხა ხელმწიფემ ფრინველს.

— ვინც მე მომიყვანა. ჩემს მომიყვანს არც იმის მოყვანა გაუქირდებაო.

მაშინვე დაიბარა ხელმწიფემ ვაჟი და უთხრა:

— უნდა წახვიდე და, სადაც იქნება და სადაც არა, ამ ფრინველის გამზრდელი ქალი უნდა მოიყვანო!

— მე საიდან მოვიყვანო, ბატონო! — უთხრა ვაჟმა, — მე რა ვიცი, სად არის ის ქალიო!

— ეგ ჩემი საქმე არ არის, — უთხრა ხელმწიფემ, — თავში ქვა უნდა იხალო და მოიყვანო!

რაღას იზამდა საწყალი ვაჟი? დაღონებული დაბრუნდა რაშთან.

— რამ დაგაღონა, ჩემო პატრონო? — ჰკითხა რაშმა, — რას დაუფიქრებინარ? ჯავრს ნუ მიუშვებ გულადა, გულს ჟანგი მოეკიდებაო!

— ესე, ესეა ჩემი საქმე, — უთხრა ვაჟმა, — და არ ვიცი რა ვქნა? როგორ მოვიქცნეთო?

— მაგისა ნუ გეფიქრება, — უთხრა რაშმა, — წადი შენ, ორი ქილა ერბო და ორი ცხვარი გამოართვი და წავიდეთო.

წავიდა ვაჟი ხელმწიფესთან, გამოართვა ორი ქილა ერბო, ორიც ცხვარი, შეჯდა და გასწიეს.

ბევრი იარეს თუ ცოტა, მივიდნენ იმ ადგილას, სადაც ქალის სახლი იყო. რაშმა უთხრა:

— კარებზე ორი ლომია, ისინი შეგვეკამენ, თუ ცხვრები არ გადაუგდენ. მერე ორი ძაღლია, იმათ ის ერბოიანი ქილები გადაუყარე და გაგვიშვებენ. ქალის სახლში რომ შეხვიდე, რაც გაშლილი დაგხვდეს, შეკეცე და რაც შეკეცილი—გაშალე. იქ ათასი აბრეშუმეული და ფარჩეული ოქროქსოვილი ჰყვანია, ქალი დამალულია და უიმისოდ არ გამოჩნდება.

ადგა ვაჟი და წავიდა ქალის სახლისაკენ. წინ ლომები შეხვდნენ, გადუყარა ცხვრები, გასცდა იმათ, ძაღლებს ერბოიანი ქილები მიუყარა და შევიდა ქალის ოთახში. რაც შეკეცილი და შეკრული ნახა,—გახსნა და გაშალა, რაც გაშლილი ნახა—შეკეცა. გამოჩნდა კიდეცაც ქალი, ისეთი მშვენიერი, რომ სანახავად სანატრელი იყო. შეისვა რაშზე ქალი ვაჟმა და გააფრინა ხელმწიფისაკენ.

— მიშველეთ, ჩემო ლომებო!—დაიძახა ქალმა,—მტერმა მომიტაცაო!

— არა გვცალიან, ცხვრებისა კიდევ გვიკლია ცოტა რამ შესაკმელიო!—უპასუხეს ლომებმა.

— მაშ თქვენ მაინც მომეშველენითო,—დაუძახა ქალმა ძაღლებს, მაგრამ აღარც ძაღლებმა უგდეს ყური:

— არა გვცალიან, ერბოიანი ქილები მოსალოკი გვაქვსო! წაიყვანა, წაიყვანა! მოუყვანა ხელმწიფეს და უთხრა:—აი, ესეც თქვენი ქალიო.

ხელმწიფე სიხარულით ფეხზე აღარ იდგა, მაგრამ მალე კი გაუცვდა სიხარული. ქალმა უთხრა:

— სანამ ჩემი ნების რაშების რძეს არ მომიტანთ და არ ვებანები, არ დავიწერ შენზე ჯვარსო.

— ვინ მოიტანს შენი რაშების რძესო?—ჰკითხა ხელმწიფემ.

— ვინც მე მომიყვანაო,—უპასუხა ქალმა.

ხელმწიფემ მაშინვე დაიბარა ვაჟი და უთხრა:

— უნდა წახვიდე და ქალის რაშების რძე მოიტანოო!

დაბრუნდა რაშთან დაღონებული ვაჟი.

— რამ დაგაღონაო?—ჰკითხა რაშმა ვაჟს.



— რამ არ დამალონა, ახლა რაშების რძისა<sup>ს</sup>თვის მგზავნი-  
სო,—უპასუხა ვაჟმა.

— შენ ნუ იღარდებ!—უთხრა რაშმა,—წადი, ხელმწიფეს  
ცხრა კამეჩის ტყავი გამოართვი, ცხრა მოსართავი და ერთი  
ბოთლი ზეთიო!

წავიდა ვაჟი, რაც ნათქვამი იყო, ყველაფერი გამოართვა,  
წამოიღო და წამოვიდა...

ბევრი იარა, ცოტა იარა, მივიდა იმ ზღვასთან, რომელ-  
შიაც ქალის რაშები იყვნენ. ჩამოხტა და დაისვენეს. რაშმა  
უთხრა:

— მომაკარ ცხრა კამეჩის ტყავი, ცხრა მოსართავი, ჩავალ  
ზღვაში, ეგ ერთი ბოთლი ზეთიც თანდათანობით ჩამოასხი; თუ  
თეთრი ქაფი ამოვიდა, ცოცხალი მიგულე; ამოვალ მეც, თუ  
არა და—მკვდარი ვარ; ჩემი იმედი ნულარ გექნებაო.

ჩავიდა რაში ზღვაში; დაირეკა ეს ქალის რაშები; ზოგს  
სწიხლავს, ზოგს ჰკბენს, ერეკება ზევით, მაგრამ არც ისინი  
აყრიან სიკეთეს: ჰკბენენ, აგლეჯენ კამეჩის ტყავს, და რაშს კი  
ვერაფერს აკლებენ. ბოლოს ერთი კამეჩის ტყავილა შერჩა.  
ჩაასხამს ვაჟიც ზეთს, და ამოვა თეთრი ქაფი. იმედი მიეცა,  
რაში ისევ ამოვაო. ამოვიდა რაში და ამოირეკა ქალის რაშე-  
ბიც.

პირობა ჰქონდათ: ვაჟი ხეზე უნდა მჯდარიყო და უცებ  
უნდა გადამჯდარიყო თავის რაშზე. გაურბინა ქვეშ რაშმა, შეხ-  
ტა ზედ ვაჟი და მოქუსლეს. გაირეკეს რაშები და მაალბინეს  
გრიალი ხელმწიფის კარზე.

შევიდა ვაჟიც ხელმწიფესთან და მოახსენა რაშების მოყვანა.  
ხელმწიფეს ძალიან გაუხარდა. დაწველეს რაშები და უნდა იბა-  
ნაონ. ისეთია რაშების რძე, რომ სულ ზევით ისვრის ქაფს:  
დულს, დულს და იქანცება.

— ჩადი, ხელმწიფევე, ჯერ შენო!—უთხრა ქალმა.

— აბა, მე გაბანილიცა ვარ და სუფთაც,—უპასუხა ხელ-  
მწიფემ,—მე გაბანა აღარ მინდაო:

რაშმა უთხრა ვაჟს:—მე დავბერავ, გაცივდება, წადი შენ  
ებანე, ქალიც ჩამოვა, ისიც ებანება, მერე ისევ დავბერავ—რძე

აღუღდება, ხელმწიფე ჩავა და რაც მოჟუვა-მოჟუვაო.—დაჰბერა  
რაშმა და ჩავარდა ქვაბში ვაჟი; ებანა მშვენიერად და ამოვიდა  
ისევე. ჩაჰყვა ქალი, ებანა და ამოვიდა. ხელმწიფემა ცა თქვა:  
ბიჭოს, თუ ესენი ებანებიან, და არათერს უშვრება, მე რალა  
უნდა მიყოსო. ჩავიდა თვითონაც. დაჰბერა რაშმა, აღუღდა რძე  
და ეს ხელმწიფე გაშეშებული კი ამოიღეს ქვაბიდან.

დაიწერეს ჯვარი ქალმა და ვაჟმა. სახელმწიფოც იმათ დარ-  
ჩათ და მთელი იმათი საცხოვრებელიც. მერე დედ-მამასთან  
წავიდა, წაიყვანა თავისი ცოლიც და გაახარა თავის დედ-მა-  
მაც. დალოცა მამამ ისევე თავის შვილი და დღესაც ტკბილად  
ცხოვრობენ, თეთრ პურსა სჭამენ და წითელ ღვინოსა სმენ.

ქირი იქა, ლხინი აქა,  
ქატო იქა, ფქვილი აქა.

ელასა—მელასა,  
ქიქა მეკიდა ყელასა,  
მთქმელსაც და გამგონებელსაც  
ძილი გაამოს ყველასა!





## მონადირის შვილი

იყო და არა იყო რა, იყო ერთი გამოჩენილი მონადირე მონადირე ნადირს მუდამ დღე ხოცდა და მოჰქონდა სახლში.

ერთხელ მონადირე ერთ ტრიალ მინდორზე გავიდა. უცებ წინ ერთი თეთრი ირემი ამოუხტა; გადაუდგა წინ და უთხრა:

— მესროლე: თუ დამკარ, ნეტავი შენ, და თუ ვერ დამკარ — ვაი შენაო!

ესროლა მონადირემ და გააცდინა. ირემი გაქრა. დაბრუნდა შინ მონადირე და ცოლს უთხრა:

— დღეს თეთრ ირემს თოფი ვესროლე, ვერ დავკარ, მოვკვდები, სუდარა გამიმზადეო!

მართლაც, იმ ღამეს მოკვდა მონადირე. მონადირის ცოლი ორსულად დარჩა. გაუჩნდა ვაჟიშვილი. ისეთი ღონიერი და ყოჩაღი რამ იყო, რომ იმის დარი იმ ქვეყანაში არავინ არ იყო.

ერთხელ ჩამოიღო თოფი შვილმა, გატენა, შევიდა დედასთან და ჰკითხა:

— მამაჩემი, დედავ, რამ მოჰქლა?

— წერამ, შვილო, — უპასუხა დედამ.

— არა, უნდა მითხრა, — გადაეკიდა შვილი.

ბოლოს დედამ უამბო ყველაფერი. მონადირის შვილი ადგა, მოთალა ერთ ხეს, ესროლა სამი და ნატყვიარი ნატყვიარში გაატარა. გადაიკიდა მერე მხარზე თოფი და გასწია იმ ირმის საძებნელად.

გაიარა ტყეები, ხეები და იმ მინდორზე გამოვიდა, სადაც იმის მამას ესროლა ირმისათვის თოფი და დაეცდინა. უცებ გამოუხტა იმასაც თეთრი ირემი, დაუდგა წინ და უთხრა:

— მესროლე: თუ დამკარ, ნეტავი შენ, და თუ დამაცდინე— ვაი შენაო!

დაუმიზნა ვაჟმა და შიგ გულში გაიხედა. წაიქცა ირემი და მოკვდა. მივიდა ვაჟი, ხორცი ამოაჭრა, გადაყარა, ტყავი თავის კუდით, ფეხებითა და თავით წამოიღო შინ და მოვიდა დედანთან; დაღო ტყავი და დაისვენა.

შევხედოთ, გაცოცხლებულა ირემი, ბეწვზე თვალ-მარგალიტი ასხმია, დადის და დააქლარუნებს. მონადირის შვილი გაკვირვებულია. შეიყვანეს მაშინვე ირემი სახლში და თავს დასტრიალებდნენ. შეიბერტყება ირემი, სულ მარგალიტი და თვალის სცვივა: ერთ კვირაში ერთ სახლს ავსებს. გამდიდრდა ძალიან მონადირის შვილი; ისეთი სახლები დაიდგა, რომ ხელმწიფეს ეკადრება.

ბოლოს შვილმა უთხრა დედას:

— დედავ, რად გვინდა ამდენი სარჩო და ქონება, თუ ან ხალხში არ გამოვალთ და ან ქვეყანაში არ გამოვჩნდებით; დავიპატიჟოთ ხელმწიფე და ერთი ჩვენი სიმდიდრე ვაჩვენოთ!

— არ გინდა ხელმწიფე,—უთხრა დედამ შვილს,—ის ჩვენ აქ სიკეთეს არ მოგვიტანსო...

არა ქნა შვილმა: უთუოდ უნდა დავიპატიჟოვო.

დედამ უთხრა: როგორც გინდოდესო.

მაშინვე მოამზადებინა მშვენიერი სადილი ვაჟმა. ჩაიცვა მდიდრულად და წავიდა ხელმწიფესთან საპატიჟოდ. ხელმწიფე როგორც იყო წამოიყვანა. აქამა კარგი სადილი და მერე თავის ირემი უჩვენა. ხელმწიფეს თვალები დაებრიცა ირმის ცქერით.

— ეგ ირემი მე უნდა წავიყვანო,—უთხრა ხელმწიფემ ვაჟს. ვაჟი უარზე შედგა, მაგრამ რა გაეწყობოდა? წაართვეს და წაიყვანეს. დარჩა ხახაცარიელი მონადირის შვილი.

გავიდა რამდენიმე ხანი. და აი, ერთ დღეს ეძახის ხელმწიფე ვაჟს თავისთან. ვაჟი წავა. ხელმწიფემ უთხრა:

— აი ეს ოთახები სავსეა თვალ-მარგალიტით, — ოთხი ოთახი სავსე იყო და მეხუთე ნახევარზე, — ისეთი სახლები უნდა ამიშენო, რომ კაცს არ ენახოსო.

ვაჟი შეწუხდა. ხელმწიფეს უთხრა:

— დიდებულო ხელმწიფევ, მე არც ხურო ვარ, არც კალატოზი, არც სხვა რამ ხელოსანი და საიდან აგიშენოთ სახლიო?

— როგორც გინდა, ისე ააშენეო, — უთხრა ხელმწიფემ.

ვაჟმა იფიქრა და უთხრა:

— კარგი, ორასი ურემი კირი მომიტანე, ორასი ურემი ლამი, და მე ვიციო. მოუტანეს ყველაფერი.

ვაჟმა ერთი ალების ტბა იცოდა. იმ ტბაზე სასამელად მთელი ალის ჯარი მოდიოდა. წაიღო ის იმოდენა კირი და ლამი, ჩაყარა შიგ და ამოლესა ტბის ძირი და გვერდები. მერე მიუშვა შიგ ბანგი. მოვიდნენ ალები, დალიეს ეს ბანგი, დაითვრნენ და დაეყარნენ იქვე. მიუსია კაცები მონადირის შვილმა ამ მთვრალ ალებს და ყველასათვის კბილები კი დაახერხინა. მერე წამოიღო ის კბილები, მოიწვია ხელოსნები და ურემებზევე ისეთი სახლი დადგეს ალების კბილებისაგან, რომ იმაზე საკვირველი აღარა იქნებოდა რა. გამოვიდა ხელმწიფე, ნახა ეს სახლი და იქვე წაიქცა. ძლივძლივობით მოაგონეს გულწასული ხელმწიფე და შეაბრძანეს შინ.

ერთი ბებერი იყო ამ ხელმწიფის მოსამსახურეებში. ის ადგა და ხელმწიფეს მოახსენა:

— დიდებულო ხელმწიფევ! დროს ნუ ჰკარგავ, ეგ ბიჭი ყოჩალი ყოფილა, მაგას შეუკვეთე, რომ აღმოსავლეთის ხელმწიფის ქალი მოგიყვანოსო.

დაიბარა ხელმწიფემ მონადირის შვილი და უთხრა:

— შენ უნდა წახვიდე და აღმოსავლეთის ხელმწიფის ქალი მომიყვანო.

მონადირის შვილმა უთხრა:

— დიდებულო ხელმწიფევ! თუ აღმოსავლეთის ხელმწიფის ქალი გინდა მოგიყვანო, ათასნაირი ფარჩა მომეცი და ერთი ხომალდიც გამიკეთეო.

უშოვა ხელმწიფემ მაშინვე ათასნაირი ფარჩა, ისეთი ქრელი

რომ კაცს თვალს აუქრელებდა. ჩააწყო ხომალდში და გასწია ზღვით. კარგა გზა რომ გაიარა, უცებ ერთი ხუილი და ქექა მოესმა. შეხედა და ნახა: ერთ თეთრ ქორს გამოუგდია წინ მტრედი და მოსდევს. დაინახა მტრედი და შევარდა ხომალდში.

— ნუ მიმცემო, — ეხვეწება მტრედი ვაჟს.

— მომეცი, — ეტყვის თეთრი ქორი მონადირის შვილს, — და გამოგადგებიო. მისცა ვაჟმა მტრედი და გასწევს ქორიც.

გაივლის კიდეც, და უცებ ერთი საშინელი შხაპუნი და წყლის ხევა მოისმის; მოიხედავს ვაჟი და დაინახავს, რომ ერთ თეთრ თევზს გამოუგდია წინ ერთი წითელი თევზი და მოსდევს. ამოხტა თევზი და შევარდა ხომალდში. თეთრი თევზი შეეხვეწა მონადირის შვილს: ეგ თევზი მომეც და, თუ დაგპირდეს ჩემი თავი, გამოგადგებიო. მისცა თევზი თეთრ თევზს და გასწია თავის გზაზე.

ბევრი იარა, თუ ცოტა იარა, მივიდა ქალის სახლთან. ამოალაგა, რაც ფარჩა ჰქონდა და გაფინა ქალის კარებზე. გამოვიდა ქალი და შლის გაკვირვებით ფარჩას.

ვაჟმა უთხრა:

— ქალბატონო, ეგ რა არის, საქმე იქ არის, მე რომ გემი მაქვს. თუ გნებავსთ, წამობრძანდით და ნახეთო.

ჩაიტყუილა ამრიგად ვაჟმა ქალი, ჩაისვა ხომალდში და გააქანა. გზაზე ქალმა უთხრა:

— რა არის, რომ ერთი სანათურიც არ გიქნია, რომ ცა დაინახოს კაცმაო.

ვაჟმა მაშინვე ამოსკრა ზევით ხომალდს. იქცა ქალი მტრედად და გაფრინდა. დარჩა ცარიელი მონადირის შვილი. გაატარა ხომალდი და ერთიც ვნახოთ, დაუქერია თეთრ ქორს ეს მტრედი და მოუყვანა ვაჟსა. ამრიგად გაიარეს ქალმა და ვაჟმა კარგა გზა.

ბოლოს ქალმა უთხრა: ამ ცის ლაქვარდს ხომ აღარ მაჩვენებ, და ეს ზღვის ტალღები მაინც მაჩვენეო.

ამოსკრა ვაჟმა ხომალდი; ქალი აღგა და უცქერის ვითომ ზღვას; უცებ იქცევა თევზად და დაიკარგება.

დაიწყებს მონადირის შვილი თავ-პირში ცემას, მაგრამ

რადას გააწყობს! წავა დაღონებული. უცებ შხლარტუნი მოეს-  
მა. გაიხედა და დაინახა, რომ თეთრ თევზს დაუქერია ეს თევ-  
ზი და მოჰყავს. მოუყვანა თევზმა და შეუგდო ხომალდში.

ქალმა ჰკითხა მონადირის შვილს:

— ვისთვის გინდივარო?

— ხელმწიფისათვისო,— უპასუხა ვაჟმა.

— არა, მე ხელმწიფის ცოლად არ გამოგყვები,— უთხრა  
ქალმა,— შენ ქმარი და მე ცოლიო.

— ეგ როგორ მოხერხდება, ხელმწიფე წამართმევს შენ  
თავსაო.

— ეგ მე ვიცი,— უპასუხა ქალმა,— შენ მარტო ის წაუღე  
ხელმწიფეს, რაც მე გაგატანო, უთხარი, საჩუქარია ქალის გა-  
მოგზავნილი, თქვენ და თქვენმა ნაზირ-ვეზირმა გახსენით-თქო.


წაიღო ვაჟმა, რაც ქალმა გაატანა და წავიდა. მიუტანა  
ხელმწიფეს და უთხრა:

— თქვენ და თქვენმა კაცებმა გახსენით, ქალმა მოგართვა-  
თო,— თვითონ კი გაარიდა.

ხელმწიფემ და იმის ნაზირ-ვეზირმა დაუწყეს ხსნა ქალის  
საჩუქარს. უცებ გატყვრა და იქვე მიაწვინა ყველანი. ქალიც  
მონადირის შვილს დარჩა და სახელმწიფოც.

კირი იქ დავაგდე,  
ლხინი აქ მოვიტანე;  
ქატო იქ დავაგდე,  
ფქვილი აქ მოვიტანე.





## მელია და მეწისქვილე

ერთი წუწკი მელია შეიპარა მეწისქვილის საქათმეში. დააკრა ყელები ნასუქ დედლებს, მოუარა ყვერულ მამლებს, ბატებიც მიაყოლა და ზედ იხვებიც. დედლები გადააღაგა თავის სოროში მელიამ, ახლა ბატების გადათრევას ლამობდა, მაგრამ ამ დროს, საუბედუროდ, მოასწრო მეწისქვილემ და დაიჭირა. მელია ჩამოჰკიდა კუდით და უნდა გააძროს ტყავი.

მელიამ უთხრა:—კაცო, ჩემი ტყავი ხუთშაურად რომ გაჰყიდო, მეტად ვერ გაყიდი, და რომ გამიშვა კი, ბედსა გწევო.

— რა ბედსა მწევო?—ჰკითხა მეწისქვილემ.

— თუ საქათმეში დამმარხავ როცა მოგკვდები, ხელმწიფის ქალს შეგრთავ ცოლადო.

— როგორო?!—ჰკითხა გახარებულმა მეწისქვილემ.

— ერთი დედალი დამიკალ ვახშმად და ამაღამევე შევეუღებები მაგ საქმესო.

● მაშინვე წამოხტა მეწისქვილე, ჩამოიყვანა ერთი ნასუქი დედალი, მოგლიჯა კისერი, მოუხრაკა მელიას და მიართვა. მელია რომ გაძღა, ადგა, მეწისქვილეს უთხრა:

— შენ ორი საცალო აილე, წამოდი, შარაზე მექუდეებს ურემი მოაქვთ, ქუდები უძევთ; მე გზაზე დაეძაბავ სულ-ტყავს, წავწვები, ისინი ამიღებენ, დამდებენ ურემზე, მე ქუდებს გადმოვყრი, გადმოვყრი, და შენ კი კრიფე; შერე მეც გადმოვხტებო და წავიდეთო.



წავიდნენ. წაწვა მელია გზაზე. დაინახა მეურმემ მელია და დაუძახა ბიჭს:

— ბიჭო, აქ ერთი მელია მომკვდარა, აიღე, ურემზე შეაგდე. ხვალ ტყავი გავაძროთ, მანეთად მაინც გავყიდითო.

აიღეს მელია და გადისროლეს ქუდებში. ჰყრის მელია ქუდებს, მეწისქვილე კი ჰკრეფს და ჰყრის საცალოებში. ორი საცალო რომ აავსო მეწისქვილემ ქუდებით, მელიაც გადმოხტა. მოიკიდეს ქუდები და გადააღაგეს წისქვილში.

მეორე დღეს წაიყვანა მელიამ მეწისქვილე ხელმწიფის ქალზე დასანიშნად, თან ქუდებიც წაიღეს. ბევრი იარეს, თუ ცოტა, მივიდნენ ერთ ზღვასთან. გაიხედეს და ზღვის გაღმა ხელმწიფის სასახლე დაინახეს. მელიამ უთხრა მეწისქვილეს:

— შენ აქ დარჩი, მე წავალ და საქმეს დავიწყებო.

წავიდა მელია, მივიდა ხელმწიფესთან და უთხრა:

— აქ ზღვას გაღმა ჩვენი ხელმწიფეა ჩამომხტარი, ქალსა გთხოვთ და პასუხსაც ელის. ზღვაში გამოვიდეთ, თუ ხილს გავგიკეთებთ ზღვაზედო.

— გამოტოპეთო, — უთხრა ხელმწიფემ.

წავიდა მელია, მოხვეტა რაც ქუდები ჰქონდა და ჩაყარა ზღვაში. მოიღო ზევით ზღვამ ქუდები და მოაქვს. გაიქცა მელია და გულგახეთქილმა უთხრა ხელმწიფეს:

— დიდებულო ხელმწიფე, შემოვედით ზღვაში, შემოვიდა ჩვენი ხელმწიფეც. მხლებლები სულ წყალმა დაუხრჩო და მარტოდმარტონი დავრჩით. აგე! აგე! როგორ მოაქვს და მოალივლივებს ზღვა ჩვენ ქუდებსო.

მაშინვე აი მცურავი, აი ნავები! ზოგ ქუდს სად იჭერენ, ზოგს სად, მაგრამ სადღაა მხლებლები? ზღვამ დაძირაო.

მივიდა მელია ხელმწიფესთან და უთხრა: — დიდებულო ხელმწიფე, რაც ან ტანისამოსი გვქონდა წამოღებული, ან სხვა რამე, სულ ზღვამ წამართვა. ბატონი ტიტველი დაგვრჩა, მეწისქვილის ტანისამოსი ვუშოვეთ და ის ჩავაცვით; ერთი ხელი ტანისამოსი მოგვეცით, რომ ჩავაცვათ და მოვიყვანოთ თქვენთანო.

მისცა ხელმწიფემ მელიას ერთი ხელი ტანისამოსი და თანაც დაუმატა:—რაც გენებოს, სხვა რაზე, მოიკითხო.

წავიდა მელია მეწისქვილესთან, ჩააცვა ტანისამოსი და უთხრა:—აბა, ჰა, ყოჩაღად მოიქეც, არ შემარცხვინო! ან შენი პირობა არ დაივიწყო.

მიიყვანეს მეწისქვილე. ხან ერთ გვერდზე გადიხედავს მეწისქვილე და სინჯავს იმ ტანისამოსს, ხან მეორეზე. ხელმწიფე ჩუმად ყურში ეტყვის მელიას:

— რასა შერება ჩემი სიძე, რად იყურება ტანისამოსზეო?

— მაგის ტანისამოსი კარგი იყო, დიდებულო ხელმწიფევე, და იუკადრისა, როგორ თუ უკეთესი ტანისამოსი არ ჩამაცვესო.

ჩააცვეს მეწისქვილეს უკეთესი ტანისამოსი. იმან უფრო დაიწყო ცქერა. როგორც იყვნენ მორჩნენ ამ ტანთცმევას და შეუდგნენ ნიშნობას. დაინიშნა მეწისქვილე. გატეხეს შაქარი და გამართეს ლხინი და წვეულება. მოიპყდარუნა თავი მელიამ. მეწისქვილემ უთხრა: გაიტანეთ, გადაადეთო.

წამოხტა უცებ მელია, მიადგა მეწისქვილეს და დაუწყო:

— აი, შე, ხრილიტამიავ, შე მეწისქვილევე, შენაო!

— სუ, მელიავ, სუ და დაგმარხავო,—დაჰპირდა მეწისქვილე.

— რაო, მელიავ რა სთქვი?—ჰკითხა ხელმწიფემ.

— არაფერი, შენი პირიმე, სიზმარში მეზმანა, კინალამ ვავგიჟდი, ის იყო, სხვა არაფერიო!

იმ ღამეს ისევ თავი მოიპყდარუნა მელიამ. შეიტანეს და საქათმეში დამარხეს. წამოდგა მელია, დააჭრა თავები დედლებს, ჩაალაგა შავ მუცელში და მეორე ღლეს შეურიგდა ისევ მეწისქვილეს.

ახლა წამოიყვანეს ქალი, წამოვიდნენ. მელიამ დააყენა მეწისქვილე და უთხრა:

— არა, შე უბედურო, ეს ამოდენა ჯარი რომ მიგიდის, სად მიგიდის? წისქვილში უნდა შერეკოო?!

— მაშ რა ვქნა, მელავ, მიშველე რამეო!—ხვეწნით უთხრა მეწისქვილემ მელიას.

მელიამ უთხრა:

— ეს ამაღა აქ შეაჩერე ცოტა ხან, და მე ვიცი, რასაც ვიზამო.

გაიქცა მაშინვე მელია, ერთ მინდორში უზარმაზარი თივის ძირები იდგა. მიუკიდა ცეცხლი, რომ სულ ალი ცაში აადინა, მოირბინა გულგახეთქილივით ჯართან და დაიწყო ყვირილი:

— ხელმწიფის სახლი დაიწვა! ხელმწიფის სახლი დაიწვაო!

ჯარი დაბრუნდა, შინ წავიდა; ქალი კიდევ წაიყვანეს, გააკეთეს კარგი სახლი, და ახლაც ტკბილადა და მეგობრულად ცხოვრობენ. რასაკვირველია, მელია საქათმის ზედამხედველად არის!

კირი იქა, ლხინი აქა,  
ქატო იქა, ფქვილი აქა.





## ობოლი და ქოსამატყუარაჲ

იყო და არა იყო რა, იყო ერთი საბრალო ობოლი უქონელი და უყოლელი.

ერთხელ ობოლმა ერთი გუდა საფქვავე იშოვა სადმე. წაიღო წისქვილში და დაფქვა. ამ დროს მოიტანა წისქვილში ქოსამატყუარამაც თავის ერთი გუდა მარცვალი და დაფქვა. წასვლის დროს ობოლს უთხრა:

— ერთად ვიაროთო.

— ძალიან კარგიო, — დათანხმდა ობოლი.

წავიდნენ, მიდიან გზას. ქოსამ უთხრა:

— იცი, რა ვქნათო?

— რაო? — ჰკითხა ობოლმა.

— ისა ვქნათ, — უთხრა ქოსამატყუარამ, — რომ ჩემი ფქვილი მოვზილოთ, შენი შევუგოთ საფანლად და შენი მოვზილოთ — ჩემიო.

— ძალიან კარგიო, — უპასუხა ობოლმა.

მოზილეს ქოსასი და შეუგეს ობლის ფქვილი. ჩააკრეს კეცში და წითელ-წითელი შოთები ამოალაგეს.

ეს შოთები რომ ნახა ქოსამატყუარამ, უთხრა:

— მოდი, ვცადოთ, და ვინც უკეთესი ტყუილი თქვას, შოთები იმას დარჩესო.

— ძალიან კარგიო, — უპასუხა ობოლმა.

ქოსამატყუარამ დაიწყო:

— ერთი ბატი მყავდა, პაპაჩემის გაზრდილი იყო; ის ოხერი და ტიალი ისეთი კარგი რამ იყო, რომ მთელ სახლს ის გვიწახავდა: სახნავი იყო, სათიბი იყო, თუ მგზავრობა, — სულ ის დაგვეყვანდა; მე ვჯდებოდი ზედ და ხან მინდვრებზე დავაქენებდი და ხან მთებზე. ერთხელ, საუბედუროდ, ტყეზე შოვაქენებდი, უცებ ვნახოთ ერთი მშვიერი ტურა გადმომიხტა, ეცა ჩემ ბატს და გამოაგლიჯა გვერდი. წაიქცა ბატი და სულს ლევს, მე მაშინვე აზრს მოველ: მოვქერ ხე, მოვგრიხე წნელი, გავუქერე იმით გვერდი, წამოვახტუნე და გავაქენე სახლში... ახლა შენი ჯერია, ობოლაჲ!

ობოლამ დაიწყო: მამაჩემს ასი თვალი ფუტკარი ედგა. მუდამდღე ჩამოუვლიდა და თვლიდა. ერთხელ, ერთიც ვნახოთ, დათვალა ფუტკრები, ჩამოიკითხა და ერთი არ დააკლდა სათვალავში?! მაშინვე აი იქით, აი აქეთ ვეძებთ... თურმე ფეხი არ მოსტეხია და დარჩენილა ზღვის გაღმა; მოუსწვრთა ვიღაც ავაზაკ ხალხს, დაუქერია, წაუყვანია, შეუბია გუთანში და ახენე-ვინებენ.

ნახა მამაჩემმა, ძალიან გაჯავრდა: ვინ მოგცათო? ჰკითხა. ისინი უარზე შედგნენ. აი იქით, აი აქეთ, გახდა ერთი ხათაბალა. ბოლოს მოაელო მამაჩემმა ყურზე ხელი და დაეზიდა წასაყვანად. ამ დროს მოსწყდა კისერი ფუტკარს და თავი ხელში კი შერჩა! მაშინვე ამოიღო მამაჩემმა ჯიბიდან ნიგოზი, მოუსვა კისერზე ფუტკარს და მოებმება. ნანიგვზარზე აკი ხე ამოვიდა; გაიზარდა ერთი საშინელი, დაისხა კაკალი; მუდამ ვბერტყავთ და ვყიდით კაკალს.

ერთხელ კაკალს ყვავი შემოეჩვია და სულ გააძევა. ესროლა მამაჩემმა ბელტო, და ზედ არ დარჩა! გაიზარდა ის ბელტო, გადიღდა, გაკეთდა სახნავ-სათიბი მიწები, გავაშენეთ ზედ ვენახი, დავრგეთ ვაზი, ისე გავაჩიხრიხეთ, რომ, ერთი სიტყვით, მტერსაც კი ეამებოდა. დაისხა ყურძენი, დამწიფდა მშვენივრად; ვაზებზე მტევნები სულ წითლად ღვიოდა. ჩვენ ველით, რომ ან ახლა მოვკრეთ და ან ახლა.


უცებ ერთი მელა-ტურა არ შემოსჩვევია! გავვიოხრა, გავვიტილა ერთიან; სულ ხელი აგვადებინა; ერთი სიტყვით,

წყალი გადაგვიწურა, გამოქამა ვენახი. ბოლოს ვთქვი: მოდი, ერთი წაეალ, დავუჯდები, ვუყარაულებ და ღმერთს გავუნაწყრომებ, დავიჭერ და სულ კუდით ქვას ვასროლინებ-მეთქი. თქმა და ქნა ერთი იყო; ვიპოვე საიდანაც მელა-ტურა შემოძვრებოდა ხოლმე: დავუჯექ და დავუწყე ლოდინი. ერთიც ვენახოთ, მოდის რაღაც და მოაფაჩუნებს; მე თან გული მისკდება შიშით, თან ჯავრით ვსკდები და თან სიხარულით მაკანკალებს: ერთი მელა-ტურა დავიჭირო-მეთქი. მართლა მელა-ტურა არ იყო!? ვტაცე კუდში ხელი და დავიჭირე. გავუსვი და გამოვუსვი სახრე, გავუსვი და გამოვუსვი; სიკეთე მოგეცეს, მე ის დავზილე დაქარიანებულ კაცივითა! ვცემ და ის კიდევ სულ ბარათებსა და კურკლებს ჰყრის...

— რა ეწერა, მართლა, იმ ბარათებში?—გაღუქრა სიტყვა ქოსამატყუარამ.

— ობოლს კვერი და ქოსამატყუარას კურკლიო. დარჩა შოთები ობოლს.

კირი იქ დავაგდე,  
ლხინი აქ მოვიტანე;  
ქატო იქ დავაგდე,  
ფქვილი აქ მოვიტანე!





## სამი ძმა და ქოსამატყუარა

იყო და არა იყო რა, იყო სამი ძმა. ის ძმები კარგა მდიდრები იყვნენ და ბლომდაცა ჰქონდათ თვალ-მარგალიტი. იმათი მამა რომ კვდებოდა, შვილებს თურმე დაუგდო ანდერძად: შვილებო, ყველგან ივაჭრეთ, ყველას ენდენით და ქოსას კი ნუ ენდობითო.

გავიდა ხანი. ძმებს არაფრისათვის არ დასჭირებიათ ქალაქს წასვლა. ბოლოს გაუთავდათ მარილი; ადგა უფროსი ძმა, შეკაზმა ჯორი, აჰკიდა თვალ-მარგალიტი და წავიდა ქალაქს, უნდა მარილი მოიტანოს.

უცებ წინ ერთი ქოსამატყუარა შეხვდა:

— გამარჯვება!

— გაგიმარჯოს!

— სად მიდიხარ?

— ქალაქს, თვალ-მარგალიტი მიმაქვს, უნდა გავყიდო, მარილი ვიყიდო და წავილო შინაო.

— მე მომყიდე, — უთხრა ქოსამ, — მარილსაც მე მოგცემ და ყველაფერსაცო.

— არა, — უთხრა უფროსმა ძმამ, — მამაჩემმა ის დაგიგდო ანდერძად, რომ ქოსებს ავადაც მოერიდენით და კარგადაცა; ნურც არას იყიდით იმათგან და ნურც არას მიჰყიდითო.

— კარგი, — უთხრა ქოსამ, — ძალით რა იქნებაო?

გაიქცა მაშინვე, აირბინა სხვა გზაზე, გადაუარა წინ და უთხრა ისევ გამარჯვება.

— სად მიდიხარო?

— მიმაქვს თვალ-მარგალიტი, უნდა გავყიდო, მარილი ვიყიდო.

— მე მომყიდეო,—უთხრა ქოსამ.

— ვერა,—იუარა კაცმა,—მე მამის ანდერძს ვერ გავტეხო.

— მაშ სადღა უნდა გაჰყიდო,—უთხრა ქოსამ,—მთელი ქვეყანა სულ ქოსამატყუარებისაგან არის შემდგარიო.

ღიჯვერა კაცმა:—ქარგი, მოგყიდი, რაღა იქნებაო.

ქოსამ უთხრა:—ერთს გამოცანას გეტყვი; თუ ის გამოიცანი, ერთი აქლემი მყავს იმას დაგიტვირთავ თვალ-მარგალიტით, ეგ შენი ჯორიც წაიყვანე, მარილსაც მოგცემ და წადი. თუ ვერა და, შენი ღირი თავის თვალ-მარგალიტით მე დამჩებო.

— ძალიან კარგიო.—გაუხარდა ამ ჯორის პატრონს.

ქოსამ უთხრა:—ერთ კაცს ერთი ციციური ჰყავდა, ის ციციური დილით წავიდოდა, ტყეში კვერცხს დასდებდა და სალამოზე ციციურიც და კვერცხიც კაკანით მოვიდოდნენ შინ!

„რა უნდა იყოსო“, იფიქრა კაცმა, მაგრამ რას მოიფიქრებდა? წააგო ჯორიც და თვალ-მარგალიტიც.

წავიდა შინ დადონებული. ქოსამ მარტო ერთ გირვანქამდე მარილი მოუტეხა და მისცა. მოვიდა შინ უფროსი ძმა და მოიტანა ერთი გირვანქა მარილი.

ადგა ახლა შუათანა ძმა. აჰკიდა ჯორს თვალ-მარგალიტი და წავიდა ქალაქს მარილის მოსატანად. გზაზე იმასაც ისევ ის ქოსა შეხვდა.

— გამარჯვება, შენო! — უთხრა ქოსამ შუათანა ძმას.

— სად მიხვალო?

— ქალაქს, მარილი უნდა მოვიტანო.

— მოშეც, მე მომყიდე,—უთხრა ქოსამ,—მარილსაც მე მოგცემ და ყველაფერსაცო.

— არა,—უთხრა შუათანა ძმამ,—მამის ანდერძს ვერ გავტეხ: ქოსას არც არაფერს მივყიდი და მისგან არც არაფერს ვიყიდიო.



ქოსა გასცდება, აირბენს სოფელზე, გადაუვლის წინ და ეტყვის: მომყიდე მე, სად მიგაქვსო.

ჯორის პატრონმა დაიშორა: მე ქოსებს არაფერს არ მიეციდიო.

მაგრამ ქოსამ უთხრა: მაშ ვისლა უნდა მიჰყიდეო, როდესაც ქვეყანაზე ქოსამატყუარების მეტი არავინ არისო.

დაუჯერა ჯორის პატრონმა და გაურიგდა.

ქოსამ უთხრა:—ერთ რასმეს გეტყვი, თუ გამოიცან, —ეგ ჯორიც შენი იყოს, კიდევ ერთ აქლემსაც აგიკიდებ და მარილს მოგცემ, თუ ვერ გამოიცან და შენი ჯორი თავის ბარგით მე დამრჩებაო.

— ძალიან კარგო, —დათანხმდა ჯორის პატრონი.

ქოსამ უთხრა:—მე ერთი ციციური მყავდა, დილით წავიდოდა, ტყეში კვერცხს დასდებდა, სალამოზე კვერცხი და ციციური დაბრუნდებოდა შინ კაკანითო.

ვერ გამოიცნო შუათანა ძმამ. დარჩა ქოსას დატვირთული ჯორი. მოუტეხა ერთი გირჟანქა მარილი და გაისტუმრა. შუათანა ძმა მივიდა შინ და მიუტანა ერთი ბეწო მარილი.

აღდა ახლა უმცროსი ძმა. აჰკიდა ჯორს თვალ-მარგალიტი, წაიყვანა და წავიდა ქალაქს. იმ ადგილას, რომ ჩაიარა, სადაც იმისი ძმები ქოსამ გატარცვა, ქოსა გადაუდგა წინ და მიესალმა. ვაჟმაც, რასაკვირველთა, უპასუხა. მერე ჰკითხა ქოსამ:

— სად მიხვალ, სად მიგაქვს ეგ თვალ-მარგალიტო?

უმცროსმა ძმამაც ისე უპასუხა, როგორც სხვა ძმებმა, თან დიდი უარი დაატანა, რომ მე ქოსას არ მიეყიდი და არ მიეციდიო.

დაანება თავი ქოსამ და გაიქცა სოფელ-სოფელ. გადაუვლის წინ და დაუხვდებოდა გზაში:

— მე მომყიდე ეგ შენი თვალ-მარგალიტო, —უთხრა უმცროს ძმას.

— არ მოგყიდი, ქოსა ხარ, —უპასუხა ვაჟმა.

— მაშ ვისლა მიჰყიდი, აქ სულ ქოსებიაო? —უთხრა ქოსამ.

— მაშ კარგი, მოგყიდიო, —უთხრა ვაჟმა.

ქოსამ უთხრა:—ერთ რასმეს გეტყვი, თუ გამოიცან, შენი

ჯორიცი შენ დაგრჩება, შენი თვალ-მარგალიტიცი, მარილსაც მოგცემ და ერთ აქლემსაც აგიკიდებო.

— კარგიო, — დათანხმდა ვაჟი.

ქოსამ უთხრა: — ერთი ციციური მყავდა, დილით წავიდოდა, ტყეში კვერცხს დასდებდა, სალამოზე კვერცხიცი და ციციურიც კაკანიით დაბრუნდებოდნენო.

ვაჟმა უპასუხა: — ეგ იმასა ჰგავს: ჩვენ ერთი თვალი ფუტკარი გვედგა. ყოველდღე ჩამოვუვლიდი და ჩამოვთვლიდი. ერთიცი ვნახოთ, ერთხელ დაეთვალე, ერთი ფუტკარი აკლია, მაშინვე წაველ საძებნელად. ვიარე, ვიარე და ზღვას გაღმა ვიპოვე: ფეხი მოსტეხოდა, დარჩენილიყო, მომკვდარიყო და ყვავ-ყორნები სწიწნიდნენო. — მიუგო ქოსას.

მეტი ღონე აღარ ჰქონდა, უნდა აქლემისათვის თვალ-მარგალიტი აეკიდა და მიეცა. ქოსამ უთხრა აქლემს: შენ რომ წაგიყვანს, ამა და ამ ადგილას რომ ქაობებია და ლაფები, იქ ჩაუწეკ; რაც უნდა გცემოს, არ ადგე; თუ ღმერთი გაგიწყრეს და ადგე, რომ მიგიყვანს, ბოსელში შეგიყვანს, შენ გაიბერე, კარებში ვერ შეეტევი, თავს დაგანებებს და გამოიქეც ჩემთანო.

წაიყვანა უმცროსმა ძმამ აქლემი, წაიყვანა თავისი ჯორიცი, წაიღო თვალ-მარგალიტიცი და მარილიცი. შუა გზაზე ერთი დიდი ტალახი ნახეს, მივიდა აქლემი და ჩაეგდო შიგ; უმცროსმა ძმამ ხმაც არ გასცა; დაჯდა ღობეზე, ამოიღო ჩიბუხი და დაუწყო წევა. ერთმა კაცმა გამოიარა:

— გამარჯვება! — უთხრა უმცროსმა ძმამ.

— გაგიმარჯოს! სადაური ხარ, სად მიხვალო? — ჰკითხა მეზავრმა.

— ოსოქოლური ვარ, ჯანაბას მივალო, — უთხრა აქლემის პატრონმა და თანაც დაუმატა: — ჩვენ სოფელზე ჩაივლი, ჩემ ცოლს ჰნახავ, ან ორსული იქნება ან არა; ეტყვი: ან გაგიჩნდება შვილი, ან არა, ან გაგიჩნდება ვაჟი ან არა, ან გაიზრდება ან არა-თქო. თუ გაიზარდოს, უთხარ, შეაბას ურემი და წამოიღოს: ტალახში აქლემი დამრჩა და წავილოთ-თქო. აქლემმა იფიქრა: სანამ ამის ცოლს ვაჟი გაუჩნდება და გაიზრდება, ან ჯანაბით აქ

მოვა, მე ხომ დავლპი ამ ტალახში და შიმშილით მომკლავ;  
წამოხტა და გაუდგა გზას.

გაჰყვა თან უმცროსი ძმაც. ბოლოს სახლში მოვიდნენ და  
მოიტანეს თვალ-მარგალიტი. გზაზე აქლემი აღარსად არ დას-  
წოლია. ბოსელში რომ უნდა შეეყვანათ, უცებ აქლემი გაიბე-  
რა და არ შეეცია კარებში. ახედ-დახედა ვაჟმა აქლემს და  
დაუძახა ძმებს:

— ბიჭებო, ერთი ცული გამომიტანეთ, აქლემი განიერი  
მოვიდა, გვერდები უნდა ჩავათალოვო!

აქლემმა იფიქრა: ეგ ისეთი გიჟი რამ ყოფილა, რომ არც  
კი გაუყვირდება, მართლა გვერდებს ჩამათლისო. დაიფუჟა და  
შევიდა ბოსელში.

მოჰხადეს აქლემს თვალ-მარგალიტი, თუნდა ათი ჯორის  
საპალნე გამოვიდოდა. თავის ჯორიც თვითონ დარჩა და მა-  
რილიც მოიტანეს...

კირი იქ დავაგდე,  
ლხინი აქ მოვიტანე,  
ქატო იქ დავაგდე,  
ფქვილი აქ მოვიტანე.

ელასა-მელასა,  
კიქა მეკიდა ყელასა...  
მთქმელსაც და გამგონებელსაც  
ძილი გვაამოს ყველასა!





## მეთევზე და სამი თევზი

იყო და არა იყო რა, იყო ერთ ქალაქში ერთი მეთევზე; მუდამ ღლე ის მეთევზე იქერდა თევზს, ჰყილდა ბაზარში და იმითი ირჩენდა თავსაც და ცოლ-შვილსაც.

ერთხელ თევზი ისე დაიაფდა, რომ აღარავინ ყიდულობდა. მეთევზესაც რალა უნდა ექნა? ველარ გაყიდა თევზები. ბოლოს აიღო და, რალაც ჰკუამ უთხრა, სამი თევზი წყალში გაუშვა: ერთს დაუძახა: ჰკუა, მეორეს — გონება, მესამეს — ფილთაქვა და გასწია სახლში.

გავიდა დრო. თევზი შეცოტავდა, მომხმარე კი ბევრი გამოჩნდა და დამპყერი კი ცოტა. ჩვენმა მეთევზემაც ცოტა სარფა ნახა.

ერთხელ მოაგონდა თავის თევზები მეთევზეს. იფიქრა: ახლა ისინი ძალიან დაიზრდებოდნენ, წავალ, დავიჭერ და გავყიდიო.

აიღო ბადე, მივიდა წყლის პირას და დაიძახა:

— ჰკუავ, ნაპირას გამოდი, უნდა დავიჭიროო!

მოცურდა თევზი ნაპირას და დაუძახა მეთევზეს:

— შენ თუ ჰკუა გქონდა, მე აქ აღარ გამიშვებდიო.

დალონდა მეთევზე: თევზი წაუვიდა ხელიდან.

მეთევზემ ახლა მეორეს დაუძახა: — გონებავ, გამოდიო!

— შენ რომ გონებიანი ყოფილიყავი, — უპასუხა თევზმა, — მე წყალში აღარ გამიშვებდიო, — შემოჰკრა ბოლო და გაცურდა ზვირთებში.

მეთევზემ ახლა მესამე თევზს დაუძახა: — ფილთაქვევ, სადა ხარ, გამოცურდი ნაპირას, უნდა დაგიპიროო!

— შენ თუ ფილთაქვისოდენა ჰკუა მაინც გქონიყო, — გამოსძახა მესამე თევზმა, — აქ წყალში კი არ გამიშვებდი, სახლში წამიღებდი ცოლ-შვილთანაო.

დარჩა გაწბილებული მეთევზე.

მეორე დღეს ბაზარში ველარ გაიარა საწყალმა, რადგანაც წინააღმდეგობით პირობა მისცა, რომ ხვალ თევზს მოეიტანო, და პირღია კი დარჩა. შერცხვენილი იჯდა სახლში და ჰქექავდა ნაცარს...

ასე იყო წყალში თევზის გამშვები მეთევზის საქმე!

ქირი იქა, ლხინი აქა,  
ფქვილი აქა, ქატო იქა.





## ხელმწიფის შვილი

ერთი ხელმწიფის შვილი იყო; ერთ დღეს სანადიროდ გავიდა. მინდორზე ერთი ირემი ნახა, გამოეკიდა იმას. ირემმა გაიტყუა, გაიტყუა, გაიარა ხელმწიფის შვილმა დიდი მინდორი, სახლს დაშორდა, და ზედ დაღამდა კიდევც.

ხელმწიფის შვილი ძალიან დაღონდა; ან კი რაუნდა ექნა: აზიზობას მიჩვეული, ტყეში როგორ გასძლებდა; არც ლოგინი ჰქონდა და არც სასმელ-საჭმელი. ბოლოს რომ ვეღარა მოახერხა რა, ტყეში შევიდა, დააკვესა, ცეცხლი დაანთო ერთ ხის ქვეშ, მიუჯდა გვერდს და შესცქეროდა ღამეს. უცებ ფეხის ხმა მოესმა. შეხედა და ორი არაბი კი წამოადგა თავს. ზურგზე რალაც ეკიდათ.

— გამარჯვება! — უთხრეს ხელმწიფის შვილს.

— თუ ჩემ სამტროდ არა ხართ მოსული, გაგიმარჯოსთო!  
— უპასუხა ხელმწიფის შვილმა.

— რა სამტროდ? — უთხრეს არაბებმა, — ჩვენ ვიცით, რომ თქვენ ხელმწიფის შვილი ბრძანდებით. ერთი რამ გვაქვს გასაყიდი და ვიცით, ივაჭრებთო!

— მაჩვენეთ, — უთხრა ხელმწიფის შვილმა, — ვნახო, რა არისო.

მოიხსნა არაბმა ზურგიდან რალაცა გუდასავით და იქიდან მზეთუნახავი ქალი ამოიყვანა. ხელმწიფის შვილს ძალიან მოეწონა ქალი. არაბებს უთხრა:

— ლმერთმა იცის, აქ ერთი მანეთის მეტი არა მაქვს, ნიშანს მოგცემთ, წაიღეთ მამაჩემთან, და ის მოგცემსთ ფულსო. — მისცა ნეკის ბეჭედი და გაისტუმრა.

ხელმწიფეს ძალიან მოეწონა სარძლო, მისცა არაბებმა რაცა სთხოვეს და უყიდა შვილს ცოლი.

მოვიდა ვაჟი, უხარიან: ცოლთან შეველო. შევა ცოლთან, დაუწყებს ხვევნას, მაგრამ ქალი უარს ეტყვის, ხელსა ჰკრავს: „მე სხვისი ცოლი ვარო“. ვაჟი მაინც არ მოეშვა. მაშინ გაბრაზებულმა ქალმა შემოჰკრა სილა ვაჟს და იქვე გული წაუვიდა ვაჟს. თვითონ ადგა, ჩაიცვა იმის ტანისამოსი, იმის რაშზე გადაჯდა და საჩქაროდ შეუდგა გზას.

მოაგონებენ ხელმწიფის შვილს. მოითხოვეს რაშს, მოატანინებს ტანისამოსს, ჩაიცვამს, შეჯდება და გამოეკიდება.

დაეწია ქალს, გადუდგა წინ და დაუქირა ცხენს აღვირი. აღარ გაუშვა ქალი. ქალი ჯერ ტკბილად ელაპარაკა; რაკი ვაჟმა არა და არ დაიჯერა, გადმოჰკრა ყუით ხმალი და გადმოაგდო გონმიხდილი. თვითონ დეზი ჰკრა ცხენს და გააქანა.

ცოტა გზა რომ გაიარა, ქალმა დაინანა ვაჟი. იფიქრა: „ერთი რომ ვუყვარვარ, მეორე ნახევარი თავის ქონება ჩემში მისცა და მესამე — ჩემთვის ამდენი იტანჯა და იტანჯებოა“.

შეებრალა, მივიდა ვაჟთან. მოაგონა, რაშს დეზი ჰკრა და გააქენა. ხელმწიფის შვილი ადგა, მოახტა რაშს და გამოეკიდა ქალს. იარა ქალმა, იარა ვაჟმა და მივიდნენ ერთ ქალაქში. სახლებს სულ შავები აქვს გადაკრული. თურმე იმ ქალაქის ხელმწიფის ქალი იყო ის ქალი: მიეთხოვებინა მამას ერთი ხელმწიფის შვილისათვის, მიეყვანა კიდევ ჯვრისდასაწერად, მაგრამ ამ დროს არაბებს მოეპარათ ქალი და ნეფეც ცარიელი დარჩენილიყო და ხელმწიფეც ძალიან დაღონებული იყო.

ხელმწიფეს მახარობელი მოუვიდა, რომ თქვენი ქალი მოვიდაო. საშინლად გაუხარდა, მაშინვე უბრძანა: ახსენით შავები ქალაქსაო.

ქორწილი ხელახლად დაიწყო. ხელმწიფის შვილიც სწორედ იმ დროს მივიდა იმ ქალაქში. ერთ ოჯახში ჩამოხტა. ნახა რომ აკვნიდან ბავშვი ააყენეს, გახადეს შავები, თეთრები

ჩააცვებს და ისევ დააწვინებს. ხელმწიფის შვილმა ჰკითხა, თუ რად ეცვა ბავშვს შავეები. იმათ უპასუხეს, რომ ხელმწიფემ ქალი გაათხოვა, არაბებმა მოჰპარეს, იმას ვგლოვობდით, ახლამოუვიდა, ქორწილი ისევ დაიწყო და შავეები იმიტომ გავხადეთ ბავშვსა. აგე, ჩანან კიდეცაო, — უჩვენეს ხელმწიფის შვილს, — შვიდნაირ ცხენებზე სხედან მაყრიონნი, შვიდნაირი ტანისამოსი აცვიათო.

ხელმწიფის შვილი მაშინვე ადგა, იყიდა შვიდნაირი ცხენი, შვიდნაირი ტანისამოსი, შეჯდა და წავიდა. მივიდა და გაერია მაყრიონში. ვერაფერ ვერ იცნო, ყველას თავისი ეგონა. წამოიყვანეს ბოლოს ის ქალი, რომელსაც ჩვენ ვიცნობთ და წამოვიდნენ მაყრიონნი ნეფის სახლისაკენ.

გზაზე დაულამდათ, დადგნენ ერთ ადგილას. დასცეს კარავი. კარავში დედოფალი და ნეფე შებრძანდნენ, მაყრიონნი კი ყველანი გარეთ დადგნენ. ნეფემ ყველა დაითხოვა: წადით, დაიძინეთო, და ხელმწიფის შვილი კი კარავის წინ დააყენა ყარაულად.

ყველას დაეძინა. კარავში ნეფე და დედოფალი ნარდსა თამაშობდნენ, ხელმწიფის შვილი კი დევე კარვის კარებთან დგას. ითამაშეს ცოლმა და ქმარმა კარგა ხანს, და საქმე ისე წავიდა, რომ ქალმა ოჯერ-სამჯერ ზედიზედ აჯობა ქმარს. ქმარს ეს ეწყინა. გაუშალა და სტკეცა ერთი სილა. ქალი ძალიან გაჯავრდა, დაიწყო ტირილი.

— აი ეს არის, რომ უცნობლად გაათხოვებენ და არაჰკითხავენ ქალს. რატომ იმ ხელმწიფის შვილს არ დავუჯეცოლად, არაბებისაგან რომ გამომისყიდა, ამოდენა იტანჯა ჩემთვის, და მე კი შენზე გავცვალე. სად ხარ, ხელმწიფის შვილო, რატომ აქ არა ხარ, და ამას თავს არ მოსჭრი და მე ცოლად არ წამიყვანო!

— აქა ვარო, — სთქვა კარებში მდგომმა ხელმწიფის შვილმა, შეუვარდა, მოსჭრა თავი ნეფეს, ქალი შესვა რაშზე და მოაფრინა სახლში.





## მეხხეარე და გველი

იყო და არა იყო რა, იყო ერთი კაცი და დედაკაცი. ჰყავდათ ერთი ვაჟიშვილი. ძალიან ღარიბად ცხოვრობდნენ.

შვილმა უთხრა დედ-მამას:

— ჩემო დედავ და მამავ, ხომ ხედავთ, არაფერი გვაქვს, წავალ ხაღმე, დაუდგები ვისმესო.

— ძალიან კარგო, — გაუხარდათ დედასა და მამას. შვილი წავიდა, იარა და ერთ მდიდარ კაცს სარქლად დაუდგა. ძალიან ყოჩალი იყო და მალეც ააშენა ცხვარი.

გავიდა ერთი წელი. აღას უთხრა:

— დამითხოვე, ცოტა ხანს, წავალ დედ-მამას ვნახავ და ისევ დაგბრუნდებო.

აღამ მოუწონა სარქლას იმის გულში ნადები, დაუკლა ცხვრები, აუკიდა ერთ ცხენს ერბო, ყველი, ერთ ცხენს ხორცი და გაისტუმრა.

ვაჟი გზაზე მიდიოდა. დაინახა უცებ, რომ გზაზე ერთი გველი გადაწოლილა, და თუ გზიდან არ მოშორდა, ცხენები გასქყლეტენ. გველი გზიდან არ დაიძრა. ვაჟი მაშინვე ჩამოხტა, აიყვანა გველი ხელში, გადადო გზას იქით და უთხრა:

— შე საწყალო, რა გინდა გზაზე რომ წვიები, ან ფეხით ვინმე გაგქყლეტავს, ან კიდევ მოგკლავსო. — დაანება თავი და გაუდგა თავის გზას.

მივიდა სხალში. ერთი კვირა იქ დარჩა, მერე ისევ აღვა და იმავე გზით წამოვიდა ალასთან. გზაზე ისევ ის გველი ნახა გაწოლილი; ისევ შორიდანვე გადმოხტა, აიყვანა გველი, გადადო გზას იქით და უთხრა:

— შე საწყალო, ეს მეორედ გადაგსვი გზას იქით, გზაზე ნუ გამოდიხარ, მოგკლავენო!

გასცდა გველს და წავიდა. რომ გაიარა, გველმა დაუძახა:  
— ბიჭო! ბიჭო! ცოტა მოიცაო.

ვაჟმა დაუჯადა, გველი მივიდა და უთხრა:

— ჩაგბერავ, და არ შეშინდევო.

ჩაპბერა ვაჟს და გახდა გულთმისანი მწყემსი. ყველაფრის  
ლაპარაკსა და ხმას გაიგებდა: ცხვრისას, ძროხისას, კამეჩი-  
სას, ბალახისას, წყლისას და სხვ.

წამოვიდა მეცხვარე ალასთან. ემსახურა კიდევ ალას ერთი  
წელიწადი და უთხრა ბოლოს:

— შენი ქირიმე, ალავ, მომეც რაც მერგება, ერთი მერ-  
გება თუ ორი, და ახლა კი დედ-მამას მივეშველებიო.

— წადი, შვილო, გადააგდე შუაზე კაევი და, რაც კავს  
აქეთ დარჩეს, წაიყვანეო.

წავიდა მწყემსი, მოუარა ცხვარს და გამორეკა. ერთი ბა-  
ტკანი დარჩენილიყო. დედა გაუჯავრდა:

— რასა ჰგვიანობ და არ მოდიხარ, მანდ რა ფეხი გტყდე-  
ბაო.

— შენ არ იცი, დედავ, ჩემმა პატრონმა რომ იცოდეს,  
მე როგორიც ვარ, რას მიზამდაო, — უპასუხა ბატკანმა.

გაიგონა ეს სიტყვები მეცხვარემ და დაისწავლა ბატკანი.  
გაყვეს ცხვარი და ის ბატკანი ალას ერგო. მწყემსმა უთხრა:

— ალავ, ცხვარში ერთი ხელზე შეჩვეული ბატკანი მყავდა,  
ის შენ გერგო და თუნდ ორ თოხლს მოგცემ, და ის კი მო-  
მეციო.

— შენი არაფერი არ მინდა, შვილო, — უპასუხა ალამ, —  
გამოარჩიე, რომელიც არის, და წაიყვანეო.

გამოარჩია ის ბატკანი მეცხვარემ, გამოეთხოვა ალას, გა-  
დაუხადა მადლობა, გაირეკა ფარა და გასწია სახლში. გზით  
ცხვარი ერთ სოფელზე გაატარა. ერთი სახლის კარებზე საფ-  
ქვავი იყო, დაფენილი საფენებით. იქვე ერთი ლამაზი ქალი  
იჯდა. საფქვავეზე ჩიტები ისხდნენ: ზოგი ჩიტი საფენებზე და-  
ფენილ საფქვავეს ჰკენკავდა: თქვე უგნურებო, მიწაზე დაბნე-  
ულს ვინ შეგვეცილებო, როდესაც გვინდა, მაშინ ავკენკოთ; მო-  
დიოთ, აქა ვკენკოთ, სანამ მოგვასწრობენ და აპხვევენ საფქვავე-  
საო.

ამ სიტყვებზე მეცხვარეს გაეცინა. ქალმა დაინახა, მეცხვარემაც: მოეწონათ ერთმანეთი. გასცდა მეცხვარე და წავიდა სახლში. ააშენა მშენებელი სახლები, მშენებელად დაიწყო ცხოვრება და ბოლოს ცოლის შერთვაც წაინდომა.

იარა, იარა და იმ ქალზე დაიწერა ჯვარი, საფქვავს რომ ედგა. ახალმა ცოლმა და ქმარმა დაიწყეს ერთად ტკბილად ცხოვრება. მაგრამ ბოლოს კი ჩაუშვარდათ ეს სიტკბოება. ცოლი აუტყდა ქმარს:

— უნდა მითხრა, რად გაიცინე ჩემს კარებზე, რომ ცხვარი გამოატარეო.

ქაცი არ ეუბნებოდა, რადგანაც გველისაგან ჰქონდა ნათქვამი, რომ თუ იტყოდა, მოკვდებოდა. ცოლი სანამდე აუტყდა, სანამ არ მოეშვა, სანამ პირობა არ ჩამოართვა ქმარს, რომ გეტყვიო, თუმცა კი იცოდა, რომ ის თქმა იმის ქმარს სიცოცხლეს გამოასალმებდა.

ქმარმა დაკლა ექვსი ცხვარი, გამოაცხო პური, მოამზადა ყველაფერი ქელეხისათვის და მერე უნდა ეთქვა და მომკვდარიყო. საღამოზე ცხვარი შერეკა ბაქში, კარები გაუკეთა, და უტებ იმ იღბლიანმა ბატონმა დაუძახა სხვა ცხვრებს:

— იცით, რას გეტყვითო?

— რასო? — ჰკითხა ყველამ.

— ჩვენ პატრონს ცოლი გადაჰკიდებია ერთი რამ მითხარიო; ქმარი, თუ ცოლს გაუმხელს იმას, მოკვდება. ახლა ქელეხის სამზადისშია, ხვალ ეტყვის და მოკვდება. იმისთანა ცოლს იმის მაგიერ ის უნდა: უნდა ერთი ხორკლიანი ჯოხი გამოსკრას, დადოს, იმდენი სცემოს, რომ დაბადების დღეც დააფიწყოს, და ქმრის საიდუმლოს შეტყობაც კი აღარ უნდოდესო.

ეს სიტყვები გაიგონა მეცხვარემ. წამოვიდა, გამოსკრა ერთი ხორკლიანი ჯოხი, მივიდა შინ, დადო ცოლი, გაუარა და გამოუარა, ისე მოურბილა გვერდები, როგორც დამპალი ვაშლი. ერთი კვირა იწვა ლოგინში იმისი ცოლი და მერვე დღეს წაიღო თქვენიც და ჩემი კირიც!



### ცოლ-ქმარის ანბანები

იყო და არა იყო რა, იყო ერთი ცოლ-ქმარი. ქმარი ხელმწიფესთან მსახურობდა და ყოველ თვისა და თვის თავს ჯამაგირს აიღებდა თუ არა, გაუგზავნიდა ცოლს.

გავიდა სამი თუ ოთხი თვე, ფული აღარ მოუვიდა ცოლს, ქმარი რალაც მიზეზით აღარ უგზავნიდა. ცოლი ძალიან შეწყუბდა, ადგა და წავიდა მამასახლისთან საჩივლელად:

— სამი-ოთხი თვეა ქმრიდან ჯამაგირი აღარ მიმიღია, შიმშილრთა ეკვდები, რა მიზეზია, მიშველე რამეო.

მამასახლისმა აათვალღერ-ჩაათვალღერა, თვალში მოუვიდა, უთხრა: — მე ამალამ თქვენთან წამოვალ და ხვალ გავიგებ მაგ საქმესო.

ქალმა უთხრა: — მე თქვენს საკადრის ვახშამს როგორ მოვამზადებ, ღარიბი ვარო.

მამასახლისმა ფული მისცა: — წადი, კარგი ვახშამი მოამზადეო.

ქალი მამასახლისიდან ნაჩაღნიკთან წავიდა საჩივლელად:

— შენი ჭირიმე, ბატონო, სამი-ოთხი თვეა, ქმრიდან ჯამაგირი აღარ მიმიღია, და არ ვიცი, რა მიზეზია, მიშველერამეო.

— ამალამ თქვენთან წამოვალ და ხვალ გავიგებ მაგ საქმესო, — უთხრა ნაჩაღნიკმა.

— მე თქვენს საკადრის ვახშამს ვერ მოვამზადებ, — უთხრა ქალმა, — ღარიბი ვარო.

ნაჩაღნიკმა ფული მისცა: — წადი, ამა და ამ დროს ვახშამი მოამზადე, ამა და ამ დროს მოვალო.

ქალი ახლა არქიელთან წავიდა: — შენი ქირიმე, ბატონო, სამი-ოთხი თვეა, კმრიდან ფული აღარ მიმიღია, და არ ვიცი, რა მიზეზიაო.

არქიელმა უთხრა: — ამალამ, შეილო, თქვენთან წამოვალ, და ხვალ ყველაფერი გარიგდებაო.

ქალმაც იგივე პასუხი მისცა: — თქვენს საკადრის ვახშამს მე როგორ მოვამზადებო?!

მისცა ფული არქიელმა და უთხრა: — წაიღე, შეილო, კარგი ვახშამი მოამზადე, და ამა და ამ დროს მოვალო.

ქალი წამოვიდა სახლში. სამი შკაფი იყიდა, მოიტანა, დაღვა სახლში და მოამზადა ვახშამი.

შებინდა თუ არა, მოვიდა მამასახლისი, გაშალეს სუფრა და დასხდნენ. ვახშამს სჭამენ. ზედ ნაჩაღნიკიც მოვიდა. მამასახლისი ძალიან შეშინდა, გაქცევა დააპირა.

ქალმა უთხრა: — საწყინოდ კი ნუ მიიღებ, ამ შკაფში შებრძანდი, ვინ არის, ვნახავ, გავისტუმრებ, მერე გამოდი, დავსხდეთ და ქეიფი ვწიოთო.

მამასახლისი შეჯდა შკაფში, ქალმა გარედან დაკეტა და გასაღები ჯიბეში ჩაიღო. მოვიდა ნაჩაღნიკიც. გაშალეს სუფრა, დასხდნენ ვახშამზე. ამ დროს მოვიდა არქიელი, ქალმა უთხრა ნაჩაღნიკს:

— თუ შეიძლება, შკაფში შებრძანდი, გავიგებ, ვინ მოვიდა, გავისტუმრებ, გამობრძანდი მერე, დავსხდეთ და ქეიფი გავწიოთო. — გაუღო მეორე შკაფი, შეჯდა შიგ ნაჩაღნიკი, ქალმა გარედან დაკეტა და გასაღები ჯიბეში ჩაიღო.

შემობრძანდა არქიელი. გაშალეს სუფრა დასხდნენ და დააპირეს ვახშობა. ქალს მეზობლის ბიჭი გაზრახებული ჰყავდა, როდესაც არქიელი სუფრაზე დავსვა, მოდი და კარი დააკაქუნეო. მოვიდა მეზობლის ბიჭი და დაუკაქუნა კარი.

ქალმა უთხრა არქიელს: — საწყენად კი ნუ მიიღებთ, და

შკაფში შებრძანდით, ცოტა ხანს, გავისტუმრებ ვინ არის და მერე გამობრძანდითო.

— დიდი სიამოვნებით, — უპასუხა არქიელმა — ოღონდ კი დამმალე, და რატომ არ შევალო!

შეჯდა შკაფში არქიელი. ქალმა გარედან დაკეტა შკაფი, გასაღები ჯიბეში ჩაიდო. ქალი და მეზობლის ბიჭი დასხდნენ ვახშამზე და კარგა შეექცნენ.

მეორე დღეს ქალმა დაიჭირა სამი მუშა, აჰკიდა ზურგზე სამივე შკაფი და მთავარმმართველს მიართვა. ქალმა სთხოვა: — თქვენს მსახურთ უბრძანეთ: შკაფები გაალოსო.


მთავარმმართველმა ქალს უბრძანა: — თქვენ გააღეთო. გააღო ერთი შკაფი ქალმა, და გამოძვრა მამასახლისი; გააღო მეორე — გამოვიდა ნაჩალნიკი; გააღო მესამე — გამობრძანდა არქიელი.

მამასახლისი სამსახურიდან გამოაგდეს, ნაჩალნიკი დაითხოვეს და არქიელი გაკრიქეს და ციმბირში გაგზავნეს.

ნაჩალნიკობა ქალის ქმარს მისცეს და ნანაჩალნიკარი სალდათად გაგზავნეს...

ქირი იქა, ლხინი აქა,  
ქატო იქა, ფქვილი აქა.





### ოქროსქორიანი ქალ-კეპის ზღაპარი

იყო და არა იყო რა, იყო ერთი კაცი; ჰყავდა სამი ქალი. ქალებს დედა მოჰკლდომოდათ და ერთი აშარი დედინაცვალი ჰყავდათ.

დედინაცვალს თვალში ეკალივით ეხირებოდა თავისი გერები. ერთხელ მოიხვდა თავი. ქმარს უთხრა: — თუ მომაშორებ ამ შენ ქალებს — მოვრჩები, და თუ არ მომაშორებ — მოვეკვდებიო.

მამა დალონდა: როგორ უნდა გავიმეტო შვილებიო.

იგონა, იგონა და მოიგონა: შვილებს უთხრა: — წამოდით, შვილო, ერთ ადგილას ერთი ვაშლი ვიცი, იმას დავბერტყავ, თქვენ კი აკრიფეთო.

წავიდნენ და თან ერთი ფარდაგი წაიღეს. ვაშლის ძირში ერთი საშინელი ორმო იყო; იმ ორმოს გადაათარა ფარდაგი მამამ, ზედ ფოთოლი დააყარა; თვითონ ვაშლზე ავიდა და ქალებს უთხრა:

— მე ვაშლზე ავალ, დავბერტყავ, თქვენ ხელი ხელს ჩასჭიდეთ, გამოიქეცით და ისე აკრიფეთო.

ავიდა მამა ვაშლზე და დაბერტყა. ქალებმა ერთმანეთს ხელი მოსჭიდეს და გაიქცნენ, შედგნენ ფარდაგზე, ფარდაგი ჩაიკეცა და ვაშლიანად ქალები ორმოში კი ჩაცვიდნენ. დაიწყეს ქალებმა ტირილი. მამამ დაანება შვილებს თავი და წამოვიდა შინ.

როდესაც ქალებს შიმშილმა გაუჭირვა საქმე, უფროსმა სთქვა: — მოდიო, დებო, მე შემეპამეთო.

— არა, მე შემეპამეთო, — სთქვა შუათანამ.

პატარა და ლოცვას მოჰყვა: — დმერთო, ცალი ხელი ნიჟად მიქციე და ცალი ბარადაო.

დმერთმა უსმინა ლოცვა, ცალი ხელი ნიჟად უქცია და ცალი ბარადა. ქალმა თხარა ბარით, ყარა მიწა ნიჟფოთ, თხარა, ეწვალა და გავიდა ერთ ხელმწიფის თავლაში. იქ ცხენებს ასუქებდნენ, ნუშა და ქიშმიშს აქმეედნენ. მივიდა ქალი ცხენებთან, აკრიფა ნუში და ჭიშმიში, თვითონაც კამა, რამდენიც უნდოდა და დებსაც წაულო.

ასე და ამრიგად გამოდოდა უმცროსი ხელმწიფის თავლაში და მიჰქონდა ნუშ-ქიშმიში. საქმლის მოკლება ცხენებს დააჩნდა: ძალიან დახდნენ. ხელმწიფეს მოჰხსენდა, რომ ცხენებს ვაქმევთ და ისევ დამხდრები კი არიანო. ხელმწიფემ მეჯინიბე დააყენა სადარიელად. უდარიელა მეჯინიბემ. ქალი გამოვიდა, ამოიკვალთა (შემოიკალთავა) კაბა და დაუწყო კრეფა ნუშ-ქიშმიშს. ამ დროს მისწვდა მეჯინიბე, დაიჭირა და უთხრა:

— ხელმწიფესთან უნდა წაგიყვანო.

ქალმა უთხრა: — დებიც მყავს, იმათაც წამოვიყვან და წავიდეთო.

მეჯინიბემ გაუშვა ქალი. ქალმა დებიც მოიყვანა. მეჯინიბემ დები ხელმწიფესთან წაასხა და თანაც მოახსენა, თუ რად მოიყვანა ქალები.

ხელმწიფემ უფროს დას ჰკითხა: — რა ხელობა იციო?

— მე ისეთ ხალიჩას მოჰქსოვ, რომ მთლად შენი სახელმწიფო ზედ დაჯდეს, და კიდევ მეტი იყოსო, — უპასუხა უფროსმა დამ.

— შენ რაღა შეგიძლიაო? — ჰკითხა შუათანა დას ხელმწიფემ.

— მე ისეთ საქმელს მოვხარზავ კვერცხის ნაჭუქში, რომ მთლად შენი სახელმწიფოს მცხოვრებნი დაძდნენ და კიდევ დარჩისო.

— შენ რაღა იციო? — ჰკითხა უმცროს დას ხელმწიფემ.

— მე ოქროსქოჩრიან ქალ-ვაეს გავაჩენო! — უპასუხა უმცროსმა ქალმა.



ხელმწიფემ უმცროსი ქალი ცოლად დაისვა და სხვა ქალები ნაზირ-ვეზირს დაურიაგა.

გავიდა რამდენიმე ხანი. ხელმწიფის ქალს ოქროსქოჩრიანი ქალ-ვაჟი ეყოლა. დებს შეჰშურდათ, უმტრეს და ბებია დაარიგეს, რომ ის ქალი და ვაჟი მოეპარა და ძაღლის ლეკვები დაქსვა იმათ მაგიერ.

ოქროსქოჩრიანი ქალ-ვაჟი წისქვილის ღარში ჩაყარეს და ხელმწიფეს ახარეს, რომ თქვენ მეუღლეს ძაღლის ლეკვები ეყოლაო. ხელმწიფე განრისხდა: როგორ თუ მაგან მე მომატყუაო. მსახურებს უბრძანა:

— წაიყვანეთ და ალაყათის კარებზე მიაკარით. ვინც აიარ-ჩამოიაროს, პირში მიაფურთხოს და ძუძუზე მური მოსცხოსო.

საცოდავი ქალი მიაკრეს ალაყათის კარებზე. გამვლელ-გამომვლელი ყველა პირზე აფურთხებდა და ძუძუზე მურს სცებდა...

მეწისქვილე უშვილო იყო. ტირილი შეესმა. გამოვიდა, ნახა, — ქალ-ვაჟია. ძალიან გაუხარდა, სთქვა: მაინც ღმერთს ჩემთვის შვილი არ მოუცია. ამათ ავიყვან, ვიშვილებ და გაეზრდითო.

აიყვანა ქალ-ვაჟი და მოიყვანა შინ. ვინც წლით იზრდებოდა, ისინი დღით იზრდებიან. მეწისქვილემ ცალკე აუშენა სახლი ნაშეილობებს და დააყენა იქა.

ხელმწიფემ ერთხელ წვეულება გამართა, რომელზედაც ყველა ქალი და რძალი მიიწვია თავის სახელმწიფოდან. წვეულებაში ოქროსქოჩრიანი ქალი და ვაჟიც მოჰხვდნენ. ვინც ალაყათის კარებში შევიდოდა, ყველა აფურთხებდა ქალს და ძუძუზე მურს სცებდა. ოქროსქოჩრიანმა ქალ-ვაჟმა კი პირზე ვარდი მოუსვეს, ძუძუ მოსწმინდეს და ზედ აკოცეს.

შევიდნენ ხელმწიფესთან. დასხდნენ სუფრაზე და დაიწყეს ლაპარაკი:—ალაყათის კარებზე მიკრული ქალი ჩვენი დედა არისო,—უთხრა ვაჟმა,—და თქვენ ჩვენი მამა ხართო.

მაგრამ ხელმწიფე რას დაუჯერებდა!

სუფრაზე შემწვარი ხოხობი იდო, იქვე ხმელი ვაზის რქა ეგდო. აიღო ხელში ვაზის რქა ვაჟმა და სთქვა:

— თუ ის ქალი, ალყაფის კარებზე რომ არის მიკრული, ჩემი დედაა და ხელმწიფე ჩენი მამა, გაცოცხლდეს ეს ვაზის რქა, განედლდეს, ფესვები გაიდგას და ყურძენი დაისხასო.

მერე აიღო ხოხობი და სთქვა:

— თუ ის ქალი, ჩემი დედაა და ხელმწიფე ჩემი მამა, გაცოცხლდეს ხოხობი, შეჯდეს ვაზზე და მხრები გაისწოროსო!

განედლდა ვაზი და დაისხა მშვენიერი ყურძენი. გაცოცხლდა ხოხობი, შეფრინდა ვაზზე და დაუწყო სწორება თავის ტურფა მხრებსა.

ხელმწიფე მოეხვია თავის შვილებს და დაუწყო კოცნა. შემოიყვანეს ქალი, მოჰბანეს პირი, ჩააცვეს სადელოფლო ტანისამოსი და სცეს მეფური პატივი.

იმისი ღები კი მოაბეს ცხენებს კულზე და დააგლეჯინეს.

კირი იქა, ლხინი აქა,  
ქატო იქა, ფქვილი აქა.





## ლორის ამბავი

იყო და არა იყო რა, იყო ერთი ღარიბი და უშვილო ცოლ-ქმარი. იმ ცოლ-ქმარს ბედად ერთი ღორი ჰყავდა. ის ღორი ისეთი იყო მოავლებდა პირს, კოკა იქნებოდა თუ ლიტრა, გაიქცეოდა წყალზე, აავსებდა და მოიტანდა შინ. წაიღებდა სარეცხს, დარეცხდა და მოიტანდა ისე. სახლსა ჰგვიდა, ქურქელს რეცხდა, ერთი სიტყვით, მშვენიერ დიასახლისობას ეწეოდა.

ერთხელ ამ ღორმა სარეცხი წაიღო და წავიდა ერთ ყრუ ტყეში. იქ ერთი ხელმწიფის შვილი ნადირობდა; დაინახა ღორი და დაუწყო თვალის ქერა. მივიდა ღორი წყალთან, გაიძრო უცებ ღორის ტყავი, და ისეთი მშვენიერი ქალი გამოჩნდა, რომ შუქმა მთა გადაიარა. ხელმწიფის შვილი ველარ ამორებდა მშვენიერ ქალს თვალს და სულგანაბული შესცქეროდა მშვენიერ და ტურფა თვალებში.

დარეცხა სარეცხი ქალმა, გადიცვა ისევ ღორის ტყავი და მოკურცხლა სახლში. ხელმწიფის შვილიც თან გაჰყვა. მივიდა ღორი ქობში და მიჰყვა ხელმწიფის შვილიც. ცოლ-ქმარს უთხრა:

— ამაღამ აქ, თქვენსა უნდა გავათიოო.

— არა ვართ ღირსნი თქვენი აქ დგომისა, თქვენს მუხლებს ვენაცვალე, — მოახსენა დიასახლისმა, — არც საკმელ-სასმელი და არც ლოგინი ჩვენ თქვენი საკადრისი არა გვაქვს, გლეხები ვართ, საწყლებიო...

— ლოგინიც ჩემი მომივა და სასმელ-საქმელიც, — უპასუხა ხელმწიფის შვილმა, — თქვენ ამისთვის ნუ შესწუხდებითო.

იმ ღამეს იქ გაათია ხელმწიფის შვილმა. უნდოდა ღორი როგორმე ეგდო ხელში, მაგრამ მოხუცებულებმა ლოგინში ჩაიწვინეს. მეორე დღეს ხელმწიფის შვილმა ათი თუმანი შეაძლია მოხუცებულებს, მაგრამ იმათ უარი უთხრეს: — ჩვენი მაცხოვრებელი ეგ არის, ჩვენ რაღა ვქნათ, რომ ეგ მოვიშოროთო.

მერე ოცი თუმანი შეაძლია, ოც თუმნად კი მისცეს მოხუცებულებმა.

ჩაისვა ხელმწიფის შვილმა ხურჯინში ღორი და წაიყვანა; მიიყვანა შინ და მამას გამოუცხადა, რომ ღორზე უნდა დავიწერო ჯვარიო. მამას ძალიან ეწყინა.

— რასა შეტეხი, შვილო, — უთხრა შვილს, — რაზე იწერ ჯვარს, რად მარცხვენ ან მე და ან შენ თავსო.

— ჩემი ბედი ეს არის და რა ვქნა, ჩემო მამავო, — უპასუხა შვილმა. აღარც არაფერი მამამ უთხრა.

წაიყვანეს ღორი საყდარში. ისე დაიწერეს ჯვარი, რომ ღორს ერთხელაც არ ამოუღია ხმა და დაუტყვირია, თუმცა ღორები ძალიან მყვირალები არიან. დაიწერეს ჯვარი და წავიდნენ.

ხელმწიფემ თავის შვილ-რძალს ერთი ძველი ოთახი მისცა, მაგის ღირსები ხართო. შეიყვანა ცოლი ხელმწიფის შვილმა და უთხრა:

— გაიხადე ტყავიო. — ქალმა გაიხადა ტყავი და მზეთ უკეთესი ქალი და ხელმწიფის შვილი გადაეკდნენ ერთმანეთს კისრებით.

ეს ყველაფერი ნაზირ-ვეზირმა ნახა, რადგანაც ხელმწიფემ გაგზავნა და უთხრა: წადით, უცქირეთ, რას იზამს ჩემი შვილიო... წავიდნენ ნაზირ-ვეზირნი და მოახსენეს ხელმწიფეს. შეიყვანა ხელმწიფის შვილმაც თავისი ცოლი და წარუდგინა მამას. მამას ძალიან გაუხარდა, დალოცა თავის შვილ-რძალი და დაავიროგვინა.

ვეზირს შეჰშურდა ხელმწიფის შვილისთვის ეს ცოლი, თავისთვისა სთქვა: მაგან ერთი ბეწო ღორი მოიყვანა, მაგის

მეტი მაგის პატრონს არა ჰყავდა რა, ეგეთი ქალი გამოჩნდა. მე წავალ და მთელ ფარაში ავარჩევ სულ დიდ ღორს და წამოვიყვანო.

წავიდა მართლაც, მივიდა მელორეებთან. აარჩია სულ დიდი ღორი ფარიდან და უთხრა, რომ ეს მომყიდეთო. მიჰყიდეს, რასაკვირველია, მოურიგდნენ ფასზედაც. დააკრა ცხენზე ეს ღორი ვეზირმა. ჰყვირის ღორი რაც ძალი და ღონე აქვს, იზიდება ცხენიდან. ბოლოს დაწყვიტა, რითაც იყო დაკრული და მოფხუჟა ფარაში. მაგრამ ვეზირმა თავი არ დაანება, წავიდა ისევ მოსაყვანად. ახლა კი, როგორც იყო ერთი ჰყვილით მიიყვანა სახლში და წაიყვანა ეკლესიაში ჯვრის დასაწერად.

იზიდება ღორი, ჰყვიის, რაც ძალი და ღონე აქვს, გადააქცია შანდლებიც, მღვდელიც ქვეშ გაინაგვა, ქმარიც და სტუმრებიც. მაინც როგორც იყო დაიწერეს ჯვარი და ვეზირმა თავის ახლად ჯვარდაწერილი შეაბრძანა საძილო ოთახში. ჰკოცნის ყელში ვეზირი ღორს, უსვამს ხელს: გაინადე გენაცვალე, ქალო, რათა სჯავრობო! ქალი კი უფრო ჯავრობს, ვეზირი ჰკოცნის კიდევ ყელში ღორს. გაიზიდა ღორი, გამოუსვა ყელში კბილი ვეზირს და გამოსქრა ყელი. ღორი ფარაში გაიქცა და ვეზირი კი საფლავს მიაბარეს... ასე გათავდა ვეზირის ღორზე ჯვრისწერა!

კირი იქა, ლხინი აქა,  
ქატო იქა, ფქვილი აქა.





## ჭინჭრახა

იყო და არა იყო რა, იყო საში ძმა, ძალიან ღარიბები და საწყლები. უფროსი ძმების სახელები არ იცოდნენ, და უმცროსს კი ჭინჭრახა ერქვა.

ძმებმა თქვეს: — ჩვენ რომ სახლში ვისხდეთ მზეზე, არაფერი მოგვივა, წავიდეთ სადმე ან სამუშაო ვიშოვოთ, ანდა მოჯამაგირედ ვისმეს დავუდგეთო. ძალიან კარგიო, — თქმა და ქმნა ერთი იყო. აღგნენ და გასწიეს.

ბევრი იარეს, ცოტა იარეს, მივიდნენ ერთ ხელმწიფესთან. — მოჯამაგირეები არ გინდათო? — ჰკითხეს.

— გვინდაო, — უპასუხეს.

დაუდგნენ ხელმწიფეს ძმები, ექსახურებოდნენ და კარგ ყელშიაც იყვნენ. ჭინჭრახა ძალიან ყოჩალი იყო, ამიტომ იმას ხელმწიფე ხელზე იმსახურებდა. ძმებს ჩაუფარდათ ჭინჭრახას შური: იმის დალუპვა მოინდომეს. წავიდნენ და ხელმწიფეს მოახსენეს: ამა და ამ დევს ერთი ისეთი ოქროს ხელადა აქვს, რომ რაც უნდა ჩაასხა შიგ, ღვინოდ აქცევს, ჭინჭრახა გაგზავნე და ეგ მოგიტანსო.

დაიბარა ხელმწიფემ ჭინჭრახა და უთხრა:

— ღმერთმანი, ესე, ესე ამბობენ, ამა და ამ ბრმა დევს ერთი ხელადა აქვს ოქროსი, და ის უნდა მომიტანოო.

— რა მეტი ჯანი მაქვს, — უპასუხა ჭინჭრახამ, — ერთი ქარჩი და ნიჩაფი კი მომეცითო.

მისცეს ქარჩ-ნიჩაფი. წაილო და წავიდა კინკრახა ხელადის მოსატანად.

მივიდა, და რომელ გორაზედაც დევს სახლი არ ედგა, იმას დაუწყო ხერეთა; ხერიტა, ხერიტა და ააჩინა დევის ტახტის ქვეშ. მოავლო ხელი კინკრახამ ამ ხელადას.

დევს ერთი ფანდური ჰქონდა, ოქროსი. ის ფანდური ისეთია, რასაც დაინახავს, ან გაიგონებს, ყველაფერს იტყვის. დაინახა ამ ფანდურმა კინკრახა, რომ ხელადას ეძაძგურება, და დაიძახა: მოიტაცა კინკრახამ ხელადა, მოიტაცაო!

წამოხტა დევი, იცქირება იქით-აქეთ, არსად კინკრახა, — ხელადა იქვე დგას. კიდევ ამოძვრა კინკრახა, სტაცა ისევ ხელი ხელადას, ფანდური ისევ იმას დაიძახებს. დევი ისევ წამოხტა, — ხელადა იქვე დგას. გაჯავრდა დევი, ჰგონია ფანდური მატყუებსო და, როდესაც კინკრახამ ხელი სტაცა ხელადასა და მოჰხუტა, მაშინლა სთქვა: აბა, ვნახავ, მართლა ხომ არ წაიღოვო. ნახა, სადღაა ხელადა!

წამოხტა დევი და გამოუდგა, მაგრამ კინკრახას ვინ დაიქერს?

— კინკრახაე! — დაუძახა დევმა, — კიდევ მოხვალო?

— მოვალ კი არა, თვალსაც მოგთხრიო! — უპასუხა კინკრახამ.

ხელადა მოუტანა ხელმწიფეს. გაუხარდა, მაგრამ ძმებს კი ეწყინათ. რამდენიმე ხანი რომ გაივლის, ძმები აღგებიან ისევ და ხელმწიფეს მოახსენებენ.

— დიდებულს ხელმწიფევე, ვგრა მოსატანია, კინკრახამ რომ მოიტანა; იმ დევს ერთი ფანდური აქვს, ის ფანდური კაცივითა ხედავს და კაცივით ესმის. რასაც გაიგონებს და დაინახავს, ყველაფერს დაიძახებს. აბა ის მოიტანოს კინკრახამ, თუ კაი ბიჭიაო.

დაიბარა ისევ ხელმწიფემ კინკრახა და უთხრა:

— უნდა წახვიდე და იმ დევს რომ ის ფანდური აქვს, ის უნდა მოიტანო.

რა მეტი ღონე აქვს კინკრახას! ადგა და წავიდა. მივიდა ისევ. აძვრა ხერელში და დაჯდა დევის სკამის ქვეშ. როდესაც დევი იქით მიიბრუნებს თავს, ის ხელს წაავლებს ფანდურს.

ფანდური ყვირის: წამიყვანა კინკრაბამაო! ეძებს დევი კინკრაბას, არსად კინკრაბა! გაჯაგრებულმა დევმა დაანება თავი კინკრაბას და ფანდურს წყენით უთხრა: — კირიმც მოგიპამიათ, რაც უნდა ქენით შენა და შენმა კინკრაბამაო.

მოავლო ხელი კინკრაბამ ფანდურს, ჩაძვრა ხვრელში და მოუსვა ხელმწიფისაკენ. გამოუდგა დევი, მაგრამ რას დაეწეოდა? მერე ღაიძახა:

— კინკრაბავ, მოხვალ კიდევ, თუ არაო?

— მანდ რაღა დამრჩენია, რისთვისღა მოვიდეო! — უპასუხა კინკრაბამ.

აღდა დევი და დაიწყო ტყეებში ხეტიალი!

მოუტანა კინკრაბამ ფანდურიც და უფრო გაახარა ხელმწიფე. ძმები ჯავრით იხოცებიან. ბოლოს ხელმწიფეს ეტყვიან: — დიდებულო ხელმწიფევე, მაგ ფანდურისა და ხელადის პატრონიც რომ აქ მოიყვანონ, რა კარგი იქნებაო?!

— ვინ მოიყვანსო? — ჰკითხა ხელმწიფემ.

— ვინც ხელაღა და ფანდური მოიტანა, კინკრაბაო!

დაიბარა ხელმწიფემ კინკრაბა და უთხრა: უნდა წახვიდე და ის დევი აქ მოიყვანოვო.

რა ძალა ჰქონდა კინკრაბას! ასრულებდას მეტი იმის ხელთ არა იყო რა, ერთი ცული მოითხოვა, მისცეს ცულიც და წავიდა.

წავიდა კინკრაბა, დადის ტყეში და ეძებს დევს. ბოლოს შეხვდა იმ დევს, დევიც ნახავს:

— ბიჭო, მინდოდი და გიპოვნე კიდევ, — უთხრა დევმა, — შენ კინკრაბა არა ხარო?

— რა კინკრაბა, რის კინკრაბა, — უპასუხა კინკრაბამ, — მე კინკრაბა ყურითაც არ გამიგონია. მე ერთი საწყალი ღურგალი ვარ, ფიცრებს ვეძებ, კილობნები უნდა დავაკეთოო.

— ერთი კილობანი მეც გამიკეთე, — უთხრა დევმა, — იქ, ჩვენსა წავიდეო. — უნდა რომ წაიყვანოს და შეკამოს.

— იქაც წამოვალ, — უთხრა კინკრაბამ, — და აქაც ისეთ კილობანს ვაგვიკეთებ, რომ შიგ ჩაჯდე, დაგღვა ურემზე, რომ ფეხით არ მოგინდეს სიარული და შინ ისე მიგიტანოო.



— ძალიან კარგით, — უთხრა დევმა.

გააკეთა ერთი მაგარი კიდობანი ჭინჭრახამ, ჩასვა შიგ დევი, მოიკიდა ზურგზე და ძუგძუგ ხელმწიფისაკენ! ხელმწიფეს ძალიან გაუხარდა. ჭინჭრახამ კი იცოდა, რაც იქნებოდა. აადულა ერთი დიდი ქვაბი ნაცარტუტა, ავიდა ერთ ქაღალზე და აიტანა ქვაბიც. თან კიდევ იმას უცქერის, თუ ხალხი რას იზამს, ან ის დევი.

გახსნეს კიდობანი. ხელმწიფეც იქ არის, ნაზირ-ვეზირნიც, ჭინჭრახას ძმებიც, დუნია ხალხიც. ამოვარდა დევი და სულ ერთიან კი გადაყლაპა ყველა. გაიქცა და შეებლოტა ქაღალზე. ჭინჭრახა დაუძახებს:


— ხომ შენი ლუკმა ვარ და შენი ლუკმა, ყბა გააღე, ჩამოვვარდები და ჩაგივარდები პირშიო.

გააღო დევემა მართლა ხახა. გადმოუშვა ეს ადუღებული ნაცარტუტა ჭინჭრახამ და ჩაასხა დევეს ხახაში. დევი იქვე დაიხრჩო.

ჩამოვიდა ჭინჭრახა, გახდა ხელმწიფედ და დღესაც იქ არის...

ჭირი იქა, ლხინი აქა,  
ქატო იქა, ფქვილი აქა.





## მზის ქალი

იყო და არა იყო რა, იყო სამი ძმაკაცი. მოხნეს სამი დღის მიწა და დათესეს: ერთმა იქით, ერთმა აქეთ და ერთმაც შუაზე. მოვიდა მშვენიერი ჯეჯილი. აღელდა ყანა ზღვასებრ. აღელდა პატრონის გულიც სიხარულით იმ ყანის მნახველი. მაგრამ დახე უბედურებას!

ერთ მშვენიერ დღეს მოიქურუშა ცამ პირი, დაუშვა სეტყვა და შუალა ყანა სულ მიწაში ჩაიტანა. ის ორი ნაპირისა კი გადარჩა.

მოვიდა პატრონი, დახედა ყანას და ჩასწყდა გული. მაინც აღარაფერი თქვა, აიღო ნამგალი, გადიღო მხარზე და გაუღდა გზას ბედის საქებნელად.

იარა, იარა და ერთ მდიდარ კაცთან მივიდა. ასი დღის ყანა ედგა იმ მდიდარ კაცს. მივიდა და უთხრა:

— რას მომცემ, რომ ეგ ასი დღის ყანა ერთ დღეს მოგიმკაო?

— შუაზე გაგიყოფო, — უპასუხა მდიდარმა კაცმა.

წავიდა ჩვენი ნაცნობი ვაჟი და დაუწყო ულოს გრეხა. შუადღემდის ულო გრიხა, მერე მოუღო ნამგალი და გაუსო. ის იყო ერთი ძნალა ჰქონდა შესაკრავი, რომ ჩავიდა მზეც. მოუხადა ვაჟმა ქუდი მზეს, შეევედრა: ნუ ჩახვალ ჯერ, ცოტა მოიცადეო, მაგრამ მზემ აღარ მოიცადა. შეკრა ის ძნაც და მოვიდა ყანის პატრონიც: ძალიან გაუკვირდა ასეთი იმისი მკა და უთხრა:

— გავიყოთ შუაზე ახლა, როგორც პირობა გვაქვსო, — მაგრამ მომკალმა არ უსმინა, გადაუგდო ნამგალი და უთხრა:

— მაინც ბედი არ მაძლევს და არ მაძლევს. პირობა ვერ შევასრულე დროზე, შენ შენთვის და მე ჩემთვისო... — წავი-  
ლა.

წავიდა... ბევრი იარა, ცოტა იარა, მივიდა ერთ ხელმწი-  
ფესთან და დაუდგა მეცხვარედ ოთხი წლის ვადით, იმ პი-  
რობით, რომ არც მგელს რამე შეექამა იმ ოთხ წელში, არც  
ჭირს მოეკლა, ერთი სიტყვით, ბეწვი არ უნდა დაჰკლებიყო,  
ბოლოს შუაზე გაიყოფდნენ: ნახევარს ერთი წაასხამდა, ნახე-  
ვარს მეორე. თუ დააკლდებოდა რამე, მეცხვარე ცარიელი  
უნდა წასულიყო.

დადგა ვაჟი მეცხვარედ. გავიდა ოთხი წელი; ერთი თიკ-  
ნის ყური არ დაჰკლებია, ისე ააშენა ცხვარი, რომ მიწას უმ-  
ძიმდებოდა.

ის იყო, ბაკში ერეკებოდა მეცხვარე ცხვარს გასაყოფად,  
რომ უცებ ერთი მგელი გამოიქცა, ეცა ერთ ცხვარს, მოი-  
ტაცა და გააქანა ტყისკენ.

ხელმწიფე მაინც შუაზე უყოფდა ცხვარს, მაგრამ მეცხვა-  
რემ გადაუგდო კავი და წავიდა თავის გზაზე. ბევრი იარა, თუ  
ცოტა იარა, მივიდა ერთ მდინარესთან, დაჯდა და დაისვენა.  
გაიხედა და დაინახა, რომ სამი მზის ქალი ჩამოსულან და ება-  
ნებიან წყალში; ისეთი მშვენიერებია, რომ კაცის თვალი იმათ-  
ზე კარგს ველარასა ნახავს. ადგა ეს კაცი, მოეპარა ამ ქალებს,  
მოიპარა ერთი და გამოიქცა.

ირბინა ბევრი, ირბინა, გაიყვანა ქალი ერთ ტრიალ მინ-  
დორზე, გაუკეთა ქოხი და დადგნენ იქ. მაგრამ არაფერი კი  
არ ებადათ. ქმარი აღარც სამუშაოდ წავიდა: სადაც ვიყავ, რა-  
საც ხელი მოვკიდე, კი არ იყო ჩემი ბედი და ახლა სადღა  
უნდა წავიდეო.

ქალს ერთი ნატერის ბეჭედი ჰქონდა. მისცა ის ბეჭედი  
ქმარს და უთხრა:

— ჩემი ქრთამი და მზითევი ეს არის, ამის მეტი მე არა-  
ფერი მაბადია და არც შენ. მიწაზე დასდებ, სუფრა გაიშლე-

ბა, სუფრაზე დასდებ სასმელ-საკმელი ჩამორიგდება, ჩამოიტან ქვევით, ქურჭელი დარიგდება, აიტან და ჩამორიგდება. დიახ, გაიხარა ქმარმა. უსაზომო შეებას მიეცა. ხელმწიფის დაპატიჟება ჩაიდვა გულში. ცოლმა უშალა:

— შენს ქერკში იყავ, მიუწვდომელს ნუ ეწვდები. ხელმწიფის სტუმრობა ადვილი ნუ გგონია. აზნაურის სტუმრობაო, ნუ გგონია ხუმრობაო. ეგ ერთი ბეჭედი გვიგდია და გაკვირვებით გინდა ეგეც თავიდან მოიშოროვო.

— არ იქნება და არ იქნება, — გაუნიჟა ქმარმა, — უნდა დავპატიჟოთ და ჩვენი გლეხური ცხოვრება ვაჩვენოთ, ნახონ, რომ ჩვენც შეგვიძლია ხელმწიფეს გავუმასპინძლდეთო.

აღვა მეორე დღეს ეს კაცი და გასწია ხელმწიფესთან დასაპატიჟებლად. მიართვა საჩუქარი და სთხოვა:

— გაგვაბედნიერეთ და მობრძანდით ჩვენსა სადილადო.

ხელმწიფეს გაეცინა: — შენ რა ხარ, შენი სადილი რა უნდა იყოს, — მაინც უთხრა, — მე კი ვერ წამოვალ და ნაზირ-ვეზირს გამოგაყოლებო.

ხელმწიფემ დაიბარა ნაზირ-ვეზირი და უბრძანა:

— წადით, ნახეთ, ეს კაცი რომ მეპატიჟება, რაზედ მეპატიჟება, აქვს რამე, თუ აბუჩად მიგდებსო.

გაუძღვა კაცი და გაჰყვნენ ნაზირ-ვეზირნიც ჯარით. გზაზე რომ მიდიოდნენ, ჯარსაც და ნაზირ-ვეზირსაც პური მოშივდათ. მოკლეს ერთი ხოხობი, მისცეს ბიქს და გაგზავნეს შესაწველად ქოხში. სწავეს ხოხობს ბიჭი, თვალი მზის ქალზე აქვს. ისე მოხიბლა ქალმა, რომ სრულებით დაავიწყდა, თუ ხოხობსა სწავადა. ნახევარი ხოხობი სულ ჩაებუვა. წამოუღო ნაზირ-ვეზირს დამწვარი ხოხობი. ჰკითხეს ხოხობის დაწვის მიზეზი.

— ღმერთმანი, ერთი ქალი იყო ამ კაცის ქოხში, ისე მომტაცა გონება, რომ ველარაფერი გავიგეო.

ნაზირ-ვეზირმა დააჩქარეს ჯარი, შესხდნენ და გასწიეს იმ ქოხისაკენ, ქალის ნახვა მოუნდათ. მივიდნენ შორიახლოს და ჩამოხტნენ.

ჩამოურიგა მზის სიძემ ბეჭედი ცხენებს, და სათითაოდ თი-

ვა დაედო და ქერიანი თოფრები ჩამოეკიდა. აატარა მერე და ცარიელი თოფრები ჩამოხსნა. დადვა ბეჭედი და გაეშალა ჯარს სუფრა. მოვიდა და მოვიდა საჰმელი და სასმელი, სულ ახალი და ახალი. ნაზირ-ვეზირი გაკვირვებულები იყვნენ: სახელი კი არსად უდგა, არაფერი უჩანს და ეს რა ამბავიაო. ნახეს ახლა იმისი ცოლი და სულ ჭკუაზე შეიშალნენ. გაუმასპინძლდა მშვენიერად მზის სიძე და გააკვირვა ნაზირ-ვეზირი. მოვიდნენ ხელმწიფესთან ნაზირ-ვეზირი.

— როგორ გაგიმასპინძლდათ ის ჩემი ყმაო, — ჰკითხა ხელმწიფემ.

ნაზირ-ვეზირმა ძალიან უქეს: — სულ უცეცხლო საჰმელები გაგვიკეთა. მაგრამ იმას რომ ცოლი ჰყავს, იმისთანა კი არაფერი იქნება. ის იმას კი არ უნდა ჰყავდეს, ხელმწიფეს ეკადრება. იმას ცოლი წაართვით და თქვენზე ბედნიერი აღარავინ იქნებაო.

— როგორ წავართვა? — ჰკითხა ხელმწიფემ, — უმიზეზოა ცოცხალი არ დამანებებსო.

ნაზირ-ვეზირმა ურჩიეს: — დაიბარე ის კაცი და შეუქვეთე: მზეს რომ ოქროს ერკემალი ჰყავს, ის მომიყვანე-თქო. ის იქ წავა, იქიდან ველარ მოვა, და ცოლი შენ დაგრჩებაო.

მაშინვე დაიბარა ხელმწიფემ მზის სიძე და უთხრა:

— უნდა წახვიდე და, მზეს რომ ოქროს ერკემალი ჰყავს, ის მოიყვანოვო.

დაბრუნდა შინ მზის სიძე, შესჩივლა ცოლს:

— ხელმწიფე მზესთან მგზავნის, ოქროს ერკემალი უნდა მოვუყვანოო.

— ახლა რაღა ეშველება, — უთხრა ცოლმა, — ეგ წინათვე უნდა გეფიქრა, ახლა ჯავრობით ველარაფერს გააწყობ, ისევ ისა სჯობია, ადგე და შეუდგე გზასო. — მისცა ნიშანი და გაგზავნა.

ბევრი იარა მზის სიძემ, ბევრი ქვეყანა გაიარა, გაათავა აახმელო და სამზეოს მოება. იარა, იარა და მივიდა იქ, სადაც მზე და მთვარე იყვნენ. მზე სამგზავროს ყოფილიყო, ქვეყანაზე წასულიყო სანათობლად. მთვარემ ნახა მზის სიძე,

იცნო და ძალიან გაუხარდა, დედას ახარა, ჩვენი სიძე მოვიდაო.

გამოჰკითხა სიძეს მოსვლის მიზეზი. სიძემ უამბო ყველაფერი:

— მზე მოვა, შენ ვერ გაუძლებ იმის ნათელს და დაიწვებიო. — აქცია ნემსად და შეარქო ბოძში.

სალამოზე მოვიდა მზეც:

— სულიერის სუნი მოდის, — დაიძახა მზემ, — ვინ მოსულა ჩემს საბრძანებელშიო?

— რას ამბობ, — გაუჯავრდა მთვარე, — ქვეყანაზე შენ დადიხარ, შენ მოგყვებოდა სულიერის სუნი. მართლა, შენი სიძე რომ იყოს აქ, ხომ არ დასწვავო?

— არა, — უფიცა მზემ, — ოღონდ თვალით კი მაჩვენეთ, როგორი კაცია ჩემი სიძეო.

აქცია მთვარემ სიძე ისევ კაცად და წამოიყვანა მზის წინ. მზე მოეაღერსა სიძეს და გამოჰკითხა მისვლის მიზეზი.

— ხელმწიფე შენ ქალს მეცილება, — უთხრა სიძემ, — გაუგონია, მზეს ოქროს ვერძი ჰყავს, და გამომაგზავნა იმის წასაყვანადო.

— ფიქრი ნურაფრისა გაქვს, — გაუმაგრა გული მზემ, — წამოდი, ჩემს ბაღში დაისვენეო.

შევიდა ბაღში ვაჟი. ნახა სადაც რამ იყო, საშინლად მოეწონა. მართლაც მშვენიერი რამ იყო: ზოგი მწიფე იყო, ზოგი მაშინ ყვაოდა, ზოგი მაშინ იფოთლებოდა, ზოგს კი ჩამოსდიოდა.

მზემ უთხრა სიძეს: — აქ ბაღში იყავ, და სადილს მგელი და ელია მოგართმევენო...

მოშივდა მზის სიძეს, დაჯდა და დაუწყო მოლოდინი. მოვიდა მგელი და მოუტანა სუფრა. მოვიდა ელია და მოართვა სასმელ-საქმელი. მზის სიძეს ერთი კომბალი ჰქონდა; გაიკითხა მგელი იქით და ჰკითხა:

— მე რომ ოთხი წელიწადი ერთი თიკნის ყურეც არ დამკლებია, ისე ვუვლიდი ცხვარს, და ყავლის გათაგების დროს შენ რომ მოხველ და მომტაცე, რადა ჰქენ ეგ საქმეო? — წაუ-

ლო და წაუდო მგელს, იმდენი სცემა, რამდენიც ენება. მერე გაიკითხა ელია და იმასაც ჰკითხა:

— მე რომ სამ მამულში შუა მამული მეპირა, შენ წამო-  
უშინე სეტყვა და სულ მიწაში ჩაატანე ჩემი ყანა, რადა ჰქენ  
ისეო? — დაუდო და დაუდო იმასაც. ჰკრა; კომბალი თვალეში  
და გამოაჩიჩქნა. დაჯდა, მერე და შეექცა სადილს. დაურიგდა  
მზის ბაღს და ამტვრია და სკრა ხეხილი, გაათიალა და გაა-  
ვერანა ერთიან.

მოვიდა მზე სიძესთან და ნახა, რომ ბალიც ისე გაუვერა-  
ნებია, რომ მტერს აეტირება.

— რათა ჰქენ, მაგრეო? — ჰკითხა სიძეს.

— თქვენ რალად ჰქენით ისე, რომ ერთი საწყალი მამული  
მეგდო, წამოუშინა ელიამ სეტყვა, გამოიხრა; ოთხი წელი-  
წადი ხელმწიფეს ტყუილად ვემსახურე, წილი დამაკარგვინა,  
ან მე რომ ასი ღლის ყანა ერთ ღლეს მოგმკე, შეგვკონე, ერთი  
ძნალა მქონდა შესაკრავი, გთხოვე, მოიცადე, ნუ ჩახვალ-მეთ-  
ქი, და შენ ყურიც არ შეიბერტყეო?

მზემ ველარაფერი უთხრა, მისცა ოქროს ვერძი და გაის-  
ტუმრა მშვიდობით.

მოუტანა ოქროს ვერძი ხელმწიფეს. ხელმწიფეს იმედი და-  
ეკარგა ქალის ხელში ჩაგდებისა. ნაზირ-ვეზირს ჰკითხა:

— რალა მესველეზაო?

ნაზირ-ვეზირმა ურჩია, რომ საიქიოს გაგზავნე, თქვენმა  
მშობელმა დედამ რომ ბეჭედი წაიღო, ის მოგიტანოსო.

დაიბარა ხელმწიფემ მზის სიძე და უბრძანა:

— საიქიოს წადი, ჩემმა დედამ საიქიოს ბეჭედი წაიღო,  
და ის მოიტანეო.

მოვიდა ცოლთან მზის სიძე და შესჩივლა:

— ხელმწიფე ახლა საიქიოსა მგზავნის, შენი თავი უნდა  
წამართვასო.

ცოლმა ერთი ვაშლი მისცა და უთხრა:

გააგორე ეს ვაშლი, და სადაც ის წავიდეს, გაჰყევ შენც  
კვალზეო.

აიღო ვაშლი მზის სიძემ, გააგორა და გაჰყვა კვალზე. მი-

გორავს ვაშლი და აი გამოვა ერთ ღუზ მინდორზე. ერთი ირემი ღვას, რქები ცამდისა აქვს აწვდილი:

— გამარჯვება შენით, — უთხრა მზის სიძემ ირემს.

— გაგიმარჯოს, — უპასუხა ირემმა, — სად მიდიხარ, აქ რამ მოგიყვანაო? — ჰკითხა ირემმა.

— საიქიოს მივდივარ, ხელმწიფის დედას ბეჭედი უნდა გამოვართვა და მოვეტანოო.

— მეც რამე წამალი მომიტანე, რქებს ველარ ვზიდავო, — შეეხვეწა ირემი.

გასცდა ირემს მზის სიძე და მივიდა ერთ კლდესთან, შიგ ერთი ხარი აბია: არც სასმელი წყალი აქვს, არც საკმელი ბალახი, მაგრამ ისეთი მსუქანია, რომ ხორცი ასკდება სიმსუქნით.

მზის სიძეს ძალიან გაუკვირდა, ხარსა ჰკითხა:

— არაფერს კი არა სჭამ, და რამ გაგასუქა მაგრეო?

— რომ ჩამოივლი, მაშინ გეტყვიო, — უპასუხა ხარმა.

გასცდა ამას მზის სიძე და ერთ მშვენივრად მორთულ მინდორზე გამოვიდა. ნიავის ქროლაზე ბალახი ზღვასავით ღვას; წყაროებს ჩუხჩუხი და ლურლური მოაქვს ბალახებს შუა. მინდვრის შუა ერთი ხარი ღვას, პირაკრულია, ვერც არაფერსა სჭამს და ვერც არაფერსა სევამს; ისეთი მკლეა, რომ კაჰკაჰი ვერაფერზე გამოეზიდება.

გაკვირვებული მზის სიძე იმასაც ჰკითხავს:

— რამ გაგხადა მაგრე, ასეთი სასმელი და საკმელი წინა გაქვსო?

ხარმა არაფერი უპასუხა: ამვლელი ბევრი მინახია, გამომვლელი კი აღარც ერთიო.

მზის სიძე გასცდა მკლე ხარს და ერთ მღვდელს შეხვდა: ზურგზე საყდარი ჰკიდია, დადის და სადაც ერთ კაცს ჰნახავს, დადგამს და ულოცავს. მზის სიძე მღვდელსაც მიესალმა, მღვდელმა მგზავრობის მიზეზი ჰკითხა, და მზის სიძემ კიდეც საყდრის ზურგზე აკიდებია. მღვდელმა სთხოვა:

— საიქიოს რაკი მიხვალ, შემიტყვე, რა ვუყო ამ საყდარს, მუდამ ზურგზე ხომ არ მეკიდება, ამბავი მომიტანეო.



გასცდა იმასაც ვაჟი და წავიდა. ბევრი იარა, ცოტა იარა, მივიდა ერთ ადგილას: ცულის ტარზე ცოლი და ქმარი წვანან; ერთმანეთს ეხვევიან, ჰკოცნიან და ცულის ტარი იქით და აქეთ კიდევ გაქარბებულა.

მზის სიძე გაკვირვებული შესცქეროდა საკვირველ ცოლ-ქმარს:

— თუ ღმერთი გწამსთ, ეგ როგორ არის, რომ ცულის ტარზე სწებართ ორი სული და იქით და აქეთ კიდევ ადგილია დარჩენილიო.

— ამელელი ბევრი გვინახია და ჩამომვლელი კი აღარავინ! — უპასუხეს ცოლ-ქმარმა, — აიარე, ჩამოიარე და მაშინ ყველაფერს გაიძობთო.

გასცდა ამათაც გაკვირვებული მზის სიძე და წავიდა. ბევრი იარა, ცოტა იარა, მივიდა ერთ ცოლ-ქმართან; კამეჩის ტყავზე დაწოლილან, ერთი იქით გორავს, ერთი აქეთ და კიდევ ერთმანეთს სწიხლავენ: იქით მიწექ, ზიწიე, იქით მიწიქო!

მზის სიძე მივიდა, სალამი მისცა და ჰკითხა:

— ეგ რა უბედურებაა თქვენ თავს, რომ კამეჩის ტყავზე სწებართ და კიდევ ვიწროთ გეჩვენებათო?!

— ამელელი ბევრი გვინახია, ჩამომვლელი კი აღარავინ! — უპასუხეს ცოლ-ქმარმა, — წადი, და თუ ჩამოივლი, მიზეზს მაშინ შეიტყობო.

გასცდა ამათაც მზის სიძე და მიდის. გზაზე ერთი დედაკაცი შეხვდა: მოუგროვებია კვერცხები და კოშკს აშენებს. აიყვანს ცოტად, ააცილებს მიწას, იგრილებენ კვერცხები და ჩამოცვივიან დაბლა. ის ხელახლად მოჰყვება და აშენებს კოშკს. მივა იმასთან მზის სიძე და გაკვირვებით ჰკითხავს:

— რას შვრები? კვერცხების კოშკი სხვას ვის აუშენებია, რომ შენ ააშენოო?!

— ჩამოიარე და მაშინ გეტყვი მაგის მიზეზსო, — უპასუხა დედაკაცმა.

გასცდა ამ დედაკაცსაც მზის სიძე და წავიდა თავის გზაზე. გზაზე ერთ თონეს მიაღდა. ერთი დედაკაცი ღვას და აც-

ხობს პურს. ჩააკრავს თეთრ პურს, როგორც ბამბას, და ამოიღებს ისეთ შავს, როგორიც ნეხვია.

მზის სიძე მივა იმასთან და გაკვირვებული ჰკითხავს:

— ეგ რისგან არის, რომ თეთრ პურს ჩააკრავ და შავს, საძაგელს ამოაკრავო?!

— ჩამვლელი ბევრი მინახია, ამომვლელი აღარც ერთი, — უპასუხა პურის მცხობელმა დედაკაცმა, — ჩაიარე და, თუ ამოივლი, მაშინ გეტყვიო.

გასცდა იმასაც მზის სიძე და წავიდა. გზაზე ერთი კაცი ნახა: ხეზე ხილად დევს, ვინც გაივლის და გამოივლის, ყველა იმაზე გახდება და გამოხდება.

— ეგ რა ამბავია შენს თავსაო? — ჰკითხა მზის სიძემ კაცხილას.

— ჩამვლელი ბევრი მინახია, ამომვლელი აღარც ერთი, — უპასუხა კაცხილამ, — ჩაიარე და, თუ კიდევ ამოივლი, მაშინ გეტყვიო.

გასცდა იმასაც მზის სიძე და მივიდა ხელმწიფის დედასთან.

— შვილმა დაგიბარა, — უთხრა ხელმწიფის დედას, — მანდ რომ ბეჭედი წაიღე, ის გამომიგზავნეო.

მისცა ბეჭედი მზის სიძეს ხელმწიფის დედას და უთხრა:

— წაიღე, მიეც ჩემ შვილს და უთხარ: დედას დაგიბარა: რადგანაც აქაც არ მადღევ მოსვენებას და მაშფოთებ, შენამც იქნები წყეული-თქო. შენი საქმე ისე მოვიდეს, რომ შენმა ვეზირებმა შეგქამონ-თქო!

მზის სიძემ ჰკითხა:

— ესე, გზაზე ერთი ირემი ვნახე, რქები ცამდისა ჰქონდა აწვდილი, სიარული აღარ შეუძლია, წამალი დამაბარა და, თუ შეიძლება, მასწავლე? ერთი მღვდელი იყო კიდევ, ზურგზე საყდარი ეკიდა, სადაც ერთ კაცსა ნახავდა, მიიტანდა დადგამდა და იქ ულოცავდა. იმასაც დაუბარეთ, რა უყოს იმ საყდარს? ხელმწიფის დედას უთხრა:

— ირემმა მაისის წყალი დალიოს და გასცვივა რქები; მღვდელმა კიდევ წაიღოს ის საყდარი, დადგას შუა სოფელ-

ში, დაჰკიდოს ზარები, ლოცვაზე რომ დგებოდეს, დარეკოს ზარები, ვისაც ლოცვა უნდა, მოვა და ილოცებს, ვისაც არ უნდა, — არ მოვა, შენი ბრალი არ იქნება-თქო...

წამოიღო ბეჭედი და წამოვიდა მზის სიძე. გზაზე კაც-ხიდას შეხვდა, ჰკითხა მიზეზი ისე ტანჯვისა. კაც-ხიდამ უთხრა:

— მე ხიდი მებარა, ზედ არავის გავატარებდი უფასოდ, საწყალი და გაკირვებული არ ვიციოდი, ყველას ერთიანად ვაძრობდი ტყავს, და აი, ახლა ხომ ჰხედავ, როგორა ვარო...

გასცდა ამას მზის სიძე და წამოვიდა თავის გზაზე... პურისმცხოვრებელმა დედაკაცმა უთხრა:

— მე იმქვეყნად ისეთი წუწკი ვიყავ, რომ პური რომ ჩამეკრა და იმ დროს ან მშიერ მგზავრს გამოეეგლო, ან გლახას, თვალეზს ჩაეიწვავდი თონეში, რომ არ დამენახა ისინი და პურის მიცემა არ მომდომოდა. ახლა ესე ვარ; როგორიც უნდა თეთრი პური ჩაეაკრა, მიწად მექცევისო.

კვერცხების კოშკს რომ აგებდა, იქ მოვიდა. დედაკაცმა უთხრა:

— მე იმქვეყნად კვერცხებს ვიპარავდი და აი ახლა ასე ვიტანჯებიო.

დასტოვა მზის სიძემ კოშკისმგებელი და წამოვიდა თავის გზაზე. ბევრი იარა, ცოტა იარა, მოვიდა კამეჩის ტყავზე მწოლელ ცოლ-ქმართან. იმათ უთხრეს.

— იმქვეყნად ჩვენ ერთმანეთი გვძულდა; ქვეყანა ჩვენთვის ვიწრო იყო, ვერ ვთავსდებოდით და აი ახლაც კამეჩის ტყავზე ვერ ვეტყვი. რამდენიც უნდა გვძულდეს ერთმანეთი, ვეღარ მოვშორდებითო...

მზის სიძე ცულის ტარზე მწოლელ ცოლ-ქმართან მივიდა. იმათ უთხრეს:

— იმქვეყნად ერთმანეთი გვიყვარდა და აქაც გვიყვარს. მოყვარულ ცოლ-ქმარს ცულის ტარიც არ ეპატარავენა საცხორებლად, ოღონდ ერთმანეთი ჰყავდეთ ცოცხალიო...

ბევრი იარა მზის სიძემ, თუ ცოტა იარა, მოვიდა იმ მღვდელთან, ზურგზე რომ საყდარი ეკიდა, და მოუტანა ამბავი ხელმწიფის დედის დაბარებული. გასცდა მღვდელსაც

და იმ ხართან მოვიდა, მშვენიერ მდელოზე რომ ება, სას-  
მელი და საჭმელი მრავალი ჰქონდა და მკლე კი იყო.

ხარმა უთხრა: — მე ჩემ პატრონს არაფერში გამოვადეკი,  
არაფერს ვუკეთებდი და აი, ახლა ესე ვარო.

მკლე ხარს რომ გასცდა, კლდეში რომ მსუქანი ხარი ება,  
იმასთან მოვიდა. მსუქანმა ხარმა უთხრა:

— მე ჩემი პატრონისათვის თავდადებული ვიყავ, ხარს არა  
ვღალატობდი და პატრონიც კარგა მივლიდა. ახლა თუნდაც  
არც არაფერი ვკამო და ვსვა, მაინც მსუქანი ვიქნები და მა-  
ინცაო.

გასცდა ამასაც მზის სიძე და წამოვიდა. ირემთან მოვიდა,  
მოიტანა ამბავი: მაისის წყალი დალიე და გაგცვივო. დალია  
ირემმა მაისის წყალი და გასცვივდა რქები.

მოვიდა და მოიტანა მზის სიძემ ხელმწიფის დედის ბეჭე-  
დიც და წყევლაც...

იქცა ხელმწიფე კურდღლად, ნაზირ-ვეზირი მგლებად და  
შეკამეს.

სახელმწიფო და ტახტი მზის სიძეს დარჩა.

ქირი იქა და ლხინი აქა,  
ქატო იქა და ფქვილი აქა.





### „იამ რა უთხრა ვარდსა ვარდმა რა უთხრა იასა“

იყო და არა იყო რა, იყო ერთი დიდი და დიდებული ხელმწიფე. ჰყავდა სამი ვაჟიშვილი. სამივეს ნადირობა საშინლად უყვარდათ და ყოველ ცისმარე ღღეს სანადიროდ დადიოდნენ.

ერთ ღღეს ძმები სანადიროდ ერთ უცხო მთაში წავიდნენ. ნადირი ბევრი იყო. ინადირეს, დახოცეს ნადირი; მოეწონათ ადგილი, გაშალეს კარავი და დადგნენ. იმ ღამეს კარავში ეძინათ, დილით ადგნენ და სანადიროდ წავიდნენ ტყეში.

იმათ წასვლაზე მოვიდა ერთი გველი და შემოეხვია კარავს. სალამოზე დაბრუნდნენ ძმები; ნახეს კარავს გველი შემოჰხვევია, დაუშინეს თოფები, მაგრამ ტყვია არ მიეკარა გველსა. რაკი ველარაფერი გააწყეს, ჰკითხეს გველს:

— გვითხარ, რა გინდა ჩვენგან, მოგვთხოვე და კარავი კი დაგვანებო.

გველმა უთხრა: — მე სხვა არაფერი არ მინდა, არც არას ბევრსა გთხოვთ, ის შემიტყეთ: „იამ რა უთხრა ვარდსა, ვარდმა რა უთხრა იასაო“.

ძმები დალონდნენ: ვინ რა იცოდა, იამ რა უთხრა ვარდსა და ან ვარდმა იასა. ბოლოს უმცროსი ძმა ადგა და სთქვა:

— მე წავალ, ერთი წლის ვადა მომეც და ეს ჩემი ძმებიც გებარებოდესო. — ილოცა ღმერთი და გაუდგა გზას.

ბევრი იარა, ცოტა იარა, გამოვიდა ერთ ტრიალ მინდორზე. სამი კაცი ნახა. სამივე ძმები ყოფილიყვნენ: უფროსი ძმა პირტიტველი იყო, მაშინდა ამოსდიოდა წვერი; შუათანა კლარა იყო და პატარა ძმა სულ ბატივით თეთრი იყო.

მგზავრი მივიდა, მიესალმა და, რაკი გაიგო, რომ ძმები იყვნენ, ჰკითხა:

— ვინ არის უფროსიო?

იმათ პირტიტველასი უთხრეს:

— უფროსი ის არისო.

მგზავრს ძალიან გაუკვირდა, — ჰკითხა:

— ეგ რისგან არისო?

იმათ უთხრეს:

— სად მიხვალო?

— იქ მივდივარ, სადაც „იამ რა უთხრა ვარდსა და ვარდმა რა უთხრა იასაო“. გველმა გამომგზავნა. კარავს შემოეკრა და აღარ გვიშვებს, პასუხი უნდა მივეუტანო.

კაცებმა თქვეს:

— ის წყეული ისევ ცოცხალია?! ამ გზაზე ჩამვლელი ბევრი გვინახია, ამომვლელი კი აღარავინ; რომ ამოვიღო, ყველაფერს მაშინ გაიმბობთო. — აჩვენეს თავიანთი სასახლე, დალოცეს და წავიდა.

ბევრი იარა და ერთ ტრიალ მინდორზე გამოვიდა. ამ მინდორზე ერთი ხე იდგა. იმ ხეზე ფასკუნჯი ბუდობდა. გამოჰჩეკდა ყოველ წელიწადს ბარტყებს ფასკუნჯი, მაგრამ მოფრინდებოდა არწივი და ფასკუნჯის არყოფნის დროს დაუქამდა ბარტყებს.

მგზავრი მივიდა და დაისვენა ხის ძირას. უცებ არწივმა მოიღო ხული; მომართა მგზავრმა მშვილდი, ესროლა ისარი და ჩამოაგდო. მოფრინდა ფასკუნჯი: ნახა არწივი მკვდარი, შვილები ცოცხლები, სიხარულს მიეცა.

მგზავრს ჰკითხა: — რა სულიერი ხარ, რომ შვილები გადამირჩინე და ეგეთი სიკეთე მიყავი? რა გინდა, რასა მთხოვ, რომ მოგცეო?

— მე ქვეყანაზე არაფერი არ მინდა სხვა, ის ალაგი მაჩვენე: „იამ რა უთხრა ვარდსა, ვარდმა რა უთხრა იასაო“.

— იმ წყეულმა გამოგზავნა? — ჰკითხა ფასკუნჯმა, — ეგ ალაგი ქვესკნეთს არის: ქვესკნეთის ხელმწიფე გეტყვის, მაგრამ მოგკლავს. მაგრამ, ღვთის შეწევნით, მე გადავანარჩუნებ, რადგან. შენ მე ვადამინარჩუნე შეილები. — ერთი ფთე მისცა, — ეს ფთე დახრუქე, როდესაც შევლა დაგპირდეს, და მე იქ დავიბადებო.

დაისვა მხარზე მგზავრი, დაიქექა, გაიხსნა მიწა და ჩაიკრა ქვესკნეთს. ფასკუნჯმა მიიყვანა და დასვა ის ვაჟი იმ ალაგას, სადაც ეს ამბავი ითქმებოდა...

ერთ ქვაზე იჯდა. მოვიდა ხელმწიფე და ჰკითხა:

— შეილო, რა გინდა, რისთვის მოსულხარო?

— მე ის მინდა: „იამ რა უთხრა ვარდსა, ვარდმა რა უთხრა იასაო“, — უპასუხა ბიჭმა.

— გეტყვი შეილო და მოგკლავ, — უპასუხა ხელმწიფემ, — თუ გინდა ნუ მათქმევიანებ და არ მოგკლავ; აი ასს კაცს ერთილა მიკლია მოვკლა, და ორი ათასიცი ცოცხლები მყავს და ვინახავ. თუ გინდა, აქ შეგინახავ, და თუ არა და წადი; თუ გეტყვი მოგკლავო, — გაუმეორა.

— არა, მითხარო, — უთხრა ბიჭმა.

დასხდნენ და დაიწყეს ბაასი. ხელმწიფემ უთხრა:

— მე მყავდა ისეთი ლამაზი ცოლი, რომ ბნელ ღამეს ანათებდა. იმ სილამაზისა ერთი ქალი გამეზარდა, იმაზე უკეთესი იყო. მე ერთი მათრახი მქონდა, რასაც დავკრავდი, რათაც მინდოდა, იმათ ვაქცევდი, მინდოდა ძალღალდ, მინდოდა ჯორად და ცხენად. ჩემი მათრახის ძალა ჩემმა ცოლმა კი არ იცოდა. როცა შეილი გამეზარდა, იმას ვასწავლე; იმან კიდევ დედას ასწავლა.

თურმე იმ ჩემ ცოლს საყვარელი ჰყავდა, იმასთან დადიოდა; ის არაბიცი მოდიოდა ჩემ ცოლთან. ერთხელ ჩემი ცოლი და ქალი საეშმაკოდ წავიდნენ; თან მოსამსახურე წაიყვანეს. წინ მე წაველ. როდესაც ისინი საყვარელთან მივიდნენ, მე იქ ვიყავი დამალული. მოვიდნენ, ისადილეს და წავიდნენ სახლში.

ისინი რომ წავიდნენ, მე გამოველი საფარიდან, შევეუარდი არაბს, მოვქერ თავი, წამოვიღე სახლში და დავმალე. დილა რომ გათენდა, მაგიდაზე დავდე. ჩემმა ცოლმა იცნო, წამოხტა და ის მათრახი დამკრა. მაქცია ძაღლად. ისეთი დღე დამაყენა, რომ მტერსაც კი შევებრალებოდი. სამ დღეში ერთხელ მაქმევდა, შიმშილით და წყურვილით სულს მართმევდა. ის კიდევ ჩემ თვალწინ სხვას ეხვეოდა. მუდამ დღე ამ დუხქირში ვიყავი.

ერთხელ ჩემი ცოლი და ქალი სხვაგან წავიდნენ. ერთი მოახლე მყავდა, იმ მოახლემ ის მათრახი დამკრა და ისევ კაცად ვიქცე. მერე ის მათრახი დავიპირე ხელში, და როცა დედა და შვილი მოვიდნენ, დავკარ მათრახი, ცოლი წყლად ვაქციე, და აი, ახლა ჩემ წინ მიდის, ნაგავი და ნეხვი შიგ ჩადის; ლორები და ძაღლები შიგ იწუმპებინან. ქალი ვერ გავიმეტე თვალთ საყურებლად, დავწყევლე და ის არის ჩემი შვილი, რომელმაც გველმაც შენ გამოგგზავნა. ახლა რომ შენ წახვიდე და ყველა ეს ამბავი ჩემ ქალს უამბო, ის ქალად იქცევა, ეს ჩემი ცოლი აქ ისევ დედაკაცად იქცევა და იმავე ტანჯვაში ჩამაყენებენ, რა ტანჯვაშიაც წინათ ვიყავი. აბა, ცოცხალი რად უნდა გაგიშვა!—ეს ლაპარაკი რომ გაათავა ხელმწიფემ, ბიჭებს უბრძანა: —აბა, ბიჭებო, მოსკერით თავიო!

ვაჟმა უთხრა:—ყალიონს დაჩვეული ვარ, ერთი კიდევ მომაწვევინეთ სიკვდილის წინ და ისე მომკალითო!

მოუტანეს ჩიბუხი და ცეცხლი. დაიწყო წევა. ამოიღო ფასკუნჯის მიცემული ბუმბული, დაადო ყალიონს და დაუწყო ტრუსვა. ამ დროს იქეპა ფასკუნჯმა, ერთ წამს დაეშვა ვაჟთან, მოიტაცა, შეისვა მხრებზე და ერთიან აიტაცა ზექვეყანას. ვაჟი გადარჩა, ხელმწიფემ ველარ მოკლა.

წამოვიდა ვაჟი და მოვიდა იმ სამ კაცთან, გზაზე რომ შეხვდნენ: უფროსი რომ უწვერო იყო, შუათანა ქალარა და უმცროსი სულ გათეთრებული.

პირველად უმცროსთან მივიდა:

— აბა, ახლა მითხარ, რათა ხარ გათეთრებული, ბოლო რამ მოგიღო?

იმან უთხრა:—ისეთი საძაგელი ავი ცოლი მყავს, რომ ღმერ-



თიც კი რომ მივიყვანო სახლში, იმასაც კი გალანძლავს და გაათრევს. მე ხომ მლანძლავს და მკრულავს, ერთი წუთი მოსვენება არა მაქვს, ქვეყანაში თავი არ გამომეყოფა. იმისმა ჯავრმა და ვარამმა გამათეთრა და მომხარა წელშიო.

შუათანა ძმამ უთხრა:—ჩემი ცოლი ცოტა უკეთესია, მაგრამ წმინდა წყლისა არც ის არის; არც ის მაყრის ხეირსა. მეც იმან გამათეთრა და უდრო-უდროოდ დამაბერაო.

უფროსმა ძმამ უთხრა:—რაც უნდა გაჯავრებული მივიდე სახლში, რაც უნდა ჯავრი მაწვეს გულზე და პირი არ მეღებოდეს, მოვა ჩემი ცოლი, ისეთ სიტყვას მეტყვის, ისე მომეცევა, რომ სულ სიცილით დავსუსტდები და რალა დამაბერებს იმის შემყურებელსაო.

გამოეთხოვნენ ერთმანეთს, დალოცეს ურთიერთი და განშორდნენ. ვაჟი თავის გზაზე წამოვიდა. ის ერთი წელი ისე წავიდა და გაიპარა, რომ ერთი დღეა აკლდა მისვლას.


ვაჟმა მშვილდ-ისარი მოიხსნა, ისარი გასტყორცნა. ისარი გველთან დაერქო. გველმა თქვა: მოდისო. სიხარულით ზეცას ეცა; მიწას დაეცა, ცხრა მთას იქით გადავიდა, ვიდრე ბიჭი კარავთან მოვიდოდა, ის გველი კიდევ მალე მოვიდა.

შევიდა უმცროსი ძმა და ძმებიც იქ დახვდნენ. დაჯდა ეს ბიჭი და დაუწყო გველს მასლაათი. ყველაფერი უამბო ხელმწიფის ნათქვამი. გაათავა თუ არა ამბობა, იქცა გველი მშვენიერ ქალად, და ქალი და ვაჟი გადაეხვივნენ ერთმანეთს. გახდნენ ცოლი და ქმარი...

მას შემდეგ ეს ამბავი დაუვიწყარია და იტყვიან ამბად.

ქირი იქა, ლხინი აქა,  
ქატო იქა, ფქვილი აქა.





## ა ნ ა ნ ა

იყო და არა იყო რა, იყო ერთი ხელმწიფის შვილი. ჰქონდა ერთი ბალი. ბალში მწვანის ორი კვალი ჰქონდა გავლებული. ერთ კვალში ეთესა პრასა და მეორეში კამა. ხელმწიფის შვილი ისე არა სჭამდა პურსა, რომ არ ჩამოსულიყო და იმ კვლებთან არ დამჯდარიყო.

ერთხელ ხელმწიფის შვილი ჩვეულებისამებრ ბალში დადიოდა. კვლებში ერთი ქალაღი ეგდო; დაწერილი იყო, მაგრამ ვერ წაიკითხა კი. აიღო და სხვას მისცა. ქალაღი ქალად იქცა. ისეთი ლამაზი იყო, რომ იმაზე მშვენიერს კაცის თვალი ვეღარათერს ნახავდა.

ნახა ერთხელ ხელმწიფის შვილმა ეს ქალი, ძალიან მოეწონა, ცოლად შერთვა ინება. ქალსა ჰკითხა:

— რა გვარი ხარო?

ქალმა უპასუხა: — გვარი მაქვს პრასისა, კამის სარტყელი მარტყია, ერთი საწყალი ქალი ვარო.

ადგა ხელმწიფის შვილი, ანანას თავი დაანება და სხვა ცოლი შეირთო, რადგან ის ვითომ უხვირო გვარისააო.

ანანას კი უყვარს ხელმწიფის შვილი, უყვარს საშინლად. დაიბარა მთიდან ირმები ანანამ, დაწველა, ჩაასხა ქვაბში, ჩაჯდა შიგ თვითონ, დულს რძე და იბანება შიგ ანანა.

ხელმწიფის შვილმა დაინახა, რომ ანანა რძეში იბანება.

ცოლს უთხრა: — ჩვენი ანანა, იცი, რასა შვრება? მთიდან

ირმები დაიბარა, დაწველა, ჩაასხა ქვაბში, დულს რძე და შიგ ანანა ებანებო.

კოლმა უთხრა: — განა მე ვერ ვიქ მაგასო!

ფურები დაიბარა, რადგან ირმები არა ჰყავდა, დაწველა, ჩაასხა რძე ქვაბში, აადულა და ჩავიდა შიგ საბანებლად. ებანა და მოიხარშა შიგ. დარჩა ქვრივად ხელმწიფის შვილი. წავიდა ანანასთან ხელმწიფის შვილი და ჰკითხა:

— რა გაქვს გვარიო?

ქალმა ისევ ის უპასუხა: გვარი მაქვს პრასისა, კამის სარტყელი მარტყიაო.

დაიწუნა ისევ ის გვარი ხელმწიფის შვილმა, სხვა კოლი შეირთო.

წავიდა ანანა, დაჯდა მალა სართულზე, აიტანა ტარი და დაუწყო აბრეშუმს რთვა. უცებ კვირისტავი გადმოუვარდა: მოიქრა ანანამ ცხვირი, ჩაგზავნა და ამოატანინა კვირისტავი და ცხვირიც ისევ მოიბა.

ნახა ეს ხელმწიფის შვილმა. წავიდა და კოლს უთხრა:

— ჩენი ანანა საკვირველი ქალია: მალა სართულში ავიდა; აბრეშუმს ართავდა; კვირისტავი ჩამოუვარდა ძირს, მოიქრა ცხვირი, ჩამოაგდო და აატანინა კვირისტავი. მერე ცხვირი ისევ მოებო.

— ეგ რას გაგკვირებია, — უთხრა კოლმა, — განა მე ვერა ვიქ მაგასო?

ავიდა ბანზე, აიტანა ტარი და დაუწყო აბრეშუმს რთვა. კვირისტავი ჩამოაგდო, მოიქრა ცხვირი და ჩამოაგდო. ცხვირმა კვირისტავი ვერ აუტანა, აღარც მოებო. უღინა სისხლმა, უღინა და მოკვდა.

დაქვრივდა ისევ ხელმწიფის შვილი. წავიდა და ანანას ჰკითხა:

— რა გვარი გაქვსო?

— გვარი მაქვს პრასისა და კამის სარტყელი მარტყიო, — უპასუხა ქალმა.

ხელმწიფის შვილმა კიდევ დაიწუნა გვარი და წავიდა მთაში. მელორე ნახა, უთხრა მელორეს:

— ერთი ღორი მომყიდე, სისხლი მე და ხორცი თქვენ. —  
დააკვლევინა ღორი, უბრძანა: — მაგ სისხლში მომთხუპნეთ,  
წამიღეთ მერე და ანანას წინ დამდეთო.

დაკლეს მელორეებმა ღორი, სისხლი აღინეს, სისხლში  
მომთხუპნეს ხელმწიფის შვილი, წაიღეს და ანანას წინ დიდეს.

დაინახა სისხლში მოსვრილი ხელმწიფის შვილი ანანამ და  
შესძახა:

შზეო — დედავ, მამავ — მთვარევ,  
ვარსკვლავებო — ჩემო შზეო!  
ჩამოუშვით ოქროს სკამი,  
აღარ არის ხელმწიფეო!

გაათავა თუ არა ეს სიტყვები, გაიხსნა ცა, და იქიდან ჩა-  
მოეშვა ოქროს სკამი. ადგა ხელმწიფის შვილი, და მოეხვია  
ანანას. დაუწყეს ერთმანეთს კოცნა და სურვილება. გახდნენ  
ცოლი და ქმარი და დასხდნენ ოქროს სკამზე.





## პ რ ა ბ ი

იყო და არა იყო რა, იყო ერთი ხელმწიფე. ჰყავდა ერთი ცოლი, ერთი ქალი და ერთი რაში.

როდესაც ქალს გათხოვების დრო მოუვიდა, ხელმწიფემ გასცა ბრძანება: ვინც მოვა და ჩემს რაშს შეჰკაზმავს, ჩემ ქალს ცოლად იმას შევრთავო.

დანიშნულ დღეს მოიყარეს თავი ხელმწიფის სასახლესთან, ვისაც ხელმწიფის ქალის შერთვა უნდოდა: გლეხი და თავადი, დიდებულნი და დაბალნი. ყველა რიგით მოჰყვა რაშის დამორჩილებას და შეკაზმვას, მაგრამ რაში არავის დაჰნებდა, ვერავინ ვერ შეკაზმა და ვერც ქალით გაიხარა. ბევრი კარგი ვაჟკაცი დაბრუნდა გაწბილებული.

ბოლოს გამოვარდა ერთი არაბი, სტაცა ხელი რაშს, დაიმორჩილა და შეკაზმა. ხელმწიფე რას იზამდა? თავის სიტყვას ხომ ვერ გასტეხდა? შეუკაზმა რაში, შესევა ზედ თავის მზეთუნახავი ქალი, მისცა არაბს და წააყვანილა.

მიიყვანა არაბმა ქალი და რაში. შეიყვანა კოშკში და დააბინავა. ქალი მარტოკა რომ დარჩა, დაემხო პირქვე მიწაზე და დაიწყო მღუღარის ღვრა. იტირა, ბევრი იტირა, დაიღალა.

რაშიმა ჰკითხა: — რა გატირებს, ხელმწიფის ქალო, რა დაგმართვიაო?

— უშენობა! — უპასუხა ქალმა, — განა არაბს რომ არ დასკერინებიყავ, სხვა არავინ იყოო?

— ნუ გეშინიან, — უთხრა რაშმა, — თუ შენი თავი არაბს მივეც, განა ახლა კი აღარა მაქვს იმდენი ძალი და ღონე, რომ ისევ წაფართვა შენი თავი? შემჯექ ზედ, ერთი ისეთი დამკარ, რომ ერთი საქალმე შენ აგძვრეს ხელიდან და ერთი შოლტი მე, მერე კი მე ვიციო.

ქალმა ისე ქნა, როგორც რაშმა ურჩია: გამოიპარა კოშკიდან, შეჯდა რაშზე, გადაჰკრა მათრახი და გააქანა რაში. გაფრინდა რაში ნიავევით და გაიტაცა ქალიც შემოდგომის ფოთოლივით. კარგა გზა რომ გაიარა, ქალი დაიღალა, ჯანი წაერთვა, დასუსტდა, რაშს უთხრა:

— ახლა კი დამასვენე, თუნდა ათი ათასი არაბიც მოვიდეს, მე ველარსად წავალ, მეტი აღარ შემიძლია.

დაისვენა რაშმაც: — იმისი დარდი ნუ გაქვს, — უთხრა რაშმა, — განა იმდენი აღარ შემიძლია, რომ ტოტით მოვკლავო.

ქალი დაწვა დასაძინებლად. მოწყვეტილი ვაშლივით მიგორდა ბალახებზე. ქალს მკვდარივით ეძინა. მზე ძალიან აცხუნებდა. რაშს ძალიან ებრალებოდა ქალი. გადილაჯა ზედ და ისე უგრილებდა მზეს.

ამ დროს იმაზე ხელმწიფის შვილმა გამოიარა ამალითა და ჯარით. სანადიროდ წამოსულიყო და გზამ იმაზე გამოატარა. ხელმწიფის შვილმა დაინახა მინდორზე რაში და მაშინვე იქითკენ გააშურა ცხენი. ხელმწიფის შვილი გაიტაცა ქალის სილამაზემ; თვალი ველარ მოაშორა ქალს. დაავიწყდა ნადირობაც და ისარტ სროლაც. გააღვიძა ქალი და სთხოვა ცოლობა. ქალს მოეწონა ხელმწიფის შვილი. მოეხვივნენ ერთმანეთს, დაკოცნეს, გადიწერეს ჯვარი და გასწიეს სასახლეში.

გავიდა ხანი; ცოლსა და ქმარს ერთმანეთი გულით უყვარდათ. ბოლოს ხელმწიფის შვილს ჯარში მოუხდა წასვლა. ცოლი დედ-მამასთან დატოვა. ქალი ორსული იყო. ეყოლა ოქროსქოჩრიანი ვაჟი. მაშინვე გაგზავნეს ხელმწიფის შვილთან და მისწერეს მილოცვის წერილი და ერთი ამბავი.

წავიდა ვეზირი. ქალაქს რომ გასცდა, იქ ერთ ღუქანში არაბი დახვდა. ის არაბი წამოსულიყო და იმ ქალაქში გაეღო ღუქანი. არაბმა შეიპატიჟა ვეზირი: სთხოვა დიდი თხოვნით,

მობრძანდიო, მაგრამ ვეზირი არ შებრუნდა: მეჩქარება, ესა და ეს საქმე მაქვს, დამიგვიანდებაო...

მიართვა ვეზირმა ხელმწიფის შვილს მამის წერილი, მილოცვა და სიხარული. ხელმწიფის შვილს ძალიან გაუხარდა ვაჟის გაჩენა და ცოლის გადარჩენა. ვეზირს დიდად უწყალობა, ცოლს დიდი სიყვარულის წერილი მისწერა და გაუგზავნა, მალე მეც მოვალო.

წავიდა ვეზირი. გზაზე არაბს გამოუარა. არაბი გამოეგება, სთხოვა: — ჩავლისას არ მობრძანდით, ახლა მაინც მობრძანდითო. ვეზირმა იფიქრა: ჩავლისას არ მივბრუნდი, ახლა მაინც მივბრუნდები, რა დიდი საქმეაო!

მიბრუნდა და შეისვენა. არაბმა გამოჰკითხა ყველაფერი და ისიც შეიტყო, რომ წერილი მოაქვსო. გაუკეთა მშვენიერი სადილი, დაათრო და შეუცვალა წერილი. იმის მაგიერ დასწერა: „აიღეთ, ჩემ შვილს ყელი მოსჭერით, გაუხვიეთ კალთაში, შესვით ცხენზე და გაისტუმრეთ თავის გზაზე“.

მოუტანა ვეზირმა ეს წერილი ხელმწიფეს. დაღონდა ხელმწიფე. აღარც შვილის წყენა უნდოდა და აღარც რძალი და შვილიშვილი ემეტებოდა. უბრძანა მოკვლა ბავშვისა, მაგრამ ქალმა გადიკლა თავი; დაიწყო ტირილი:

— ჩემი შვილი რას დაგიშლისთ. მომეცით მე ჩემი შვილი, ჩემი ცხენი, და წავალ იქვე, საიდანაც მოვსულვარ. მე თქვენ არ შეგაწუხებთო.

მისცეს რაში. შეჯდა ზედ, წაიყვანა თავის ვაჟიც, და ორივე ისეთი წავიდა, როგორიც ხელმწიფის შვილმა მინდორში იპოვა.

მოვა ხელმწიფის შვილი, გაიგებს ყველაფერს, ჩავარდა ქლექად. ვეზირს ჰკითხეს:

— ვინ მოგცა, სად იპოვე, სად დაისვენე, ვინ შეგიცვალაო? ვეზირმა უამბო ყველაფერი.

ადგა ხელმწიფის შვილი, შეჯდა რაშზე და წავიდა ცოლის საძებნელად. ჯერ ქალის მამასთან მივიდა. ქალი მამასთან მისულიყო. მამას სახლი გაეკეთა იმისათვის ცალკე, და იქა ცხოვრობდა.

ქალმა დაინახა თავისი ქმარი. შვილს უთხრა:

— გაიქე, შვილო, კალთაში ჩაუჯექ, იქნება გული მოურბილდეს, ჩვენ დასახოცად მოდისო.

მიეგება შვილი ხელმწიფის შვილს და „მამა“, „მამას“ დახილთ მოეხვია ყელზე. მოეხვია ხელმწიფის შვილიც თავის ძეს და დაუწყო კოცნა. წავიდა ცოლთან, გააგებინა ყველაფერი, შესხდნენ და დიდის ამბით გამოსწიეს სახლში.

იპოვეს არაბი, მოაბეს ცხენს ძუაზე და დააგლეჯინეს.

კირი იქ დავაგდე,  
ლხინი აქ მოვიტანე.  
ქატო იქ დავაგდე,  
ფქვილი აქ მოვიტანე.  
კურდღელი წამოვაფრინე  
შამბსა და ყინტორაშია,  
დამისხი, დამალეინე,  
თუ გიდგა ტიკქორაშია.







### ზღაპარი სხრა ძმანუ

იყო და არა იყო რა, იყვნენ ცხრა ძმანი. იმათი დედა შეათეზე იყო ორსულად. ცხრა ძმად ერთხელ სანადიროდ წასვლა დააპირეს, დედას უთხრეს:

— ჩვენ წავალთ, თუ ვაჟი გაგიჩნდეს, უღელი გამოდგი ბანზე, და თუ ქალი—ჯარა. თუ ვაჟი გაგიჩნდა, ჩვენ წავალთ და დაეიკარგებითო.

წავიდნენ ცხრა ძმანი სანადიროდ. გაუჩნდა იმათ დედას ქალი, და გადგა ჯარა ბანზე. ერთმა წყეულმა ბებერმა უმტრო: აილო, ჯარა დაღუპა და უღელი გამოდგა.

მოდიან ცხრანი ძმანი სახლში, დაინახეს გამოდგმული უღელი, თქვეს: დედაჩვენს მეთე ვაჟი გასჩენიაო. ეწყინათ საშინლად, წავიდნენ და გადაიკარგნენ ცხრა მთას იქით.

იმათი და კი გაიზარდა და დამშვენდა. ვინც წლით იზრდება, ის დლით იზრდება. ისეთი გაიზარდა, თითქოს დევიაო.

ერთხელ ქალი ბავშვებთან თამაშობდა, რალაზედაც ერთი გოგონა ატირა. გოგოს დედამ დასწყევლა ქალი და დააყვედრა:

— შე გასაწყვეტო, თუ ეგეთი ღონიერი ხარ, ცხრა მთას იქით რომ ცხრა ძმა გადაგეკარგა, იმათ რატომ არ იპოვი და უშველიო?

ქალს ჩაერქო გულში დედაკაცის სიტყვები. მივიდა დედასთან და უთხრა:

— დედავ, ყინმა მომიარა და ძუძუ მომაწოვეო.

— რალა დროს შენი ძუძუა, შვილო, — უთხრა დედამ, — ახლა გასათხოვარი ქალა ხარო!

— დედავ, — უთხრა ქალმა კიდევ, — თუ გიყვარდე, მომაწოვეო.

დედამ აუსრულა თხოვნა. ქალმა ძუძუ რომ ჩაიდვა პირში, რაც ძალი და ღონე ჰქონდა, მოუჭირა კბილი და უთხრა დედას:

— მითხარ თუ მართლა მყავს ცხრა ძმაო?

— არა, შვილო, — უპასუხა დედამ, — მე იმის ღირსს ვინ გამხდის, რომ ცხრა შვილი მყავდესო!

— სწორედ მითხარ, თორემ ძუძუს მოგაგლეჯამო, — უთხრა ქალმა.

დედა რომ შეწუხდა ტკივილისაგან, მერე უთხრა:

— მართალია, შვილო, ცხრა შვილი მყავდა, შენზე ორსულად რომ ვიყავი, იხინი სანადიროდ წავიდნენ; ვაჟი გამიჩინდებოდა — უღელი უნდა გამედგა, ქალი — ჯარა. მე ჯარა გავდგი, მაგრამ ერთმა სულის მტერმა ბებერმა მილალატა, ის ჯარა აიღო და უღელი დადგა. ახლა შენი ძმები ცხრა მთას იქით არიან დაკარგულებიო.

— მაშ მე ცოცხალი ნუ ვიქნები, — თქვა ქალმა, — თუ არ წავიდე და არ მოვძებნო ჩემი ძმებიო.

ჩაიცვა ქალმა კაცური ტანისამოსი, დაიჭირა რკინის ჯოხი და გაუდგა გზას. ბევრი იარა ქალმა, თუ ცოტა იარა, მივიდა იმ მთაში, ცხრა მთას იქით, სადაც იმისი ძმები იყვნენ. ცეცხლის შუქს მიჰყვა და მივიდა ძმებთან. ჯერ მიესალმა და მერე ჰკითხა.

— დამაყენებთ, თუ არაო?

— რატომ? — უპასუხეს, — დიდი სიხარულითაცო.

იმ ღამეს დაიწყეს ლაპარაკი. ქალმა უამბო ყველაფერი თავის გარემოება, წარსულ-დავიწყებული. ძმები გადაეხვივნენ და დაუწყეს კოცნა:

— შენ ხარ ჩვენი და, ახლა ერთად ვიცხოვროთო. — იმ ღამეს სიხარულით ივანშემს და დაიძინეს.

მეორე დღეს სანადიროდ დაემზადნენ. დას უთხრეს:

— არამც და არამც ცეცხლი არ გააქრო, თორემ ძალიან ძნელი საშოვარი იყო.

წავიდნენ ძმები სანადიროდ. ქალს ცეცხლი ჩაუქრა. ბევრი იტირა, იტირა, მერე ავიდა ბანზე და გაიხედა, იქნება ცეცხლი სადმე დავინახოვო. გაიხედ-გამოიხედა ქალმა, შორს ერთ დაბურულ ტყეში დაინახა ცეცხლი. ადგა, გაჰყვა სინათლეს.

იარა, იარა და მივიდა ცეცხლთან: ცეცხლი დევის სახლში ენთო. თვით დევი კი სახლში არ იყო, სანადიროდ წასულიყო. იმისი დედა იჯდა მარტო კერის პირას. ქალი მივიდა და სარკმლიდან ჩასძახა დევის დედას:

— დედავ, დედაშვილობასა, ცოტა ცეცხლი მომაწოდო!

— დედაშვილობა არ გეთქვა, მე ვიცოდი როგორ დღესაც დაგაყენებდი, — უპასუხა დევების დედამ, — ჩამოდი და წაიღეო. დაუყარა დევების დედამ ნაცარი ცხრილზე, ზედ ცეცხლი დაუდო და გაისტუმრა.

მოდის ქალი, მოაქვს ცეცხლი და თან გზა-გზა ნაცარი ებნევა, თეთრი ნაცრიანი კვალი მისდევს. მიიტანა ქალმა და დაანთო ცეცხლი.

მოვიდა დევი სახლში. დედას უთხრა:

— დედავ, ადამიანის სუნი მომდისო.

— არა, შვილო, აქ ადამიანს რა უნდოდაო, — უთხრა დედამ.

— მითხარ დედავ, და არაფერს დავუშავებო, — დაუნია დევემა.

— ერთი ქალი იყო, ცეცხლი წაიღო, წადი, კვალს გაჰყევ, და ის კვალი პირდაპირ იმ ქალთან მიგიყვანსო, — უთხრა დევეს დედამ.

მივიდა დევი სახლთან და ქალს დაუძახა:

— ქალო, კარი გამიღეო.

ქალმა იქიდან უპასუხა:

— წადი, აქედან დაიკარგე, თორემ ჩემი ძმები მოვლენ და სულ აგკუწამენო.

დევემა უთხრა:

— თუ კარს არ განიღებ, ხელი მაინც გამოყავიო.

ქალმა ნეკა თითი გაუყო. დევმა წოწნა დაუწყო. დევი მუდამ დღე მიდიოდა ქალთანა. ქალი ძალიან დასუსტდა. ძმებმა შეატყვეს დას, რომ ხდება, თანდათან ბეჩავდება, ჰკითხეს:

— დაო, რატომ არ გვეტყვი რა დაგემართა, რა არის შენ თავსაო?

დამ უთხრა:

— თქვენ რომ სანადიროდ წახვედით, მე ცეცხლი გამიქრა, ავდექ, ბევრი ვიარე, ერთ უღრან ტყეში ცეცხლი დავინახე, დევის სახლი ყოფილიყო, მიველ და ჩავძახე ბანიდან: ცეცხლი მომეცი-მეთქი. დევის დედამ ცხრილში ჩამიყარა ნაცარი, ცეცხლიც ისე ჩამიღო და წამოვიღე. კვალს დევი მოჰყვა და დამიძახა: კარი გამიღეო, მე კარი არ გაუღლე. მაშინ იმან დამიძახა: ხელი მაინც გამოყავიო. მე ნეკა თითი გავყავ, იმან კიდევ წოვა დამიწყო სისხლისა. მას შემდეგ ასე მწოვს.

ძმები ძალიან შეწუხდნენ; თქვეს: ზოგი სანადიროდ წავიდეთ და ზოგნიც აქ დავიმაღნეთ და, როდესაც დევი მოვა, მოვკლათო.

მართლაც, ზოგნი სანადიროდ წავიდნენ, ზოგნიც კარებს უკან დაიმაღნენ. მოვიდა დევი და დაუძახა ქალს:

— ქალო, კარი გააღეო.

ქალმა გაუღო კარი, შევიდა დევი, მაგრამ კარებში გაიქედა. გამოუხტნენ ძმები, აკუწეს და ჩაყარეს კარებს უკან ორ-მოში (ხაროში), თვითონ სანადიროდ წავიდნენ. დას უთხრეს:

— ახლა მაინც გაუფრთხილდი, ცეცხლი არ გააქროვო.

ქალს ცეცხლი ისევ გაუქრა. ადგა, ავიდა ბანზე და გაიხედ-გამოიხედა. შორს დაბურულ ტყეში დაინახა ბოლი, ისევ იმ დევის სახლში ენთო ცეცხლი. წავიდა ისევ იმასთან ქალი.

ბევრი იარა, ცოტა იარა, მივიდა, დევის დედას ჩასძახა ბანიდან:

— დედავ, დედაშვილობას, ცოტა ცეცხლი მომაწოდეო! ბებერმა უთხრა:

— დედაშვილობა არ გეთქვა, ავ დღეს დაგაყენებდი. ჩამოდი, წაიღეო.

მისცა ბებერმა ცეცხლი და თან ერთი მუჟა ქინძის თესლი გაატანა:

— წაიღე, შვილო, და სახლში, კარებს უკან, რომ ხარო გაქვსთ, იმაზე დათესე. ამოვა მშვენიერი ქინძი. საღამოზე შენი ძმები ირემს მოიტანენ. ირემს რომ მოხარშავთ, შენ ქინძი მოკრიფე, ხორცს დააჭერი, გემოს მისცემს და ძმებს ისე აქამეო.

წამოიღო ქალმა ცეცხლი, დაანთო, ისე დათესა ის ქინძის თესლიც კარებს უკან, ხაროზე.

მოვიდნენ ძმებიც. მოიტანეს ირემი, ხაროზე მშვენიერი ქინძი ამოვიდა. ძმებმა დასჭრეს ირემი და მოხარშეს. ქალმა მოკრიფა ქინძი, დაუჭრა ძმებს ხორცზე და აქამა. ხორცის კამაზე ცხრა ძმა ირმებად იქცნენ.

ტირის ქალი მათი შემხედვარი. დილით მინდორზე წაასხავს, აძოვებს ბალახს, საღამოთი მორეკავს და დააყენებს.

ერთხელ ქალს ირმები ბალახზე ჰყავდა. თვითონაც იქ ეჯდა. ამ დროს სანადიროდ გამოსულიყო ერთი ხელმწიფის შვილი. ნახა ირმები და დაუმიზნა მშვილდ-ისარი, უნდოდა მოეკლა. მაგრამ ქალმა შეასწრო თვალი და დაუძახა:

— არ მომიკლა, ჩემი ძმები არიან ეს ირმებიო.

ხელმწიფის შვილს ძალიან მოეწონა ქალი, მივიდა იმასთან და უთხრა:

— შენ ცოლი უნდა იყო ჩემი, ამას იქით, და მე ქმარიო.

— არა,— უპასუხა ქალმა,— შენ ძმა და მე დაო...

ხელმწიფის შვილმა არ დაიჯერა:

— შენ ცოლი და მე ქმარიო.

მაშინ ქალმა უთხრა:

— თუ ფიცს მომცემ, რომ ამ ირმებს არ დამიხოც (არ დამიკლავ), ნებას მოგცემ, თუ არა და არაო...

შეპტაცა დიდი ფიცით ხელმწიფის შვილმა, რომ არც შენ გიღალატებ და ეგ ირმებიც ჩვენთან გვეყოლებიანო.

წაჰყვა ქალი ხელმწიფის შვილს და წავიდნენ. ჯვარი დაიწერეს და დაბრუნდნენ.

ჯვარწერის შემდეგ მოახლემ უთხრა ქალბატონს:

— ქალბატონო, წყლისაკენ გაეისეირნოთო.

გაისერიწეს წყლისაკენ.

მოახლემ უთხრა:

— აბა, ქალბატონო, წყალში ჩაიხედოთ, რომელი უფრო ლამაზები ვართო?

ჩაიხედეს წყალში; ქალბატონი ლამაზი იყო. მოახლემ უთხრა:

— აბა, ქალბატონო, შენი ტანისამოსი მე მეცვას, თუ მე უფრო ლამაზი არ გამოვიჩნდებოდიო!

გაიხადა ქალბატონმა ტანისამოსი, მოახლეს ჩააცვა თავისი და მოახლისა კიდევ თვითონ ჩაიცვა. ჩაიხედეს წყალში. კიდევ ქალბატონი გამოჩნდა ლამაზი. შეშურდა მოახლეს ქალბატონის სილამაზე. ჰკრა ხელი და ჩააგდო წყალში. თვითონ სასახლეში წამოვიდა და ხელმწიფის შვილს უთხრა, მოახლე წყალში ჩამივარდაო.

ხელმწიფემ ვერ იცნო, რადგან დედოფლის ტანისამოსი ეცვა:

— თქვენი ქირის სანაცვლო იყოს, — უთხრა მოახლეს, — იმისათვის რას დაღონებულხარო.

მოიხადემყოფა თავი დედოფალმა. ხელმწიფის შვილს უთხრა:

— თუ დამიკლავთ უფროს ირემს, მოვრჩები, თუ არა და მოვკვდებიო.

დაღონდა ხელმწიფე:

— როგორ უნდა დავკლა, აკო ფიცი მოგეცი, და შენც ფიცი ჩამომართვი, არ დამეკლა?

შეწუხდა დედოფალი. ხელმწიფის შვილმა უბრძანა მსახურებს: დაჰკალით ირმებიო.

დაუწყეს ხანჯალს ლესა, ჩარეკეს ირმები წყალზე. ჩაჰყენენ წყლის პირს ირმები და ტირიან. მივიდა უფროსი ირემი წყალთან და ჩასძახა:

დაო, დაო ვაშლა,

პირწითელა ვაშლა;

შენსა ძმასა ირემასა

ულესავენ ჯიყ-დანასა.

თურმე ქალი წყალში თევზად იყო ნაქცევი: ნახევარი ტანი თევზისა ჰქონდა, ნახევარი ქალისა. ქალ-სირინოზი წყალში

დაიწყებდა მღერას, ირმები ნაპირს მიუვიდოდნენ და დაიწყებდნენ ერთად დარდის გართობას.

ქალ-სირინოზმა ამოსძახა:

წადი უთხარ ხელმწიფესა,  
იგი ფიცსა რად გასტეხსა!

გაიგონა ეს ვეზირმა, მივიდა და ხელმწიფეს მოახსენა:

— დიდებულო ხელმწიფე, ირმები წყალზე ჩაერეკეთ, უფროსი ირემი მივიდა და წყალს ჩასძახა: „დაო, დაო, ვაშლა, პირვითელა ვაშლა, შენსა ძმასა ირემასა ულესავენ ჯიჟ-დანასაო!“ ახლა წყლიდან ვიღამაც ამოსძახა: „წადი უთხარ ხელმწიფესა, იგი, ფიცსა რად გასტეხსაო?!.“

გაგზავნა მაშინვე ხელმწიფის შვილმა მებაღურები და უთხრა: სადაც ჩქნება და სადაც არა, უნდა დაიპიროთ ის ცხოველი და აქ მოიყვანოთ.

წავიდნენ მებაღურები. ესროლეს ბადე და გააბეს ქალ-სირინოზი. წამოიყვანეს და მოუყვანეს ხელმწიფეს. გააკეთებინა აუზი ხელმწიფემ და ჩასვა შიგ თევზი. უყვარს ძალიან ხელმწიფეს ეს თევზი, მუდამ იმის ალერსშია.

გახდა ისევ ავად დედოჯალი:

— თუ დაჰკლავთ იმ თევზს და მაქმევთ, მოვრჩები, თუ არა და, მოვკვდებიო.

შეწუხდა ისევ ხელმწიფე. ბოლოს მაინც უბრძანა, დაკალითო. დაკლეს და მოხარშეს.

დედოფალმა უბრძანა:

— ისე მოხარშეთ და მომიტანეთ, რომ ერთი თხა არსად გადაგივარდესთო.

ერთმა მოახლემ აიღო ერთი თხა და გარეთ გადააგდო. თევზის თხაზე ისეთი ალვის ხე ამოვიდა, რომ წვერი ცაში ჰქონდა მიბჯენილი. გააკეთებინა ალვის ხის ქვეშ ტახტი ხელმწიფემ და სიტხეში ჩავიდოდა, დაბრძანდებოდა იმის ქვეშ...  
მოიაგადმყოფა ისევ თავი დედოფალმა:

— თუ მაგის ფიცის ტახტს შემიკრავთ, მოვრჩები, თუ არა და, მოვკვდებიო.

დაღონდა ხელმწიფე, როგორ უნდა გავიმეტო და ეს ამის-

თანა მშვენიერი ხე მოეპარაო. რომ შეწუხდა დედოფალი, უბრძანა ხელმწიფემ: მოსკერითო:

— ისე მოსკერით, — უბრძანა დედოფალმა, — რომ ერთი ნაფოტი არსად არ გადავარდესო.

მოსკრეს ალვის ხე. ბედად ერთი ნაფოტი გაფრინდა და შორს, სადღაც სოფლის ბოლოს დაეცა. ამ დროს ბებერი ლოცვიდან მოდიოდა, დაინახა ნაფოტი, მოეწონა, აიღო და წაიღო სახლში სახაშეს საფარებლად.

მეორე დღეს ბებერი ისევ ლოცვაზე წავიდა. იქცა ნაფოტი ქალად, დაუგავა სახლი, დაუწმინდა ქურქელი, იქცა ისევ ნაფოტად და დაეფარა ისევ სახაშეს.

მოვიდა ბებერი, ნახა დაგვილი სახლი, შეკამანდი მოხარული, მეზობლებს ლანძღვა დაუწყო: თქვენ რა საქმე გაქვთ, რომ ჩემ სახლში შემოდიხართ, ან შეკამანდს დგამთ და ან სახლს მიგვითო. მეზობლები გაჯავრდნენ: ვისა აქვს შენი ჯავრი, უყარაულე და ვინც შემოდის, დაიჭირეო.

უყარაულა ბებერმა. ნაფოტმა რომ თქვა, ახლა კი წავიდოდა ბებერი ლოცვაზეო, — იქცა ქალად, გადმოვიდა, აიღო ცოცხი და დაუწყო სახლს გვა, — ამ დროს მისწვდა ბებერი და დაიჭირა ქალი...

— შენ რა ხარ, რა სულიერი ხარ, რომ ჩემ სახლში შემოსულხარო?

ქალმა უთხრა:

— ადამიანი ვარ და ადამიანის შვილი, შემბრალებ და მიშველეო.

ბებერს ძალიან გაუხარდა:

— მაინც შვილი არა მყავს და ჩემი შვილი იქნებო.

დაიწყეს ქალმა და ბებერმა ერთად ტკბილად ცხოვრება. ერთ წელიწადს უბალახობა იყო. ხელმწიფეს სულ ეხოცებოდა შიმშილისაგან ცხენ-ჯოჯი. ქალმა უთხრა დედობილს:

— დედობილო, წადი, ხელმწიფესთან, ერთი რომელიც დავარდნილი ცხენი ჰყავდეს, გამოართვი, მოიყვანე და გავასუქოთო.

წავიდა ბებერი ხელმწიფესთან და უთხრა:

— დიდებულო ხელმწიფე, ერთი რომელიც უვარგისი ცხენი გყავდეს, ის ცხენი მე მომეცითო.



მისცეს ერთი ცოცხალ-მკვდარი ცხენი. წამოიყვანა ბებერმა და მოჰგვარა თავის ქალობილს.

დაიბანს ქალი ხელებს, და ისეთი ბალახი მოვა, რომ შიგ გაცურდება საქონელი. ისე გასუქდა ცხენი, ისე გათქვირდა, რომ ველარ იქერენ. გაგიჟებული დარბის.

ქალმა უთხრა დედობილს:

— წადი, უთხარ ხელმწიფეს, თავისი ცხენი მიიბარონ.

მივიდა ბებერი ხელმწიფესთან და უთხრა:

— დიდებულო ხელმწიფევე, ნაზირი გამოგზავნეთ და თქვენი ცხენი წამოიყვანეთო.

ქალმა დაარიგა ცხენი: რომ მიხვიდე ხელმწიფის კარებზე, დაწეკ, და რამდენიც უნდა გცემონ, არ ადგე, სანამ მე არ მოვიდე და არ გითხრა: ადეკი, შე პატრონივით მუხანათო, და მაშინ ადეკიო.

მოვიდნენ ვეზირები ცხენის წასაყვანად. ისეთია ცხენი, სულ ვარსკვლავებს ეთამაშება. წაიყვანეს გახარებულებმა ცხენი და მიიყვანეს სასახლესთან. აქ კი ჩაწვა ცხენი და აღარა ქნა ძრა. ბევრი სცემეს, სწიეს, მაგრამ არ ადგა. მაშინ ბებერმა მოახსენა ხელმწიფეს:

— დიდებულო ხელმწიფევე, მე ერთი ნაქალარი მყავს, რომელმაც ეს ცხენი გაკვება და იმან რომ უთხრას, ადგება ეს ცხენიო.

მაშინვე უბრძანა ხელმწიფემ ბებერს:

— წადი და მოიყვანეო!

მოვიდა ქალი და უთხრა ცხენს:

— ადეკ, შე პატრონივით მუხანათოო!

ადგა მაშინვე ცხენი და შეითამაშა.


ჰკითხა ხელმწიფემ ქალს:

— რად დაუძახე ჩემ ცხენს ან მე მუხანათიო?..

ხელმწიფეს ძალიან მოეწონა ქალი. ქალმა უამბო ყველაფერი, ხელმწიფემ მეორედ დაიწერა ჯვარი, მოახლე ცხენის ძუას მოაბეს და ლუკმა-ლუკმად აქცევინეს.

ქირი იქა, ლხინი აქა,

ქატო იქა, ფქვილი აქა.



## ეშმაკის განსაღებნი

იყო და არა იყო რა, იყო ერთი ღარიბი, უქონელი, უყო-  
ლელი, მშვიერ-ტიტველი ცოლ-ქმარი. ცოლ-ქმრის მეზობლად  
ეშმაკები ცხოვრობდნენ.

ერთ მშვენიერ ღღეს ეშმაკები აიყარნენ და გადაიკარგნენ.  
საწყალი კაცის ცოლი შევიდა ეშმაკების ნასახლარში და დაუწყო  
ძებნა. ერთი გასაღები იპოვა, წამოიღო და მოიტანა შინ. ამ  
გასაღებს ის ძალა ჰქონდა, რომ უცეცხლოდ მოუტანდა ყვე-  
ლანაირ საკმელს. იმის ჯიბრზე ახლა ქმარი წავიდა, იქნება  
მეც ვიპოვო რამეო. ეძება კაცმა, ეძება და ერთი ძველი ხელ-  
საფუკავი იპოვა. აიღო, გამოგვადგებაო, და წამოიღო სახ-  
ლში. რამდენსაც შემოატრიალებდნენ, იმდენი ოქრო და ვერ-  
ცხლი ცვივოდა. გამდიდრდა საწყალი კაცი. ხელმწიფის დაპატი-  
ება მოინდომა.

ცოლმა დაუშალა:

— კაცო, შენ ქერქში იჯე, ხელმწიფე შენი ტოლი არ არისო.

— არა, — დაუნიჟა კაცმა, — სარჩო მამ რალა ოხრად მინდა,  
თუ ხალხში კი ვერ გამოვჩნდებიო?

— მე კი არ გირჩევ, — უთხრა ცოლმა, — და შენ იციღ.  
არ დაიშალა კაცმა. წავიდა და სთხოვა ხელმწიფეს:

— დიდებულო ხელმწიფევე, წყალობა მოიღეთ ჩემზე და  
მეწვიეთ, ჩემი გლეხური პურ-მარილიც მიირთვიეთო!

ხელმწიფე არ წავიდა, ნაზირ-ვეზირი გაგზავნა:

— წადი, შეიტყვე, რა აქვს, რაზე მეპატიეობაო.

წავიდა ნაზირ-ვეზირი. მივიდა ამალით იმის სახლში: ერთი ქობის მეტი ვერაფერი ნახა: რა მიუქარავს, რა აქვს, რა უნდა გვაქამოსო, — იფიქრა ნაზირმა.

ჩამოატარა გასაღები გლენხმა და გაიშალა სუფრა. ათასნაირი საკმელი დალაგდა. ახლა ცხენებს ჩამოუტარა. გაეშალა იმათაც ნამუცემელი თივა. ნაზირი გაკვირვებული იყო.

მოიტანა საწყალმა კაცმა და ახლა ხელსაფქვავე დაატრიალა, გადმოიშალა ოქრო და ვერცხლი, თვალი და მარგალიტი. ნაზირმა თვალები დააქყიტა, შეშურდა ხელსაფქვავეც. წაართვა გასაღებიც, ხელსაფქვავეც, და წაულო ხელმწიფეს:

— შენ უცეცხლო საკმელებს უნდა სკამდე და ხელმწიფე ნახარშსა და ნაწვავსო?!

მივიდა ნაზირი. ხელმწიფემ ჰკითხა:

— როგორ გაგიმასპინძლდაო?

— თქვენ, დიდებულო ხელმწიფევე, მოხარშულ საკმელსა სკამთ, და იმან სულ უცეცხლო საკმელები მოგვართვა. ერთი ხელსაფქვავე ჰქონია, დაატრიალებს, სულ ოქრო და ვერცხლი სცივია. გასაღები ჰქონიყო, რა საკმელი გინდა, რომ იმ გასაღებმა სუფრაზე არ მოიტანოს. ის გასაღებიც წავართვი, ის ხელსაფქვავეც, და თქვენ მოგართვითო. — ხელმწიფეს ძალიან გაუხარდა.

საწყალი კაცი კი დაღონებული იყო. დაკარგა თავისი ავლადიდება. ცოლს უთხრა:

— წავალ, იქნება ღმერთმა იპრიანოს და კიდეც რამე ვიპოვნოვო.

შევიდა ეშმაკების ნასახლარში. ეძება და ერთი ვირი იპოვნა. რამდენსაც ჯოხს დაჰკრავს, იმდენს ოქროსა და ვერცხლს ჰყრის. გამდიდრდა ისევ საწყალი კაცი.

ერთხელ უთხრა ცოლს:

— წავიყვან ამ ჩემ ვირს და ვაბანებ, დიდი ხანია არ მიბანებია, ცოდო არისო.

— კაცო, — უთხრა ცოლმა, — თავი დაბანებე, იქ ეგ ვირი არავენ გამოგიცვალოს და არ დაღუპო თავიო.

— არა, რას ამბობ, როგორ გამომიცვლიან, კაცი არ ვარო?!—  
უთხრა ქმარმა და წაიყვანა ვირი საბანაოდ.

მიიყვანა და აბანა. გამოიყვანა, დააბა, ახლა თვითონ შევიდა საბანაოდ. იქ ყარაულები იყვნენ, ჯოხი დაჰკრეს ვირს, გზიდან მოგვეშორდიო; ვირმა ოქრო-ვერცხლი ჰყარა. ყარაულებს ძალიან გაუხარდათ. ის ვირი ტყეში წაიყვანეს, იმის მაგიერ სხვა დააბეს.

გამოვიდა კაცი, ახსნა ეს ვირი, თავისი ვირი ჰგონია და წაიყვანა სახლში. სცემს ჯოხს, მაგრამ ვირი ჩონჩორიკის მეტს არაფერსა ჰყრის. დალონდა კაცი.

— თავის ქაუისა მოგივიდა, კირი მომქამეო, — უთხრა ცოლმა, როდესაც თავისი უბედურება ცოლს შესჩივლა. კაცმა კილევ სთქვა:

— მოდი, კილევ წავალ; იქნება კილევ რამე ვიპოვნო! ეძება, ეძება და ერთი გოგრა იპოვა... გოგრამ კი ველარ გაახარა საწყალი კაცი.

— აი, ჩემო თავო, — თქვა საწყალმა კაცმა, — სად არის ახლა სამი ჯეელი ბიჭი, რომ არ დამიღებენ და არ დამზულავენო.

თურმე გოგრაში ორასი შეიარაღებული კაცი იჯდა. ამოუხტა სამი ბიჭი, დადეს ეს კაცი და იმდენი სცემეს, რომ სიგრძისა სიგანე მისცეს, ზურგზე სულ ტყავი ააძრეს.

წაიღო გოგრა საწყალმა კაცმა და მიიტანა სახლში.

— ეგ გოგრა, — უთხრეს კაცებმა, — ამოიჩარე ილიის ძირში, წაიღე და ხელმწიფესთან რომ მიიტანო, სთხოვე ხელმწიფეს შენი გასაღები და შენი ხელსაფქვავიო.

წაიღო გოგრა საწყალმა კაცმა და წავიდა ხელმწიფესთან.

მივიდა და სთხოვა: — დიდებულო ხელმწიფე, რას მემარტოლები, მომეც ჩემი გასაღები და ხელსაფქვავიო!

— დაიკარგე აქედან, — დაუპვირა ხელმწიფემ, — დაიჭირეთ, ბიჭო, გააგდეთო!

— აბა, ჩემო გოგრავე, მიშველეო! — დაიძახა საწყალმა კაცმა.

ამოცვიდნენ ეს კაცები, ერთი თუ ორი ყველას, ვისაც კი იქ მოახელეს. წამოიღო გოგრა, ხელსაფქვავიც, გასაღებიც და წამოვიდა საწყალი კაცი შინ სიხარულით.



### ზღაპარი ქალის ყვავილისა

იყო და არა იყო რა, იყო ერთი კაცი, ჰქავდა სამი ქალი: უფროსი — ია, შუათანა — ვარდი და უმცროსი — ველის ყვავილი.

წავა მამა ტყეში, მოჰკრეფს იას, მოუტანს უფროს ქალს და გაახარებს. წავა ვენახში, მოჰკრეფს ვარდს, მოუტანს შუათანა ქალს და გაახარებს. წავა ტყეში, წავა ვენახში, დაბრუნდება ისევ, მაგრამ ველის ყვავილს კი ვერ პოულობს. არის უმცროსი ქალი გულნატკენი და დაღონებული.

ერთხელ მამას უთხრა ველის ყვავილმა.

— მამაე, მე რაღა დაგიშავე, რომ ჩემ დებს ია-ვარდს უხიდავ და მე კი ერთხელაც არ მომიტანეო?

— შვილო, მეც მინდა მოვკრიფო და მოგიტანო, — უპასუხა მამამ, — მაგრამ ჩემი ცდა ტყუილად ჩამივლის ხოლმეო.

ქალი მაინც ძალიან ჯავრიანად იყო. შეატყო მამამ თავის ქალს, რომ გულით უნდა ველის ყვავილი და ჯავრად ჩასკრია გულში. ადგა და წავიდა ყვავილის საძებნელად. იარა ბევრი, ეძებდა ველის ყვავილი, ვერსად შეხვდა და ბოლოს ერთ ადგილას მივიდა. იქ ძაღლისტოლა გველი ნახა. კაცი ძალიან შეშინდა.

გველმა ჰკითხა: — სად მიდიხარ, რა საქმე გაქვსო?

— ველის ყვავილს ვეძებო, — უპასუხა კაცმა.

— ველის ყვავილს მე მოგცემ, თუ შენ გულის ყვავილს მე

მომცემ, — უთხრა გველმა, — თუ არ მომცემ და მე შენ შეგკამო.

„სული ტკბილია“ — ნათქვამია. თავის სიკვდილს შეილის. მიცემა არჩია კაცმა და გველს თვრამეტი დღის ვადა დაუდო:

— იმ ვადაზე მოდი და წაიყვანეო.

მოუკრიფა ერთი კონა ველის ყვავილისა და მისცა კაცს.

მოუტანა მამამ ველის ყვავილს კონა ყვავილებისა და გაახარა. ქალი სიხარულისაგან ფეხზე აღარ იდგა: დარბოდა, ჰსუნავდა ველის ყვავილებს, ხან ჰკოცნიდა და ეტოლებოდა.

ქალი დგას ბალში და ესურვილება თავის ყვავილებს. ბაღს გარეთ ცხენის ჯოგია მომდგარი. უცებ ჯოგიდან ერთმა ჯაგლაგმა ცხენმა დაიძახა:

— ველის ყვავილო, რო იცოდე, რაც არის შენს თავს, მაგრე აღარ გაიხარებდიო!

— რათაო? — ჰკითხა ველის ყვავილმა.

— იმიტომ, — უპასუხა ცხენმა, — რომ მამაშენმა მაგ კონაში შენი სიცოცხლე მისცა გველსა. თვრამეტი დღის შემდეგ მოვა გველი და წაგიყვანს. როდესაც გველი მოვა და დაგამზადებს, მამა გკითხავს: რა მოგცეო, და შენ ჩემი თავი სთხოვეო.

გავიდა თვრამეტი დღე, და მოითხოვა გველმა თავისი, მოვიდა ველის ყვავილის წასაყვანად.

მამამ ჰკითხა ველის ყვავილს: — რა მოგცე, შეილოო?

— ის ერთი ჯაგლაგი ცხენი რო გყავს, ის მომეციო, — უთხრა ქალმა.

ჯერ არ აძლევდა მამა, ეგ რად გინდაო, მაგრამ რაკი ქალმარ დაიშალა, მისცა. როდესაც წასვლა დააპირეს, ცხენმა უთხრა ველის ყვავილს:

— შენ ერთი წმინდა სავარცხელი წამოიღე, ერთი ბოთლი ზეთი და ლურსმები.

შეჯდა ქალი და გასწია. ცხენმა, კარგა გზა რომ გაიარეს, ჰკითხა:

— აბა, მიიხედე, ხომ არავეინ მოდისო? — მიიხედა ქალმა.

— ძაღლისტოლა რაღაცა მოგვდევსო.

— გადააგდე სავარცხელი და მე კი არ მომახვედროო.

გადააგდო სავარცხელი. ისეთი ტყე მოვიდა, ასეთი ჯაგი და ბარდა გაიფინა, რომ ხოხობს გაუჭირდებოდა ჩაძრომა. მოვიდა გველი. ეცა ჯაგინს, დაიგლიჯა და კატისტოლა კიდეც დარჩა. ამჟღეროს ქალი გასცდა და წავიდა.

იარეს ბევრი, იარეს და ბოლოს ცხენმა უთხრა ველის ყვა-ვილს.

— აბა, მიიხედე, ხომ არავინ მოგვედევსო.

მიიბრუნა თავი ქალმა: — კატისტოლა რალაცა მოგვედევსო, — უთხრა ცხენს.

— გადააგდე ლურსმეზიო, — უთხრა ცხენმა.

გადააგდო ლურსმეზი ველის ყვავილმა. დაეფინა ალმასი. მოვიდა გველი, დაიქრა, დაიკუწა ალმასებზე. ბუზისტოლა კიდეც დარჩა. გასცდა ქალი და წავიდა.

იარეს, იარეს და უთხრა ქალს ცხენმა: — აბა მიიხედე, მოგვედევს რამე თუ არაო? — მიიხედა ქალმა.

— ბუზისტოლა რალაცა მოგვედევსო.

— გადააგდე ბოთლიო, — უთხრა ცხენმა.

გადაისროლა ბოთლი, და გაჩნდა ტბა; ჰლეღავს და ექანება.

ცხენმა უთხრა: — მე დაღლილი ვარ, დამეძინება. ის ბუზისტოლა გველი ბებრად იქცევა, მოვა ტბასთან და დაგიძახებს: შვილო, ბეწვი გამოაძრე ცხენს, გადმოდე ტბაზე, გამიყვანე, შეგაქცევო, მაგრამ შენ არ შესცდევო.

დაიძინებს ცხენი. მოვიდა გველი, მოადგა ტბას, იქცა ბებრად, აუვლის და ჩაუვლის ტბას:

— შვილო, შენ ცხენს ბეწვი გამოაძრე, ტბაზე დააგდე, ხიდად იქცევა, გამოვალ, შეგაქცევო, — დაუძახა ქალს გველმა.

— ვერა, ეტკინებაო, — უპასუხა ქალმა. ვერ აცდინა ბებრმა ქალი.

გაიღვიძა რაშმა, შეჯდა ქალი და გასწიეს. ცხენმა უთხრა ქალს:

— ჩვენ ქალაქში შევალთ და ვინც პირველად ხელი მომკიდოს, იმას გაჰყევო.

მივიდნენ ერთ ქალაქში. ჩაიარეს ბაზარზე. ერთი ახალგაზ-

რდა სოვდაგრის შვილი მივიდა. ცხენთან, დაუქირა ალვირი და უთხრა ქალს:

— შენ ცოლი და მე ქმარიო!

ქალი დათანხმდა. ვაჟი ძალიან მდიდარი იყო. წაიყვანა ქალი და გადიხადეს ქორწილი. ქალი მოუყვა და უამბო ყველა თავის თავგადასავალი ვაჟს. ვაჟმა უთხრა:

— თუ არ წაველ და მრავნაზე ჩემი სიმამრი, არ იქნებაო.

უშალა ცოლმა, უშალა, მაგრამ ქმარმა არ დაიშალა. შეჯდა ცხენზე და წავიდა: გონიერი ცხოველია, თვითონ მიმიყვანსო. შეჯდა მაგრამ ცხენი ხმას არ იღებდა, გაჩუმებულები იყვნენ.

სალამო ჟამს იმ გველის ტბასთან მივიდა. ჩამოხტა და დაისევნა. მოვიდა ისევ ის ბებერი ტბასთან და გამოსძახა:

— დედაშვილობას, ცხენს წამწამი გამოაძრე, გადმოაგდე ტბაში, ხილად გაიდება, გამოვალ და შეგაქცევო.

რა იცოდა ქალის ქმარმა! გამოაძრო წამწამი და გადუგდო. გამოვიდა ბებერი. იმ ღამეს ერთად იყვნენ, ბებერი შეაქცევდა.

გათენდა დილა. შეჯდა ცხენზე ვაჟი, უნდოდა წასვლა. მიიარ-მოიარა, მოძებნა გზა, მაგრამ ველარ იპოვა. ასე დაულამდა. გათენდა მეორე დღე, დაულამდა იქვე. ერთ ტანჯვაშია.

ამ ხნობით ველის ყვავილს ვაჟი ეყოლა. მაშინვე გაგზავნეს მახარობელი სოვდაგრის შვილთან: ვაჟი გეყოლაო.

მახარობელი მიადგა გველის ტბას და დაულამდა. მოვიდა იმასთან ბებერი და შეაქცია. ჰკითხა:

— სად მიდიხარ, შვილო, რა საქმე გაქვსო?!

მახარობელმა უთხრა: — სოვდაგრის შვილს ვაჟი ეყოლა და ის უნდა ვახაროო.

აიღო ამ ბებერმა და წერილი ასე შეუცვალა: შენ ცოლს ძალის ლეკვი ეყოლა, და რას იტყვი, რა ვუყოთო.

წაიკითხა სოვდაგრის შვილმა. ეცა ელდა. აიღო და მისწერა: აიღეთ, გაახურეთ საკირე და იმაში ჩააგდეთო.

დაბრუნდა მახარობელი. მოუტანა ეს წერილი. დალონდნენ ვაჟის დედ-მამა, არ უნდათ შვილ-რძლის სიკვდილი. დაუწყეს საკირეს გახურება, უნდა ჩააგდონ. შეიტყო ცხენმა. დაწყვიტა თოკი და გაქანდა ქალისაკენ. ქალს უთხრა:



— აილე შენი ბავშვი ხელში, შემაჯექ და წავიდეთო. შეჯდა ქალი, შეისვა თავის შვილიც და გაუსო ცხენმა. ბავშვს ქული კი გადმოუვარდა და დარჩა იქა. რაკი ქალს უბედურება გადაეკიდა, სოვდაგრის შვილსაც გზა გაეხსნა.

იარა, იარა და მოვიდა სახლში. შეიტყო ყველაფერი, ბევრი ინანა, მაგრამ რალას უშველიდა. იპოვა შვილის ქული, წაილო და წავიდა: ვისაც ეს ქული გამოადგება, ის იქნება ჩემი შვილიო.

ცხენი და ქალი რომ წავიდნენ, ბევრი იარეს, ერთ მინდორზე გამოვიდნენ. დადგა ცხენი, ქალს უთხრა:

— ჩამოდი, აილე დანა და ყელი გამომჭერი: ასო-ასო დამკერ, დამალაგე, მერე ინატრე რაც გინდა, და იმად გექცევა ჩემი ნაჭრები. თუ მეც რამედ გინდივარ, ჩემთვისაც გადადევნი ერთი ასოო.

ქალმა უარი უთხრა: — ვერ დაგკლავო!

— არა, თვალები დახუჭე, — უთხრა ცხენმა, — და ისე დამკალიო.

დახუჭა თვალები ველის ყვავილმა, დაკლა ცხენი, დასჭრა ასო-ასო და ინატრა; გაცოცხლდა ისევ ცხენიც, და გაიმართა მშვენიერი დუქან-ბაზრიანი ქალაქიც. გახდა ქალი ქალაქის უფროსად და პატრონად. ყველაფერი იმისი კითხულია.

იარა ველის ყვავილის ქმარმა. ატარებს ქუდს, ხან ვის დახურავს, ხან ვის, მაგრამ ვერ იპოვა შვილი, თუმცა ბევრი სოფელი და ქალაქი გაიარა.


ბოლოს მივიდა იმ ქალაქში, სადაც ველის ყვავილია უფროსად. ჩაატარა ქული ქუჩებზე და ხან ვის დახურა და ხან ვის, მაგრამ ვერ იპოვა. ბოლოს შეხვდა თავის შვილს: ძიძა ასეირნებდა.

გადაადლო ერთხელ ქული, ქული დაეხურა ბავშვს და მოუხდა. გადაადლო მეორედ, მესამედ და ქული კარგად მოსდას. გაჯავრდა ძიძა: რასა მასხრობ, დაიკარგე აქედან, კკუიდან ხომ არ შეიშალეო.

ბოლოს წაიყვანეს სოვდაგრის შვილი ველის ყვავილთან. სოვდაგრის შვილმა და ველის ყვავილმა იცნეს ერთმანეთი და

მოეხვივნენ. უანბო ყველაფერი ქმარმა ველის ყვავეილს, შერიგ-  
დნენ, მორიგდნენ და დაიწყეს წინანდებურად ტკბილი ცხოვ-  
რება.

ქირი იქ დაეაგდე,  
ლხინი აქ მოვიტანე,  
ქატო იქ დაეაგდე,  
ფქვილი აქ მოვიტანე.





### გაუცინარი ხელმწიფის ზღაპარი

იყო და არა იყო რა, იყო ერთი გაუცინარი ხელმწიფე-თავის დღეში ის გაცინებული არავის ენახა და გაუცინარს იმიტომ ეძახდნენ. ხელმწიფეს სამი ვაჟი ჰყავდა; ვაჟებს გაუცინარი ხელმწიფის შვილებს ეძახდნენ. ერთხელ ძმებმა თქვეს:

— წავიდეთ, ვკითხოთ ჩვენ მამას, რატომ გვეძახიან გაუცინარი ხელმწიფის შვილებსო.

წავიდნენ მამასთან საკითხავად. ჯერ უფროსი ვაჟი შევიდა. მამამ ღვინიანი ჭიქა მიაწოდა და უთხრა:

— ჯერ ეს დალიე, მერე ერთ სილას შემოგკრავ და გეტყვი. — აილო ვაჟმა ჭიქა და დალია. შემოჰკრა სილა ხელმწიფემ და ქოჩორზე დაატრიალა, — წადი, და მერე გეტყვიო.

ახლა შუათანა შეილი შევიდა:

— ვინა ხარო? — ჰკითხა ხელმწიფემ.

— მე გახლავარო! — უპასუხა ვაჟმა.

— რა გინდაო? — ჰკითხა ხელმწიფემ.

— გაუცინარი ხელმწიფის შვილებს გვეძახიან, და რათა ხარ გაუცინარი, მითხარიო! — უთხრა შვილმა.

— აბა, დალიე ეს ჭიქა ღვინო, და მერე გეტყვიო!

აილო ვაჟმა ღვინო, დალია. ხელმწიფემ სილა გაატყა და ქოჩორზე დაატრიალა: — წადი, მერე მოდი და გეტყვიო! — უთხრა შვილს.

წავიდა ძმებთან.

ძმებმა ჰკითხეს, — რა გითხრაო?

— წადი და მერე გეტყვიო!

ახლა უმცროსი ძმა წავიდა.

— ვინა ხარო? — ჰკითხა ხელმწიფემ.

— მე გახლავარ უმცროსი შვილი გაუცინარი ხელმწიფისაო!

— რა გინდაო? — ჰკითხა გაუცინარმა.

— ჩვენ გაუცინარი ხელმწიფის შვილებს გვეძახიან და რათ ხარ გაუცინარიო?

მიაწოდა ხელმწიფემ ჰიქით ღვინო და უთხრა:

— აბა, დალიე ეს ჰიქა, ერთ სილას შემოგკრავ და მერე გეტყვიო.

ჩაპოართვა ჰიქით ღვინო და დალია. შემოჰკრა ხელმწიფემ სილა, მაგრამ ფეხიც ვერ მოაცვლევინა.

— დამკარ მეორე და მითხარიო! — უთხრა შვილმა.

შემოჰკრა კიდევ მეორედ გაუცინარმა, მაგრამ კიდევ ვერ მოაცვლევინა ფეხი.

— შემოგკარ მესამედ და მითხარიო! — უთხრა კიდევ გაუცინარს შვილმა.

შემოჰკრა კიდევ მესამედ სილა, მაგრამ მაშინაც ვერ მოაცვლევინა ფეხი; მერე უთხრა:

— წადი და ჩემი თავის ტოლ-ტოლა ბროწეულები მოიტანეო.

სადაც იდგა, ისიც ასწავლა და უთხრა: — მოხვალ და მოიტან, -- გეტყვი ჩემს ამბავსაო.

ძმებთან მივიდა. ძმებმა უთხრეს: — რა გითხრაო?

— ჩემი თავის ტოლ-ტოლა ბროწეულები მოიტანე და მაშინ გეტყვიო.

იარეს ბევრი, იარეს და ერთ ტრიალ მინდორზე გავიდნენ. წინ წადგნენ. გზა გასაყარი ნახეს. ერთი ქვა იდგა. ქვაზე ეწერა: აქეთ წახვალ — მოხვალ, აქეთ წახვალ — მოხვალ, ასე წახვალ — ვეღარ მოხვალო. უფროსი ძმა იქით წავიდა, საიდანაც მოვიდოდა, შუათან იქით წავიდა, საიდანაც მოვიდოდა, უმცროსი იქით წავიდა, საიდანაც ვეღარ მოვიდოდა.

ბევრი იარა უმცროსმა ვაჟმა, ცოტა იარა, დაინახა შავი ჯარი, სულ ცხენოსანი. ბიჭმა იმედი გადიწყვიტა და თქვა:

ახლა კი მოვკვდებით. გადიწერა პირჯვარი და გასწია ჯართან. ახლოს რომ მივიდა ჯართან, ნახა გაქვავებული ლაშქარი; გასცდა და წავიდა.

შორს წითელი ცხენოსანი ჯარი დაინახა. შეშინდა: ახლა კი მოვკვდებით და დაიწერა პირჯვარი. მიუახლოვდა და დაინახა, რომ წითელი ცხენოსანი ჯარი გაქვავებული იყო. გასცდა ამასაც და გაიარა.

გაიარა, შორს თეთრი ცხენოსანი ჯარი დაინახა, ახლო რომ მივიდა ჯართან, ნახა რომ თეთრი ცხენოსანი ჯარიც გაქვავებული იყო.

ბევრი იარა, ცოტა იარა, დაინახა ერთი ციხე: იმისი წვერი ცამდის იყო აწვდილი. ციხის ძირს ბროწეული იდგა. ბროწეულს ხუთი თავის ტოლ-ტოლა ბროწეულები ება. ჩავიდა გაუცინარი ხელმწიფის შვილი, მოწყვიტა ბროწეულები; ერთი შექამა, სამი ჯიბეში ჩაიდო და ერთიც ზედ გაუშვა.

გადმოიხედა ქალმა ციხიდან და დაუძახა:

— ვაიმე, შვილო, რა ჩემ შვილსა ჰგეგხარ, აქ ვინ მოგიყვანა? ბინძური დევი მოგკლავსო.

— მე მანდ უნდა ამოვიდე და რაც მომივა, მომივა, — უთხრა გაუცინარი ხელმწიფის შვილმა ქალს.

ქალმა თმა გამოიკვანძა და ჩაუშვა. შეხტა ვაჟი, სტაცა იმას ხელი და ავიდა ციხეში. ქალმა დამალა:

— რომ მოვა, მოგკლავსო!

გაუცინარი ხელმწიფის შვილმა სთხოვა როგორმე გაეგო,

— ჰკითხე, რაში არის იმისი სული და მერე მე ვიციო!

მოვიდა დევი და თქვა: — ხორციელის სუნი მომდისო!

— არა, — უთხრა ქალმა, — აქ აღამიანს რა უნდოდა, შენ თვითონ მოგყვებოდა. — ჩამოეკონწიალა ყელზე ქალი ბინძურ დევს და დაუწყო სურვილება: — ძალიან მიყვარხარ, უშენოდ ველარ ვძლებ, როდესაც შენ აქ არა ხარ, მითხარ რაში არის შენი სულიო?

— ჩემი სული ცოცხში არისო! — უთხრა ბინძურმა დევმა.

ბინძური რომ სანადიროდ წავიდა, ქალი ადგა და მორთო ცოცხი ათასნაირად. შემოახვია ბაღდადები და ფარჩები, მიიტანა და ლოგინზე დადო.

მოვიდა ბინძური დევი. ნახა ცოცხი და დაიწყო სიცილი:

— მოგატყუე, განა მართლა მაგ ცოცხში არის ჩემი სული, ჩემი სული დედაბოძში არისო.

წავიდა ბინძური ისევ სანადიროდ. ქალმა აიღო და გარეცხა და გაწმინდა დედაბოძი, შორთო და მოკაზმა, ეხვევა და ესურვილება.

მოვიდა ბინძური და ნახა ცოლი ამ ამბავშია.

— მაგას რას შვრებო? — ჰკითხა.

— შენ სულს ვეხვევიო.

— რამ გაგასულელა, — უთხრა ბინძურმა სიცილით, — ჩემ სულს შენ ვინ მოგცემს, ამა და ამ ალაგას, რომ ერთ ადგილას ერთი ტახია, იმის თავში ერთი კოლოფია, იმაში სამი ჩიტია, წითელი—ლონეა, თეთრი — გონება და შავი — სულიო.

— ვინ მოჰკლავს იმას, არის ვინმე იმისთანაო?

— იმას ვერაფერი მოჰკლავს, თუ ჩემ შარდში ნაწრთობი ისარი არ მოხვდაო, — უპასუხა ბინძურმა.

— არსად არ მისდგე შარდისათვის და არ დამლუპო, — უთხრა ცოლმა, — რომ მიხვიდოდე სანადიროდ, შინ მიდექო! დევი შინ მიდგა, ცოლმა ქოჩახი დაუდგა და შეინახა.

წავიდა თუ არა ბინძური დევი სანადიროდ, ადგა გაუცინარი ხელმწიფის შვილიც, აიღო ორი პური და წავიდა მკედელთან. გააკეთებინა ოცი ლიტრის მშვილდ-ისარი, მოსწია და მოდრიკა. გააკეთებინა ორმოცისა, მოსწია და მოდრიკა. ბოლოს სამოცისა გააკეთებინა, მოსწია და მშვილდი მაგრა იდგა.

მკედელს უთხრა:— შენ არ აწრთო, საწრთობელ წყალს მე თვითონ მოგიტანო.

წავიდა და მოუტანა ბინძური დევის შარდი. აწრთო მკედელმაც მშვილდ-ისარი. გადიგდო გაუცინარი ხელმწიფის შვილმა მხარზე და გაუდგა გზებს ტახის საძებნელად.

იარა, იარა, და მივიდა იმ წყალზე, სადაც ტახი წყალსა სვამდა. წყალთან ქალი იჯდა და ტიროდა.

— რა გატირებს? — ჰკითხა ვაჟმა, — რად იტყენ მაგ მშვენიერ თვალებსაო?

— თუ ქრისტიანი ხარ, წადი, — უთხრა ქალმა, — დრომ მოაწია, ტახი მოვა, უნდა შემჰკამოსო.

თურმე ტახს ყოველდღე თითო ქალი ჰყავდა გადადებულ  
ლი შესაქმელად.

ვაჟმა უთხრა: — შენ იმისი ნუ გეშინიან; ახლა მე ცოტას  
დავიძინებ და დავისვენებ. შენ მუხლზე მივდებ თავს, და რო-  
დესაც ტახი მოლიოდეს, ერთი სილა შემომჟარი და გამო-  
მალვიძო.

დაიძინა გაუცინარი ხელმწიფის შეილმა. გავიდა ცოტა  
ზანი და გამოჩნდა ტახიც. ილესავდა კბილებსა და ქათსა  
ჰყრიდა.

ქალმა ვაჟს უძახა, შემოჰკრა სილაც, მაგრამ ტყუილად.  
ტირის ქალი, ტირის, დედამიწა იწვება იმის ცოდვით. უცებ  
ქალის ცრემლი დაეცა ლოყაზე ვაჟს, და ცხრაპირი კანი  
ასძვრა. წამოხტა ვაჟი, მოავლო მშვილდს ხელი და მიჰმართა  
ტახს. ჩადვა ისარი, ესროლა და ერთ გვერდში ნაკრავი მეო-  
რე გვერდში გაჩნდა. წაიქცა ტახი და დალია მაშინვე სული.  
მოსჰკრა საჩქაროდ თავი, გაჩეხა და ამოიღო იქიდან ყუთი.  
ყუთში ჩიტები იყვნენ. ჯერ ჯანს წაჰგლიჯა თავი, წამოიღო  
და ახლა გონს. სულის ჩიტი კი ცოცხალი წამოიყვანა და წა-  
მოვიდა კოშკში.

სანადიროდ იყო ბინძური დევი. გაეგო გრძნობით, რომ  
ტახის თავს უბედურება რალაც არისო, და წამოსულიყო საჩ-  
ქაროდ, მაგრამ ამ დროს მოასწრო ვაჟმა, ტახიც მოკლა და  
ღონის ჩიტსაც თავი მოსწყვიტა. ბინძურს ძალა აღარა ჰქონ-  
და; ახლა გონებას მოსწყვიტა თავი, და ძლივძლივობით მოეთ-  
რია კოშკთან. მივიდა და დაეგდო კოშკის ძირას; აღარათფერი  
აღარ შეეძლო.

დაინახა ზევიდან ქალმა, ჩამოვიდა, დაუჯდა თავით და  
დაუწყო კითხვა.

— რა გპირს, ჩემო სიცოცხლევ, რა დაგმართენიაო?

მოვიდა ვაჟიც და დაუჰყვილა ბინძურს:

— რას უგდიხარ, ძაღლო, ადვ, დაიკარგე აქედან. მითხარ,  
ზად არის შენი ცხოვრება? ან ის ჯარები რომ გაგიქვავენია,  
იმათ რაღა გააცოცხლებსო?

მაშინ დევემა უთხრა: — წადი, მალლა ადი, იქ სამი მათ-

რახია, ერთი თეთრი, ერთი წითელი, ერთი შავი; შავი მათ-  
რახი შავ ჯარს დაჰკარ, წითელი — წითელს, თეთრი — თეთ-  
რსა. ჯარები დაცოცხლდებიან და შენი ყმები იქნებიანო.

— მასწავლე ლოცვა, — უთხრა ვაჟმა. ასწავლა ბინძურმა  
ლოცვა.

— შენი სიმდიდრე რაღაში არისო? — ჰკითხა ვაჟმა.

— აი ეს გასაღები, სულ ნაპირის ოთახი გააღე და ჩემი  
ცხოვრება იქ არისო! — უთხრა ბინძურმა.

წავიდა ვაჟი, გააღო კარი და სამი წყეული კი დახვდა.

— ოჰ, ეს რა კარგი საქმეა ჩვენთვისაო! — სთქვეს წყეუ-  
ლებმა.

ვაჟი, ცოტაც არ იყოს, შეშინდა. წყეულებს უთხრა.

— ცოტა ხანს აქ იყავით, გარეთ გავალ და ისევ შემო-  
ვალო.

გამოვიდა და გადმოიკეტა გარეთ კარი.

მივიდა დევთან და ჰკითხა:

— იქ რისთვის შემიყვანე? იმ წყეულებმა კინალამ შემ-  
კამესო.

— არა, — უთხრა ბინძურმა, — შენ წადი, ესა და ეს ოთა-  
ხები გააღე, იქ თვალ-მარგალიტია; ის წყეულები შენ აღა-  
რაფერს გიზამენ, რაკი წითელი აჩვენე. აჰკიდე იმათ და  
წაიღეო.

აღდა ბიჭი, გააღო ოთახები, აუარებელი თვალი და მარ-  
გალიტი წამოიღო და წამოვიდა. წაიღო თან ის ბროწეულე-  
ბიც და წამოვიდა.

მივიდა იმ ქვასთან, გზის გასაყარში რომ იდო, დაჯდა იქა-  
და დაისვენა. გაუცინარი ხელმწიფის შვილს ძმები იქ დახვდ-  
ნენ. ამოიღო ბროწეულები და თითო-თითო დაურიგა. ძმებს  
შეჰშურდათ: ჩვენი მოტანილი ბროწეულები წვრილია და მა-  
გის მოტანილი მსხვილებიო; ადგნენ და ღალატი დაუპირეს.

მაინც ერთად წავიდნენ. გზაზე წყალი მოსწყურდათ. ერთი  
ქა იყო. იმ ქას ეძახდნენ ბულაყს. მივიდნენ ძმები ბულაყთან  
და წყალი უნდა ამოეღოთ.

ჯერ უფროსი ძმა ჩაუშვეს, ცოტა რომ ჩაუშვეს, ყვირილი  
მორთო: ამწით, ამწით! დავიწვიო! ამოსწიეს და ამოიყვანეს-



ახლა შუათანა ძმა ჩაუშვეს, იმანაც ისე დაიწყო ყვირილი, ამოსწიეს და ისიც ამოიყვანეს.

უმცროსმა ძმამ უთხრა: — მე ჩამიშვით და რამდენიც ვთქვა „დავიწვი“, იმდენი ძირს ჩამიშვითო.

ჩაუშვეს უმცროსი ძმა და დაიძახა: „დავიწვიო“. ჩაუშვეს უფრო, დაიძახა კიდევ „დავიწვიო“, და უფრო ჩაუშვეს. ჩავიდა ვაჟი და დალია წყალი. ჯერ წყალი ააწოდა ძმებს, ახლა თვითონ მოიბა წელზე, მაგრამ შუა გზაზე დააქრეს ძმებმა თოკები და ჩააგდეს ძირსა.

წამოვიდნენ ძმები და წამოიღეს ბროწეულები. მოვიდნენ და მოუტანეს მამას.

— მესამე ძმა რალა უყავითო? — ჰკითხა მამამ.

— არ ვიცით, ის არ გვინახავსო! — უპასუხეს ძმებმა.

— აბა, მაშ შენ გზაზე რა ნახეო?.. — ჰკითხა მამამ უფროს შვილს.

— არაფერიო! — უპასუხა შვილმა.

დაუძახა ახლა შუათანას და იმასაც ისა ჰკითხა.

— არც არაფერი მე მინახიაო, — უთხრა იმანაც.

— გაჯავრდა ხელმწიფე. მაშინვე გაგზავნა სძებნელად ნაზირ-ვეზირი და გაატანა ჯარი. წავიდნენ ჯარები, ბევრი ეძებეს და ბოლოს ბულაყში იპოვეს, ამოიღეს და წამოიღეს შინ მკვდარი.

ხელმწიფემ უფლის ხელსახოცი მოუსვა და გააცოცხლა. წაუსვა თუ არა ხელსახოცი და ვაჟი გააცოცხლდა, გაუცინარმა ისეთი გაიცინა, რომ მიწა შეინძრა, ცა გაიხსნა და იქიდან ტომრებით ოქრო-ვერცხლი გადმოიბნა.

მაშინ ხელმწიფემ უთხრა: — რა უყავ ბროწეულებიო?

— მე წამოვიღე, ცოტად მახსოვსო! — უთხრა შვილმა.

— მაშ რა ნახე, შვილო, გზაზეო? — ჰკითხა მამამ.

შვილმა ყველაფერი უამბო, რაცა ნახა:

— გზაზე შავი ცხენოსანი ჯარი იდგა გაქვავებული. იმის იქით წითელი და იმას იქით თეთრი. გავიარე კიდევ და ერთი ციხე ვნახე: წვერი ცამდის ჰქონდა აწვდილი და სამი ფანჯარა

ჰქონდა. იმ კოშკის ძირში ერთი ბროწეული იდგა, და ეს ბროწეულები იქ ღაგაკრიფენ!

— მაშ იქ ქალი ვერავინ ნახეო? — ჰკითხა ხელმწიფემ.

— ვნახეო, — უთხრა ვაჟმა.

მაშინ უთხრა ხელმწიფემ: — შეილო, გაუცინარს იმიტომ მეძახიან, რომ ის ქალი ჩემი ცოლია. იმ ბინძურ დევმა მომტაცა და ის შავი ცხენოსანი ჯარი, ის წითელიც, და ის თეთრიც ჩემია და იმან გამიქვევა. ახლა მოდი შენა და გაიცინე, ვისაც იმოდენა დაგიკარგნიაო.

ადგა მაშინვე ვაჟი. წავიდა კოშკში. მოკლა ბინძური, წამოიყვანა დედა, წამოიღო მათრახები; ერთი ერთ ჯარს გადაჰკრა, მეორე — მეორეს, მესამე — მესამეს, გააცოცხლა და წამოვიდა შინ მშვიდობით.

ქირი იქა, ლხინი აქა,  
ქატო იქა, ფქვილი აქა.

ელასა, მელასა,  
ქიქა მეკიდა ყელასა.  
მთქმელსაც და გამგონებელსაც  
ძილი გაამოთ ყველასა.





### ქ ე რ ი ლ - მ ე ბ ე ვ ე

იყო და არა იყო რა, იყო ერთი გლეხკაცი. დაბერდა, დაუძღურდა, და შვილი მაინც არ მიეცა.

ცოლი და ქმარი ხან ერთმანეთს შესტირდნენ და ხან ღმერთს, რომ ისეთი რა ცოდვა მიგვიძღვის ან ღვთისა და ან ქვეყნის წინ, რომ ასე უშვილოდ ვილევითო.

ბევრი იღარდეს, ბევრი იჯავრეს და, რომ ვერაფერს გახდნენ, ადგნენ და გადაწყვიტეს, რომ უშვილობის წამლისათვის წასულიყვნენ. ადგა გლეხკაცი. ჩაიცვა რკინის ტანისამოსი, რკინის ქუდი დაიხურა, რკინის ქალამნები ჩაიცვა, რკინის ჯოხი დაიჭირა და წავიდა მკითხავეთან.

მკითხავემა უკითხა, უთხრა, რომ უშვილობის წამალი მე კი არა მაქვს და, ღმერთმანი, ცხრა მთას იქით ერთი შავი დევი ცხოვრობს, იმასთან ნიშანს რასმე გაგატან, ის ჩემი კაი ნაცნობია, და წამალი იმას სთხოვე, იმას აუცილებლად ეცოდინებაო.

ადგა ეს ბერიკაცი, იარა, იარა, გადაიარა ცხრა მთა და გადალახა შავი დევის საზღვარი. გამოვიდა შავი დევი, დაინახა თავის საბძანებელში კაცი და რიხით დაუძახა:

— ჩემი შიშით მალლა ჰაერში ფრინველი ვერ გაივლის, ძირს მიწაზე — ქიანქველა, და შენ რა სულიერი ხარ, რომ აქ მოსულხარო?!

— მე ერთი საწყალი ბერიკაცი ვარ, ჩემ დარდს გავუქმე,

შენთან სამტრო რა უნდა მქონდეს, საქმის მეტი; ამა და ამ მკითხავმა გამომგზავნა შენთან და იმიტომ მოვედიო!

— მაშ ნიშანი გექნებაო, — დაუძახა შავმა დევმა.

ბერიკაცმა აჩვენა მკითხავისაგან მიცემული ნიშანი. მკითხავმა გლუხკაცს ბეჭედი მისცა და უთხრა:

— დევს ეს აჩვენე და კარგა მიგიღებსო!

რაკი ბერიკაცმა მკითხავის ნიშანი აჩვენა, დევმა კარგად მიიღო, ასვა, აკამა და უთხრა, რომ ის წამალი, რაც შენ გინდა, მე კი არ ვიცი და, ცხრა მთას იქით რომ ერთი წითელი დევია, იმან იცის უშვილობის წამალი; ნიშანს მოგცემ და იქ წადიო.

გლუხკაცი ახლა იქ წავა; ივლის, ივლის, გადივლის მეორედ ცხრა მთასაც და შევა წითელი დევის საბძანებელში. რაკი დაინახა დევმა კაცი თავის სამფლობელოში, უარესი ბობოქრობა და ჯავრობა დაიწყო:

— შენ რა სულიერი ხარ, ჩემი შიშით ზეცაზე ფრინველივერ გადიფრენს, ძირს, მიწაზე ჭიანჭველა ვერ გაივლის, შენ კი მოსულხარ და ჩემ არემარეში ხარო?

— მე შავი დევის გამოგზავნილი ვარ შენთან, სხვა მე სამტრო და სამოკეთო არაფერი მაქვს. — უბასუხა წითელ დევს ბერიკაცმა. — ერთი საწყალი კაცი ვარ, უშვილოდ ვილევო და ნიშანიც მომიტანია, შენთან ვარ გამოგზავნილი, გამომასწავლეს, იმან იცის წამალიო.

წითელმა დევმა რაკი ნახა შავი დევის ნიშანი, მაშინვე მოუტკბილდა. ბერიკაცს უთხრა, რომ წამალი მე კი არა მაქვს, და ნიშანს კი გაგატან თეთრ დევთან, ცხრა მთას იქით რომ არის, იმან იცის წამალიო. მისცა ნიშანი, და წავიდა ისევე ბერიკაცი.

იარა, იარა, გადავიდა მესამედ სხვა ცხრა მთას და მივიდა თეთრი დევის საბძანებელში. თეთრმა დევმა უარესი ბობოქრობა და ჯავრობა მორთო. დაუწყო მუქარა საწყალ ბერიკაცსა. რაკი წითელი დევის ნიშანი ნახა, ისიც მორბილდა, კაცს უთხრა:

— წამალი მე ვიცი, მე მოგცემ, მაგრამ ნაშენი სანახევრო-

უნდა იყოს, რაც იქნება, ნახევარი შენი იქნება და ნახევარი ჩემიო.

გლებმა იფიქრა: სულ არარაობას ცალუღელი ხარი სჯობია, სუ უშვილობას ერთი შვილი არ მირჩევნიაო?

— მოგცემო,— უთბრა დევს.

დევმა მისცა ორი ვაშლი და უთხრა: — ერთს გასკრით, შენა და შენი ცოლი შესკამთ, ერთს კიდევე გოშიასა და ცხენს შეაქმევთ. ორი ვაჟი გაგიჩნდებათ, ორი რაში და ორი ვეფხვი; ამა და ამ დროს მოვალ, ერთ ვაჟს, ერთ რაშს და ვეფხვს შეწავიყვან, და თითო შენ დაგრჩებო.

ბერიკაცმა სიხარულით გამოართვა ვაშლები და გაუდგათავის გზას.

მიიტანა შინ ეს ვაშლები. ერთი გასკრა, ნახევარი ცოლს მისცა, ნახევარი თვითონ შექამა, მეორე გასკრა, ნახევარი ცხენს შეაქამა, ნახევარი გოშიას.

მოუვიდა დრო შობისა დედაკაცს. დაწვა ლოგინზე. შვა ორი ოქროსქოჩრიანი ვაჟი.

მოუვიდა დრო ცხენს, გაუჩნდა ორი რაში, ისეთები რომ ოქროს ფაფარი ეყარათ და ცეცხლის ნალები ეკრათ.

მოუვიდა გოშისა დრო შობისა და დაყარა ორი ვეფხვის ლეკვი: ოქროს ფაფარი ეყარათ კისერზე და ცეცხლის კბილები ედგათ...

იზრდებოდნენ ერთად ორი ძმა; ერთს დაარქვეს სასხვათო, მეორეს — თავისა. თუ სხვები წლით იზრდებოდნენ, ისინი დღით იზრდებოდნენ. დღეში მათრახის ტარსა მატულობდნენ. გავიდა დრო. მოიზარდნენ ვაჟებიც, რაშებიც და ვეფხვებიც. მოახლოვდა დევის მოსვლის დროც; მოაგონდა მამას დევისთვის მიცემული პირობა და გული ჩასწყდა. დაიწყა ტირილი, ჩაიცვა შავები და საბნელოში ჩაჯდა.

გაიგო სასხვათომ მამის საბნელოში ჩაჯდომა. მივიდა დედასთან და უთხრა:

— დედავ, დიდი ხანია ძუძუ აღარც მე მომიწოვია, და აღარც შენ მოგიწოვებია, ახლა მომინდა, მომაწოვეო.

— მოდი, შვილო, გენაცვალოს დედა, — უთხრა დედამ, — ძუძუს როგორ არ მოგაწოვებო.

სასხვათომ მოუჭირა კბილი დედას ძუძუზე და უთხრა:

— თუ მეტყვი, მამაჩვენი რათა ზის საბნელოში, გაგიშვებ, თუ არ მეტყვი და მოგკენეტო.

— შვილო, — უთხრა დედამ, — სატირელი და სამგლოვია-რო აქვს და გლოვობს. — და რაკი სასხვათო აღარ მოეშვა დედას, დედამ უამბო ყველაფერი და უთხრა: — დევთან პირობა ისე დაედვა, წამალი რო გამოერთო, რომ რაც გაგვიჩნდებოდა, ნახევარი იმისი უნდა ყოფილიყო და ნახევარი ჩვენი; ახლა დევს დღე-დღეზე ველით და ერთ-ერთს წაგიყვანსთო.

გაიცინა სასხვათომ. წავიდა მამასთან და დაუძახა:

— მამავ, რას ჩამჯდარხარ საბნელოში. ცოცხლებს რათა გვტირი, ჯერ არაფერი გვიჭირს, წავალთ, ისევაც მოვალთ. სატირელი შინ ნაგდები კაცია. გამოდი, დევს ისე დაუხვდით, თითქო არაფერია, ექვს ნურაფერზე ნუ ააღებინებთ. მე წავალ და ისევაც მალე მოვალო.

მართლაც, გამოვიდა მამა საბნელოდან, მოიძხიარულა თავი, გაიხადა შავები. მოვიდა დევიც. სასხვათოს მამას უთხრა:

— აბა, გავიყოთ ნაშენიო.

— გავიყოთ!

წაჰყვა დევს სასხვათო, წაიყვანა ერთი რაში, ერთი ვეფხვი და წავიდნენ.

ბევრი იარეს, ცოტა იარეს, მივიდნენ დევის ქვეყანაში. ჩაიარეს 'ოფლები, ქალაქები და ხალხი სულ ტატნად იყო მომდგარი. ყველა სასხვათოს შესცქეროდა. დევის სოფელში რომ შევიდნენ, დევმა ასწავლა სასხვათოს თავის სახლი:

— წადი, მე აქ სოფელში ცოტა საქმე მაქვს, და მეც მალე მოვალო.

სასხვათომ სოფელზე ჩავლის დროს ერთი ბებერი ნახა, ტიროდა, ტიროდა, სულ თვალებს ითხრიდა.

— რათა ტირი, დედილო? — ჰკითხა სასხვათომ.

— ვაი შენს დედას, შვილო, — შეჰბღავლა ბებერმა, — რატომ შენი დედა შენს წინ არ მოკვდა! ეგ დევი, უკან რომ

დარჩა, თავის რჯულის კაცებს მოიყვანს, თავის რჯულის მღვდელს, დაგკლავენ შენც, შენს რაშს, შენს ვეფხესაც და შეგკამენ! უშველე თავს, სანამ მოვა, გაიქეცი, იქნება გაასწრო როგორმეო.

მოაჯდა სასხვათო თავის ცეცხლისნალიანს, გადისვა ვეფხვიც და გაფრინდა. გადაიარა ერთ წამს ცხრა შთა და სხვა ცხრა მთაზე გავიდა.

დაბრუნდა დევი სახლში. იკითხა ის ვაჟი:

— ვახშამი რაღა იქნაო?

— შე არავეინ შინახია, აქ არავეინ მოსულაო!—უთხრა ცოლმა.

— იქნება შემთფერა და გაიქცა,—თქვა დევმა,—ი, ცხრა მთას იკით რო გოდრისოდნად ჩანდა, ის იქნებოდაო!

მაშინვე შეჯდა თავის რაშზე, შემოჰკრა მათრახი და გამოუდგა. რომ დაეწია და დაეწია, სასხვათომაც გაღია ხმელეთი, მივიდა ზღვასთან, აუვლის, ჩაუვლის და ტირის, იღვრება ცრემლად. სახსარი აღარსაიღინ არა აქვს: წინ ზღვა და უკან დევი.

ამოიდგამს ენას რაში და ეტყვის: — რა გატირებს ბატონო, რაზე შეგიწუხებია თავი? მომიჰკირე მოსართავეები, რაც ძალი და ღონე გაქვს, გადამკარ მათრახი, და მერე მოგვდიოს თეთრმა დევმაო.

ჩამოხტა ცხენიდან მაშინვე სასხვათო, მოუქირა მოსართავეები, და გამოჩნდა დევიც: — ეგ არი, კიავ, ველარსად წამიხვალ, ჩემი ლუკმა ხარ მაინცა და მაინცაო.

შემოჰკრა სასხვათომ რაშს მათრახი, ადგა რაში ტოტებზე, დაიზიდა, გაიწია, დაიფრუტუნა, ისკუბა და ზღვის მეორე ნაპირს კი გადიტანა თავის მხედარი. გავიდა სამშვიდობოს სასხვათო, ღმერთს მადლი შესწირა. მოიბრუნა თავი დევისაკენ, დევი ზღვის პირს იდგა ხაზადაღებულნი და კბილებს უკრაქუწებდა სასხვათოს.

ჩამოხტა სასხვათო რაშიდან, დაასვენა, მოაძოვა, დაისვენა თვითონაც, მერე შეჯდა და გაუდგა გზებს.

ბევრი იარა, ცოტა იარა, მივიდა ერთ სახელმწიფოში. გზაზე ერთი მელორე ნახა. მივიდა იმასთან და გამოჰკითხა

იმკვეყნის ამბები. მელორემ უთხრა, რომ აქვე ახლოს ამ სახელმწიფოს სატახტო ქალაქია; ხელმწიფე მდიდარი და დიდებული უზის. ხელმწიფეს სამი მზეთუნახავი ქალი ჰყავსო!

სასხვათოს ორი ხელი ოქროს ტანისამოსი ჰქონდა. მელორეს უთხრა:

— მელორევ, აი, ეს ერთი ხელი ჩემი ოქროს ტანისამოსი მომიცია შენთვის, სამაგიეროდ შენ შენი საცმელი უნდა მომცე და ერთი ღორის ფაშვიცო.

მელორეს ძალიან გაუხარდა. ტანისამოსიც მისცა, ღორიც დაუკლა, ხორციც აქამა და ფაშვიც დაუკალა, გაურეცხა და მისცა.

გამოეთხოვა სასხვათო მელორეს, ჩაიკვა იმისი ტანისამოსი, ღორის ფაშვი თავზე ჩამოიკვა და ოქროს ქოჩორი შიგ შეიკეცა. ერთი ხელი ოქროს ტანისაშოსი, აბჯარი, მორთულობა რაშს დააკრა და გაუშვა რაშიც და ვეფხვიც. გამოიძრო რაშმა ძუა, მისცა პატრონს და უთხრა:

— როგორც ჩვენი თავი დაგვირდეს, ეგ ძუა გამოხსენ, ახსენე ჩემი სახელი და მე და ვეფხვი იმწამში იქ დავიბადებითო.

გამოართვა ძუა, გამოეთხოვა ორივეს და წავიდა ქალაქისაკენ.

ქალაქში რომ შევიდა, იკითხა:

— მებატე არავის უნდაო?!

უთხრეს, რომ ღმერთშანი ხელმწიფეს უნდა მებატე და რო მიხვიდე იქ, აუცილებლად დაგიყენებენ ბატების სავლელადაო.

ვინ რა იცის თუ სასხვათო რა ვაჟია?! იმათ ერთი ქაჩალი და ბეჩავი ვიღაცა ჰგონიათ.

ხელმწიფემ დაიყენა სასხვათო მებატედ. ჩარეკავს ბატებს მდინარეზე, ერთი სალამური აქვს, ბატები რომ ცურაობას დაიწყებენ, ის კიდე იმას უკრავს და ართობს გულს.

ერთხელ ბატები ჩავლენ მდინარეში, დაიწყებენ შიგ ყურ-ქუმელაობას, ცურვას და თამაშობას. მოუნდება სასხვათოსაც ბანაობა, აღგება, მიიხედ-მოიხედავს და, რომ ვერავის დაინახავს, მოიხდის ფაშვს, გატიტვლდება და დაიწყებს ბანაობას.



ამ დროს ხელმწიფის უმცროსი ქალი თავის ფანჯარასთან მჯდარა. მისდგომია სასხვათოს თმის ნათელი, გაუხედნია, დაუნახია, რომ ამ მებატეს ტალღებივით ოქროს თმა აყრია, შესწუხებია ქალს გული და რის ვაი-ვაგლახით ძლივს მოუსულიერებიათ.

დაუწყეს ქალს მიზეზის კითხვა, მაგრამ ქალი ხმასაც არ იღებდა. შეუყვარდა მებატე, ამის სიყვარულით კვდება. რომ ველარ მოითმინა და ველარ გასძლო, დებს უთხრა:—დებო, რა ხანია, ჩვენი მამისათვის ძღვენი აღარ მიგვირთმევია, ახლა მაინც მივართოთო!

— კარგო, — უთხრეს დებმა.

ყველამ რამე მიართვა ხელმწიფეს: უფროსმა დებმა მდიდრულად ნაკერი ტანისამოსი, იარაღი, და უმცროსმა კი მოწყვიტა სამი კიტრი: ერთი დამპალი, ერთი დასალპობად მომზადებული და ერთი კიდევ ქორთა, მაშინლა საქმელი და მიართვა ხელმწიფეს.

ხელმწიფეს ძალიან გაუკვირდა: — ეს ამდენი ხანია ხელმწიფედ ვარ, ასეთი ძღვენი არავის მოუერთმევია ჩემთვის და ჩემ ქალს რამლა მოაგონა კიტრების ძღვნაო.

დაიბარა უმცროსი ქალი და ჰკითხა: — რა არის, რასა ნიშნავს ეს კიტრებიო?

— სირცხვილი კი არის, — უთხრა ქალმა, — და აბა, უთქმელრბა არ ამეცილება, უნდა ვთქვა: ეგ დამპალი კიტრი ჩემი უფროსი და არის, — მაგას დრო აქვს გადასული; ეგ დასალპობად მომზადებული — ჩემი შუათანა და არის, და ეგ მესამე — მე. გათხოვება გვინდა ჩვენ და ქმრების შერთვაო!

— ოლონდ, შეილებო, თქვენ ვინმე მოინდომეთ, და როგორ არ გაგათხოვებთ, — უთხრა მამამ. — თქვენს მეტი მე ვინა მყავს, ან სახელმწიფო რად მინდა და ან ქონება თქვენს იქითო!

მაშინვე გაგზავნა კაცები მთელ თავის სახელმწიფოში და დაიბარა ყველა: მოდით, ქალებს ვათხოვებ, სასიძოები უნდა ამოვირჩიოთო.

მოვიდა ერი, მოვიდა, რომ სულ აივსო მთელი ქალაქი.

ტევა აღარ იყო. უნდა დაჯარებული ხალხისათვის ჩამოევლოთ ქალებს და, ვინც მოეწონებოდათ, იმას უნდა ჩასჯდომოდენ კალთაში.

ჯერ უფროსმა ქალმა ჩამოუარა დაჯარებულ ერს და ვეზირს ჩაუჯდა კალთაში; ახლა შუათანამ ჩამოუარა და ჩაუჯდა ნაზირს; ჩამოუარა უმცროსმა და ვერა ნახა ის, ვინც უნდოდა. აუარა და ჩაუარა, მაგრამ აბა! დაბრუნდა და უთხრა: — ის აქ არ არისო!

მოიკითხა ხელმწიფემ: — ვინლა გვაკლიაო? — და ყველა იქ იყო ქაჩალ-მებატის მეტი.

— აბა, იმის მოყვანა რა საჭიროა, — თქვა ზოგმა, — იმას ხომ არ შეირთავს ხელმწიფის ქალიო?

— არა, მოიყვანეთო! — უთხრა ხელმწიფემ.

წავიდნენ ქაჩალ-მებატის მოსაყვანად. გზაზე სასხვათომ ერთი კურდღელი დაიჭირა, უბეში ჩაისვა და დამალა. როდესაც მოვიდა სასხვათოც, ქაჩალ-მებატედ წოდებული, აუარა და ჩაუარა ქალმაც ხალხს. მივა სასხვათოსთან, დაეღირება კალთაში ჩასაჯდომად, მაგრამ სასხვათო ამოაჩენინებს კურდღელს ყურებს და დაშინებული ქალი ისევ მოშორდება.

დაბრუნდა ქალი მამასთან და უთხრა: — უბეში რალაც უზის და მეშინიან, ვერ ჩავუჯდებო!

— თვალები დახუჭე, შვილო, და ისე ჩაუჯექიო, — უთხრა ხელმწიფემ.

ქალი წავიდა სასხვათოსაკენ, მივიდა, დახუჭა თვალები და ქაჩალ-მებატეს კალთაში კი ეცა. მოსწყდა ხელი ხელმწიფეს, მაგრამ რალას იზამდა! ხალხი გაკვირვებული და გაოცებული დარჩა.

წამოიყვანეს ნაზირ-ვეზირმა თავის ცოლები, მისცა ხელმწიფემ ბევრი ფული მზითვად, სახლები და დადგნენ მდიდრად. უმცროს ქალს და ქაჩალ-მებატეს კი ერთი საქათმე მისცეს საცხოვრებლად. არიან ამ საქათმეში ცოლ-ქმარნი და ითმენენ სიძეების დასაცინს.

თანდათან ქაჩალ-მებატის ცოლსაც გულს შემოეყარა: იქნება ჩემმა უბედურებამ და წერა-მწერელმა მომაჩვენა; იქნება

ჩემი ქმარი მართლა ქაჩალი იყოს და მე ოქროსთმიანი მეგონაო. დაიწყებდა მალიმალ ტირილს და ითხრიდა თვალებს. ქაჩალ-მებატე კი დადიოდა და აინუნშიაც არ აგდებდა ხალხის ლაპარაკს.

გავიდა დრო. ხელმწიფემ იფიქრა: ეს ქალები ხომ გავათხოვე, სიძეები ვიშოვე. ვბერდები. ვაფი არა მყავს და ვნახავ, გამოვცდი, რა სიძეები მყავს, ვის ხელში ვაგდებ, ვის გაუწირავ სახელმწიფოსაო.

მოიხვდა თავი ხელმწიფემ. დაიბარა სიძეები და უთხრა:

— ვკვდები, აბა, თუ რამ შეგიძლიათ, ახლა მარგეთ, წამალი მომიტანეთო!

— რა გიშველის, რა მოგიტანოთო? — ჰკითხეს სიძეებმა.

— ამა და ამ ადგილას თუ წახვალთ და იქ ცოცხალ ირემს დაიქერთ, ამოაგლით ნუკრს და იმის ღვიძლს მომიტანთ, ის მიშველის; სხვა ჩემი შეშველი არაფერი არ არისო.

ადგებიან სიძეები, ნაზირ-ვეზირი, მოირთვებიან, მოიკაზმებიან, შესხდებიან ცხენებზე და ერთის ამბით გასწვვენ. ქაჩალ-მებატეც გამოართმევს ერთ კოკლ ცხენს, შეჯდება და გააჩაკჩაკებს. დასცინიან ცოლის ღებიც და სიძეებიც: უთუოდ შენ კი მოიტან, არ მოგირჩებაო.

გასცდა ქალაქს ქაჩალ-მებატე. გავიდა მინდორზე, გამოხსნა ძუა, და მოვარდა რაში. გაიძრო ძველმანი ტანისამოსი, ჩაიცვა ოქრო-ქსოვილი, შეჯდა და გაუდგა გზას.

იარა, იარა და მივიდა დანიშნულ ადგილას. გარია რაში ირმის ჯოგში, დაიქირა ერთი მაკე ირემი, დააბა და თვითონაც გვერდს მოუჯდა.

მოვიდნენ ნაზირ-ვეზირიც, დაუკრეს თავი და მოწიწებით დაუწყეს ლაპარაკი. სასხვათომ ჰკითხა:

— რაზე გარჯილხართ და აქ მოსვლა გაგიბედნიათ. უსაქმოდ არ გაირჯებოდითო.

ნაზირ-ვეზირმა უთხრეს: — ჩვენი ხელმწიფე არის ავად, და ცოცხალი ირმის მუცლიდან ამოღებული ნუკრის ღვიძლითქვეს წამლად, და რასაც გვთხოვ, მოგცემთ, ოღონდ კი იმის ღვიძლი მოგვეციო!

ქაჩალ-მებატემ უთხრა: — მე თქვენი სხვა არაფერი არ მინდა, ნეკის წვერები მომიქერიო!

რას იზამდნენ ნაზირ-ვეზირნი? მოუქრეს ნეკა თითების წვერები, მისცეს, გამოეთხოვნენ, გადუხადეს მადლობა, შესხდნენ და წავიდნენ.

ისინი რომ წავიდნენ, ადგა ქაჩალ-მებატეც, შეჯდა და გამოსწია. ქალაქს რომ მოუახლოვდა, ჩამოხტა, გაიხადა ოქროქსოვილი, ჩაიცვა ძველი ტარტლები, ჩამოიცვა თავზე ღორის ფაშვი, გაუშვა რაში, შეჯდა კოჭლ ცხენზე და როდესაც ნაზირ-ვეზირი შევიდნენ ქალაქში, მივიდა ქაჩალ-მებატეც თავის კოჭლი ცხენით. სიძებმა დასცინეს: უთუოდ შენ კი მოიტანდი ცოცხალი ირმის ნუკრის ღვიძლს, და ჩვენ კი აბა, რას მოვიტანდითო.

მიუტანეს წამალი ხელმწიფეს. კამა მოტანილი ღვიძლი, მაგრამ ხელმწიფემ მორჩენა მაინც არ სთქვა, ისევ თავს იავადებდა. ნაზირ-ვეზირს კი სახელი გაეთქვათ წამლის მოტანით.

ქაჩალ-მებატის ცოლი იჯდა და ტიროდა.

დაიბარა კიდევ ნაზირ-ვეზირი ხელმწიფემ და უთხრა:

— ისევ უნდა წახვიდეთ და, თუ ჩემი მორჩენა გინდათ ამა და ამ ადგილს ვეფხვებია, ერთი ვეფხვი მოწველეთ და იმის რძე მომიტანეთ; თუ მიშველის, ის მიშველის, თორემ სხვა ველარა მიშველისო.

ადგებიან ნაზირ-ვეზირი და გასწევენ ვეფხვის რძის მოსატანად. ქაჩალ-მებატეც შეჰკაზმავს კოჭლ ცხენს და კინკილით გაუდგება გზებს.

გასცდება ქალაქს, გამოხსნის ძუას, რაში მაშინვე იმასთან გამოცხადდება. ჩაიცვამს, მოირთვება და ეტყვის რაშს:

— ხელმწიფემ თავი მოიავადა. ნაზირ-ვეზირი ვეფხვის რძისათვის დაგზავნა, და მიშველე რამეო!

— მაგისი ფიქრი ნუ გექნება, — უთხრა რაშმა, — მე ვიცი და იმათა, შემჯე და წავიდეთო.

გაიყოლეს კბილცეცხლიანი ვეფხვი და გასწიეს, სადაც ვეფხვები ეგულებოდათ. რომ მივიდნენ ვეფხვების თერგში, აქა-იქ ამოხტნენ ვეფხვები და მიეცნენ გზებს. გამოუდგა კბილცეცხლა სასხვათოსი ერთ ძუ ვეფხვს, მიიგლო ერთ გამოქვა-

ბულში, შეიპყრო და მოიყვანა პატრონთან. დააბა ქაჩალ-მე-  
ბატემ და დაუჯდა გვერდზე.

როდის იყო, მოვიდნენ ნაზირ-ვეზირიცი. ისევ ის კაცი ნა-  
ხეს, გაუკვირდათ და სთქვეს:

— ნადირთ ხელმწიფე ვე თუ არის, მაგის ხელში თუ არიან  
ტყისა და ველის ოთხფეხიო!

მივიდნენ იმასთან მოწიწებით, მოუხადეს ქუდები, დაუკრეს  
თავი და მოახსენეს:

— მაშინაც შენ გვიყავ სიკეთე, მაშინაც შენ მოგვეცი ირ-  
მის ნუკრის ღვიძლი და ახლაც გვიშველე, გვიმსახურე, რაც  
გინდა, ის გამოგვართვიო.

— კარგი, — უპასუხა სასხვათომ, — თუ ყურის ფიმფილო-  
ებს დამიქრით, მოგცემთო!

რალა მეტი ღონე ჰქონდათ ნაზირ-ვეზირს? მოუპრეს ყურის  
ფიმფილოები; მოუწველა სასხვათომ ვეფხვი, რძე იმათ მისცა  
და ყურის ფიმფილოები თვითონ შეინახა.

გასწიეს ნაზირ-ვეზირმაც. სასხვათომაც გაუშვა ვეფხვი, შეჯ-  
და რაშზე და გამოსწია ქალაქისაკენ. ქალაქის ახლოს რომ  
მივიდა, ჩამოხტა, რაში გაუშვა, დააკრა ტანისამოსი, თვითონ  
ისევ მებატის ტანისამოსი ჩაიცვა, ფაშვი ჩამოიცვა თავ-  
ზე, შეჯდა კოკლ ცხენზე, გატეხილი მშვილდ-ისარი დაი-  
ქირა ხელში და შევიდა ქალაქში. ქალაქში რომ შევიდა, ყველა  
იმას დასცინოდა. ბალები ცხენის ძუაზე ებმოდნენ. ცოლის  
დებმა რომ დაინახეს, ქაჩალ-მებატე ისევ ცარიელი მოდისო  
და ჩვენმა ქმრებმა კი მეორედ მოიტანეს წამალიო, დაუწყეს  
დაცინვა ქაჩალ-მებატის ცოლს და აღარ აყოფინებდნენ თავს  
კარში.

მოუტანეს ნაზირ-ვეზირმა ვეფხვის რძეც ხელმწიფეს. გაუ-  
ვარდათ სახელი ბიჭობისა, გაითქვენენ მთელ ქვეყანაზე. იმათი  
ცოლებიც ქაჩალ-მებატის ცოლს თავს აღარც კი უყადრებდნენ.  
ხელმწიფეც დასცინოდა უმცროს ქალ-სიძეს და აღარც კი უშ-  
ვებდა შინ.

ქაჩალ-მებატე არაფერს ამბობდა, და იმის ცოლიც ითმენდა და ელოდა რაღასაც.

აი, კიდეც ეძახის მესამედ ხელმწიფე თავის სიძეებსა და ეუბნება:

— ეს ორჯერ მომიტანეთ წამალი და დამიმტკიცეთ თქვენი სიგმირე, მაინც არ მეშველა, მესამედაც წადით და უკვდავების წყალი მომიტანეთო.

მაშინვე ადგებიან ნაზირ-ვეზირი, შესხდებიან ცხენებზე და გასწევენ უკვდავების წყლის მოსატანად.

ადგება ქაჩალ-მებატეც, შეჯდება კოკლ ცხენზე და ჩააკინკილებს ქალაქის ქუჩებს. ქალაქს რომ გასცდება, გამოხსნის ძუას. შოვარდება რაშიც.

— რა გინდაო? — ჰკითხა. ვაჟმა ყველაფერი უამბო.

— ჩემ კისერს იყოს იქიდან უკვდავების წყლის მოტანა, — უთხრა რაშმა, — ერთი ის არის კოკოშას გრძელი ტარი გაუკეთე, უკვდავების წყალი ორი კლდის შუა გამოდის; ის კლდეები მიდიან და მოდიან, ეჯახებიან ერთმანეთს და შლიან ცეცხლს, როგორც ტაში, ისე სცემენ. მე გაფურინდები, უნდა შიგ კლდეში ერთი მხრიდან მეორეში გავვარდე, შენ კი იმ გრძელტარიანი კოკოშათი წყალი ამოკრიფე, და წავიდეთო.

გადაჯდა თავის რაშზე ქაჩალ-მებატე და გაუდგა გზას.

ბევრი იარა, ცოტა იარა, მივიდა იქ, სადაც უკვდავების წყალი იყო. ერთი უზარმაზარი კლდე გამოჩნდა, იმისი წვერი ცაში იყო შერჭობილი; ორპირად იყო აყუდებული. თვალის დახამხამების ხანს გაიწევდნენ, გადგებოდნენ განზე და მერე ისევ ერთმანეთს ეჯახებოდნენ. არა სულიერს იმაში შესვლა არ შეეძლო.

— მომიჭირე მოსართავეები და დამკარო! — უთხრა რაშმა სასხვათოს.

მოუჭირა მოსართავეები, შემოჰკრა მათრახი, ისკუპა რაშმა, გავარდა კლდეებს შუა, ვაჟმაც მოასწრო წყლის ამოღება, მხოლოდ გასვლის დროს კლდემ რაშის კუდის წვერს კიდეც მოასწრო და მოსწყვიტა.

ჩამოხტა ვაჟი, დაასვენა რაში და დაჯდა თვითონაც.

როდის იყო, მოვიდნენ ნაზირ-ვეზირიც. ნახეს, რომ ისევ იმ კაცსა აქვს უკვდავების წყალიც. სთხოვეს, შეაძლიეს დიდი ფასი. სასხვათომ უთხრა:

— მე თქვენი არაფერი მინდა, ამოიწიეთ და უკან ჩემ ცხენს წიხლი მიარტყმიენეთო!

რა მეტი ღონე ჰქონდათ? მიარტყმიენეს ფეხცეცხლს წიხლი და სულ ზედ დააჩნდა ნატერფალები.

მისცა უკვდავების წყალი, გაისტუმრა და წამოვიდა თვითონაც გულდასვენებული.

მოუტანეს ნაზირ-ვეზირმა უკვდავების წყალი, და მორჩა ხელმწიფეც.

ნაზირ-ვეზირები როდი ამბობენ, თუ იქ კაცი დაგვხვდა და ირმის ნუკრის ღვიძლიც, ვეფხვის რძეც და უკვდავების წყალიც იმან მოგვცაო; ისინი ეუბნებიან, რომ ჩვენ მოვიტანეთო.

გაეთქვათ სახელი. გახარებულია ხელმწიფეც, რომ ასეთი სიძეები იშოვა.

ქაჩალ-მებატე კი ჩუმად არის. იმისი ცოლი ახლა კი დარწმუნდა, რომ მართლა ჩემი ქმარი ქაჩალია, და შეეცდი, მოვითხარე და შევრცხვიო.

რაკი ასეთი სიძეები დაიგულა, ხელმწიფემ კაცი გაუგზავნა სხვა მოსაზღვრე ხელმწიფეს და შეუთვალა:

— მე მოვდივარ საომრად შენთან, მზად იყავ, ვიომოთ, რომელიც დავძლევთ, იმან დავიპიროთ ორივე სახელმწიფოვო.

კაცის გაგზავნა და ჯარების დაძახება ერთი იყო. გაივსო იქაურობა ჯარით. მოვიდა დიდი და პატარა. ნაზირ-ვეზირიც მორთულ-მოკაზმულები გამოვიდნენ და დაუდგნენ ჯარს წინ.

წავა ქაჩალ-მებატეც. გამოხსნის ძუას, მოუვა რაშიც და ვეფხვიც. ჩაიცვამს მშვენიერად, აისხამს იარაღს და გასწევს საომრად თავის ვეფხვით. იმ დროს მივა, როცა გაცხარებული ომია. შეეტევება ამ მტრის ლაშქარს, გაუვლის და გამოუვლის, სჭრის თავს და ჰყრის მკვდარ ლეშს. რასაც ისა ჰხოცს, ორ იმდენს იმისი რაში და ვეფხვი.

ღალამდა ის ღლე. გადასწყდა იმ დღის ომი. ყველა გაკვირვებულია, ყველა უცხო მხედარს ეძებს. ამ დროს უცხო

მხედარი ირთვება ისევ ძველი ტანისამოსით, მოდის ცოლთან და უგდებს ყურს უცხო მხედარზე საუბარს.

გათენდება მეორე დღე. დაიწყება ისევ ომი. ჩაიცვამს ისევ ქაჩალ-მებატე და ჩავა. იოშებს და უცებ ხელს შეაკრის ხმალი. მორჩება იმ დღის ომიც. ხელმწიფე შეჰნიშნავს, რომ სასხვათოს სისხლი ჩამოსდის. მაშინვე მოიხსნის ბაღდადს და შეუხზევს კრილობას.

წავა სასხვათო. გაიხდის ტანისამოსს, ჩაიცვამს ძველმანს და დაბრუნდება შინ.

ხელმწიფე გამართავს დიდ წვეულებას. დახოცს საქონელს, დააჯარებს ლაშქარს და უბრძანებს ღვინის ჩამორიგებას. მღვინეს ჩუმად ეტყვის, რომ თვალი ადევნე, ვინც დაჭრილ ხელს, ჩემი ბაღდადით შეხვეულს, გამოგიშვერს, მითხარო.

ჩამოატარეს ღვინო. ყველამ გაუშვირა თითო ხელი, მაგრამ ვერ გაიგეს, თუ ვისა ჰქონდა შეჭრილი ხელი. ხელმწიფეს მოახსენეს:

— ყველა თითო ხელს გვიშვერს, და მართლაც, თითო ყანწისათვის თითო ხელზე მეტი არც არის საჭიროო.

— ჩამოატარეთ ღვინოც და ვაშლიც, — უთხრა ხელმწიფემ.

ჩამოატარეს ღვინო და ვაშლი. ქაჩალ-მებატემ გაუშვირა ერთი ხელი, მეორე კი დამალა.

— მეორეც გამოგვიშვირე, — უთხრეს, — ვაშლი გამოგვართვიო.

— მე ვაშლი არ მინდა, ღვინო დამალევენეთო, — უთხრა ქაჩალ-მებატემ.

მანც არ მოეშენენ და გამოაღებინეს შეხვეული ხელი.

მაშინვე გადაეხვია ხელმწიფე სასხვათოს და დაუწყო კოცნა:

— მაპატიე, შენი ჰირიმე, მაპატიე, რაც უსიამოვნება ნახე, — ხელმწიფემ სთხოვა სასხვათოს. — ხვალ მანც გამოდი და ეჩვენე ხალხსაცა და მეცაო.

მეორე დღეს აიძრო თავზე ღორის ფაშიე, გაიხადა ძველი ტანისამოსი, შეჯდა რაშზე, აისხა იარაღი და ჩავიდა ომში. გაუსო მტრის ჯარს და სულ მუსრი გაავლო. გასწყდა მტრის ლაშქარი. იმათ ხელმწიფემ გამოუგზავნა კაცი, რომ ნუღარა ეხოცთ ხალხს, გატეხილი ვარ, ჩემი სახელმწიფო შენ დაგრჩაო.



გადაწყდა ომი. დაბრუნდა ხალხი შინ. ახლა ყველა სასხვათოს აქებდა და აღიდებდა. ნაზირ-ვეზირის ხსენება სადღა იყო!

სასხვათოს ცოლი იჯდა და გასცქეროდა გამარჯვებულ დებს. იმის დებს შურით თვალებიდან ძმარი სდიოდათ.

დაბრუნდა ხელმწიფეც სახლში. მისცა სასხვათოს და იმის ცოლს უკეთესი სასახლე და დააყენა.

— სახელი ნუ დაიმალება, რაკი თავის გამოჩენაზე მიდგა საქმე, — უთხრა ერთხელ სასხვათომ ხელმწიფეს. — აბა, ერთი, დაუძახეთ თქვენს სიძეებს, ნაზირ-ვეზირს, და ჰკითხეთ, ვინ მისცა ცოცხალი ირმის ნუკრის ღვიძლი? ის მე მივეცი. — და დასამტკიცებლად ნეკა თითების წვერები გამოუჩინა და უთხრა:

— ესენი დავაქრევიანე ფასადო!

მართლაც დაუძახეს ნაზირ-ვეზირს, ნახეს, ნეკა თითების წვერები დაქრილები აქვთ.

— ვეფხვის რძეც მე მივეც და სამაგიეროდ ყურის ფიმფილოები დავაქრევიანე, უკვდავების წყალიც მე მოვიტანე ჩემი რაშით და მაგათ მივეც, სამაგიეროდ ჩემ რაშს ნალებით ნიშანი დავადებინე მაგათთვის საჯდომზე... თუ არა გჯერათ, გასინჯეთო!

გასინჯეს და მართლაც, ყურის ფიმფილოები დაქრილები ჰქონდათ; გაატიტვლეს და ცხენის ნანალარები ზედ ეტყობოდათ. დაბრუნდნენ სახლში შერცხვენილი ნაზირ-ვეზირნი. იმათი ცოლებიც სირცხვილით იწვებოდნენ.

მოსწყინდა შინ ჯდომა სასხვათოს. ხელმწიფეს უთხრა:

— სანადიროდ უნდა წავიდე და რასა ბრძანებთო?

ხელმწიფემ უთხრა: — შვილო, წადი, გული გაიხარე, გაირთე, და ჩვენ საზღვარს კი არ გადასცდე; სხვის საზღვარს არ გადახვიდე, იქ ერთი ქალია და ის აუცილებლად მოგკლავს, არ მოურჩებიო.

— არა მიშავსო, — უთხრა სასხვათომ.

დაუძახა რაშს, ვეფხეს, ჩაიცვა აბჯარი, შემოირტყა ხმალი და გასწია.

ინადირა თავის სახელმწიფოში, ნადირი ვერაფერი ნახა და სთქვა:

— რაც იქნება, იქნება, გადავალ ქალის საბძანებელში და ან მოვკვდები და ან დავრჩებიო.

გადავიდა; ინადირა. იმდენი ნადირი იყო, რომ სათვალავი არა ჰქონდა. ჰზოცდა, რამდენიც სულსა და გულს უნდოდა. როდესაც დაიღალა და მოსწყინდა, ახსნა მშვილდს ბაწარი და დაისვენა.

შორს ერთი მაღალი კოშკი დაინახა. მაშინვე ადგა, ააბა ისევ მშვილდს ბაწარი და გაუდგა გზას.

მივიდა კოშკთან, შევიდა შიგ, ჩამოჯდა ოქროს სკამზე და დაისვენა. იქვე კოშკში ოქროს ფანდური და ოქროს ვერძი იყო. ჩამოიღო ფანდური, დაჰკრა და ააქლერა. დაიწყო ოქროს ვერძმა თამაშობა და ხტუნაობა.

გავიდა ცოტა ხანი, და მოვიდა ქალიც.

— ვინა ხარ ჩემ კოშკში რო ოქროს ფანდურსაც უკრავ და ოქროს ვერძსაც ათამაშებ?! — შემოსკუივლა ქალმა სასხვა-თოს. — ვინა ხარ, შენი სახელი დაიძახე.

— მე სასხვათო ვარ, და აბა შემოდი! — უპასუხა სასხვა-თომ.

— მომკლავ! — დაუძახა ქალმა შეშინებული ხმით. — რაკი ისა ხარ, ვერ შემოვალ!

— არ მოგკლავ, შემოდი! — გასძახა სასხვათომ.

— არა, მომკლავ, — უპასუხა ქალმა.

— არ მოგკლავ! — ეუბნება ვაჟი.

— აბა, მაშ თუ არ მომკლავ, მანდ რო ნაფოტი გდია, შენ რაშს დაადე ისაო, — დაუძახა ქალმა.

აილო სასხვათომ ქალის ნაჩვენები ნაფოტი, დაადო თავის რაშს და დაუძახა:

— ახლა შემოდი, შევასრულე შენი თხოვნა!

— აბა, ახლა ვეფხვს დაადე! — დაადო იმასაც.

— ახლა შენს ხმალსაც! — ხმალსაც რომ დაადო სასხვა-თომ ნაფოტი, დაუძახა ქალს:

— აჰა, ესეც ხმალი, ესეც შეგისრულეო!

— აბა, ახლა შემოვალ და დამხვდით! — შემოსუქივლა ქალმა და შემოიქედა კარებში, დაიზიდა რაში, მაგრამ თქვენი მტერს ნურა კარგი, რომ იმან ნძრევა ველარა ქნა. ცხრა კეცი ჯაკვიით იყო დაჯაქული. დაიზიდა ვეფხვი, მაგრამ ვერც იმან ქნა ჩუჩნი. დალონდა სასხვათო, დეეზიდა ხმლის ვადას, მაგრამ აღარც ხმალი დაემორჩილა პატრონს, ისიც დაჯაქულ დაქრული იყო.

შემოვიდა ქალი და გადაყლაპა რაშიც, ვეფხვიც და სასხვათოც.

სასხვათო და მისი ძმა თავისა რომ შორდებოდნენ ერთმანეთს, დევთან რომ უნდა წასულიყო სასხვათო, ამოიღეს ხმლები და უთხრეს ერთურთს:

— ეს ხმლები გვქონდეს ნიშნად, როდესაც ხმალს უომრად სისხლის ცვარი დააყაროს, მაშინ ვიგონოთ ერთმანეთისა, რომ გვიქირს რამე, და შველაა საქირო.

ამოიღებს ხმალს მუდამ ძმა თავისა, გასინჯავს, გააქვს ლაპლაპი. ამოიღებს ახლა და, ხმალი სულ ცრემლებსა ღერის, სულ სისხლის ცვარშია ნაბანი.

დალონდება თავისა, იტყვის:

— ძმას უკრს ჩემი თავი და შევლა ესაქიროებაო.

ადგება, ჩაიცვამს ოქროს ტანისამოსს, აისხამს იარალს, აიღებს მშვილდ-ისარს, შეჯდება რაშზე, გამოეთხოვება დედმამას, გაიყოლებს ვეფხვს და გასწევს.

ივლის, ივლის, მოივლის მთელ დუნიას, ათასი მილეთის ხალხს ნახავს, კითხულობს ძმას, მაგრამ ტყუილად. ბოლოს როგორც იქნება, მივა იმ სახელმწიფოში, სადაც სასხვათო იყო.

ესე ჰგავს, ისე ჰგავს თავისა სასხვათოს, როგორც ორად გაქრილი ვაშლის ნახევარი მეორე ნახევარსა ჰგავს.

დიდი ხნის დაკარგულია სასხვათო. ხელმწიფემ შავი გადააკრა ქალაქს. რაკი მოვიდა იმ სახელმწიფოში თავისა, ხალხს სასხვათო ეგონა და მაშინვე ახარეს ხელმწიფეს. მაშინვე უბრძანა ხელმწიფემ შავების ახდა, გამოეგება თავისას და დაუწყო კოცნა.

— მაღლობა ღმერთსა, შეილო, რომ დაბრუნდი, მაღლობა ღმერთსა. რა ღმერთმა ქნა, ან რა ბედმა და იღბალმა, რომ იმ ქალს გადურჩიო?

თავისა მაშინვე მიჰხვდა, რაშიაც იყო საქმე. იფიქრა: უთუოდ სასხვათო წასულა სადღაც, დაკარგულა დი ალარ მოსულა. ის უგლოვინა; ახლა ჩემი მოსვლა იმიტომ გაუხარდა, რომ სასხვათო ვგონივარო.

ხელმწიფეს უპასუხებს, რომ გადავრჩი, ისე გადავრჩიო. მერე ეტყვის, რომ არა ვყოფილვარ იმ ქალთან ჯერ, ხვალ წავალო.

შეიყვანენ სასხვათოს ოთახში. გამოეგებება რძალი და ისიც დაუწყებს კოცნას. იმასაც სასხვათო ჰგონია.

სალამოზე რომ დაწვება თავისა, მივა და სასხვათოს ცოლიც დაწვება იმასთან. ქალსა ჰგონია, რომ სასხვათოაო, და აბა, თავისაც რას გაუმხელს, რომ არა ვარ სასხვათოვო!

ამოიღებს ხმალს თავისა, დასდებს შუაზე და ეტყვის რძალს:

— თუ ამ ხმალს გადმოსცილებიხარ, მაშინვე ამ ხმლით ლუკმა-ლუკმა აგკუწავ, დალლილი და ნამაშვლარი ვარო.

ქალმა იფიქრა, მაგას სხვა ვინმე შეჰყვარებია, ჩემზე ხელი აუღია, გული აუყრიაო, და დაიწყო ტირილი. იტირა ბევრი, იტირა, დაიღალა და დაეძინა.

მეორე დღეს დაემზადა თავისა წასასვლელად და ხელმწიფეს ჰკითხავს:

— საითკენ წავიდე და საითკენ არაო?

ხელმწიფემ ასწავლა ქალის საბძანებელი და უთხრა:

— ჩვენს საზღვარს არ გადახვიდე, თორემ იქ ის ქალი მოუკლავს არ გაგიშვებსო.

შეჯდა რაშზე, შემოირტყა ხმალი, გაიყოლია ვეფხვიც და გასწია.

არც აქ და არც იქ სანადიროს თავი არ უბრუნა, ფეხაკრეფით გაიარა და გავიდა ქალის საბძანებელში. დაინახა კოშკი და მაშინვე იქ მიაშურა. შევიდა კოშკში, ჩამოიღო ოქროს ჩონგური, დაჰკრა სამწუხაროდ სიმებს და ააქღერა.

მოვიდა ქალიც და შემოსკყვილა: — ვინა ხარ ჩემ კოშკში? ვინ უკრავს ჩემ ოქროს ჩონგურს და ვინ ათამაშებს ჩემს ოქროს ვერძს? შემოვალ და სიციოცხლეს გაგიმწარებ!

— მე თავისა ვარ და შემოდი, — დაუძახა ვაჟმა.

— ოჰ, შეშინიან, მოჰკლავ, ვერ შემოვალ, — დაუძახა ქალმა ვითომდა შეშინებული ხმით.

— ჰოო, — იფიქრა თავისამ, მაგით მოგიტყუებია ჩემი ძმაც და ვნახოთ, როგორ მომატყუებო.

— შემოდი, არ მოგკლავ, ქალზე იარაღს როგორ ვიხმარებ?!

— აბა, მაშ თუ მართალს ამბობ, მანდ რომ ნაფოტია, ის აიღე და შენს რაშს დაადე!

ვაჟმა აიღო ნაფოტი და, ვითომ დავადეო, გადააცილა რაშს.

— ახლა შემოდი, — დაუძახა ქალს, — დავადე!

— არა, ახლა ვეფხვს დაადე, — დაუძახა ქალმა.

ვაჟმა აიღო ნაფოტი, და ვითომ დავადეო, გადააცილა.

— ამასაც დავადე და მობრძანდი — დაუძახა ქალს.

— აბა, ახლა შენს ხმალს დაადე, და მაშინ კი დაეიჯერებ, რომ არ მომკლავ, — დაუძახა ქალმა.

აიღო ის ნაფოტიც და გადააცილა ხმალს.

— ეს ამასაც დავადე! — დაუძახა თავისამ.

— ახლა შემოვალ და შენს კირადო! — დაუძახა ქალმა.

— შემოდი, და მეც აქ დაგხედებო, — უპასუხა თავისამ და გაისწორა აბჯარი.

შემოვიდა ქალიც და დაიზიდეს რაშმა და ვეფხვმაც. დაზიდა თავისამაც ხმალს. შემოჰკრა თავისამ და მოაჭრა ერთი თავი. ქალი სამთავიანი ყოფილიყო. გაცხარდა ქალიც. ცალმხრივ რაშმა და ვეფხვმა, ცალმხრივ თავისამ და მიაწყვიდის ეს ქალი. მოსჭრა მეორე თავიც და დაუყვირა: — მითხარ, რა უყავ, ქაჯო, ის ჩემი ძმა?!

— ოღონდ ნუ მომკლავ და შენ ძმას შე გასწავლი, სადაც არის, — უთხრა ქალმა, — ჩემ თავში ერთი ყუთია და თავისი რაშიან-ვეფხვიანად იმაში ზისო.

მოსკრა ის თავიც თავისამ, გასკრა და ცოცხალი ძმა კი ამოიყვანა. გადაეხვივნენ ძმები ერთმანეთს და დაუწყეს კოცნა:

— უჰ, რა ღიღბანს მძინებაო, — სთქვა სასხვათომ.

— გეძინებოდა მაშინ, ძმაო, რომ მე არ მოვსულიყავ! — უთხრა თავისამ და უამბო ყველაფერი.

შესხდნენ რაშებზე და გამოაშურეს ხელმწიფისაკენ.

ხელმწიფეს მახარობელი მოუვიდა და მოახსენა:

— შენი სიძე დაბრუნებულა, მობრძანდება და ორი კაციც კია, ერთი ორად ქცეულა!

— მოსკერით მაგ წუწკს თავი, — უბრძანა ხელმწიფემ, — ვის გაუგონია ის, რასაც შენ ამბობო!

მოუვიდა მეორე მახარობელი.

— თქვენი სიძე ერთი ორად მოდისო!

მოსკრეს იმასაც თავი. მოუვიდა მესამე მახარობელიც.

ბოლოს ხელმწიფემ ცოლს უთხრა:

— გადი, ნახე, მართლა, რა ამბავიაო?!

გავიდა დედოფალი, ნახა, შემობრუნდა და მოახსენა:

— მართლა, ერთი ორად მოდისო!

მოვიდნენ ძმები, მაგრამ ველარა სცნობს ველარც ხელმწიფე და ველარც სასხვათოს ცოლი, თუ რომელია სასხვათო.

ბოლოს, როგორც იყო, უამბო ხელმწიფეს და გააგებინა თავისი ამბავი. გაუკვირდა და გაუხარდა ხელმწიფეს. გაუპართა დიდი წვეულება და დასვა ხელმწიფედ სასხვათო. ჯერ სასხვათოსთან ისტუმრეს, ილხინეს, იხარეს და მერე თავის დედამასთან წავიდნენ.

თავსა იქ გამხდარიყო ხელმწიფედ. ახლა იქ სწიეს ქეიფი, იხარეს, ილხინეს და მერე დაშორდნენ ერთმანეთს: სასხვათო თავის სახელმწიფოში წავიდა და თავისა თავისაში დარჩა.

ჭირი იქა, ლხინი აქა,

ქატო იქა, ფქვილი აქა.

ელასა, მელასა,

ქიქა მეკიდა ყელასა.

მთქმელსა და გამგონებელსა

ძილი გვაამოს ყველასა.



## ზღაპარი მინდორთ ქალისა

იყო და არა იყო რა, იყო ერთი მდიდარი კაცი. ჰყავდა შვილად სამი ქალი და ერთიც ვაჟი. რომ დაბერდა და მოაწია სიკვდილის ეამმა, დაიბარა მამამ თავის ერთადერთი ვაჟი და უთხრა:

— შვილო, ლეთითა და ბედით ამოდენა სარჩო შემიძენია. თავიც დამიშვრია, ხალხიც შემიწუხებია, თქვენც მომიზრდინხართ, ახლა ჩემი ამქვეყნად ყოფნის ბოლოც მოვიდა, ვკვდები, შვილო, და ერთი სურვილიც ამისრულე: ეს სამი ცოდვის შვილი, შენი დები, გაათხოვე, საქმროებისათვის ნუ შეწუხდები, ვინც პირველი მოგივიდეს, იმას მიეციო.

— მაგისა ნუ გეფიქრება, — უპასუხა შვილმა, — შენც მორჩი, მამავ, და დება მაინცაღამაინც აუუჩენ ადგილსო.

მოკვდა ეს მდიდარი კაცი; დაასაფლავა შვილმა როგორც წესი და რიგი იყო.

გავიდა რამდენიმე დღე. ვაჟი კარებზე ზის და უცქერის გზას. შორს სადღაც ერთი კაცი გამოჩნდა; იარა, იარა, მოვიდა ვაჟთან. არც აცია, არც აცხელა და პირდაპირ უთხრა:

— შენი უფროსი და მე უნდა მომცე ცოლადო!

ვაჟს მოაგონდა მამის ანდერძი და უთხრა უცნობ კაცს:

— კაცო, ჰო კარგი, მოგცემ დას, მაგრამ არ უნდა მითხრა შენი გვარი და სახელი, ან ვინა ხარ, სად მიხვალ, რა ხელობისა ხარ? არ უნდა კაცს, ან მგზავრი მოვიდეს შენთან, ან მტრის შეწუხებული, ან სამოკეთოდ! იქნება ერთი თული და

გავარდნილი მეკობრე ხარ, რა ვიცი, მე შენ და მოგცე, წაიყვანო და სატყვეოს გააყიდა?

— მე შენთან არც გვარისა და სახელის სათქმელად მოგსულვარ და არც სალაპარაკოდ; თუ გინდა და გსურს, შენი და მომეც, არა და შენც მშვიდობით და მეცო.

ის იყო, უნდა წასულიყო, მაგრამ ვაჟმა იფიქრა: კაცო, მამაჩემის ანდერძი ევრეა და ჩემი ცოდვა ხომ არ იქნებაო.

გამოუყვანა უფროსი და და მისცა. გადისო ჟენობმა კაცმა ეს ქალი ცხენზე და გაჰქრა.

გავიდა ხანი. მოვიდა მეორე კაცი და პირდაპირ სთხოვა ვაჟს შუათანა და ცოლად. ვაჟმა იმასაც ჰკითხა:

— ვინა ხარ, კაცო, სადაური ხარ, სად მიხვალ, რა გქვიან, რას აკეთებ, რჯულიანი ხარ თუ ურჯულო? არ გინდა ან სტუმრად მოგივიდე, ან მტრის გამოხვეწილი შენ სახლში შევეფარო, ან გზობას საგზალგათავებული მოვიდე, ან გაქირვებაში შევლა გთხოვო. ჩემი და არის, ჩემი სისხლი და ხორცი. აბა, ვის უნდა თავის და და ძმა დაკარგულ-დავიწყებულიო?

— მე შენ არც არა სახელს გეტყვი და არც არა გვარს. თუ გინდა, მომეც შენი და ცოლად, არ გინდა, ღმერთმა მშვიდობა მოგცეს, მე ჩემთვის წავალ, შენ კიდევ შენთვის დარჩებიო, — უპასუხა სასიძომ.

რალას იზამდა ვაჟი? მისცა შუათანა დაც და გული ცოტა იმითი გაიკეთა, რომ მამის ანდერძი იყო ეგრე, ჩემი ჰკუთით ხომ არ მოვიხდინე ეგ საქმე და დები არ გადაეყარეო.

მოვიდა ცოტა ხნის შემდეგ მესამე კაცი და სთხოვა იმანაც და ცოლად. ვაჟმა იმასაც ისე ჰკითხა და უთხრა როგორც პირველს და მეორეს, მაგრამ იმანაც ისე უპასუხა. რას იზამდა ვაჟი? მისცა იმასაც უმცროსი და და დარჩა ცარიელი. წავიდა მესამე სიძე. წაიყვანა უმცროსი და.

დარჩა ვაჟი მარტოკა. შემოეყარა გულს, იფიქრა: ეს მამაც მომიკვდა, ეს დებიც ისე გადავთხიე, რომ იმათი საცხოვრებელი ადგილის მხარეც არ ვიცი, რილას მუშა ვარ, რილას-თვის უნდა ვიცოცხლოვო?



ველარ გაუძლო დარდსა და სევდას. აღგა და ჩაჯდა საბნელოს. აღარც დღე გამოდის და აღარც ღამე. ზის იქ და ზის.

გაიგონა ეს ხელმწიფემ. დაიბარა ნაზირ-ვეზირი და უთხრა:

— ისეთი კაცი იშოვეთ, ის ახალგაზრდა ვაჟი საბნელოდან გამოიყვანოს და ამდენსა და ამდენს მივცემო.

ერთი ბებერი იპოვეს. იმანა სთქვა:

— ერთი ოციოდე ბავშვი მომეცით, მე წავალ და გამოვიყვანო.

— თუნდა ასი წაიყვანე, ოლონდ გამოიყვანეო, — უთხრეს ბებერს.

მისცეს ბავშვები და დაუწყეს ლოდინი.

წაასხა ბებერმა ბავშვები, მისცა ბურთი, მიიყვანა საბნელოს ბანზე და უბრძანა, რომ ეთამაშნათ საღამომდისინ. გააბეს ბალღებმა თამაშობა. გაჰქონდათ და გამოჰქონდათ ერთმანეთი საბნელოს ბანზე.

ითმინა ვაჟმაც საბნელოში, ითმინა, ბოლოს მოთმინება გამოელა, გამოუვარდა ამ ბალღებს და გამოუდგა საცემლად.

რაკი ხელმწიფის კაცებმა დაინახეს საბნელოდან გამოსული ვაჟი, სწვდნენ და გააკავეს. გაკავებული ვაჟი მიიყვანეს ხელმწიფესთან. ხელმწიფემ გაათავისუფლა და ჰკითხა:

— რა იყო მიზეზი, საბნელოს რისთვის ჩაჯექიო?

— ერთი მამა მყავდა, — უპასუხა ვაჟმა, — ისიც დაემარხე; სამი და მყავდა, ისინიც ისე გადავკარგე, ისეთ კაცებს მივეცე, რომ იმათ კვალიც კი არ ვიცი, საითკენ წავიდნენო.

— ვის მიზეზით მიეცი დები ისეთ კაცებსო? — ჰკითხა ხელმწიფემ.

— მამის ანდერძი იყო. ვინც პირველი მოვიდოდა, ულაპარაკოდ იმისთვის უნდა მიმეცაო.

— მაშ თუ მამაშენის ანდერძი იყო, — უთხრა ხელმწიფემ, — შენ ტყუილად შეგიწუხებია თავი. მამაშენს რომ ჰქუა არა ჰქონიყო, მაგოდენა სარჩოს ვერ შეიძენდა. ტყუილად ტირი, დროზე დებსაც ჰნახავ და სიძეებსაც. გული გაიკეთე, ნუ სწუხარო.

დანიშნა ხელმწიფემ ჯარების უფროსად და დაიყენა გვერდზე.

ერთხელ ჯარი სანადიროდ იყო გასული. ვაჟიც იქ იყო-  
შუა მინდორზე უცებ ერთი ქალი დაინახეს, ყვავილებზე  
დახტის, ხან ერთ ბალახზე შეხტება და დააჯდება, ხან სხვა-  
ზე. ისეთი ლამაზია, ისეთი მსუბუქია, რომ ისეთ ლამაზს და-  
მშენიერს ვერც ჰნახავს კაცის თვალი და ვერც ინატრებს. შემო-  
ვხვევა მაშინვე ჯარი ამ ქალს დასაქერად, მაგრამ ის აფრინ-  
დება, გადუვლის თავზე ჯარს, გასცდება, გავა მინდორზე  
და ახლა იქ დაიწყებს თამაშობას. გამოუდგება მთელი ჯარი,  
ჯარების უფროსი ვაჟიც. მიხტუნავს ქალი, მიჰყვებიან ესენი  
უკან. მაგრამ ვერ დაეწევა.

მირბის, მიფრინავს ქალი, მირბის ჯარიც, დევნაში ყველას  
ცხენები დაუსქდა. ვაჟს ისევ ჰყავს. ივლიან ქალი და ვაჟი,  
ივლიან, გაუსქდა ვაჟსაც ცხენი, მაგრამ ვერ დაეწევა კი-  
გასცდება ქალი და გაივლის. ვაჟი მიიხედ-მოიხედავს, სადღა-  
ნაცნობი ადგილები, აღარსად ჯარი, აღარსად სოფელ ქალა-  
ქები! არ მოიძებნება არც ერთი კაცი და არც ერთი სახლი.  
შეჰოყვარა გულს, დაჯდა და დაიწყო ტირილი. მოვა ქალი  
ახლოს. ჩამოჯდება ერთ ყვავილზე, შეჰოიდებს თებს თებზე და  
დაუწყებს ლაპარაკს:

— სირცხვილი არ არის, კაცი არა ხარ, რა გატრებს?  
ადექ, გაიარ-გამოიარე, ქვეყანა განიერია, შენ დამჯდარხარ,  
დაგიხვევია გულხელი და ქალივით ტირიო.

ადგა ვაჟი, მოიწმინდა თვალები, მიიხედ-მოიხედა და  
შორს ერთი თეთრი სახლი დაინახა. გაეშურა კიდევაც მაშინ-  
ვე მისკენ.

იარა, იარა და მივიდა იმ სახლთან. ხელმწიფის სასახლე  
ეგონებოდა კაცს, ისეთი სახლი და კარი იყო. სახლის წინ  
ერთი ვერცხლისლულიანი წყარო იყო. მივიდა ვაჟი მშვიერი,  
მწუკრავალი და დაჯდა წყაროსთან. იმ სახლიდან ერთი მოახ-  
ლე გოგო მოვიდა და მოიტანა პატარა სურა წყლის წასაღე-  
ბად. ვაჟმა სთხოვა: წყალი დამალევინეო. გოგომ მისცა. ვაჟმა  
წყლის სმაში თავისი ბეჭედო სურაში ჩააგდო და მისცა ქალს.

გოგომ წაიღო სურა და მიუტანა თავის ქალბატონს. ქალ-  
მა დალია წყალი და ბეჭედი კი წამოვარდა. ისეთი სურა ყო-

ფილიყო, რომ ერთხელ დაღევდა და გათავდებოდა. როდესაც მოსწყურდებოდა ახალ-ახალი შემოჰქონდა. ქალმა რომ დაინახა ბექედი, ერთი დაიკივლა სიხარულისაგან და გოგოს ჰკითხა:

— ვინ მოგცა ეს ბექედიო?!

— ჩემთვის არაფის არ მოუცია, მანდ წყაროზე ერთი კაცი ზის, იმან მთხოვა სურა და, თუ ჩააგდებდა, ის ჩააგდებდა, სხვა არაფინო.

მაშინვე გაგზავნა გოგო და უთხრა:— აქ მოვიდესო.

წამოვიდა ვაჟი, და ქალმა და ვაჟმა ერთმანეთი კი ჩაპკოცნეს. ის ქალი ვაჟის უფროსი და იყო. მაშინვე ჰკითხა დამ მოსელის მიზეზი. ძმამ უამბო:

— მინდორში ერთი ქალი ვნახე, იმისმა სილამაზემ დამწვა, გამოვუდექ, ვდიე, ვდიე, მაგრამ ვერ დავიჭირე. თითო გუთნის გაშლაზე ხტებოდა. მერე ცხენი გამისქდა და დავანებე თავი. საიდანღაც აქ მოვაჯენ თქვენ სახლს და მოველ, თორემ საჩიტ-საყორნედ გავებდებოდი მინდორში უსმელ უქმელობითო!

— ვაჰმე, ძმეო, გენაცვალოს შენი და, — უთხრა დამ, — ის ქალი რომ ეგეთი ადვილი დასაპერი იყოს, შენ სიძეს მერად ვუნდოდი, იმას მოიყვანდა. ის ისეთი ქალია, ისეთი ბელი აქვს, კაცი რომ დაეწიოს და დაიჭიროს, მაშინვე მოკვდებაო.

სალამოზე მოვიდა იმის სიძეც. დამ დამალა ვაჟი:

— უცებ რომ გნახოს აქ, ვაითუ ვინმე მუხანათი ეგონო და გავნოს რამეო.

დამალა, და მოვიდა არწივიც. უფროსი დის ქმარს არწივი ერქვა.

ცოლმა უთხრა:— აქ შენი ცოლის ძმა არის და ხომ არაფერს დაუშავებო?

— რას დაუშავებ, ძლივაც მოველი იმის ნახვას, — უთხრა არწივმა, — მაჩვენეო.

გამოვიდა ვაჟიც. გადაეხვივნენ ერთმანეთს და დაუწყეს კოცნა. ჰკითხეს ერთმანეთს ამბავი და არწივმაც ჰკითხა მის-

ვლის მიზეზი. ვაჟმა ყველაფერი დაწვრილებით უამბო. არწივმა უთხრა:

— ნუ გეწყინება კი, ცოლის ძმავ, და იმას კი გეტყვი, იმის დაქერა რომ როგორმე შეიძლებოდეს, მე შენი და რად მინდოდა ცოლად, იმას მოვიყვანდი. შენ ჯერ ჩემისთანა ვერა ხარ და აბა, იმას როგორ დაიქერ? ისევ ისა სჯობია, თავი დაანებო, ტყუილად არ იტანჯებოდე, ცოლსაც გიშოვით და ყველაფერს, იმას თავი დაანებეო.

— არა, — უპასუხა ვაჟმა, — ისევ მოვკვდები და იმას კი თავს არ დავანებებ. შენ, ჩემო სიძევე, უნდა იზარალო, მეტი ღონე არ არის და, რაც უნდა დასაკლებარი იყოს შენთვის, ერთი ცხენი უნდა მომცეო.

— ცხენისა რაღა თხოვნა გინდა, — უთხრა არწივმა, — ჩემ ჯოგებს მთელი მინდვრები უჭერია, თუნდა მთელი ჯოგი წაასხი, თუ რასმე იზამ. მაგრამ მე გირჩევ, ისევ თავი დაანებო.

— იმას კი ვერ დავანებებ თავსა და ისევ იმის დევნაში კი მოვკვდებიო, — უთხრა გადაჭრით ვაჟმა.

— მაშ მე ისეთ ცხენს მოგცემ, — უთხრა არწივმა, — რომ თითო გუთნის გადაშლას გადადიოდესო!

ვაჟს მოაგონდა, რომ ქალიც თითო გუთნის გადაშლას გადადიოდა და ძალიან გაუხარდა. მაშინვე შეჯდა ცხენზე, გამოეთხოვა იმათ და გაუდგა გზას. მალე მინდორთ ქალიცა ნახა, ისევ გაიქცა ქალი, მაგრამ ვაჟის ცხენი გადადის ერთი გუთნის გაშლაზე, და ქალი კიდევ ორი გუთნის გაშლაზე ხტება, ქალსაც ცოტა არ იყოს, მოსწონს ვაჟი, მაგრამ რომ დაექერინოს, მოკვდება და იმიტომ არ ექერინება. როდესაც ვაჟი ჩამორჩება, ქალი უცდის, ხტება ყვავილებზე, იმათ წვეწვს წყლად სვანს და იმათ მტვერს პურად.

ირბინა ქალმა, ირბინა ვაჟმა. გაუსქდა ცხენი და დარჩა ისევ ხელცარიელი. დაჯდა და დაიწყო ტირილი. მოვიდა ქალი, დაჯდა იმის პირდაპირ ერთ ბალახზე:

— არა გრცხენიან, კაცი არა ხარ, ქული არა გხურავს, რომ ტირი, რა გატირებს? — უთხრა ქალმა. — შენ კაცა კი არა. ჰყოფილხარ, ქალი ჰყოფილხარ, შენ ტირილის მეტი არაფე-

რი გცოდნია, მე შენ როგორ დამიქერ. ადექ, ქვეყანა განიერია, მიიხედ-მოიხედე, გაიარ-გამოიარე, წამალს თვითონვე იპოვნით.

აღვა მართლაც ვაჭი, დაანება ტირილს თავი, წავიდა და მართლაც შორს... სადღაც დაინახა ერთი სახლი. წავიდა იმ სახლთან მაშინვე. იქ შუათანა და ჰყოლიყო ფასკუნჯს. იმასთანაც შევიდა, უამბო დას თავის ამბავი, დამაც დაუშალა, ტყუილად ნუ ეწვალები, თავი დაანებე. შენი სიძეც კაი ბიჭია, მაგანაც სდია იმ ქალს დასაქერად, მაგრამ სიკვდილის შვილი იმას ვერ დაიჭერსო.

სალამოზე მოვიდა სახლში ფასკუნჯიც. ფასკუნჯსაც უამბო თავის თავგადასავალი ვაქმა, უთხრა ისიც, სადაც მიდიოდა, მაგრამ იმან არ მოუწონა:

— შენი და რად მინდოდა, რომ ეგეთი ადვილი დასაქერი ყოფილიყო ის ქალი, იმას თავი დაანებე, ტყუილად ნუ იკლავ თავსო.

— შენ ერთი ცხენი მომეცი, — უთხრა ვაქმა, — შენი სხვა არაფერი მინდა, ეგ მიჭირს და სხვა მე ვიციო.

მისცა ფასკუნჯმა ისეთი ცხენი, რომ ორ გუთნის გაშლასა ხტებოდა. გამოეთხოვა და-სიძეს ვაჭი, შეჯდა რაშზე და გასწია.

მირბოდა ქალი, ხტებოდა სამი გუთნის გაშლას, მიჰყვებოდა ვაჭი, მაგრამ ორ გუთნის გაშლას ძლივს გადადიოდა იმისი ცხენი. ჩამორჩა ისევ უკან; გაუსქდა ცხენი და დარჩა ისევ ტრიალ მინდორზე, არსად კაცი და არსად სხვა ცხოველი; შეწუხდა, ამოუჯდა გული და, დაიწყო ტირილი. იტირა, ბევრს იტირებდა თუ ცოტას, მოვიდა ქალი, დაუჯდა პირისპირ ბალახზე, გადიდო ფეხი ფეხზე და დასცინა ისევ; მერე კი გაუჯავრდა:

— ადექ ფეხზე, თუ კაცი ხარ, თუ არა და წადი, სასიცოცხლო არა ჰყოფილხარო.

აღვა ვაჭი, დაანება თავი ტირილს, მიიხედ-მოიხედა, შორს ერთი სასახლე დაინახა. მაშინვე იმისაკენ გასწია. სახლის წინ

წყარო იყო. წყალი სწყუროდან. მივიდა იმ წყაროზე, დაჯდა და დაუწყო ლოდინი, რომ ვინმე მოსულიყო და მოეტანა სურა.

მოვიდა ერთი გოგო, მოიტანა ერთი პატარა სურა და მიუღვა ოქროს ლულას. ვაჟმა სთხოვა: დამალეინეო. მისცა გოგომ წყლის ქურჭელი. ვაჟმა დალია წყალი, შიგ სურაში ბეჭედი ჩააგდო და ისე მისცა გოგოს.

გოგომ მიუტანა წყალი. დალია ქალმა, და ბეჭედი კი წამოვარდა იქიდან. ქალმა მაშინვე ჰკითხა გოგოს:

— საიდან იშოვე ბეჭედი, ვინ მოგცაო?

— არავინ, — უპასუხა გოგომ, — იმ წყაროზე ერთი ვაჟი იჯდა, წყალი დავალინე და იქნება იმან ჩააგდოო!

— წადი და ახლავე აქ მოიყვანე ის კაციო, — უთხრა ქალმა გოგოს.

მოვიდა ვაჟი, და დაჰკოცნეს ერთმანეთს. ქალი უმცროსი და იყო ვაჟისა. გამოჰკითხა ქალმა ძმას მოსვლის მიზეზი, ძმამაც უამბო.

— ვაი შენს დასა, — უპასუხა დამ, როდესაც მოუსმინა ძმას, — იმის დაჰერა რომ ეგრე ადვილი იყოს, შენს სიძეს მე რად ვუნდოდი, იმას მოიყვანდა. იმას ვერავინ ვერ დაიქერს, რადგან დაჰერაზე ჰკიდია იმის სიკვდილ-სიცოცხლეო.

დამალა ძმა დამ: — სიძე რომ მოვა, ვაითუ რამე გავნოს, უტეებ რომ გნახოს, ეგონო ვინმეო.

სალამოზე მოვიდა გველეშაპი, იკითხა: — აქ ხომ არავინ მოსულაო?

ცოლმა უთხრა: — აქ არავინ მოსულა! — მერე ჰკითხა, — შენი ცოლის ძმა რომ საიდანმე მოვიდოდეს აქ, რას იტყოდო?

— გადავეხვეოდი და ვაკოცებდიო!

გამოუჩინა მაშინვე გველეშაპს ვაჟი. სიძე ცოლის ძმამ ერთმანეთი დაჰკოცნეს.

— რისთვის გარჯილხარ, რომ აქ მოსულხარ, რა ქარმა შემოგაგდო აქო? — ჰკითხა სიძემ ცოლის ძმას.

აქ ცოლის ძმამ უამბო თავის თავგადასავალი, თავისი გაჭირვება და შეწუხება:

— შე სიძე მომკვდარო, რაზე შეიწუხე არა უბრალოზე თავი? ის ქალი რომ ეგრე ადვილი დასაქერი იყოს, ხომ შენ დას აღარ მოვიყვანდი ცოლად! ისევე ისა სჯობია, თავი დაანეაო და უკან დაბრუნდეთ!

— არა, — უპასუხა ვაჟმა, — ახლა ტყუილადღა ვინმე მეტყვის, თავი დაანებეთ. ახლა აღარ დავანებებ თავს, თუნდა ვიცოდეთ რომ მაშინვე მოვკვდები, როგორც კი შენს სახლს გავცდები. თუ სიკეთეს მიზამ, სიძევ, მიყავ სიკეთე, შენი სხვა არაფერი მინდა და, ერთი ცხენი კი მოძვეც, რომ იმას გამოვუდგეო!

— ცხენის მოცემა რა ზარალია, თუნდა ორმოცი და სამოცი წაიყვანე, — უპასუხა სიძემ, — მაგრამ კიდევ გეუბრები, ტყუილად ივლიო.

— არა, არაო! — უთხრა ცოლის ძმამ.

გამოართვა ცხენი, რომ სამი გუთნის გაშლაზე ხტებოდა, გამოეთხოვა და სიძეს და გამოეკიდა ისევე ქალს.

ბევრი იარეს, ცოტა იარეს, გავიდნენ სულ უცნობ ადგილას. ირბინეს ბევრი, ირბინეს, ცხენი ხტება სამი გუთნის გაშლას, ქალი კიდევ ოთხს. გაუსქდა ბოლოს მესამე ცხენიც. დაჯდა და დაიწყო ტირილი. არსად იყო კაცი ვინმე, აღარსად იყო სახლი და კარი. სიძეებსაც გამოსცდა. ვისთანღა მივიდოდა? გადაუწყდა იმედი და ტირის.

მოვა ქალი, დაჯდება ვაჟის პირდაპირ ბალახის ფოთოლზე. შემოიდგამს ფეხს ფეხზე და ეტყვის:

— კიდევ ტირი, არ შევრცხვა, ჩემი ამდენი ლაპარაკისა? კაცი არა ხარ? ფუი, შენს კაცობას! ადექ, მიიხედ-მოიხედე, ან ავსა ჰნახავ, ან კარგს: ყველაფერი სასარგებლოდ მოიხმარეო.

შერცხვა ვაჟსაც. ადგა და გაიარა ცოტა მინდორი. სამი ემშაკი დაინახა, ჩუბობდნენ, პლევვენ ერთმანეთს და არავინ კი აშველებს. იმათ მეტი კაცი იქ არავინ არის. ვაჟი მაშინვე მივიდა იმათთან და ჰკითხა:

— რა გაჩუბებთ, რა გაქვთ გასაყოფიო?

— ჩვენ, — უთხრა ერთმა ეშმაკმა; — ერთი ხალიჩა გვაქვს, იმ ხალიჩას რომ უთხრა: „ჰკა ხალიჩაო“, და შეჯდეს ზედ, სადაც

გინდა, იქითკენ გაგიტაცებს. ერთი სავარცხელს გვაქვს, უშველებელი კლდე რომ იყოს, კაცმა თვალი ვერ შეაწვდინოს, სავარცხელს რომ უთხრა: „ჰკა სავარცხელო“, ისეთი კიბე ეესხმის, როგორც მინდორი სარბენი. ერთი სალესავი გვაქვს, რომ უთხრა სალესავს: „ჰკა სალესავო“ და ზღვაში ამოათრიო, სულ შეისვამს და გააშრობს ზღვას. ახლა ეს ხალიჩა, სავარცხელი და სალესავი უნდა გავიყოთ და იმაზე გვაქვს ჩხუბი და ვერ მოვშველებულვართ. თუ შეგიძლიან, გაგვაშველეთ.

— ძალიან კარგი, — უთხრა ვაჟმა, — მე გაგაშველებთ. აი გავკრავ ისარს, უნდა გაიქცეთ, ვინც პირველი მოხვალთ და მოიტანთ ისარს, იმას ხალიჩა, ვინც მეორე, იმას სალესავი და ვინც მესამე, იმას სავარცხელი ერგებაო.

გაუხარდათ ეშმაკებს: ძალიან კარგი სამართალიაო.

ჩაღო ისარი ვაჟმა მშვილდში, მოსწია და გაისროლა. ისარი ცხრა მთას იქით გადავარდა. გაიქცნენ ეშმაკებიც მოსატანად. ვაჟსაც ეს უნდოდა, ისინი რომ გადაეფარნენ გორას, ვაჟი შეჯდა ხალიჩაზე, აიღო სალესავი და სავარცხელიც, უთხრა: „ჰკა ხალიჩაო“ და გაფრინდა ქარზე ჩქარა.

გამოუდგა ქალს. ქალი მიხტოდა ჩქარ-ჩქარა, მაგრამ ხალიჩას ახლა ისე ვეღარ ასწრობდა.

გაირბინეს მთელი მინდვრები და უშველებელ კლდეებს მიაღგნენ. ქალი ჯერ ცოტად შედგა, მერე ისკუპა და გადააფრინდა ზედ.

„ჰკა სავარცხელო“, — უთხრა ვაჟმა სავარცხელს, და კლდეს სულ კიბე ეესხა. ავარდა ხალიჩა ზედ, და გამოუდგა ვაჟი ისევ ქალს.

ირბინეს, ბევრი ირბინეს და მიაღგნენ ერთ ზღვას. მოუცურდა ქალი და მიდის.

— „ჰკრა სალესავო“ — უთხრა ვაჟმა სალესავს, ამოათრია ზღვაში და ზღვა სულ ერთიანად ამოშრა. გაირბინა მშრალი ზღვის ძირზე ხალიჩამ და მოკრიფა ისევ ქალი ვაჟმა.

მირბიან, მირბიან და მიეწია ვაჟიც. ის-ის არის უნდა წაავლოს ხელი, მივარდა ქალი მამის სახლში და შეიქრა კა-



რებში. ვაჟმა ჩიქილის ნოხდა კი მოასწრო, ხელში დარჩა კარებში შესვლის დროს.

შევიდა ქალი მამასთან და მოეგება მამაც:

— რას გამოეჭეც, შეილო, რა იყო, რამ დაგღალა?

ქალმა უამბო მამას:— ესე, ესე, ერთი ვაჟი გამომეკიდა, გამოეჭეც და კარებამდის მომყვა, ჩიქილა წამართვა.

მაშინვე გამოვიდა ქალის მამა, გადაეხვია ვაჟს და დაუწყო კოცნა:

— როგორ სიძესაც ვთხოვდი ღმერთს, ისეთი მომცაო.


შეიპატიეთა შინ, მოუსვა ქალი გვერდს და გაუმასპინძლდა.

ახლა ქალის ბედი ისე იყო, რომ თუ ვაჟი ვინმე დაიჭერდა სახლამდის ქალს, ქალი მოკვდებოდა, თუ სახლამდის მიჰყვებოდა და ისეთი ყოჩალი იქნებოდა, ქალი ცოლად გაჰყვებოდა.

შეირთო მინდორთ ქალი ვაჟმა. დაიწერა ჯვარი და დაბრუნდა თავის სახელმწიფოში. მინდორთ ქალი და ვაჟი ახლაც ცოცხლები არიან და, ხშირად ჰნახვენ ხოლმე მინდორთ ქალს, ყვავილებზე მიხტუნავს.

კირი იქა, ლხინი აქა,  
ქატო იქა, ფქვილი აქა.

ელასა, მელასა  
კიქა მეკიდა ყელასა.  
მთქმელსა და გამგონებელსა,  
ძილი გვაამოს ყველასა.





## ზღაპარი საქვირველისა

იყო და არა იყო რა, იყო ერთი ხელმწიფე, სახელად ამომავალი. ჰყავდა სამი ვაჟი. ხელმწიფე რომ დაბერდა, შვილებს უთხრა:

— შეილებო, დაებერდი, დამაკლდა თვალსაც და მუხლსაც. თქვენ რომ ახლა წახვიდოდეთ, მოივლიდეთ ქვეყანას და ისეთ რასმეს ჰნახავდეთ და გაიგონებდეთ, რომ გამიკვირდებოდეს, ისევ ახალგაზრდა გავხდებოდით.

ადგა უფროსი ვაჟი, აიღო იარაღი, შეკაზმა ცხენი, შეჯდა ზედა და შეუდგა საქვირველის გზას.

იარა, ბევრი იარა, ცოტა იარა, ერთ ადგილას ერთი ხე ნახა: ისეთი ფოთოლი ესხა, რომ მთელ ქალაქს დაჰფარავდა— ერთი გაშლილი ფოთოლი. მოწყვიტა ერთი ფოთოლი, წამოიღო და წამოვიდა სახლში მამასთან სიხარულით. მოდის სახლში და უხაროან, რომ ეგ არის, გავაკვირვებ მამაჩემს, თუ ეს ფოთოლი მივუტანეო.

მოვიდა შინ და უთხრა მამას:—მამავ, საკვირველი მოვიტანე, გაახალგაზრდავდი! ისეთი ფოთოლი მოვიტანე, რომ გაშლილი მთელ ქალაქს დაჰფარავსო.

— არა, შეილო, ეგ შე არ გამაკვირვებს. შე და ჩემი ცხენი დაღლილები იმის გრილოში შევისვენებდით ხოლმეო!

ჯერი შუათანა შეილზე მიდგა. ადგა ისიც, შეკაზმა ცხენი, აისხა აბჯარი, შეჯდა ცხენზე. გამოეთხოვა ყველას და გაუდგა გზებს იმედით, რომ აუცილებლად მოიტანდა საქვირველს.

ბევრი იარა, ცოტა იარა და მივიდა ერთ წყაროზე. დაღლილი იყო. ჩამოხტა ცხენიდან, დააბა და დალია წყაროს წყალი. დალია და მოესმა ლაპარაკი ყველაფრისა, რაც რამკი ქვეყნად გაჩენილა: ბალახის ჩურჩული, ფრინველების ენა, ქარის გრილი, წყლის შხუილი. ყველაფერს არჩევდა და უსმენდა; იმის ყურს კიანქველას ხმაც არ გამოეპარებოდა, ბუზის ბზუილს ახსნიდა ჩვენებურად.

დაბრუნდა უკან შუათანა შვილი გახარებული და გალაღებული—გაეკვირებე მამაჩემს, რაკი ვუამბობ ამ ამბავსაო.

მოვიდა შინ გახარებული პირით:

— რა მომიტანე, შვილო, საკვირველი, ან რა გაიგონე და ნახეო?—ჰკითხა მამამ საკვირველის მამებარ შვილს.

— რა მოგიტანე?—უპასუხა შვილმა,—და ის მოგიტანე და გავიგონე: ერთ წყაროზე ჩამოვხტი სიციხისაგან შეწუხებული, დავისვენე, დავლიე წყაროს წყალი, და რის ხმა გინდა და რის ენა, რომ მე არ გავიგონე: ფრინველის, ნადირის, მწერის, წყლის, ღრუბლის, ბალახის, ხის, ქვისა, ყველაფრისა, რაც ცას ქვეშ რამ არის. გაგიკვირდება, მაშ საკვირველი არ არისო?

— არა, შვილო, ეგ მე არ გამაკვირვებს,—უთხრა მამამ,—შე და ჩემი რაში დაღლილები და ნამაშვრალეები მაგას ვსვამდით, და მაგაში ვბანაობდითო.

ადგა უმცროსი, რაკი ჯერი იმაზე მიდგა, ახსენა გამჩენი ცისა და ხმელეთისა, ჩაიკვა აბჯარი, შეიმოსა, შეიკაზმა ცხენი, შეჯდა და გაუდგა გზას. უფროსმა ძმებმა კი დასციინეს:

— რაკი ჩვენ ვერ მოვიტანეთ, შენ აუცილებლად მოიტანო!

გზაზე უმცროსმა ძმამ სასათლაოზე გადაიარა. იქ თურმე ამომავალი ხელმწიფის ერთი მტერი იყო დამარხული.

ამოვარდა იმისი თავის გოხა და გამოუდგა ვაჟს უკან ძახილით. ვაჟმა მიიხედა უკან, დაინახა რომ თავის გოხა უკან მოჩანჩრახებს და რალასაც ეძახის. ვაჟმა მაშინვე შეაყენა ცხენი და ჰკითხა:

— თავის გოხავ, რა გინდა, რას მომჩანჩხარებ უკანო?

— სად მიხვალო? — ჰკითხა თავის გოხამ.

— მამას ისეთი რამ უნდა მოვუტანო, რომ გავაკვიროვო, — უპასუხა ვაჟმა.

— დაიცადე, — უთხრა თავის გოხამ ვაჟს, — შენ მაგ ცხენით-საკვირველს ვერ მოიტან, თუ საკვირველის მოტანა გინდა, წადი და მამაშენს ეგრე უთხარ: ოჟ საკვირველის მოტანა გინდა, ცხრაკლიტულში რომ რაში გიბია, ის მომეცი-თქო.

დაბრუნდა ვაჟი უკან. მოეგება მამა და ჰკითხა:

— ან ეგრე ადრე რად დაბრუნდი და ან რა მომიტანე საკვირველიო?

— იქით რომ მივიდიოდი, — უთხრა ვაჟმა, — სასაფლაოზე გადვიარე, საფლავიდან ერთი თავის გოხა ამოვარდა და გამომიდგა უკან. თავი მოვიბრუნე, მომდევს, მომჩანჩხარებს, მეძახის. შევაყენე ცხენი და ვკითხე: რას მომჩანჩხარებს, საწყალო გოხავ, რას მომდევ-მეთქი? იმან მითხრა, რომ თუ მამაშენს საკვირველი უნდა, ცხრაკლიტულში რომ რაში უბია, ის მოგცესო.

— აი, ის წყეული, ცოცხალი იყო, ჩემი მტერი იყო, მოკვდა, ისევა მტრობს. უნდა რომ ახლა მაინც რამე მავნოს, რაკი ცოცხალმა ვერაფერი მავნო.

მისცა ოთახების გასაღებები მამამ და უთხრა:

— რვას რომ გააღებ და მეცხრეში შეხვალ, იქ ერთ რაშს ნახავ, ზურგზე ერთი მტკაველი ობი აქვს მოკიდებული; ბამბის საურველი გადაუსვი, ბამბის მათრახი გადაჰკარ, ისე გამოიყვანე, თორემ დაგგლეჯს, ცოცხალს არ გაგიშვებსო.

შევიდა ვაჟი. გააღო კარები, ნახა რაში, ერთი მტკაველი მტვერი დასდებია და ობი მოჰკიდებია. თვალებიდან სულ ცეცხლი სცვივა. გადაუსვა ბამბის საურველი, გადაჰკარა ბამბის-მათრახი და წამოიყვანა. გამოიყვანა გარეთ, რაში სულ ვარსკვლავებს ეთამაშება.

შეჯდა ვაჟი ზედ, დაიფრუტუნა რაშმა და წავიდა ცისკენ-ეცა ცას, მაგრამ ვაჟი მუცელზე მოექცა. ეცა დედამიწას — ზურგზე მოექცა, ხან ამ მთას ეცა, ხან იმ მთას; ბოლოს დადგა, დაიღალა და უთხრა:

— ჩამოდი, მხედრად გამომადგებიო.

მეორე დღეს შეჯდა ვაჟი რაწზე, გამოეთხოვა ყველას, აიღო თავისი აბჯარ-აბგარი და შეუდგა გზების ზომევასა.

მიდის ვაჟი და მიჰქრის რაშიც ნიავეით. იარეს, ბევრი იარეს, ცოტა იარეს, გზაზე ერთი ვაშლი დაინახეს: ისეთი წითელია, ისეთი წითელია, რომ სინგური რა არის იმასთან. მოეწონა ვაჟს ძალიან ვაშლი. უნდოდა იმის ალება, მაგრამ რაშმა უთხრა:

— აიღებ—ინანებ, არ აიღებ—ინანებო!

— რაკი ორჯელვე ვინანებ, ალებითაც და აულებლაც, ბარემ ავიღებო,—სთქვა ვაჟმა. დასწვდა ვაშლს, აიღო და ჩაიღო ჯიბეში...

წამოვიდნენ, მიდიან გზას, მიდიან, და შორს სადღაც ფთე გამოჩნდა, ისეთი კრელია, ისეთი მრავალფეროვანია და ისე ანათებს, რომ იმაზე საკვირველს ველარას ჰნახავს კაცი. კაცი ვერც გაუჩერებს თვალს იმის ელვარებას.

მოუნდა ვაჟს იმის ალებაც. დაეკითხა რაშს:

— ავიღო თუ არაო?

— აიღებ—ინანებ, არ აიღებ—ინანებო,—უთხრა ისევ რაშმა.

— რაკი ვინანებ, ისევ ალება სჯობიაო!—აიღო და ჩაიღო ჯიბეში.

იარეს; ბევრი იარეს, ცოტა იარეს, მივიდნენ ერთ ხელმწიფესთან. ხელმწიფეს ძალიან გაუხარდა ვაჟის მისვლა, რაკი გაიგო, რომ ის ამომავალი ხელმწიფის შვილი იყო. თურმე წინათ, ამომავალი ხელმწიფე და ის მეგობრები იყვნენ და დიდხანს აღარ ენახა.

— მადლობა ღმერთს, რომ ჩემი ძმობილის მონაგარი კიდევ ვინზე ვნახე,—სთქვა ხელმწიფემ,—რომ არ მოსულიყავი, ისე მოვედებოდი, რომ ჩემი ძმობილისას ვერავის ვნახავდიო.

გაუმართეს დიდი წვეულება და ლხინი. ხელმწიფე ძლივს ესწრობოდა. ვაჟს თავზე ევლებოდა. შეკშურდათ ეს კარისკაცებს, სთქვეს:

— თუ მაგას არათფერი მოგუხერხეთ, ეს კეთილს არ დაგვაყრისო.

შეუჩნდნენ ერთ ბებერს:

— უნდა გვიშველო რამე და ეგ ახლადმოსული სტუმარი დაძლუპო!

— ეგ ჩემ კისერზე იყოს, — უთხრა ბებერმა, — მე ვიცი და იმ სტუმარმა, თქვენ არხეინად იყავითო.

წავიდა ბებერი ხელმწიფესთან და უთხრა:

— თუ ეგ შენი სტუმარი პატიოსანი კაცია და ან სიკეთე უნდა შენთვის, მაგას რომ ჯიბეში ერთი ვაშლი უღევს, იმას რატომ არ გაჩვენებსო.

მეორე დღეს შევიდა ვაჟი ხელმწიფესთან, მაგრამ ხელმწიფე ხმას აღარა სცემს.

— დიდებულო ხელმწიფე, ისეთი რა დავაშავე, რომ ხმას აღარა მცემთ? — ჰკითხა ვაჟმა. — მითხარით და ჩემი კისერი დათქვენნი ხმალიო.

— შენ თუ კაი კაცი ხარ, ის ვაშლი რატომ არ მაჩვენე, ჯიბეში რომ გაქვს. წადი, ის ხე მოიტანე და ჩემ ბალში დარგეო.

წავიდა დაღონებული ვაჟი რაშთან და იმას შესჩივლა თავის გულის ვარამი. რაშმა უთხრა:

— აკი გითხარ, ინანებ, თუ აიღებდი. იცი ახლა გზა იმ ვაშლისა, რომ ემზადებო?

— მე შენთან იმიტომ მოვედი, რომ შენ მასწავლო გზა და წამიყვანო, თორემ მე რომ ვიცოდე, აღარც ხომ შენ გკითხავდიო, — უთხრა ვაჟმა რაშს.

— მაშ რაკი ეგრეა, — უთხრა რაშმა, — წადი, სამი ლიტრა მარილი იშოვე და მოდიო.

მარილი რომ მოიტანა, რაშმა უთხრა: — სამი მათრახი გადაშკარ, სამი პირი ტყავი ამძვრება, ეგ სამი ლიტრა მარილი იმაზე გადამაყარე. გავფოთლდები, გავფრინდები, მოგვლექ, მოვიტან და დავრგოთო.

შეჯდა ვაჟი რაშზე, შემოჰკრა სამი მათრახი, სამი პირი ტყავი ააძრო, ზედ სამი ლიტრა მარილი გადააყარა, გაფრინდა რაში, შივიდა იქ, სადაც ვაშლის ხე იდგა. ის ვაშლის ხე ისეთი იყო, რომ სადაც რომ მეკაცური გველი იყო, იმას

ფესვებზე ჰქონდა ასხმული. ის გველები უკბენდნენ, ვინც იმის ფესვებს მიეკარებოდა და მოჰკლავდნენ მაშინვე.

აფრინდა რაში ჰაერში, მოავლო ტოტები (წინა ფეხები) წვეროებში ვაშლს, გაბერტყა, გააყრევირა გველები, ამოგლიჯა ჰაერშივე და გამოიტაცა. გამოუდგნენ გველები, მაგრამ რალას დაეწეოდნენ. მიიტანა ეს ვაშლის ხე ვაჟმა და ჩარგო ხელმწიფის ბალში. ამის შემდეგ ხელმწიფემ უფრო მეტი პატივისცემა დაუწყო ვაჟს. მაგრამ ბებერი მივიდა ისევ ხელმწიფესთან და უთხრა:

— ეგ ვაშლის ხე რომ მოგიტანა და ბალში დაგირგო, ეგ რა საკვირველია, მაგას რომ ჯიბეში ერთი ფთე აქვს, რასაც ის ფთე გაჰვარდა, აბა ის მოიყვანოს, თუ შენი პატივისცემა აქვსო.

ერთ დღეს შედის ხელმწიფესთან ვაჟი და ჰხედავს ხელმწიფე ისევ გამწყრალია იმაზე. ვაჟმა ჰკითხა:

— რა დავაშავე, დიდებულო ხელმწიფევე, რა გაწყენინეთ ეგეთი, რომ ეგრე მიწყრებითო?

— შენ ჯიბეში ერთი ფთე გქონია და ის არ მაჩვენე, — უთხრა ხელმწიფემ, — თუ წახვალ და იმ ფრინველს მოიყვან, რომელსაც ის ფთე გაჰვარდა, გაპატიებ, თუ ვერ მოიყვან და არ გაპატიებო!

წავიდა დაღონებული ვაჟი რაშთან და შესჩვილა:

— ხელმწიფეს ჰსურს ის ფრინველი მოვგვარო, რომელსაც ის ფთე (ფრთა) დაეკარგაო!

რაშმა უთხრა: — სხვა ჩვენი წამალი აღარაფერია, შემჯე და წავიდეთ. ჩვენ მეთლეს კალოზე უნდა მივიდეთ, ყველა ფრინველი იქ მოდის, რაც ღვთისაგან გაჩენილია. ღვთითვე ყველას საკმელი იქა აქვს, და თუ დავიჭერთ, იქ დავიჭერთ. იმას კი ეცადე, შენ არ დაუწყო პირველმა ჰერა იმ ფრინველს, მე თვითონ დავიჭერო.

შეჯდა ვაჟი რაშზე და გასწიეს მეთლეს კალოზე.

მივიდნენ მეთლეს კალოზე, დაიმაღლნენ და დაუწყეს ლოდინი. ათასი ჯურის ფრინველი ედებოდა კალოზე. რიგისა მიდიოდა, რიგისა მოდიოდა. რა ფრინველისას იტყოდა კაცი,

რომ იქ არა ყოფილიყო, რა ფერისა და რა ხმისა, რა სიდიდისა, და რა სილამაზისა და სიტუარუისა. ბოლოს მოფრინდნენ ოქროს ფრინველებიც, და ერთმა დაუძახა სხვებს:

— ნუ დასხდებით, სხვისა ნასკინტლი როგორ უნდა ჰქენკოთო!

სხვებმა არ დაიშალეს და დასხდნენ. კენკეს კარგა ხანს და აფრინდნენ შერე, ერთი იქვე დარჩა. სხვებმა დაუძახეს:

— აღე, წავიდეთო!

— დაიცადეთ, — დაუძახა იმან, — მე ერთი ფთე მაკლია, და თქვენსავეთ ადრე ვერ აფვრინდები. ვაიმე, იმისი ჯავრი, ჩემი ფთე რომ ქუდში უძევსო! — ეს სიტყვები გაათავა, უნდა აფრინილიყო, მაგრამ სწვდა რაში და დაიჭირეს. გაუყეთეს ის ფთეც იმას და წამოიყვანეს ხელმწიფესთან.

ხელმწიფეს ძალიან გაუხარდა. უფრო და უფრო კარგი პატრისცემა დაუწყო ვაჟს. მაგრამ ბებერი მაინც მივიდა ხელმწიფესთან და უთხრა:

— ან ეგ ვაშლი რა არის და ან ეგ ფრინველი. თუ შენთვის კარგი უნდა, და კაი ბიჭია, აბა მაგ ფრინველის პატრონი ქალი მოიყვანოსო.

დაიბარა მაშინვე ხელმწიფემ ვაჟი და უბრძანა:

— წადი, და სადაც იქნება, და სადაც არა, ის ქალი მოიყვანეო!

დაღონდა ვაჟი, წავიდა და შესჩივლა რაშს:

— ახლა ოქროს ფრინველების პატრონი ქალთან მგზავნისო!

— ძნელი გზა არის, — უთხრა რაშმა, — მაგრამ თუ ისე მოიქცევი ყველაფერში, როგორც მე გეტყვი, უთუოდ მოვიყვანთ. შენ ერთი გატყავებული ცხვარი წამოიღე, ერთი ქათიბი, სამი ლიტრა ქონი და ერთი დუმაო.

წაიღო ვაჟმა ყველაფერი, რაც რაშმა უთხრა. შეჯდა და გასწია.

რაშმა უთხრა: — გზაზე ერთ მოწამლულ პანტას შევხვდებით, შენ იმას ტკბილად უნდა დაუწყო ლაპარაკი: რა მშვენიერი გულაბი ჰყოფილხარ, ნეტავი მეცალოს, რომ შენი ჰამით გავძლებოდით, და გაგიშვებს. თუ ეგრე არ უთხარი,



მაშინვე მოგწამლავს და მოგკლავს. მერე ერთ მყარალ წყაროს შევზღვდებით, იმასაც უნდა მიეფერო და ტკბილად დაუწყუო ლაპარაკი: რა მშვენიერი წყარო ხარ, რა წმინდა და ცივი წყალია, ნეტავი მეცალოს, დავლევდი და ვებანებოდი-თქო. ამას რომ ეტყვი, გაგიშვებს. თუ ეგრე არ ეტყვი, თავის სიმყრალით დაგახრჩობს. მერე ყორნები მოფრინდებიან, შენ იმათ ქონი გადუყარე, ისინი იმას დაუწყებენ ჭამას, და ჩვენ ჩვენს გზაზე წავალთ. კარებში ერთი ბებერია, ეგ ქათობი იმას მოახვიე და გაგიშვებს. იმ ბებერს ერთი კბილი ცაში აქვს წასული, ერთი ქვეცას, თუ არ მოახვევ, ვერ გადურჩები. იქ ერთი მგელია, ის დაკლული ცხვარი იმას დაუგდევ. ის იმას შესჭამს და ჩვენ ხელს აღარ გვახლებს. მერე ერთ კარებში მოგვინდება შესვლა. ის კარები ხან გაიღება და ხან დაიხურება; უცხო კაცს არ შეუშვებს, მაშინვე გასჭულეტს. ის ღუმა იმას წაუსვი, გაიღება და შეგიშვებს,—უთხრა ესენი რაშმა, თან დაუმატა,—არ კი დაივიწყო!

იარეს, იარეს, მივიდნენ ბოლოს მოწამლულ პანტასთან. ვაჟმა უთხრა:

— ოჰ, მსხლის ხევ, რა მშვენიერი რამა ხარ და რა გემრიელი ნაყოფი გესხმის; გულაბი რა არის შენთან, ან ხეკაქური. ნეტავი მეცალოს, შენი ჭამით სურვილს მოვიკლავდიო.— გაუშვა მსხალმა და წავიდნენ.

იარეს, იარეს, მივიდნენ მყარალ წყაროსთან. წყაროსაც ასე უთხრა:

— ოჰ, რა მშვენიერი ხარ, როგორ მოწანწკარებ, როგორი წმინდა და გემრიელი ხარ, ნეტავი მეცალოს, რომ შენი ცივი წყლით წყურვილი მოვიკლაო!— გაუშვა მყარალმა წყარომაც და წავიდნენ.

ამათ რომ გასცდნენ, ყორნები ჩამოეტივნენ დასაკმეღად. ვაჟმა ამოიღო სამი ლიტრა ქონი და გადუყარა ყორნებს. ყორნებმა ის დაიტაც-მოიტაცეს, ვაჟს ვინლა უკდებდა ყურს, და გავიდნენ სამშვიდობოს...

ყორნებს რომ გასცდნენ, მივიდნენ კიდეც სასახლესთან. სასახლესთან ერთი ბებერი დაუხვდა: ერთი კბილი ცაში ჰქონ-

და წასული და ერთი ქვეცას. მივიდა ვაჟი, მოახვია მხრებზე ქათიბი, ბებერმა კიდევაც დაულოცა გზა, თორემ კი არ დაუკირა.

გასცდნენ ბებერს და დახვდათ მგელი. გადუგდო მგელსაც დაკლული ცხვარი. იმან ცხვარს დაუწყო ჭამა, ვაჟმა და რაშმა კი გაიარეს.

მივიდნენ იმ კარებთან, რომელიც იღებოდა და ჭრიალებდა. მოუსო ღუმა გალაგნის კარებს ვაჟმა და გაელო გალაგანნი. შევიდა ვაჟი მშვიდობით. რაშმა უთხრა:

— ოქროს ჩონგურს მოგართმევინ, და არ დაუქრაო!

შევიდა ხელმწიფის შვილი ქალის სასახლეში. ძლივს დაესწრნენ რომ თვალთ კიდევ ნახეს სტუმარი, რა ხანი იყო, კაცი აღარ ენახათ. გაუხარდათ, დაფაციცდნენ მაშინვე სასმელ-საჭმელისათვის, მოუტანეს ოქროს ჩონგური:

— დაუკაროო,— მიმართეს.

— მე ამომავალი ხელმწიფის შვილი ვარ,— უპასუხა ვაჟმა,— მე ჩონგური არ მისწავლია, ჩვენ მეჩონგურეც და მეფანდურეც სხვები გყავსო,— და გადადო გვერდზე ჩონგური.

ქალი კი გაჯავრებული იჯდა:

— ჩემი ფრინველის მომტაცები აქ როგორ შემოღუშით, თვალთ როგორ მაჩვენეთო?!

როდესაც ყველანი კარში გავიდნენ, იდროვა ხელმწიფის შვილმა, მოიტაცა ქალი, გადისვა რაშზე და ჰერი! გაუსვათავის გზაზე.

— არიქა კარებო, გვიშველე,— დაუძახეს მსახურებმა,— ქალი მოგეტაცესო!

— აბა, მე რა გიშველოთ,— უთხრა კარებმა,— თქვენ ნარეცხსაც არ დამასხამდით, მაგან ღუმა წამისვა, ღმერთმა გზაც დაულოცოს და კვალიცაო!

— აბა, მგელო, შენ გვიშველეო!— დაიძახეს კიდევ მსახურებმა.

— აბა, მე რა გიშველოთ,— უპასუხა მგელმა,— თქვენ ერთ ძვალსაც არ გადმომიგდებთ და მაგან კი მთელი ცხვარი მომიგდო. ღმერთმა კეთილი მგზავრობა მისცეს, ხელმწიფის შვილმა წაიყვანა და წაიყვანოს ქალიო!

— ბებერო, გვიშველეო! — დაიძახეს კადევ მოსამსახურეებმა.

— მე ვერაფერს გიშველით, — უპასუხა ბებერმა, — თქვენ ერთ ძველ კონკსაც არ ჩამაცმევთ, სიცხე-სიცივე მწვაეს, და მაგან კი ქათმბი მომიტანა; ღმერთმა ხელი მოუმართოს, ღმერთმა კეთილი გზა და მგზავრობა მისცესო!

— ყორნებო, გვიშველეთო!

— ჩვენ რა გიშველოთ, ერთ თეთრ ძვალსაც ვერ გვადირსებთ, მთელი ღლეები მშივრები დაფტრინავთ და დავძრწით, მაგან კი სამი ლიტრა ქონი შეგვაჭამა; ღმერთმა გზა დაულოცოსო!

— წყაროვ, გვიშველეო!

— მე ვერას გიშველით, — უპასუხა წყარომ, — თქვენ ისე ხმას არ გამცემთ, რომ აყმრალებული არ დამიძახოთ, და მაგან კიდევ უკვდავების წყაროს შემადარაო.

გასცდა წყაროსაც მშვიდობით ხელმწიფის შვილი თავის ქალით.

— პანტავ, შენ მაინც გვიშველეო! — შეეხვეწნენ მოწამლულ პანტას.

— აბა, მე რა გიშველოთ, — უპასუხა პანტამ, — თქვენ ისე არ გაივლით და გამოივლით, რომ არ მითხრათ, შე მოწამლულოვო, და მაგან კი გულაბის მსხალს შემადარა და დრო რომ ჰქონიყო, ჩემ ხილს იხილებდა; ღმერთმა გზა დაულოცოს! ღმერთმა კეთილი მგზავრობა მისცესო! — გასცდა მოწამლულ პანტას ხელმწიფის შვილი და გავიდა სამშვიდობოს.

მოუყვანა ხელმწიფეს ქალი და ჩააბარა. ხელმწიფეს ძალიან გაუხარდა. მაშინვე ჯვარის დაწერა გაბედა, მაგრამ ქალმა უთხრა:

— სანამ რძეში არ მბანებთ, მე შენზე ჯვარს არ დავიწერო!

— წადით, ბიჭებო, მოწველეთ ფურკამეჩები და გავბანოთ ქალიო, — უბრძანა ხელმწიფემ ბიჭებს.

— მაგ რძეში არ ვებანები, — უთხრა ქალმა, — თუ იქნება, ნიავექრის რძე იყოს, თორემ მე სხვა რძეში თითსაც არ დავისველებო!

— ვინ უნდა მოიტანოს ნიავეკრის რძე, ან საიდანო?—ჰკითხა ხელმწიფემ ქალს.

— ვინც მე მომიყვანა! თუ ჩემი მოყვანა შეიძლო, განა ნიავეკრის რძეს კი ვერ მოიტანსო!

დაიბარეს ვაჟი და უბრძანა ხელმწიფემ:

— სადაც იყვეს და სადაც არა, წადი და ნიავეკრის რძე მოიტანეო!

წავიდა ვაჟი რაშთან და შესჩივლა თავის ვარამი.

რაშმა უთხრა:—ნუ გეშინიან, პატრონო, გულმაგრად იყავი. წადი, ერთი კამეჩის ტყავი მოიტანე, გადამაკარ, იმ ტყავზე ქვიშა დამაყარე, იმ ქვიშაზე კიდევ კამეჩის ტყავი ვადამაკარი და წავიდეთო!

ყველაფერი ისე ქნა ვაჟმა, როგორც რაშმა უთხრა. მერე შეჯდა ზედ და გასწიეს ნიავეკრებისაკენ.

გამოერია რაში ნიავეკრების ჯოგში და დაუწყო ხოცვა. ნიავეკრებმაც დაუწყეს რაშს კბენა: აგლეჯდნენ კამეჩის ტყავს და ჰკვნეტდნენ ტყავის ძირში დატანებულ ქვიშას. შეწუხდნენ ნიავეკრები და ჰკითხეს რაშსა:

— რა გინდა, გვითხარ, რაზედ გვხოცავო?

— უნდა რძე მოგვიწველოთო!

— აჭამდის იტყოდითო,—უთხრეს ნიავეკრებმა,—და მოუწვევლეს ერთი დუნია რძე, წამოიღეს და წამოვიდნენ.

მოუტანეს ხელმწიფეს და მაშინვე უბრძანა ხელმწიფემ ჩქარა ჩაესხათ იმათ საარაყე ქვაბში.

— მე საარაყე ქვაბში არ ვებანები; თუ დევებს რომ ქვაბი აქვთ, იმას მოიტანთ ხომ კარგი და, თუ არა, არც მე ვიქნები შენი ცოლიო,—სთქვა ქალმა.

— ვინ უნდა მოგვიტანსო?—ჰკითხა ხელმწიფემ.

— ვინც მე მომიყვანა და ნიავეკრების რძე მოიტანაო!

დაიბარა ხელმწიფემ ვაჟი და უთხრა:—ცაში დევებს რომ საარაყე ქვაბი აქვთ, ის უნდა მოიტანოეო.

წავიდა ვაჟი რაშთან და დაეკითხა. რაშმა უთხრა:

— ცხრა მოსართავი გადამიჭირე. სამი მათრახი დამკარ,

სამი პირი ტყავი ამძვრება, ზედ სამი ლიტრა მარილი გადა-  
მაყარე, მე ავფრინდები და აგიყვან დევებთანაო.

მოუჭირა ცხრა მოსართავი, სამი მათრახი გადაჰკრა, სამი  
პირი ტყავი ასძვრა, სამი ლიტრა მარილი გადააყარა.

აფრინდა რაში და მივიდა დევების სახლში. დევებს მამის  
რივი ჰქონდათ. რაშმა უთხრა ვაჟს:

— მე კვიცად ვიქცევი, მიმიყვანე, იმ საარაყე ქვაბის ყურ-  
ზე დამაბი, როდესაც მე ყურს გავიქნევ, ის იცოდე—ნიშანია  
წასვლისაო.

იქცა რაში კვიცად. მიიყვანა ვაჟმა და მივიდა დევებთან.  
დევებმა შეიპატივეს შინ. ვაჟი უარზე დადგა: აქ კვიცი მიბია,  
და მეშინიან—არ დამეხრჩოსო.

მაინც არ მოეშენენ დევები და შეიყვანეს შინ. ვაჟი ისე  
დაჯდა, რომ თვალთა ჩანდა რაში. დევებმა რომ დალიეს და  
დათვრნენ, რაშმა ყური გაიქნია. ვაჟი ადგა და წავიდა  
რაშთან.

— სად მიხვალო?—ჰკითხეს დევებმა.

— კვიცი საბელში გამხლართვია, და უნდა გამოვხსნაო!

მივიდა რაშთან, იქცა კვიცადნაქცევი რაში ისევ რაშად,  
შეჯდა ვაჟი, გამოიტაცეს ქვაბი და მოუტანეს ხელმწიფეს.

აადულეს ნიავქრის რძე. ქალი ჩავიდა, ებანა და ამოვიდა.

— ვინც ჩახვალთ და ებანებით, ის იქნება ჩემი ქმარიო!  
— დაიძახა ქალმა.

ჩახტა ხელმწიფე და მოხარული კი ამოიღეს. ჩახტნენ ნა-  
ზირ-ვეზირნი, მაგრამ ისინიც მოხარულები ამოიღეს. რაშმა  
უთხრა ვაჟს:—ნე ერთ ადგილას თოვლი ვიცი, გავფრინდები  
იქ, ცხვირს და ყურებს გავივსებ, მოვიტან. რძეც ცოტა შე-  
ცივდება, ჩავაყრი ჩუმად, რძე გალელეჩდება, ჩახტი და ებანე.  
მანამდისინ კი არ ჩახტეო.

გაფრინდა რაში, სადაც თოვლი ეგულებოდა. ერთ წუთში  
გაივსო ცხვირი და ყურები, მოიტანა და ჩააყარა რძეს. რძე  
გაცივდა, ჩახტა ვაჟი, ებანა და გამოვიდა.

დაიწერა ჯვარი ქალზე და გამართა ქორწილი და ლხინი.  
ქალს უკვდავების ხელსახოცი ჰქონდა. წამოიღეს და წამოვიდ-  
ნენ ამომავალ ხელმწიფესთან.

ამომავალი ხელმწიფე ამ დროისათვის ისე დაბერებული-  
ყო, რომ ფეხზე ველარა დგებოდა.

გადააფარა ქალმა დედამთილ-მამამთილს ხელსახოცი და  
სულ ახალგაზრდები გახდნენ. ვაშლის ხეც იქ მიიტანეს და  
აქროს ფრინველიც.

პირი იქა, ლხინი აქა,  
ქატო იქა, ფქვილი აქა.

ელასა მელასა,  
პიქა მეკიდა ყელასა.  
მთქმელსა და გამგონებელსა,  
ძილი გვაამოს ყველასა.





## სამნი ძმანი

იყო და არა იყო რა, იყო ერთი ხელმწიფე. ჰყავდა სამი ვაჟი. ხელმწიფე რომ მოკვდა, შვილებს ერთი ძვირფასი თვალი დაუგდო. ძმებს მალე დაეკარგათ ეს ძვირფასი თვალი. ერთმა იმათგანმა მოიპარა და დამალა, მაგრამ როგორ უნდა გამოეჩინინათ, არ იცოდნენ.

ბოლოს ძმებმა სთქვეს:—წავიდეთ ჩვენ მოსაზღვრე ხელმწიფესთან. ისიც ჩვენი ტოლი კაცია, და რასაც ის სამართალს დაგვდებს, ისე მოვიქცეთო.

ადგნენ ძმები და წავიდნენ იმ ხელმწიფესთან. გზაზე უფროსმა სთქვა:

— ამ გზაზე აქლემს გაუვლია, ცალ გვერდზე თაფლი ჰკიდებია და ცალზე ძმარიო.

შუათანამ სთქვა:—იმ აქლემს ცალი თვალი ბრმა ჰქონიაო.

უმცროსმა სთქვა:—იმ აქლემზე ორსული დედაკაცი მჯდარაო.

კარგა გზა რომ გაიარეს, შემოხვდათ ერთი თათარი და ჰკითხა:

— აქლემი ხომ არ გინახიათო?

— ცალ გვერდზე თაფლი ხომ არ ეკიდა და ცალზე ძმარიო?—ჰკითხა უფროსმა.

— მართალია, ეკიდაო,—უპასუხა თათარმა.

— ცალი თვალით ბრმა ხომ არ იყოო?—ჰკითხა შუათანამ.

— არისო! — უპასუხა პატრონმა.

— ზედ ორსული დედაკაცი ხომ არა ზისო? — ჰკითხა უმცროსმა.

— ეგეც მართალიაო! — უპასუხა თათარმა.

თათარმა სთქვა: — მეც არ ვიცი ისე ჩემი აქლემი, როგორც ამით სკოდნიათ, და თუ არ მოიპარეს, საიდან იციანო.

წავიდა თათარი და უჩივლა ხელმწიფესთან. ხელმწიფემ უთხრა სამ ძმათ: — სირცხვილია, აცლეთ, ღირებული ფასი მიეცით და მოიშორეთ თავიდან, ნუ ალაპარაკებთო.

ძმებმა უთხრეს: — მართალია, ჩვენ არ მოგვიპარავს, მაგრამ ფასს კი მივცემთო.

ხელმწიფემ ჰკითხა: — მაშ საიდან იცით, როგორი იყო ის აქლემიო?

უფროსმა უპასუხა: — გზის ერთ გვერდზე თაფლი იყო ნაწკვინტალები, და ზედ ბუზები ეხვეოდა, მეორე გვერდზე ძმარი ღვრილიყო, რომელ ბალახსაც დასცემოდა, გაეხმო; ამით გავიგე, რომ ერთ მხარეზე თაფლი ეკიდა და მეორე გვერდზე ძმარიო.

შუათანამ სთქვა: — აქლემს რომ გაევლო გზაზე, რომელი თვალიც ბრმა ჰქონდა, იმ მხარეზე ბალახისათვის ხელი არ უხლია, და რომელი თვალიც კარგი ჰქონია, ზოგან ნარი ამოეგლიჯა და ზოგან ბალახიო.

უმცროსმა სთქვა: — ერთ წყაროზე გაჩერებულიყო აქლემი, ჩამომხდარიყო დედაკაცი და წყალი დაეღია; იმ წყაროს წინ ლამი ყოფილა, და როდესაც დედაკაცი დასწაფებია წყალს, მუცელი დეენაბრა იმ ლამისათვის და კვალი დარჩენილიყო. გაუკვირდა ხელმწიფეს იმათი სიბრძნე და ჰკითხა:

— რად მოხვედით ჩემთან, რამ შეგაწუხათო?

ძმებმა ყველაფერი უთხრეს: — მამამ ერთი ძვირფასი თვალი დაგვიგდო, როდესაც კვდებოდა, და ის თვალი ერთმა ჩვენგანმა დამალა და ვერ ამოგვიჩენიაო.

ხელმწიფემ უთხრა: — მოიცადეთ, ამაღამ მოვიფიქრებ დახეალ გეტყვითო.

იმ ღამეს ხელმწიფე კარგა გაუმასპინძლდა ძმებს. ერთი-



მოსამსახურე მიუჩინა: დაუგდე ყური, რას იტყვიან, მერე მოდი და ყველაფერი მიამბეო.

ძმები ვახშამზე დასხდნენ. უფროსმა ძმამ აილო დანა, მოსთალა მოხრაკულს და სთქნა.

— კარგი მოხრაკულია, რომ ეს ბატკანი ძაღლის რძით არ იყოს გაზრდილიო.

შუათანამ აილო პური, გადატეხა და სთქვა:

— ეს პური რომ სისხლით არ იყოს მორწყული, კარგი იქნებოდაო.

უმცროსმა სთქვა:—მაგ ხელმწიფემ რა სამართალი უნდა მოგვეცეს, როდესაც თვითონაც მეწისქვილეს შვილიაო.

ძმებმა ამოიღეს ხურჯინიდან პური, ქამეს და დალიეს ღვინო. ეს ყველაფერი მოახსენა მოსამსახურემ ხელმწიფეს, უმცროსის სიტყვის გარდა. ხელმწიფემ უთხრა:

— მითხარი, რაც უმცროსმა სთქვაო.

მოსამსახურე ჯერ კი არ ეუბნებოდა, ბოლოს კი უთხრა, რადგანაც ხელმწიფემ სთქვა: თუ ყველაფერი არ გავიგე, არ იქნებოაო.

დაიბარა ხელმწიფემ მეცხვარე და ჰკითხა.

— გუშინ, რომ ბატკანი გამოგვიგზავნე, როგორ იყო გაზრდილიო?

— მაგ ბატკანს მალე მოუკვდა დედა, —უთხრა მეცხვარემ,— და ძაღლს შევაჩვიე, არ მემეტებოდა სასიკვდილოთო.

ხელმწიფემ ახლა პურის მომტანს ჰკითხა, იმან უთხრა:

— შემოდგომაზე სარწყავი წყალი ცოტა იყო, ჩვენა და გლეხებს ჩხუბი მოგვივიდა, დაეხიციეთ ისინი, სისხლი შეერიო წყალში, და იმით მოირწყო ყანებიო.

ამის შემდეგ ხელმწიფე წავიდა დედასთან, დაადგა თავის ხმლითა:

— უნდა მითხრა, ვისი შვილი ვარო?

— შვილო, —უთხრა დედამ,—ნუ მომკლავ და გეტყვი ყველაფერს. მამაშენი კარგი ხელმწიფე იყო, დიდი სახელმწიფო ჰქონდა, მაგრამ კაცობა კი არა ჰქონდა. არ მინდოდა უშვილოდ დარჩენილიყო და იმის სახელმწიფო სხვას დარჩენიყო, ამისთვის მეწისქვილეს მივეც თავიო.

მოვიშორეო; მაგრამ ხელმწიფეს ვერ მოეგონა, თუ როგორი სამართალი უნდა მიეცა იმათთვის.

ხელმწიფეს ერთი მზეთუნახავი ქალი ჰყავდა. ქალმა უთხრა მამას:

— მამავ, ნება მომეც, მე წავალ ამაღამ მაგათთან, გავიგოთ ვინ არის ქურდი და ვინ მართალიო.

ხელმწიფეს ძალიან გაუხარდა და გაგზავნა ქალი.

იმ ღამეს ქალმა ითამაშა იმ ვაჟებთან; ქამეს ვახშამი და როდესაც დასაწოლად დაემზადნენ, ქალმა უთხრა:

— გესიამოვნებათ, ერთ ზღაპარს გეტყვითო!

— დიდი სიამოვნებით მოგისმენთო, — უთხრეს ვაჟებმა.

ქალმა დაიწყო: იყო ერთი ხელმწიფე. ჰყავდა ერთი მზეთუნახავი ქალი. იმ ქალს და ერთ ვაჟს პირობა ჰქონდათ და ფიცი ნათქვამი ერთუროში, რომ ერთმანეთისათვის არ ელაღლათ. მაგრამ მამამ ქალი ძალად გაათხოვა. ქალმა ჯვარი დაიწერა. როდესაც ერთად მარტოკები დასტოვეს ახალი ცოლქმარი, ცოლმა უთხრა ქმარს:

— ფიცი მაქვს სხვისათვის მიცემული, რომ არ ვუღალატო და ნუ გამატყუებ ფიცს, ღმერთს ნუ შემატოვებ. გამიშვი იმასთან ცოტა ხანს და მერე სულ შენი ვიქნებიო.

ქმარი დათანხმდა და გაუშვა ცოლი.

ქალი მივიდა თავის მიჯნურის სახლში და ნახა, რომ იმისი მიჯნური პირქვე გდია და ტირის. ქალი მივიდა ახლოს და დაუძახა: — განა ეგრე მაფასებ, რომ ფიცის გამტეხი გგონივარ? ადექ, შენი ვარო.

ვაჟი ადგა მაშინვე, გადაეხვია ქალს და უთხრა:

— რაკი შენი ქმარი ეგეთი სვინდისიანია და შენ კიდევ მე არ მიღალატე, შენ — და, და მე — ძმაო.

ქალი დაბრუნდა ქმართან, მაგრამ გზაზე ყაჩაღები დახვდნენ და გაუბედეს ძალდატანება. ქალმა უთხრა:

— რად გინდათ ფიცი გამატყუებოთ, გამიშვითო.

ავაზაკებმაც არაფერი დაუშავეს და გაუშვეს...

ავადო, — ჰკითხა ქალმა ვაჟებს.

უმცროსმა სთქვა:— ქმარი ყველაზე კარგად მოქცეულაო.

შუათანამ სთქვა:— საყვარელი და ავაზაკები მოქცეულან კარგადო.

უმცროსმა სთქვა:— ქმარიც, საყვარელიც და ყაჩაღებიც საძაგლად და უხეიროდ მოქცეულან. ქმარი იმიტომ, რომ თავის ცოლი სხვას გაუგზავნა, საყვარელი იმიტომ, რომ საყვარელს დობა უთხრა და ფიცს დაუფრთხა, და ავაზაკები კიდევ იმიტომ, რომ ახალგაზრდა ქალი ხელიდან გაუშვეს და არც გასცარცვესო.

ქალმა მაშინვე უთხრა ვაჟებს:

— ნახეთ, უმცროს ძმას უძევს ჯიბეში თქვენი დაკარგული თვალიო.

ნახეს და მართლა იმას ედო.





## ელემის ყვავილი

იყო და არა იყო რა, იყო ერთი კაცი. ჰყავდა სამი ქალი-  
უფროსმა ქალმა უთხრა მამას:—ისეთი სარკე უნდა მიყი-  
დო, რომ თავისთავად მოვიდეს ჩემთან, ჩავიხედო შიგ, წავი-  
დეს და ისევ მაგიდაზე დაიდვასო.—მამამ აუსრულა სათ-  
ხოვარი.

შუათანამა სთხოვა:—მე ისეთი მოსახვევე უნდა მიყიდო,  
რომ როცა მომინდეს, თავისთავად მომეხვიოს, როცა მინდა  
დაიკეცოს და სკივრში ჩაიღოს ხოლმეო.—მამამ იმასაც უყიდა  
ისეთი მოსახვევი.

ახლა უმცროსი ქალი შეეხვეწა:—მამილო, მე ელემის ყვა-  
ვილი უნდა მომიტანო თმაში ჩასატანებლადო.

რა გაეწყობოდა? მამა წავიდა დეგების ქვეყანაში, გადაი-  
პარა ერთ ბაღში, დაკრიფა ელემის ყვავილი და მოუტანა  
ქალსა.

დეგმა შეიტყო ყვავილის მოპარვა და გამოჰყვა კაცს კვალ-  
ზე. მოვიდა იმათ სახლის კარებზე და დაუძახა: ოჯახის  
პატრონო!

ერთმა ქალმა სთქვა:—ვისაც მოსახვევი მოუტანა, იმან  
გაიხედოსო!

მეორემ სთქვა:—ვისაც სარკე მოუტანა, იმას ეკუთვნის  
გახედვასო!

მერე პატარამ გამოიხედა. დეგმა შეხედა და დაინახა:

ედემის ყვაილი იმის თმებში ბრწყინავდა. დაავლო ხელი და მოიტაცა. წაიყვანა და ხელზე მოსამსახურედ დაიყენა.

ქალი ჩავარდა მწუხარებაში: არცა სვამს, არცა სქამს, დღე და ღამე ზის და აბნევს მღუღარებას.

იქვე ახლოს ერთი ქვრთვ-ოხერი დედაკაცი ცხოვრობდა, ამას ენანებოდა საწყალი ქალი. ერთხელ დაუძახა თავისთან და უთხრა:

— შვილო, ღვინო მომიტანე, ბანგს გავაკეთებ, დევის დედას დააღვინე, დაეძინება და მაშინ გაიპარვო.

ქალმა მოუტანა ერთი ხელადა ღვინო; ბებერმა გააკეთა ბანგი და მისცა ქალს. იმან წაიღო, დააღვინა დევის დედას. იმას რომ მაგრა დაეძინა, ქალმა დაკრიფა ედემის ყვაილი, გაივსო კალათა და შინისაკენ გასწია.

ამ დროს გაიგო დევმა ქალის გაპარვა და ედემის ყვაილის დაგლეჯა. გაბრაზებული გამოუდგა ქალსა. მირბის ქალი და მისდევს დევი. გზის პირზე საყდარო იდგა. ქალი შიგ შევარდა და მოხურა კარები. დევი მივარდა კარებთან და დაუწყო ბრაგაბრუგი, ხან ეხვეწებოდა, ხან ემუქრებოდა ქალს: კარი გამიღეო. მაგრამ ქალმა ყური არ ათხოვა. დევმა რომ ვერაფერი გააწყო, სახლში დაბრუნდა.

იმ ეკლესიაში ერთი ხელმწიფის შვილი იწვა, რომელიც დღე კვდებოდა, ღამე კი ცოცხლდებოდა ხოლმე.

როცა დაღამდა, ვაჟი ადგა, ანთოო სანთელი, ნახა თახჩაში მჯდომი ქალი და უთხრა:

— რა ხარ, რა სულიერი ხარ? აქ რამ მოგიყვანაო?

ქალმა უამბო თავის თავგადასავალი. ვაჟმა სთხოვა:

— შენ ცოლი და მე ქმარიო.—ქალმაც პირობა მისცა.

ვაჟმა უთხრა:—მე ღღისით ვკვდები და ღამე ვცოცხლდები, შენ არ შეგეშინდესო.

ცხოვრობდნენ ასე ერთად რამდენიმე ხანს. ქალს სიორსულე გამოაჩნდა.

ვაჟმა უთხრა:—წადი ჩემ სამშობლოში და იქ მოილოგინეო.

ქალმა გასწია, მივიდა ხელმწიფესთან და უთხრა: ამალამ აქ დამაყენეთო.

დედოფალმა უბრძანა მსახურებს წაეყვანათ და საქათმეში დაეყენებინათ.

იმ ღამეს საქათმეში ქალს ოქროსქოჩრიანი ვაგი ეყოლა. მეორე ღამეს ქმარი მოუვიდა იმას და დაუძახა:

— ქალო, ედემ-მარიამო!

— ბატონო!

— რა გყავს შვილად?

— ღვთის მოწყალებით, ვაგი ოქროსქოჩრიანიო! — დაუძახა

ქალმა.

ახლა სხვა ღამეს მივიდა და დაუძახა:

ქალო, ედემ-მარიამო!

— ბატონო!

— რა გაქვს, ქვეშსაგები?

— ღვთის მოწყალებით, ჩალა-ფუჩეჩიო!

ეს მოახლეს გაეგონა და დედოფალს ამბავი შეუტანა:

— ქალბატონო, წუხელ ვილაცა მოვიდა ამ ქალთან და დაუძახა. სულ ჩვენი ალექსას ხმას ჰგვანდაო.

დედოფალი შევიდა და შეეხვეწა მელოგინეს:

— ამაღამ რომ მოვიდეს, უთხარი, რომ შინ შემოვიდეს. მე კარებს უკან დავდგები, იქნება ჩემი ალექსა იყოსო.

ვაგი ისევ მოვიდა. იმ ღამეს დაუძახა:

— ქალო, ედემ-მარიამო!

— ბატონო!

— რა გაქვს საკმელი?

— ღვთის მოწყალებით, კუტმატიო!

— ვაი შენს ალექსის, შენი საკმელი ნუში და ქიშმიშიაო. მერე ქალმა დაუძახა: — ცოტა ხანს შინ შემოდითო.

— არა, ვერ შემოვალო.

— მოდი, მოდი, გენაცვალე, ცოტა ხანს და ისევ წადითო.

მივიდა ვაგი. კარებში რომ შევიდა, დედამ იცნო: ჩემი ალექსიაო. სიხარულით გადაეხვია და დაკოცნა. მერე შეილი დღეც მოუკვდა და ღამეც. ქალმა ტირილი დაიწყო. ყმაწვილი გულაში ჩაისვა, შეეხვეწა დედამთილ-მამამთილს: არ დამარხოთ,

სანამ არ დავბრუნდებიო, და თვითონ კი მზის დედასთან წავიდა.

გზაზე გუთნით ხნავდნენ. უნდოდათ შეეხსნათ და ვერ ახერხებდნენ. ჰკითხეს ქალსა: — სად მიდიხარო?

— მზის დედასთანო!

— მაშ ჩვენიც გაიგე რამეო.

გაიარა კიდევ. მეცხვარეებს შეხვდა. უნდოდათ ცხვრის ბალახზე გარეკვა და ვერ მოეხერხებინათ. ჰკითხეს: — სად მიდიხარო?

— მზის დედასთანო!

— მაშ ჩვენიც გაიგე რამეო.

გაიარა ქალმა და ერთ სახლს მიაღდა. შიგ სამი გასათხვარი ქალი ცხოვრობდა. იმათაც გაიგეს ქალის მზის დედასთან მიმავლობა და უთხრეს: ჩვენი ამბავიც გაიგე. გასათხოვრები ვართ და ვერ მოგვიხერხებიაო.

გაიარა კიდევ. ერთი ირემი შემოხვდა, რომლის რქებიც ცასა ჰქონდა მიბჯენილი. ქალმა სთხოვა: — ირემო, თავი დაიღე, ამაგდე ცაშიო!

— მაშ ჩემიც გაიგე რამეო, — უთხრა ირემმა.

ირემმა დაიღო რქები და შეაგდო ცაში. მივიდა მზის დედასთან. მზის დედამ უთხრა: — შეილო, აქ რამ მოგიყვანა? ჩემი შეილი რომ შინ დაგხვედროდა და ქვეყნიერობაზე არ იყოს წასული, უთუოდ შეგკამდაო.

ქალმა უამბო მზის დედას თავის თავგადასავალი, გუთნისაც უთხრა, ცხვრისაცა, ქალებისაც და ირმისაცა. იმ დროს მზის დედამ ცოცხად აქცია ქალი და კარებს უკან მიაყუდა.

ამ დროს მოვიდა მზეც. დედას აუტყდა: — ადამიანის სუნი მომდისო!

— არა, შეილო, აქ ადამიანს რა უნდა, რას მოიგონებ ხოლმეო!

— როგორ არა, ადამიანის სუნი მომდისო!

— ნეტავი იყოს ადამიანი, შეილო, ხმას მაინც არის გამცემდა. სიმარტოვით რამის გამოვყრუედე. იმას კი ნუ მკითხავ, რაც არ არის, რატომ არ მიაშობ, რა ხდება ქვეყანაზე? განა არა იცი რა საკვირველი, რომ თავის დღეში არას მეტყვიო!

— რად გინდა რომ გითხრაო?

— რატომ, შვილო, დედა ვარ შენი, მაშ შენი გულის პასუხი მე არ უნდა მითხრაო?

— კარგი, დედავ, რაკი გინდა გაიგო, გეტყვი: ერთი ხელმწიფის შვილი სანადიროდ დადიოდა; რომ ვერაფერი მოკლა, გაჯავრებულმა მესროლა ისარი. მაშინ დაეწყველე: დღე მკვდარი იყო, ღამე კი ცოცხლდებოდე. ახლა კი გამოვასალმე წუთისოფელსა. იმან რომ ჩემი პირის ნაბანი დალიოს, გაცოცხლდება. ერთ ადგილას გუთანი უბიათ, ის ვერ მოუხერხებიათ, რომ რკინის უღლები ახსნან და ხისები დაადგან, ეს კი რომ მოახერხონ, მოჰხნავენ. სხვაგან ცხვარი ჰყავთ, ვერ მოუხერხებიათ, რომ საძოვარზე გამორეკონ, იმათ რომ ღმერთს ერთი ცხვარი შესწირონ, გარეკავენ. ერთ სახლში სამი ქალია გასათხოვარი, ბინდზე ჰგვიან სახლსა და კალთებზე გადმომაყრიან ხოლმე. იმათ რომ მზეთ უკან სახლის გვას თავი დაანებონ, გათხოვდებიან. ერთგან კიდევ ირემი დგას, რქები ცაში აქვს მობჯენილი. ის ვერ მოუხერხებია, რომ რქები გაიყრევიოს. მაისის წყალი დალიოს და ბალახს მისწვდესო.

დედამ მიუტანა ტაშტი და ხელ-პირი დააბანინა შეილს.

მზე რომ ქვეყანაზე გაისტუმრა, ბებერმა ცოცხი ისევ ქალად აქცია. ბოთლში ჩაასხა პირის ნაბანი და გამოატანა.

— წაიღე, შვილო, ესა, დააღევინე შენს ქმარსა და გაცოცხლდებაო.


ქალი წამოვიდა. ირემს ამბავი მოუტანა, ქალებსაც, მეცხვარეებსაც, მეგუთნეებსაც და მივიდა შინ.

მიცვალებულს პირიც დაბანეს, პირშიც ჩაასხეს მზის ნაბანი და გააცოცხლეს. მერე მშვენიერი ქორწილი და ჯვარისწერა გადაიხადეს.

· პირი იქა, ლხინი აქა,

ქატო იქა, ფქვილი აქა.





## სამნი ძმანი

იყო და არა იყო რა, იყვნენ სამნი ძმანი. ორ ძმას უნდოდა უმცროსი ძმის მოკვლა. მოსაკლავად კი ვერ გაიმეტეს და უთხრეს:

— გავკრათ მშვილდ-ისრები, ვინც ჩქარა მოიტანს, ის ყოჩალი იქნებაო.

გაპკრეს ისრები და სულ გადაჰკარგეს. მერე საძებნელად წავიდნენ. წავიდა პატარა ძმაც საძებნელად.

ბებერი იარა, თუ ცოტა იარა, მივიდა ერთ სახელმწიფოში. მივიდა ერთ ბებერთან და უთხრა:

— დამაყენე ამალამო!

ბებერს ძალიან გაუხარდა. დააყენა. ბებერმა გამოჰკითხა ყველაფერი ამბავი:

— რა გაგვირვებია, შვილო, რომ აქ მოხვედიო?

ვანება უთხრა: — მე მინდა ცოლი შევიერთო.

ბებერმა უთხრა: — შვილო, აქ ერთი ტბა არის, ამ ტბაში საბანაოდ ჩამოდის სამი მტრელი, მიდი და პატარის ერთი ფრთა აიღეო.

წავიდა ბიჭი. დაიცადა და, როდესაც მტრედები მოფრინდნენ, სულ პატარისა ერთი ფრთა აიღო. ორი მტრელიდა გაფრინდა.

იმ პატარა მტრედმა დაუძახა:

— ვინა ხარ ქრისტიანი, გამომიჩინეო!

ბიჭმა არ გამოუჩინა. მერე დაუძახა ქალმა:

— დათ გეკუთნოდეთ!

— ცოლადო! — დაუძახა ბიკმა.

ქალი დათანხმდა. მერე გამოუჩინა. მერე წაიყვანა ქალი. გაუკეთა ანწლის ქობი და შეიყვანა შიგა. თვითონ მიდიოდა ხელმწიფესთან, მუშაობდა და ისე აცხოვრებდა ცოლსა და თავისთავს.

ერთხელ იმ ვაჟმა ხელმწიფეს უთხრა:

— ერთი ოთახი მაქირავეო!

— აი, შეილო, — უთხრა ხელმწიფემ, — ეს ცხრა ოთახი, დადექ, რომელშიაც გენებოსო.

მიიყვანა ბიკმა ცოლი და მეცხრე ოთახში დასვა. ვეზირებს ძალიან მოეწონათ ეს ქალი, რომ ნახეს. მოახსენეს ხელმწიფეს:

— შენი ცოლი რა ცოლია, ცოლი — მაგ ვაჟისაა, უნდა ნახო!

— როგორ თუ ჩემ ცოლსა სჯობია, — გაჯაერდა ხელმწიფე. — მაშ რა ვუყოთო? — ჰკითხა მან.

— აგერ ის ტყე მივცეთ, — უთხრეს ვეზირებმა, — და თუ ერთ დღეს ვერ გადაკაფოს, წავართვათო!

ხელმწიფემ დაიბარა ვაჟი და უთხრა:

— ის ტყე უნდა ერთ დღეს გადაჰკაფო. თუ ვერ გადაჰკაფე, შენი ცოლი მე დამრჩებაო.

დალონდა ეს ბიჭი და დამმარებული წავიდა ცოლთან.

ცოლმა ჰკითხა: — რამ დაგალონაო? — ვაჟმა ყველაფერი უამბო.

ცოლმა უთხრა: — მოდი, შენ აქ დაწექ, და მე ვიციო.

გავიდა ქალი კარში. გადიბრუნა ბეჭედი და იმის დების ჯარი ერთ წამს სულ იქ მოვიდა.

ქალმა უთხრა: — ეგ ტყე სულ უნდა გადაჰკაფოთ და იმ ხელმწიფის ქალაქში უნდა დააწყოთო!

იმათაც სულ გადაკაფეს და დააწყეს.

სალამოზე წამოიკიდა ბიკმა ერთი გულურა, მივიდა ხელმწიფესთან და უთხრა:

— ერთი ხელი ტანისამოსი უნდა მომცეო!

— გამოუტანეთო! — უბრძანა ხელმწიფემ მოსამსახურეებს და გამოუტანეს.

მეორედ კიდევ უთხრეს ხელმწიფეს:

— შენი ცოლი რა ცოლია, ცოლი — მაგისია. შენი ცოლი მაგის ცოლს ხელის დასაბანადაც არ ეკადრებაო!

ხელმწიფემ უთხრა: — მოდი, ეგ სანადიროდ წავიყვანოთ, წინ წავიმძღვაროთ და მოვკლათ, და მაშინ ყველაფერი მოხერხდებაო.

— წამო, სანადიროდ უნდა წავიდეთო, — უთხრეს იმ ბიქსა.

ბიქი ცოლთან წავიდა და უთხრა:

— სანადიროდ უნდა გავყვე ხელმწიფესაო!

— საწყალო, შენ ცხენს წინ გაიგდებენ და მოგკლავენ, — უთხრა ცოლმა, — შენ ცხენს გაუკეთე ცხრა აღვირი, ცხრა აეშარა, თითო ფუთი უზანგი და ისე წაიყვანე. — თან ერთი ბეჭედი მისცა. — როცა შენ ცხენს დაუშინონ, ბეჭედი შეაგდე მაღლა, იქცევა ოქროს ბურთად და ხელმწიფეს მიუტანეო.

მართლაც, ასე მოიქცა ბიქი. რალას იზამდნენ?

მერე ხელმწიფემ უთხრა: — ეს მინდორი მოხანი, დაფარცხე, დათესე, მომკე, გალეწო, დაფქვი და ჩემ ქალაქში დააწყე; თუ ამას არ ამისრულებ, მოგკლავო!

— კარგი, — უთხრა ბიქმა, — თქვენი ნება არ არისო? — და წამოვიდა შინ დაღონებული.

ცოლმა ჰკითხა: — რამ დაგაღონაო?

ქმარმა უთხრა: — რამ არ დამაღონა? ხელმწიფემ მითხრა: ეს მინდორი უნდა მოხნა, დათესო, დაფარცხო, მომკო, გალეწო, დაფქვა და ჩემ ქალაქში დააწყოვო. თუ ამას არ ავასრულებ, მომკლავსო.

ცოლი გავიდა კარში. გადიბრუნა ბეჭედი და მოვიდა იმისი დების ჯარი. ქალმა უთხრა:

— ეს მინდორი სულ უნდა მოხნათ, დათესოთ, დაფარცხოთ, გაპლეწოთ, დაფქვათ და მერე ხელმწიფის ქალაქში დააწყოთო.

ის ჯარი ისე მოიქცა, როგორც ქალმა უბრძანა. ყველაფერი შეასრულეს.

მეორე დღეს ვაჟმა აიკიდა ერთი ტომარა ფქვილი და მივიდა ხელმწიფის კარებზე. ხელმწიფეს ძალიან გაუკვირდა და ველარაფერი ქნა.

ვეზირებმა ახლა კიდევ უთხრეს ხელმწიფეს:

— შენი ცოლი რა ცოლია, ცოლი აბა იმისიაო!

ხელმწიფე უფრო გაბრაზდა და სთქვა:

— აბა, რა ვუყოთ? მოდი, ახლა, ვუთხრათ, რომ „არც შენ იცი, და არც მე ვიცი“ მოიტანოსო.

დაიბარეს და უთხრეს ბიჭსა:

— „არც შენ იცი და არც მე ვიცი“ მოიტანე, თორემ მოგკლავთო.

მოვიდა შინ უფრო შეწუხებული და დაღონებული. ცოლმა ჰკითხა:

— ხელმწიფემ რა გითხრაო?

— როგორ თუ რა? — უპასუხა ქმარმა — „არც შენ იცი და არც მე ვიცი“ უნდა მოიტანო, თორემ მოგკლავთო.

გადიბრუნა ქალმა ბექედი და იმის დების ჯარები სულ იქ მოვიდა.

— ვინ იცით „არც შენ იცი და არც მე ვიცი“ სად არის?

არავინ არ იცოდა. ბოლოს, ვნახოთ, ერთი კოქლი ბაყაყი მორბის. ქალმა ხელი დაუჭირა და ბაყაყი ხელზე შეახტა. ქალმა ჰკითხა:

— ხომ არ იცი, ბაყაყო, „არც შენ იცი და არც მე ვიცი“ სად არის? მითხარიო.

ბაყაყმა უთხრა: — ამა და ამ ბებერმა იცის და, თუ იმასთან მივიღო, ის ასწავლისო.

წავიდა ბიჭი იმ ბებერთან. მივიდა და ჰკითხა:

— „არც შენ იცი და არც მე ვიცი“, ხომ არ იცი, სად არისო?

ბებერმა ერთი გორგალი მისცა, ერთი საყდარი დაანახვა ტყეში და უთხრა:

— გზაზე ზღვა დაგხედება, ეს გორგალი გადააგდე. წადი, ხილად გექცევა, გახვალ, დაუჩოქებ გვერდს და დაუძახებ: „დაო, მიწაზე! დაო, მიწამე!“ და კარი გაგელებაო.

წავიდა ბიჭი იმ საყდართან. გზაზე ზღვა დახვდა. გადააგდო გორგალი, ექცა ხილად, გავიდა, დაუჩოქა საყდარს და ერთ თვეს სულ იძახა: „დაო მიწამე! დაო მიწამე!“

ბოლოს კარები გაიღო, გამოვიდა ერთი ბერი და წაიყვანა ბიჭი საყდარში. საყდარში რომ შევიდა, ბიჭს უცბად შეეშინდა. ბერმა უთხრა: — ნუ გეშინიან, შვილო! — მერე პური აქამა.

როდესაც გაისტუმრა, ტარამბულა გაატანა და უთხრა ტარამბულას: თუ ამისთვის თავი დაგინებებია, ვაი, შენს დღესაო!

ტარამბულა ისეთი რამ იყო, რომ რასაც კაცი ეტყოდა, ყველაფერს აუსრულებდა და არა ჩანდა კი.

წამოიღო და წავიდა ეს ბიჭი ქვეყანაში.

გზაზე შემოხვდა ერთი კაცი, რომელსაც ერთი არღანი ეკიდა. ის ისეთი არღანი იყო, თუ კაცი გადააბრუნებდა, სულ ჯარი ამოდიოდა.

ბიჭმა და კაცმა ერთმანეთს გამარჯვება უთხრეს. მერე ერთმანეთს მიმართეს: მოდი პური ექამოთო!

დასხდნენ და ლაუწყყეს პურს ჭამა. ბიჭმა სთქვა:

— ტარამბულ, წყალი მოგვართვი!

საიდანღაც დაესხა წყალი და ვერ კი ნახეს საიდან.

— ტარამბულ, კარგი მოხრაქული მოგვართვი!

მართლაც მოერთვათ.

გაუკვირდა ამ კაცსა და უთხრა:

— მოდი, გავცვალოთო!

ბიჭმა ჰკითხა: — შენმა არღანმა რაღა იცისო?

კაცმა უთხრა: — საითაც გადავატრიალებ, სულ ჯარი ამოდისო!

გასცვალეს. კაცს ჰგონია: ის ტარამბულა მე მაქვსო.

ექვს ერთ გრილოს, რომ დაჯდეს, დაისვენოს. მივიდა ერთ ხის ქვეშ და ამბობს: — ტარამბულ, წყალი მომართვიო!

მაგრამ ტარამბულა ბიჭს მისდევს. კაცი ამბობს:

— ვაჰ, სომეხი რომ ვარ, არა მკადრულობსო!

გზაზე კი ბიჭმა უთხრა ტარამბულას:

— ტარამბულ, ერთი ცივი ქათამი მომიტანეო!

და მართლაც, მაშინვე მოუვიდა.

რა დღესაც ბიჭი მივიდა ქალაქში, იმ დღეს წაეყვანა ხელმწიფეს იმისი ცოლი და უნდა ჯვარი დაიწეროს.

— ტარამბულ, წყალიო! — და დაუშვა წყალი ციდან.  
სულ წააღეკინა იქაურობა.

გადააბრუნა არღანი და ამოვიდა ჯარი.

წაუსია ხელმწიფეს და იმის ვეზირებს დასკრა თავები.

ხელმწიფეც თვითონ გახდა, სახელმწიფოც იმას დარჩა და  
თავისი ცოლიც.





იყო და არა იყო რა, იყო ერთი მოხუცი, უშვილო ღარი-  
ბი ცოლ-ქმარი. ერთხელ ~~კუნძულად წახდრა~~ ქმარსა:

— წადი ტყეში, ფიჩხი მოიტანე და მე კი, სანამ შენ მოხ-  
ვალ, საქამაღს დაგახვედრებ მზადო! წავიდა ბერიკაცი ტყეში.  
ერთ კუნძს შეხვდა: გლიჯა, გლიჯა, ვერ მოგლიჯა. დაანება  
თავი და წავიდა.

იარა ტყეში, იხეტიალა, მაგრამ ვერაფერი იშოვა. ბოლოს  
ისევ იმ კუნძს მიაღდა, გლიჯა, გლიჯა, ამოგლიჯა. მოიღო  
ზურგზე. მოიტანა შინ. ის დერეფანში დააგდო და თვითონ  
საქამადის საქმელად შევიდა. ბერიკაცმა ქამა დაიწყო.

კუნძში თურმე ერთი მშვენიერი ვაჟი იჯდა. ბერიკაცს დაუ-  
ძახა: — მამილო, მარტოკა რომ შეექცევი, განა მე არა მშინაო?

გამოვიდა ბერიკაცი. ვაჟს კუნძი გაეხადა და მშვენიერი  
მოჩანდა. ბერიკაცი სიხარულით ფეხზე ძლივს იდგა. შეიყვანა  
ვაჟი შინ და დასვა სუფრასთან. ვაჟმა უთხრა:

— მამილო, ის კუნძიც აქ შემოიტანეო!

ბერიკაცმა შემოიტანა და ვაჟმა ისევ ჩაიცვა.

სამი დღე რომ გავიდა, კუნძისძემ უთხრა მამას:

— მამილო, ხელმწიფის ქალი უნდა მითხოვო!

დალონდა ბერიკაცი: — ხელმწიფე ჩვენ ქალს რად მოგვცემსო?

მაგრამ მაინც წავიდა და ხელმწიფეს მოახსენა:

— დიდებულო ხელმწიფე, კუნძისძე ქალსა გთხოვს ცო-  
ლად და არ მისცემო?

— რატომ, მივცემ, თუ რასაც ვეტყვი, ამისრულებს. თუ აქედან თქვენს სახლამდის ისეთ ხეხილს ააშენებს, რომ რივისა ჰყვოდეს და რივისა მწიფდებოდეს, მივცემ ჩემ ქალსაო.

მოვიდა ბერიკაცი დალონებული.

— მამავ, რას დალონებულხარო? — ჰკითხა კუნძისძემ.

— როგორ არ ვიყო დალონებული, შვილო, ხელმწიფემ ეს შემიკვეთაო.

— მერე, რას დალონებულხარ? — უთხრა ბერიკაცს კუნძისძემ, — წადი, მამი, რაც ხეხილებია, ყველას წვერები დაამტვრიე. მერე წაიღე და ჩვენი სახლიდან ხელმწიფის სახლამდის ჩაურგე და უკან კი არ მოიხედო, და ხელმწიფის შენაკვეთი ასრულდებაო.

როგორც კუნძისძემ უთხრა, ბერიკაცმა ისე ქნა. ბოლოს რომ გაათავა, მოახედა და მშვენიერი ხეხილი მოსულიყო: ზოგი ყვოდო, ზოგი მკვახე იყო, ზოგი მწიფდა და ზოგიც ჩამოდიოდა.

მოვიდა ხელმწიფე, დახედა, უცებ იმ გზაზე ისეთი ბალი აშენდა, რომ სამოთხეს დაემჯობინა. გაუკვირდა, მაგრამ ბერიკაცს კიდევ შეუკვეთა:

— თუ აქედან თქვენს სახლამდის სულ ხალიჩას დაჰფენს, მივცემ ქალს, და თუ ვერა; — არ მივცემო.

მოვიდა ბერიკაცი დალონებული.

— მამი, რას დაულონებინხარო? — ჰკითხა შვილმა.

— რამ არ დამალონა, შვილო, ხელმწიფემ შემოგვიკვეთა, თუ ჩემი სახლიდან შენ სახლამდის ხალიჩას დაჰფენ, მოგცემ ქალსა და თუ არ დაჰფენ, არ მოგცემო.

— არა უშავს რა, — უთხრა კუნძისძემ, — წადი და, სადაც რამე ძველი ან ტანისამოსი ან ქუდი და მაგისტანა ეგდოს, იმ გზაზე დაყარე; თავს ნუ მაიბრუნებ, სანამ ნაპირს არ გახვალო.

წავიდა ბერიკაცი. ზოგი ხალიჩის ნაგლეჯი იპოვა, ზოგი ფარდაგისა, ზოგი ძველი წინდა, ძველი ტანსაცმელი და დაყარა გზაზე. როდესაც ნაპირში გავიდა, მოიხედა და ნახა, რომ გზა მთლად ხალიჩით მოფენილა. ძალიან იამა და მივიდა ხელმწიფესთან მოსახსენებლად.



ხელმწიფემ ნახა, სწორედ მეფეთ საკადრი გზა იყო, მაგრამ კიდევე უთხრა:

— კარგი არის, მაგრამ სანამ თქვენი სახლიდან ჩემ სახლამდის ღვინის რუ არ მივა, არ მივცემ ჩემ ქალსაო.

ბერიკაცი ისევ დაღონებული მივიდა სახლში.

— რამ დაგალონა, მამი, რა არისო? — ჰკითხა კუნძისძემ.

— რამ არ დამალონა, შვილო, ხელმწიფემ შემოგიკვეთა, თუ ჩემი ქალი გინდა, შენი სახლიდან ჩემს სახლამდის ღვინის რუ გაშროიყვანეო.

კუნძისძემ უთხრა: — წადი, ერთი ჯოხი გაატარე ხელმწიფის სახლამდის და მოვარდება რუო.

წავიდა ბერიკაცი, გაატარა ჯოხი და მოვარდა ღვინის რუ. ნახა ხელმწიფემ და ველარაფერი მოუგონა.

— წადი, — უთხრა, — მოლით ამალით, და წაიყვანეთ ჩემი ქალიო.

წავიდა ბერიკაცი და უთხრა კუნძისძეს.

კუნძისძემ უთხრა: — წადი, მამი, და სადაც ეს კუნძი მოჰგლიჯე, იქ ჩასძახე; ამოდი, ლურჯო კაცო, ლურჯო ცხენო, წითელო კაცო, წითელო ცხენო, კაცნო და ცხენნო ყველანაირნო, ამოდი-თქო. შენ კი შორს დადექ, ცხენებმა არ გაგჰკულიტონო.

მივიდა ბერიკაცი და ჩასძახა, რაც კუნძისძემ უთხრა. გამობრუნდა და მოვიდა შინ. ამოვიდა უთვალავი ცხენოსანი ჯარი და მიადგა კუნძისძის კარებზე. მერე წაიყვანეს სანეფო და წავიდნენ ხელმწიფესთან.

დაიწერეს ჯვარი, იქორწილეს და წამოიყვანეს ქალიც.

კუნძისძეს ტანზე კუნძი აცვია. მას ცალკე ხელმწიფის მხლებლები დასცინიან და ცალკე ცოლი ტირის. შინ რომ მოვიდა, გადიძრო კუნძისძემ კუნძი და გამოჩნდა მშვენიერი ვაჟი.

ქალს საშინლად გაუხარდა. კუნძისძემ შეუთვალა ხელმწიფის ჯარს: წამოდიო, ვინადიროთო.

ბევრი იარეს, ბევრი იტანჯეს, მაგრამ ვერაფერს შეჰხედნენ. გადიძრო ჩუმად ვაჟმა კუნძი, იცვალა ფერი და დადო დაბლა ქული. მოვიდა ნადირი, მოვიდა, რომ სულ აივსო ის არემარე. ვაჟმა უთხრა ხელმწიფის მხლებლებს:

— ეგ ხანჯლები შემოიხსენით, მე მომეცით და მერე, რამდენიც გინდათ, მოკალითო.

შემოიხსენეს იმათაც ხანჯლები და მისცეს კუნძისძეს. ვისაც რა უნდოდა, ის ნადირი მოკლა: ზოგმა შველი, ზოგმა მგელი, ზოგმა დათვი, ზოგმა ირეძი. აივსო ხალხი ნადირითა და ნანადირევით.

გამარჯვებულები მოვიდნენ შინ. კუნძისძემაც გადიცვა ისევ კუნძი და ისე არის. დასცინიან კუნძისძეს: სწორედ ისეთი ვაჭი არა ხარ, ქუდი რომ დადო და მთელი ტყის ნადირი იქ მოვიდაო.

კუნძისძეს იმათ ხანჯლები კი შენახული აქვს. კუნძისძემ კიდეე შეუთვალა ხელმწიფეს:

— მხლებლები გაჰოპიგზავენე, უნდა ვანადიროო!

გამოუგზავნა ხელმწიფემაც. წავიდნენ კიდეე სანადიროთ.

იარეს, ბევრი იარეს, მაგრამ ვერსად რა მოკლეს. ბოლოს გაიძრო კუნძისძემ კუნძი, დადო ქუდი და დაიძახა. მოვიდა ნადირი, მოვიდა, აივსო იქაურობა ტყის ნადირით. კუნძისძემ უთხრა ხელმწიფის მხლებლებს: — შემოიხსენით ქაპრები, მე მომეცით და მერე დახოცეთ ნადირიო!

მისცეს ქაპრები და დახოცეს ნადირი. დაბრუნდნენ სახლში გამარჯვებულები. კუნძისძეს დასცინიან: — სწორედ იმას არა ჰგებხარ, ქუდი რომ დადო, დაიძახა, ნადირი მოსქდა და მოწვავდაო!

კუნძისძემ ახლა მესამედ გაიპატიჟა ხელმწიფის მხლებლები.

მესამედ ყურის ბიბილოები დააჭრა და შეინახა.

მოვიდნენ სახლში, დასცინიან კუნძისძეს.

კუნძისძემ ამოიღო ხანჯლები, ქაპრები, ყურის ბიბილოები და აწვენა: — ვისია ესენი, ან თქვენ ვინა ხართო?

გაოცდნენ ხელმწიფის მხლებლები და გაწბილებულები დაბრუნდნენ სახლში.

ჭირი იქა, ლხინი აქა,

ქატო იქა, ფქვილი აქა.



## ქოქარი

იყო და არა იყო რა, იყო ერთი უშვილო ცოლ-ქმარი. უშვილოდ გადაგებას აპირებდნენ, რომ ცოლს არ აენიება ქმრისათვის:

— წადი მკითხავთან, აკითხვინე, გაიგე რა მიზეზით არა გვყავს შვილი, იქნება წამალი იცოდეს რამ, იქნება გასწავლოს, და გვეშველოსო.

წავიდა კაცი მკითხავთან და აკითხვინა. მკითხავმა სამი ვაშლი მისცა და თანაც დაარიგა:

— წაიღე ეგ ვაშლები, როდესაც მოშივდეს, ეგ ორი ვაშლი მიეც შენ ცოლს, შეკამოს. ერთიც, რომ მოსწყურდეს, მაშინ შეკამოს და შვილი გეყოლებათო.

გზაზე კაცს მოშივდა. ველარ გასძლო და შეკამა ორი ვაშლი. მოსწყურდა წყალი და შეკამა მესამეც. ვაშლები შეკამა თუ არა, კაცს კანკში ქალი ჩაესახა. მოიქრა კანკი კაცმა და გადა-  
აგდო გზაზე.

გაიგო სუნზე ორბმა, მოფრინდა, დაჰყოყინა, დაჰყოყინა კანკს, ჩასკიდა ბრჭყალები და წაიღო თავის ბუდეში, ერთ მაღალ ხის კენწეროზე.

გაჩნდა ქალი. უვლის ორბი, უზიდავს საკმელს.

წავიდოდა ორბი, დაივლიდა მთელ ქვეყანას, მოსაქებნიდა, იპოვიდა, სადაც კარგი საკმელი იქნებოდა და მოუტანდა ქალსა.

ქალი დღით იზრდებოდა. ისეთი ლამაზი იყო, ისეთი ლა-  
მაზი, რომ იმაზე მშვენიერი ამომავალი მზეც აღარ იქნებოდა.  
იმ ადგილში ერთი ხელმწიფის შვილი იყო, სახელად აბე-  
სალომი. იმ ადგილებში, სადაც ხე იდგა, სანადიროდ იარე-  
ბოდა, შენიშნა ხეზე ქალი და ჩაუვარდა იმისი სიყვარული-  
გულში.

მოდოდა ყოველდღე ხესთან და ესიყვარულებოდა შორით.  
აბესალომს ერთი ყმა ჰყავდა, სახელად მურმანი.

ერთხელ აბესალომმა ყელმოღერებული ეთერი რომ დაინახა,  
ველარ გასძლო და დაუძახა ეთერს:

ჩამოდი, ეთერო, ძირსა,  
მანდ რას უზიხარ ხესაო,  
ჩამოდი, ცოლად გამომყევ,  
მანდ ნუ იღერებ ყელსაო!

— არა, — უპასუხა ეთერმა, — მე შენ ცოლად რას გამო-  
ვადგები:

- მდიდარი ხარ, მდიდრის შვილი,  
დედ-მამითა ხარ ქებული;  
მე ობოლი, ობლის შვილი,  
ობლობით ვარ დაჩაგრული.  
კაცის კანქში ჩასახული,  
შარას პირსა ნაგდებო,  
ორბის კლანჭით აღებული,  
ხის კენწერსა გაზრდილიო.  
შენ შენი ჰქნა და წახვიდე,  
გამიშვა წყალწალებული!

აბესალომმა ღვთის ფიცი მისცა, რომ არ გილალატებო=

ზევიდან ღმერთი ცეცხლსა ჰყრის,  
ქვეშ აბესალომ უდგება,  
ეთერო, შენსა ამ ლალატს  
ღვთის მეტი ვინ შეუდგება,

ომში ხმალიმოლებულსა  
აბუარიმც ჩამომიწყდება,  
წყალი უწყლოსა ალაგსა,  
ზღვა იყოს, ამომიშრება,  
შვიდი წლის გზასა მავალსა  
საგძალი ამომიწყდება,  
მუხლებზე ნადები თოფი  
უბეშიმც დამიბრუნდება.

დაიჯერა ეთერმაც აბესალომის ფიცი. დასთანხმდა ცო-  
ლობაზე, აბესალომმა ნიშნად ფიცისა ერთი შეეტარიანი დანა  
მიაცოლა, შეისვა ცხენზე და წაიყვანა სახლში.

მურმანი წინ გაგზავნა თავის და მარეხთან და შეუთვალა:  
„ცოლი მომყავს, ოქროსთავმოსნიანი ეთერი და საქორწილოდ  
ტანისამოსი მოგვიმზადეო.“

მიიყვანეს ეთერი შინ, ჩააცვეს ტანისამოსი. დაწერა აბე-  
სალომმა წიგნები და კომლზე კაცი დაიბარა თავის სახელ-  
მწიფოსთან. გაგზავნა მურმანი საპატიოდ, გაატანა წერილები.

მიდის მურმანი გზაზე. შეჰყრია ეთერის სიყვარული და  
ჰკლავს იმისი სურვილი.

„ვინ არის კაცი ისეთი, იმოდენა შესძლოს, რომ ეთერი  
აბესალომს შეაძულოს და მე ჩამიგდოს ხელშიო!“ — ფიქრობს  
თავისთვის მურმანი.

შემოხვდება წინ ეშმაკი მურმანს და ჰკითხავს:

— ჯად მიდიხარ, ან აგრე რას დაულონებიხარო?

მურმანმა თავის ამბავი უამბო.

ეშმაკმა უთხრა: — შორს რად ივლი, წამალს მე გასწავლი,  
ისეთ წამალს, რომ აბესალომმა ეთერი თავის ხელით შენ  
მოგცეს; წამალს გასწავლი, თუ შენ სულს მე მომცემო!

— ოლონდ ეთერი ჩემი გახდეს, და სულს როგორ  
დავზოგავო, — უთხრა მურმანმა.

— მაშ ქალაღი დამიწერე, — უპასუხა ეშმაკმა, — რომ  
შენს პირს აღარ გადახვალ და მერე მე გასწავლი წამალსაო.  
დაუწერა მურმანმა ქალაღი და მისცა ეშმაკს.

ეშმაკმა უთხრა: — ჯვარს რომ დაიწერენ ეთერი და აბესალომი, ეთერს ჩემად ერთი მუჟა ფეტვი ხელუკულმა შეაყარე, ეთერს კბენარი შეეხვევა და, რამდენიც უნდა აცალონ, ველარ მოაცლიან, სანამ შენი ხელი არ მოხვდებო!

წავიდა გახარებული ეშმაკი თავის ბუნაგში და სულგაყიდული მურმანი სახლში დაბრუნდა.

ჯვარი რომ დაიწერეს ეთერმა და აბესალომმა და გამოდიოდნენ ეკლესიიდან, მურმანმა ქალს ერთი მუჟა ფეტვი შეაყარა; შეეხვია კბენარი ეთერს; აცლიან, მაგრამ უფრო მეტი ეხვევა-

შეწუხდა აბესალომი, გამოიყვანა ეთერი ხალხში და საჯაროდ დაიძახა:

ორშაბათს შეყრილ მიჯნურნი  
სამშაბათს გაეყარენით;  
ვისაც რომ შეყრა გეწყინათ,  
გაეყრილვართ, გაიხარენით.  
ვის გინდათ ქალი ეთერი,  
მე ნადირობას მივალო!

აუსრულდა მურმანს გულის წადილი. გახარებულმა ჩოქით სალამი მისცა აბესალომს და შეჰლაღადა:

უბოძე შენსა მურმანსა,  
შენი ერთგული ყმა ვარო.

აიღო აბესალომმა ეთერი და მისცა მურმანს.

რაკი მურმანმა ხელი მოსჭიდა, ეთერს კბენარი იმწამსვე მოშორდა. წაიყვანა და დაისვა ცოლად.

ეთერის სურვილი ცეცხლად მოედო აბესალომს. შეხვდა მურმანს, ველარ მოითმინა და ეთერის ამბავი ჰკითხა:

მურმან, მურმან, შენსა მზესა,  
ეთერი როგორ რამეა?

მურმანმა უპასუხა:

რას კითხულობ, ცათასწორო?  
ცოლის ქება აუგია;

შენც გინახავს ბროლის ციხე,  
 როგორ ცამდის მაღალია;  
 შიგა ზის ქალი ეთერი,  
 ყელი მოუღერებია;  
 წელი წვრილი, ბეჭი ფართე,  
 თეოს თავი დაბალია,  
 შუბლი ბრტყელი, წარბი წვრილი  
 საფეთქელი მწყაზარია,  
 ცხვირი სტვირი, კბილი მძივი  
 ბაგე ხახვის ფურცელია;  
 ცხრანი მულნი გვერდს უსხედან,  
 ყველა პირისფარეშია;  
 დედამთილი უკან უზის,  
 გიშრის და ლალის მწვანელია;  
 ცხრა მაზლი კარებს ადგანან —  
 დაღესილი აღმასია,  
 მამამთილი ერდოზე წევს,  
 გველეშაპის მულაპაეია.

ამის გამგონე აბესალომი ეთერის სიყვარულით უფრო  
 შეწუხდა. ავად გახდა. მოინდომა მურმანის დაშორება და  
 ეთერის ისევ ხელში ჩაგდება. დაიბარა მურმანი და უბრძანა:  
 წადი, უკვდავების წყალი მომიტანე, ეგებ კარგად გავხდეთ.  
 მურმანი გულში შეფიქრიანდა: ჩემ თავს ფარსაგი არ  
 არისო.

გამოსთხოვა ცხრა დღის ვადა აბესალომს და წავიდა  
 ეთერთან გამოსათხოვებლად. ეთერს უთხრა:

ამაღამ კი ჩამიტოლე,  
 ქალო, მკერდსა ბროლისასა;  
 ქალო, ალგეთსა მგზავნიან,  
 პირსა ალგეთის მთისასა;  
 სურვილისა ქვას ისვრიან,  
 მინატებსა ლოდისასა;  
 ვაიმე, თავს გაგვიტეხენ,

უზარელსა ლომისასა.  
ნუ შეიხვევ ავსა კაცსა,  
ნურცა ავის გვარისასა,  
წავა სწორში დაიკვეხებს  
ხვევნას ვიყავ მთვარისასა!

ეთერმა უკასუხა:

გავიხდი ქამბა ატლასსა  
ჩავიცვამ ბამბა-ბუმბასა,  
ავიღებ კოკა-კუტალსა,  
წყალს შემოვიტან მდინარსა,  
არც შევალ შენის ძმისასა,  
არც შენის მეზობლისასა,  
თუ შევალ, ისრე გამოვალ,  
როგორც და თავის ძმისასა.

ის ღამე მურმანმა ეთერთან გაატარა:

ამდამდელი ღამეო,  
ნუმც გათენდები მალეო,  
ვეხვევი ბროლისა მკერდსა  
ველარ ვიშოვი ხვალეო!

მეორე დღეს დედას და დას ძალიან შეეხვეწა მურმანი:  
გაუფრთხილდით ეთერსა, ნიავისა და მზის სხივსაც ნუ მიუშ-  
ვებთ იმასთანაო.

აბესალომი საშინლად ავად გახდა, კვდებოდა, იმისი წამალი  
აღარსად იყო.

გამოვა აბესალომის და მარეხი, წავა სოფელში და  
ჩივის: ძმა მიკვდება, მიშველეთ რამე, უწამლეთ ჩემსა ძმასაო.

— იქნება ეთერის სურვილი ჰკლავდეს, — უთხრეს მარეხს, —  
შეიტანე, ტახტზე დიუწყე მტრედის ფრთა, გამტკიცული  
პური, წითელი ღვინო და ყორნის ფრთაო.

შეიტანა მარეხმა ყველა ესა და დაუწყო ტახტზე, მობრუნ-  
და აბესალომი. აიღო მტრედის ფრთა ხელში და უთხრა:



— მტრედის ფრთავ, თეთრი ხარ, მაგრამ ეთერისთანა კი ვერა  
ხარო!

აილო ახლა გამტკიცული პური და უთხრა: — პურო,  
გამტკიცული ხარ, მაგრამ ეთერის სახისთანა კი ვერა ხარო!

აილო წითელი ღვინო და უთხრა: — წითელო ღვინოვ,  
წითელი ხარ, მაგრამ ეთერის ლოყებივით კი ვერაო!

ბოლოს ყორნის ბოლო აილო და სთქვა: — შავი ხარ, ყორ-  
ნის ბოლოვ, მაგრამ ეთერის თვალ-წარბისთანა კი ვერაო!

მარეხს უთხრა:

აღე, მარეხო — ვარსკვლავო,  
ეთერსა კარსა უარე,  
თუ გკითხოს ჩემი ამბავი,  
დაჯექ და წვრილად უამბე!

წავიდა მარეხი ეთერის მოსაყვანად. ეთერი დედამთილს  
გამოჰპარეიყო, აბესალომის ავადობა რომ გაეგო. შევიდა  
აბესალომის ბაღში, ერთი ქადრის ქვეშ დაჯდა და დაიწყო  
ტირილი. ბევრი იტირა, დაიღალა და დაეძინა.

მოვიდა მარეხიც და, რომ დაინახა მძინარი ეთერი, დაუ-  
ძახა:

მე ბანიბან დაგეძებდი,  
შენ ბაღის ბოლოს გეძინა,  
ოქროსა ღილი გაგეხსნა,  
ბროლისა მკერდი გეჩინა,  
ეგ შენი შავი დალალი  
მორევისავით გეფინა.

ეთერს მაინც ვერ გააგონა, მეორედ დასძახა:

ეთერო, შემოვიარე  
იმ შენის ციხის არესა,  
გადმოვიხედე, ავტარდი,  
ლოგინი გიგავ მთვარესა.  
ეს გაზაფხულიც მოვიდა,

მარტი, აპრილი, მაისი,  
 აღე, ეთერო, გამომყე,  
 შენ მომირჩინე ძმა ისი.  
 ავიღებ ბარსა, ნიჩაფსა,  
 დავხვეტავ გზასა ხვინკასა  
 ზედ მარმარილოს დაგიგებ,  
 ფეხი არ დასკე ქვიშასა!  
 ისეთს სასახლეს ავიგებ,  
 სულ მარმარილოს ქვისასა;  
 შიგაშიგ ფიცარს ჩავუყრი  
 აბანოურის ხისასა;  
 წინ საჩრდილობელს მოვიყვან,  
 მალალსა ალვის ხისასა;  
 ზედ ყაჭ-აბრეშუმს გადმოვფენ,  
 საჩრდილობელსა მხისასა;  
 შიგ ხალიჩებს დაგიფენ,  
 ნაქსოვსა ფერადისასა!

ეთერი გაჰყვა: — ნეტავი ჩემი ნახვით კი მოგირჩეს ძმა, და როგორ არ წამოვალო.

წავიდნენ და მივიდნენ აბესალომის კარსა. ქალმა რომ ბანზე შედგა ფეხი, აბესალომი სულს ებრძოდა. იცნო კიდევ: ეთერის ფეხის ხმა, წამოიწია და დაიძახა:

ეთერი ბანზე შემოდგა  
 ბანი და კარი შეინძრა;  
 ბანიდან ჩამოიხედა,  
 სულში ნათელი ჩამიდგა!  
 წამწამსა და წამწამს შუა  
 ბალი გამიშენებია,  
 ეთერის მობრძანებისთვის,  
 მადლი მამიხსენებია!  
 ეთერი ტყუილა გარჯილა,  
 ვარ საიქიოს მავალი;

უფალსა უბრძანებია:  
გზა ვიწრო, მარტოდ სავალი.

მოვიდა მარეხი და ახარა აბესალომს:

ძმაო, მოვიდა ეთერი,  
თუ თვალებში გაქვს ნათელი!

აბესალომმა უთხრა:

თუ მოვა, აქაც შემოვა,  
ცოტა აქვს შემოსავალი.

— ეთერსა ცხენო არ უნდა,  
არსად არ არის წამსვლელი,

— უპასუხა ეთერმა.

ჩავიდა ეთერი. კარებთან რომ მივიდა, ყმაწვილი გადაბ-  
რუნდა, პირი კედლისაკენა ქნა, მივიდა ეთერი და უთხრა:

შენ, ყმაწვილო ბესიაო,  
პირი კედელს გიქნიაო,  
გადმობრუნდი, გენაცვალე,  
ჩემი არა ბრალიაო!

გადმობრუნდა აბესალომი და იმწამს დალია სული. ეთე-  
რიც მივიდა და დაეკონა:

აბესალომის დანაო,  
ჯიბეს მიდევხარ განაო,  
ამოგიღებ და დაგიცემ  
მარჯვენა ძუძუსთანაო;  
პირი ჩემსკენ, ტარი შენსკენ;  
მეც დაგაკვდები თანაო.  
ერთადამც დავიხოცებით,  
ერთადამც დაგემარხვიანო,  
გზის ძირსამც დაგვალირებენ,  
გზის თავსამც დაგემარხვიანო,  
მიწასაც მოგვალირებენ,

ფოთოლთაშუ მოგვაყრიანო!  
თავს ვარდი ამოსულიყვეს,  
დილის ნიავე შლიდესო-  
ზედ მოდიოდნენ ჩიტები,  
ბუდობდნენ, ბარტყებს ზრდიდესო;  
ზედ ნარი ამოსულიყოს,  
ვირი საძოვრად ვიდესო;  
ფეხთითა წყარომც გამოვა,  
შიგ ოქროს თასი იდესო;  
ყველა მუშა და მაშვრალი,  
ყველა ჩვენ დაგვანტვრიდესო!  
დალევდეს ამვლელ-ჩამვლელი,  
შენდობას შეგვითვლიდესო:  
რა კარგნი რამ დახოცილან,  
ისევამც აღდგებიანო!

წამომდგარა ეშმაკი და უთქვამს:

აღდგომა წესი არ არის,  
სულითამც ცხონდებიანო.

\*

აბესალომ და ეთერი  
ღმერთმა შეჰყარა ერთფერი!

მოვიდა მურმანი, ნახა ეთერის და აბესალომის საფლავი.  
ჯაითხარა საფლავი და ისიც იმათ შუაში ჩაწვა. იმაზე ნარი  
ამოვიდა, აბესალომზე და ეთერზე ვარდი და ია. გადაიხრებიან  
ვარდი და ია ერთმანეთის მოსახვევად, მაგრამ ეკალი დვას  
და უშლის. მურმანის ფეხთით ლეკვები ამოდვრებიან ხოლმე  
და დილა-სალამოს ყმუიან...

კირი იქა, ლხინი აქა,  
ქატო იქა, ფქვილი აქა.  
კარგი სიტყვა, კარგი შთქმელი  
კარგი ღვინო, კარგი მსმელი.



### გიორგი მონადირისა. სოლმა რომ ძალდალ აქსია

იყო და არა იყო რა, იყო ერთი მონადირე. ერთხელ სანადიროდ წავიდა, ერთ კურდღელს შეხვდა და მოკლა. პური მოშივდა, სთქვა: — სანამ სოფელში მივალ, მე ჩემი დამემართება, და მოდი, აქვე შევწვავ ამ კურდღელსაო.

გაატყავა, გათალა შამფური, ააგო და დაუწყო წვა. შეწვა რომ გაათავა, იქვე ხეზე გუდით საგძალი ეკიდა, მივიდა პურის მოსატანად. ამ დროს კურდღელი გაცოცხლდა, წამოხტა და გაიქცა. დარჩა გაკვირვებული მონადირე. მოჰყუა პირჯერის წერასა: „აი დიდება შენთვის, ღმერთო, ეს რა საკვირველი რამა ვნახეო!“

— ეს რა საკვირველია, — მოაძახა კურდღელმა, — შენ რომ გიორგი მონადირის ამბავი გაიგო, აბა, საკვირველი ის არისო.

მონადირემ იფიქრა: ამაზე საკვირველი რალა უნდა იყოს? ალბათ, ის გიორგი მონადირეც საკვირველს რამეს ნახავდა. თუ არ წაველი და არა ვნახე, არ იქნებაო. მეორე დღესვე გასწია გიორგი მონადირესთან, კითხვა-კითხვით მიაგნო იმის სახლსა.

— გამარჯვება! — უთხრა.

— გაგიმარჯოს! — უპასუხა.

— შენა ხარ გიორგი მონადირე?

— მე გახლავარ!

— შენთან საკითხავი რამე მაქვს და არ შეიძლება, მი-  
ხრაო?

— ხვალ ჩემი ცოლისა და მეზობლის წირვა მაქვს, იმის ფაციფუცში ვართ, არა მცალიან, მოვრჩები, შენც აქ ბრძანდებოდე, მერე დაესხდეთ არხეინად და ყველაფერს გაიმბობო.

მონადირე დარჩა იმ ღამეს იქა. მეორე დღეს წირვა გადიხადეს და როცა მარტონი დარჩნენ, მონადირემ უამბო გიორგის:

— ასე და ასე იყო ჩემი საქმე და კურდღელმა მითხრა, ეს რა საკვირველია, საკვირველი გიორგი მონადირეს გადაჭხედიანო.

— შე შენსავით მონადირე ვიყავი, — დაიწყო გიორგიმ, — მე სანადიროდ დავდიოდი და ჩემს ცოლს, ღმერთი არ გასწყრომია და ჩემი მეზობელი არ შეუყვარებია?! როცა გავიგე, ძალიან ვითაკილე, და ცოლს დარიგება დავუწყე, რომ ნუ მარცხვენ, სოფელში კაცი ვარ, ვინმემ რომ გაიგოს, ხომ სირცხვილით კარში აღარ გამოვალ-მეთქი!

მე არ მოგიკვდე, იმან ყურიც არ შეიბერტყა! ბოლოს რომ ვაუჭირე საქმე, გადმომკრა მათრახი და მაქცია სახედრად. დამაბებს სახლშივე, დამიყარეს წინ ბზე. თვითონ სხედან და დროებას ატარებენ. მე აბა, ბზეს როგორ შევქამ, ვარ პირაკუმული. ისინი კი ჩემ მოგებულ სარჩოზე ხარობენ და ქეიფსა სწევენ.

იმ დროს მეცხვარეები მარილის საყიდლად მოვიდნენ. მე ბევრი მარილი მქონდა და, რაკი ყველაფერი მიეჭამ-მოეჭამათ, ახლა ამ მარილის ქვებსა ჰყიდიან. მეცხვარეებმა რომ მარილის ქვებს აკიდება დაუწყეს, მე ბრაზი მომერია. აბა, რას კი ვიტყოდი, ენა არა მქონდა და გაჯავრებულმა ტლინკების სროლა დავიწყე და ყროყინი.

ჩემს ცოლს არ იამა, გადამკრა მათრახი და მაქცია ძალღალღ. წაველ და ბოსლის კარებზე დავეგდე.

ამ დროს მეცხვარეებმაც გამოატარეს მარილაკიდებული ცხენები. სთქვეს: — რა კაი მურა ძაღლია, წავიყვანოთ, იქნება გამოგვადგესო. დამიძახეს: ტუგი, ტუგი! მეც ავღეკ და გავყე — ცოლის ცქერას, ისევ მეცხვარეებთან ყოფნა ვარჩიე.

ბინაზე რომ მიმიყვანეს, ერთი ნაკერი უმი ხორცი გადმომიგდეს. მე პირი არ ვახელი. მერე მომიხარშეს და მაშინ კი ვქამე.

იმ ლამეს, რაკი ნაქეიფრები იყვნენ, მეცხვარეებს მაგრად დასძინებოდათ, ნადირმა ძალიან მოიწია და ორი მგელი დავახრჩე. მეორე დღეს მეცხვარეებმა რომ ნახეს დამხრჩვალნი მგლები, ძალიან გაუვირდათ, მომიალერსეს და ამას იქით სულ ყაურმით დამიწყეს კვება.

ჩემი სახელი ძალიან შორს გავარდა!

იმ დროს ერთ ხელმწიფეს ერთი ვაყი ჰყავდა, თურმე ლამე ბინიდან ჩავა რალაც სულიერი, სცემს, აყვირებს, იმდენს ურტყამს, სანამ არ მიამკვდარებს.

ხელმწიფემ ყარაულები დაუყენა: ერთი იპოვეთ, რა სულიერი იაო! მაგრამ მუდამ ლამე ისევ ის აშპავი მეორედებოდა, დაჭერით კი ვერავენ დაიჭირა. გაეგოთ რომ ამა და ამ მეცხვარეებს ასეთი და ასეთი ძალღი ჰყავთო. შეჰოეთვალათ: რასაც გვთხოვთ, მოგცემთ, ოღონდ რამდენიმე ლამეს ხელმწიფის შვილს უდარაჯოსო.

მეცხვარეები აბა, რა უარს ეტყოდნენ, გამაყოლეს, თან შეუთვალეს, რომ თუ არა მოხარშულ ხორცს, სხვას არა სჭამსო. იმათაც წამიყვანეს და სულ მოხარკულები მაჭამეს. დამაბეს ხელმწიფის შვილის საწოლთან, სარკალის წინ.

შეღამემ რომ დაჭკრა, ფანჯარა რალაცამ შემომატერია, ეცა ხელმწიფის შვილს და დაუწყო უწყალოდ ცემა. მე მივევარდი, პირით ბუმბული გამოვავლიჯე, მინდოდა შემეშინებინა. მართლაც ის, რალაც სულიერი იყო, გულგახეთქილი წივილით გავარდა და წავიდა. აღარც მოსულა და აღარც. იმის შემდეგ ხელმწიფის შვილი გასაღდა და უწინდელივით სასლალაშათი გახდა.

ხელმწიფეს ამის შემდეგ უფრო დიდ პატივში ვყავდი; ძირს ოქროს ქეჩა გამიშალა და საჭმელს სულ მირჩევდნენ და ისე მაჭმევდნენ.

გავიდა ხანი. მართალია კარგ პატივში ვიყავი, მაგრამ მომბეზრდა ძალღად ყოვნა. ავდექე, წავილე ის ოქროს ქეჩაც, ვთქვი; ამ ქეჩას რომ მივეუტან, იქნება გული მოიბრუნოს ჩემმა ცოლმა და ისევ კაცად მაქციოს-მეთქი.

ჩემი მეზობელი და ცოლი ისევ ერთად არიან. ქეჩა ძალიან გაიხარეს: ყოჩაღ, მურიავ, ეს რა კარგი მოიტანე! კაი საქმე ვეყავიო! გადამკრა მათრახი და მაქცია გნოლად.

ავფრინდი და წაველ. ვიფარფატე, ვიფარფატე და ერთ-ათეულში შევეძვერი. მეორე დღეს მოვიდა ერთი გლეხი. მოიტანა ურემი და დაუწყო ათეულებს დება. მოვიდა იმ ათეულთან, სადაც მე ვიჯექი. ასწია ძნას, მტაცა ხელი და ჩამისვა უბეში. გაავსო ურემი, დაუჯდა ურემის თავზე და წავიდა შინ. ურემი სახლწინ რომ გაატარა, ცოლს დაუძახა:

— დედაკაცო, აჰა, ეს გნოლი, მეზობლის ბიჭებს დააკვლევინე, მომიხრაკე და სანამ მეც ძნას გადმოვცლი, ვკამ და წავალო!

დედაკაცმა მე ქვაბქვეშ დამამწყვდია, სხვა ვარია დააკვლევინა, მოუხრაკა და დაღვა ცეცხლაპირას.

— მოხრაკე, დედაკაცო? — შემოსძახა ქმარმა.

— მზად არის! — გასძახა დედაკაცმა. — მოდი, მიირთვიო! შემოვიდა, გაძღა მეურმე და წავიდა მინდორში.

დედაკაცი მოვიდა ჩემთან. გამომიყვანა ქვაბქვეშიდან, აიღო წალდი, მიმიყვანა კარის დირესთან, დამადებინა თავი დამიყვირა:

— დაგკლა, მურიკო?!

მე შიშით გული მისკდებოდა, მაგრამ რას ვეტყვი, ენა არა მქონდა.

მეორედ დამადო კისერზე წალდი და დამიყვირა:

— დაგკლა, მურიკო?!

მე ისეთი ვარ შიშით, ლამის დედაკაცის ხელში სული დავლიო. კიდევ მესამედ დამადირა წალდი და დამიყვირა:

— დაგკლა, მურიკო?! — მერე მითხრა, — ნუ გეშინიან, მე შენი ცოლის და ვარ, შენ რომ არ შემეკამე, როცა ხელმწიფის შვილის ოთახში შემოვიქერი, თუმცა კი შეგეძლო გაგეგლიჯე. მაგრამ შენ მხოლოდ ბუმბული გამომაგლიჯე! ის სიკეთე მახსოვს და იმ ჩემი წყეული დის ჯიბრზე მეც სიკეთე უნდა გიყო!

გადმომკრა მათრახი და ისევ კაცად მაქცია.

მერე მითხრა: — აი, წაიღე ეს მათრახი, შენი მეზობელი და შენი ცოლი ისევ სახლში დაგხედებიან, გადაჰკა ერთსაც და მეორესაც და რასაც მოისურვებ, იმად გადაიქცევიან. მერე როცა მორჩე, მათრახი აქვე მომიტანეო!



გამოვწიე სიხარულით. მოველ ჩემ სახლში. ჩემი ცოლი და ჩემი მეზობელი ერთად სხედან კერასთან და იცინიან. გადავკარ ერთსაც მათრახი, მეორესაც, თან დავატანე: — ერთი ქაკ ცხენად იქეცო და მეორე ულაყად მეთქი! გადავკარ თუ არა, მაშინვე ცხენებად იქცნენ: ერთი ქაკად, ერთი ულაყად. ახლაც სახლში მყვანან, აბა წამოდი და შენი თვალით ნახეო! გაუძღვა წინ გიორგი მონადირე და შეიყვანა ერთ ბოსელში. იქ ორი ცხენი ება, ერთი ქაკი და ერთი ულაყი. ორივე ზურგგადაღლებილები. დაინახეს თუ არა კაცები, მაშინვე შემოჰხეხინეს.


— აი, ეს ჩემი ცოლია და ეს მეზობელი, — უთხრა გიორგი მონადირემ, — დღეში ათჯერ ვკაზმავ, საპალნის ზიდვით წელებს ვწყვეტ და ვინცა მთხოვს, ყველას ვაჭირავენ. რაც ამათ დღე დამაყენეს, მეც სამაგიეროს ვუხდით.

გუშინ რომ წირვა მქონდა, ჩემი ცოლისა და მეზობლის გადავიხადეო...

— მართლა და საკვირველი შენ გადაგხედიო, — სთქვა მონადირემ.

გამოეთხოვა გიორგის და მადლობით წავიდა სახლში.





## ქვადქსეული ვაჟისა

იყო და არა იყო რა, იყო ერთი ხელმწიფე. დაბერდნენ და შვილი ენატრებოდათ. სიბერის დროს გაუჩნდათ ერთი ვაჟი. ისეთია ხელმწიფე, სულ ზედ დაჰკანკალებს, არავინ დამიწყევლოსო. გააკეთებინა ერთი მშვენიერი ოთახი, იქ შეიყვანა შვილი და იქ ასმევდა და აკმევდა. კარში სრულებით არ უშვებდა.

მზეს ძალიან შეუყვარდა ხელმწიფის შვილი. ამოვიდოდა თუ არა, მაშინვე ხელმწიფის ვაჟის თანჯარას მიანათებდა, შუქს პირდაპირ თვალებში მიაცენებდა და გააღვიძებდა. ადგებოდა ვაჟი, ჩაიცვამდა, დაიხურავდა და პირდაპირ თანჯრიდან მზისკენ წყალს გადაღვრიდა.

სწვინდა მზეს ვაჟის ეს საქციელი, მაგრამ რაკი უყვარდა, უთმენდა. უთმინა მზემ, უთმინა, მაგრამ რაკი ვაჟმა არ დაიშალა, მზემ დაჰკრა მათრახი და აქცია ქვად. დღე კვდებოდა და ღამე ცოცხლდებოდა.

ხელმწიფემ ერთ ტყეში ააშენებინა საყდარი და შიგ შუასვენეს ის ყმაწვილი. ამ ყმაწვილს შეეჩვია ერთი ქალი და ღამე სულ იმასთან იყო. ქალი დაორსულდა. ვაჟმა უთხრა:

— წადი მამაჩემთან, უთხარი, ასე-ასეა ჩემი საქმე და ერთი საქათმე მაინც გექნებათ და იქ მომალოგინეთ-თქო.

მივიდა მართლაც ხელმწიფესთან, მისცეს ერთი საბატე, ი მოილოგინა იმ ქალმა და ეყოლა ერთი მშვენიერი ვაჟი.

ერთ ღამეს მოვიდა ვაჟი და დაუძახა ცოლს:

— როგორ შენ და შენი ძეო?

— საბატეში მე და ჩემი ძე, ფანციფუნცი ქვეშ გვიძეესო! წავიდა გულნატკენი ხელმწიფის შვილი.

გაიგო ხელმწიფემ, რომ ჩემი შვილი აქ მოვიდაო; მაშინვე უბრძანა, გადაეყვანათ საუკეთესო ოთახში და ჩაეწვინათ ბავ-  
შვიც და იმის დედაც სულ ფარჩა და ბუმბულში.

მეორე ღამესაც მოვიდა ხელმწიფის შვილი და გარედან დაუძახა:

— როგორ შენ და შენი ძეო?

— კარგად მე და ჩემი ძეო! — გასძახა ცოლმა.

ხელმწიფემ უთხრა თავის რძალსა:

— როცა ჩემი შვილი კიდევ მოვიდეს, უთხარი, შემოდი და წყალი შომაწოდეთქო. ჩვენ იქ დამალულები ვიქნებით და ჭგები თვალთ მაინც დავინახოთო.

მესამე ღამეს მოვიდა ვაჟი და დაუძახა:

— როგორ შენ და როგორ შენი ძეო?

ქალმა გასძახა: — კარგად მე და ჩემი ძე. შემოდი, გენახე და წყალიც მოგვაწოდეთო.

შევიდა ვაჟი და შემოეხვივნენ დედა და ნამა. ზედაც გათენდა და იქცა ვაჟი ქვად.

თუ გათენება მოასწრობდა, აღარ გაცოცხლდებოდა.

ამის შემდეგ აღარ გაცოცხლებულა ხელმწიფის შვილი. ასეთებია ხელმწიფე, იმისი ცოლი და რძალი, რომ თავებს იხოცენ... ხელმწიფის შვილიშვილი ისეთია, თუ სხვა წლობით იზრდება, ის დღით იზრდება.

ერთხელ წყაროზე იყო და ერთ ბებერს ქვით კოკა გაუტეხა.

— დაწყევლით ვერ დაგწყევლი, შვილო, შენი პაპა ისეც უბედურია, მაკრამ შენამც წასულხარ და მამაშენისთვის გიშველიაო.

ბალლი დაღონდა. წავიდა დედასთან.

— რამ დაგაღონა, გენაცვალეთ? — ჰკითხა დედამ.

— სად არის მამაჩემი, დედილო, რატომ არ მეტყვიო?

— აგერ, ის ქვა არის მამაშენიო, — უთხრა დედამ, თან უპაპ-  
ბო მამის თავგადასავალი.

ვაჟმა სთქვა: — უნდა წავიდე და მამაჩემს ვუშვილოვო.

წავიდა მზის დედასთან. იარა, იარა და ერთ მინდორში  
მეგუთნეებს შეხვდა. გუთანიც, უღლებიც, ტაბიკებიც, აპეურე-  
ბიც, სულ რკინისაა. ხოცავენ ცხრა უღელ ხარსა და კამეჩს და-  
იქვე კი არიან, ერთ ნაფთევს ერთ დღეს უნდებიან.

— გამარჯვებათ! — უთხრა ვაჟმა.

— გაგიმარჯოს! — უპასუხეს, — სად მიდიხარ?

— მზის დედასთან!

— რათა? — ჰკითხეს.

ვაჟმა მიზეზი უთხრა.

მეგუთნეებმა სთხოვეს:

— ერთი ჩვენც გაგვიგე რამე, სულ ასე ხომ არ უნდა ვეწ-  
ვალოთო?..

— ძალიან კარგიო! — უპასუხა ვაჟმა გასცდა და წავიდა.

ბევრი იარა, თუ ცოტა, ერთ მინდორში მეცხვარეებს შეხ-  
ვდა. ისეთია ცხვარი, მატყლი მიწაზე დასტრევეთ, ცხვარი სიც-  
ხით იხოცება.

— გამარჯვებათ!

— გაგიმარჯოს! — უპასუხეს, — სად მიდიხარ?

— მზის დედასთან!

— ერთი ჩვენც შეგვიტყე რამე, თორემ ასე სულ ეშმაკის-  
მუშა ვხდებითო, — უთხრეს.

— ძალიან კარგიო! — უპასუხა ვაჟმა.

იმ ღამეს ვაჟმა იქ გაათენა. მეორე დღეს რომ გათენდა,  
წავიდა.

ბევრი იარა, თუ ცოტა იარა, ერთ ირემთან მივიდა. —  
ასეთია ეს ირემი, ცხვირი მიწაზე დაუდვია და რქა ცისათვის  
მიუბჯენია.

— ამიშვი, ირემო, უნდა ავიდე, მზის დედა ვნახო.

— კარგი, — უთხრა ირემმა, — მცც გამიგე რამე, ამოდენა-  
რქას რა ვუყო?

— ძალიან კარგიო!

ავიდა ვაჟი ირმის რქებზე და მივიდა მზის დედასთან.

— რა გაგკირვებია, შვილო, რისთვის მოსულხარო?

ყმაწვილმა უთხრა: — მამაჩემი მზისგან ქვად არის ქცეული და მოველ გავიგო, რაა იმისი წაალიო?

— ადვილია, შვილო, — უთხრა მზის დედა, — აქ მოიცადე ჩემი შვილი მოვა და ვკითხავო!

შეუბერა მზის დედამ, აქცია ხახვის ფურცლად და ტახტის ქვეშ შეაგდო. მოვიდა მზე.

— შვილო, — უთხრა დედა, — ქვეყანაზე დადხარ და ერთხელ არ მიაგებო, რა ხდება იქაო?

— დედი! ერთ ხელმწიფეს ერთი ვაჟის მეტი არა გააჩნდა რა. ძალიან მიყვარდა, მუდამ დილით იმას მივაშუქებდი ხოლმე, მაგრამ ის ადგებოდა, ჩაიცვამდა და ფანჯრიდან ჩემსკენ წყალს გადმოუშვებდა ხოლმე. ვუთმინე, ვუთმინე, მოსაკლავად კი ვერ გავიმეტე, დავკარ მათრახი და ქვად ვაქკენეტა იყოს ვინმე, ჩემი პირნაბანი წაუღოს, დაასხამს და მაშინვე გაცოცხლდება. ერთ ალაგას კიდევ მეგუთნებოდა. ყველაფერი რკინისა აქვთ, უპიათ ცხრა უღელი ხარკამეზი, სცევენ, ხოცავენ საქონელს, მაგრამ ისინი მარტო ცარიელ გუთანსაც ძლივს ერევიან და აბა, რას მოხნავენ? ყველაფერი ხისა გააკეთონ, მხოლოდ სახნის-საკვეთი იყოს რკინისა და ავეურები ბალნისა და მერე კარგად მოხნავენ. ერთ ალაგას კიდევ მეცხვარეებია. ისეთია ცხვარი, მატყლს მიწაზე ათრევს. დასცხებათ და იხოცებიან. იმათ რკინის ღუქარდი გააკეთონ, წელიწადში ორჯერ გაკრიჭონ და მერე იმდენ ცხვარს გაზრდიან, სათვალავი აღარ იცოდნენ. ერთი ირემია, რაც გაჩენილა, სულ ეზრდება რქები. ახლა ველარ ერევა, რომ ატაროს. მაისის წყალი დალიოს, გაიქნ-გამოიქნიოს და ძველი რქები გასცვივა.

გათენდა მეორე დილა. დაიბანა მზემ პირი, ჩაუახა მზის დედამ ჩარექაში ვაჟს მზის პირის ნაბანი და გაისტუმრა.

ჩამოვიდა ვაჟი ირმის რქაზე და მერე ასწავლა:

— მაისის წყალი დალიე, გაიქნ-გამოიქნიე თავი და რქები დაგცვივა!

ირემმა ასე ქნა და მართლა გასცვივდა რქები.

მერე მივიდა მეცხვარეებთან და როგორც მზემ ასწავლა, ისე ასწავლა ამათაც. გააკეთეს რკინის დუქარდი, გაკრიქეს ცხვარი, მატყლი მატყლად გამოიყენეს და ცხვარი უფრო გასუქდა და ველარც არაფერი სიცხემ დააკლო.

წამოვიდა და მოვიდა გუთნისდელასთან: ასწავლა იმათაც ისე, როგორც მზემ სთქვა. გააკეთეს ხის გუთანი, ხის უღლები, ბალნის აპურები, რკინისა მხოლოდ სახნის-საკვეთი დასტოვეს. გარეკეს ხარები და სულ დაარღვიეს დედამიწა. მას აქეთ გაძღნენ პურიით და საქონელმაც შედარებით მოისვენა.

მოიტანა შინ მზის პირისნაბანი, გადაასხა და გააცოცხლა თავისი მამა.

ქირი იქა და ლხინი აქა,  
ქატო იქა და ფქვილი აქა.





### მზახათუნის არაკი

იყო და არა იყო რა, იყო ერთი ხელმწიფე. ერთი ქალი სიბერეშილა მიეცა. კარებზე ერთი დიდი ქადარი ედგა. გაიყვანა თავისი ქალი და ირგვლივ შემოუტარა ხელმწიფემ და დაიძახა:

— ღმერთო! ეს ჩემი შვილი შენი ნათლული იყოს, სახელად მზახათუნა ერქვას და არავინ კი არ იცოდეს, ხოლო ვინც გამოიცნოს, მდიდარი იყოს თუ ღარიბი, იმას შევრთავო.

ისეთია ეს ქალი, ვინც წლით იზრდება, ის დღით იზრდება. ისეთი მშვენიერი ოქროსთმიანი ქალი გაიზარდა, რომ ბიჭებს სულ თვალი უდგებათ. ვინ იცის, რამდენი მიდის სათხოვნელად, მაგრამ სახელი ვერავენ ვერ გამოიცნო. ერთ დღეს ხელმწიფის კარებზე ბერიაკის სახით მოვიდა ერთი წყეული, ხელში რკინის ჯოხი უქირავს და ფეხებზე რკინის ქალამნები აცვია. გამოვიდნენ ნაზირ-ვეზირნი და ჰკითხეს: — რა გნებავსო?

— შვილი მყავს დასაქორწილებელი და მინდა ხელმწიფის ქალი ვუთხოვო და სახელსაც გამოვიცნობო!

გამობრძანდა ხელმწიფე და ჰკითხა:

— მაშ რა ჰქვიან ჩემ ქალსაო?

— სამი დღე დამაცადე, დიდებულო ხელმწიფევე, და მოგახსენებო!

რა დაცდა უნდოდა, განა არ იცოდა, რაც ერქვა, მაგრამ

ყასიდად მოიქცა ასე! აკი ქალმა გაიგო ესა, დაიწყო ტირილი, შევიდა თავის მამის თავლაში, იქ ორპირად ება რაშები.

სულ ყველაზე ბოლოს ება ერთი შესახედავად უხვირო კოქლი რაში. იმან ამოიღვა ენა და უთხრა:

— ნუ გეშინიან, ბატონის ქალო, მე გიშველი. მხოლოდ შენ წადი და ჩემი და შენი სამყოფი საგძალი წამოიღე, თან ერთი დანა, სავარცხელი და ჩარეკით ძმარიც წამოიღეო.

ქალი ისე მოიქცა, როგორც რაშმა დაარიგა. ქალმა შეკმანა რაში, მოუქირა მოსართავეებს და მოახტა ზედა. ასე გაფრინდა ეს კოქლი რაში, როგორც ფრინველი.

მეორე დღეს წარდგა ის ბერიკაცი ხელმწიფის წინაშე და გამოიცნო ქალის სახელი. ნახეს ქალი, აღარსად არის. ეშმაკი მაშინვე დაედევნა უკან.

რაშმა ატარა, ატარა და გაიყვანა ერთ ტრიალ მინდორზე. ქალს უთხრა:

— აბა, მიიხედე, მოჩანს ვინმე, თუ არაო?

მიიხედა ქალმა და სთქვა:— ყორნისტოლად რაღაც მოჩანსო!

— ნუ გეშინიან, შენ მაგრა დამკარიო!

— ვაიმე, აგერ გამოჩნდა, ლამის დაგვეწიოსო, — უთხრა ქალმა.

— ნუ გეშინიან, გადააგდე დანაო, — გადააგდო ქალმა დანა. გაჩნდა მთები და ხეები. იარეს დიდხანს, იარეს, გავიდნენ ერთ ტრიალ მინდორზე. რაშმა უთხრა:

— აბა, გაიხედე, ხომ არავინ მოჩანს?

გაიხედა ქალმა: — ყორნის ტოლად მოჩანს!

— ნუ გეშინიან, მათრახი მომიმატე!

— აგერ დაგვეწიო, — დაუძახა ქალმა.

— გადააგდე სავარცხელიო!

გადააგდო ქალმა სავარცხელი და გაჩნდა ისეთი ტყე, ბუწკნარი და უკალი, რომ ბუზი ვერ გაფრინდება.

ეშმაკი ძალიან შორს დარჩა, მაგრამ მეორე დღეს ისევ დაეწიათ.

— ახლა კი ჩარეკა გადაისროლე, რაც შეიძლო ძალიან უკანო, — უთხრა რაშმა.



ქალმა გადაისროლა, მაგრამ შიშით ახლოსვე ჩაუვარდა. ვაჩნდა საშინელი ზღვა. რაშს უკანა ფეხები ზღვაში დარჩა, მაგრამ ისკუბა და გაღმობტა მშრალზე.

იარეს და მოვიდნენ აღმოსავლეთის ხელმწიფის კარზე. წყეული კი შუა ზღვაში დარჩა, იქ ერთი ბოძი იღვა და იმაზე დაიბუღა.

ქალი ვაჟურად ჩაცმული მივიდა ხელმწიფის სასახლესთან და ვეზირს მოახსენა: ხელმწიფეს მოახსენეთ, რომ ამა და ამ ხელმწიფის შვილია და ორიოდე დღით მისტუმრეთ-თქო.

ხელმწიფემ დიდი სიამოვნებით მიიღო, ვახშამი მიაართვა და ცალკე ოთახი მიუჩინა. ხელმწიფეს ერთი ვაჟი ჰყავდა, ქალზე რალაც თვალი მიუვიდა და დედას წასჩურჩულა:

— მაგ სტუმარს ქალის იერი უფრო აქვს, ეგ ვაჟს არა ჰგავსო!

მეორე დღეს ხელმწიფის შვილი სანადიროდ წასასვლელად მოემზადა და სტუმარსაც კაცი გაუგზავნა: სანადიროდ ხომ არ წამობრძანდებითო?!

წავიდნენ სანადიროდ, მაგრამ ისეთია ეს ქალი თავის რა-შით, რომ ვილას აცლის! ხელად წამოეწევა ნადირს და შუა-შუა ჰკაფავს. ხელმწიფის შვილმა და იმისმა მხლებლებმა ისე დააღამეს ის დღე, რომ ვერაფერი ვერ მოკლეს.

სალამოზე გაგოლისებულმა ხელმწიფის შვილმა წამოუარა ქალს და ქედში ხმალი წამოჰკრა:

— რათ შეგვარცხვინე და დაგვამცირე მაგრეო?

ქალს ქუდი გადმოუვარდა და ოქროს თმა ჩამოეშალა ბე-ჭებზე. მოუბრუნდა ქალი, დაუკრა ხმალი ხელმწიფის შვილის ცხენს და შუაზე გააწყვეტინა. თვითონ კი შემოჰკრა რაშს და მოჰკურცხლა.

იარეს, იარეს და ერთ მალალ მთასთან მივიდნენ. იქ ჩამობტნენ და დაისვენეს. ამათ, რასაკვირველია, მოსდევნენ ხელ-მწიფის შვილიც და იმისი ამაღაც.

რაშმა უთხრა ქალს:—ეგ ვაჟი შენი იღბალია, მოკლენ, შე-მოგვეხვევიან, ჩაუხუი, შეუტეი, ორჯერ გაფანტე და მესამედ ჰმალე ძირს დადე და შეურიგდიო!..

მართლაც, ასე მოხდა. შემოეხვია ჯარი, ქალმა ორჯერ გაფანტა, მერე ხმალი დადო და შეურიგდა. მოვიდა ხელმწიფის შვილი და ცოლობა სთხოვა. ქალი დათანხმდა და იქიდანვე შინ დიდის ამბით წაიყვანეს. გამართეს ქორწილი, ლხინი და ქეიფი.

გავიდა ერთი წელიწადი. აღმოსავლეთის ხელმწიფეს დასავლეთის ხელმწიფესთან ომი მოუხდა. აღმოსავლეთის ხელმწიფე მოხუცებული იყო და ამიტომ ჯარის სარდლად შვილი გაგზავნა. ხელმწიფის შვილმა კოქლი რაშის წაყვანა მოინდომა. რაშმა უთხრა:

— მოდი, ნუ წამიყვან, შენ ცოლს ისეთი მტერი ჰყავს, რომ შეიძლება შეამთხვიოს რამეო! — მაგრამ ხელმწიფის შვილმა არ დაიშალა.

— რაკი არ იშლი და მიგყევარ, — უთხრა რაშმა, — მაწ სადაც ვიყო, ტოკვა თუ შეეკენ, დაბმული ვიქნები თუ ფეხებში ბორკილი მედოს, მალე ამიშვით და შემიხსენით, თორემ გვიანდა იქნებაო.

გამომეშვიდობნენ ერთმანეთს, ვაჟი ომში წავიდა, ქალი სახლში დარჩა.

გავიდა ცხრა თვე. ქალს ოქროსქოჩრიანი ვაჟი ეყოლა. ხელმწიფემ შავარდენს შეაბა წერილი და შვილს გაუგზავნა. სწერდა: შენი ცოლი მშვიდობით გადაარჩა და ოქროსქოჩრიანი ვაჟიცა გყავსო.

შავარდენმა იმ ღამეს ვერ მიაღწია ხელმწიფის შვილამდის. ზღვაში დაუღამდა და, სადაც ეშმაკი იჯდა, აკი იმ ბოძზე არ დაჯდა?!

დადლილ შავარდენს დაეძინა. მიეპარა ეშმაკი, ყელზე შებმული წიგნი შეხსნა და დახია, სხვა დაწერა, რომ შენს ცოლს გველ-ბაყაყები ეყოლაო, და ის შეაბა ყელზე. შვილს ეწყინა. მაგრამ მამას მაინც მისწერა: ჩემს მოსვლამდის ყველას კარგად გაუფრთხილდიო! ეს წერილიც შავარდენს შეაბა ყელზე.

შავარდენმა როგორც იქიდან დაისვენა შუა ზღვაში, ახლაც იმ ბოძზე დაიძინა. ეშმაკი კიდევ მიეპარა, ეს წერილი დახია

სხვა დაწერა, რომ სანამ მოვიდოდე, ჩემი ცოლი თავის შვილით თონეში ჩაწვითო.

ძალიან შეაწუხა შვილის წერილმა მოხუცებული მეფე და დედოფალი. ვერ წარმოედგინათ, თუ შვილი რად იმეტებდა ცოლ-შვილს თონეში ჩასაწვავად. ბევრი იტირეს, ბევრი ივახვახეს, მაგრამ რას იზამდნენ, უნდა აესრულებინათ შვილის მონაწერი. გაახურებინეს ძალზე თონე, რძალს უბრძანეს, რომ ჩადი შენი შვილით და ისეირნეო. ქალი რომ სასეირნოდ ჩავიდა, როცა თონესთან მივიდოდა, უნდა ეკრათ ხელი და ჩაეწვათ თონეში.

ჩავიდა ქალი თავის ოქროსქოჩრიანი ვაჟით და დასეირნობს ეზოში. რა იცის რას უპირებენ? ის რომ იქ დასეირნობს, ესენი კიდევ კაცს ეძებენ, ვინც ხელი უნდა ჰკრას და თონეში ჩააგდოს, მაგრამ არავინ არ გამოჩნდა იმისთანა. მეფე დაღონებული გასცქერის აივნიდან.

ამ დროს მოვიდა ერთი მოხუცი კაცი, თურმე ის ეშმაკი გამოსულა ზღვასა. ხელმწიფეს თავდაბლად თავი დაუკრა და მოახსენა:

— რას დაღონებულხარ, დიდებულო ხელმწიფე, რა გაგკირებიაო?!

— როგორ რას დაღონებულვარ, ბერიკაცო, აბა შეხე იმ ჩემ რძალსა და შვილიშვილს, რა მშვენიერებია! ჩემი შვილი კი მწერს: გაახურებინე თონე და ორივენი შიგ ჩაწვითო! აბა, შენა სთქვი, ამათ განა ჰკუათამყოფელი კაცი გაიმეტებს დასაწვავათ? კაციც არ არის, რომ ეგვნი თონეში ჩააგდოს, ისე უყვარს ყველას და მოსწონსო!

— რას იქო, — მოახსენა ბერიკაცმა — იმ წყეულმა, — რაკი თქვენს შვილს მოუწერია, უნდა აასრულოთ, თქვენ რაში გენანებათ, თუ თვითონ იმეტებს, თუ ამსრულებელი ვერ გიშოვნია და აი, თუ მიბრძანებთ, მე თვითონ ავასრულებო.

ამის თქმა და ბრძოლის ველზე რაშის შეტოკება ერთი იყო, თურმე ორივე ფეხით ხეზე მიკრული უბიათ. რაშმა რომ ტოკვა და ჰიხვინი იწყო და წევა, ერთი კი მიაპრეს, მეორე ველარ მოასწრეს. რაშმა მოიგლიჯა ფეხი და გაფრინდა ქალისაკენ.

უცებ მოვარდა თონესთან, დაავლო ეშმაკ ბერიკაცს პირი და შიგ თონეში ჩააყუდა. შეისვა ქალიც, იმისი შვილიც ზურგზე და გაფრინდა. საით მიდიოდნენ, თვითონაც კი არ იცოდნენ. ბევრი სიარულის შემდეგ, რაში შედგა და ქალს უთხრა, — ჩამოსულიყო. ქალი ჩამოხტა. ერთი დუზი მინდორია, ის არის დაღამდა კიდევაც.

— ნუ გეშინიანთ, — უთხრა რაშმა, — მე მოკვდები, შენ დამქერ ასო-ასო და ამარიგე და ჩამარიგე მინდორზე. თქვენ ჩემ ტყავში შეეხვიეთ ამაღამ და დილაზე ღმერთი საზრდოს თვითონ მოგცემთო.

ქალი ისე მოიქცა, როგორც რაშმა დაარიგა. გაატყავა რაში, იმისი ხორცი აარიგ-ჩაარიგა, მითანტ-მოფანტა, მერე თვითონაც ტყავში შეეხვივნენ და დაიძინეს.

გაშენდა ამ ტრიალ მინდორზე მშვენიერი ქალაქი, წყაროებითა და შადრევნებით შემკული. დააყენეს ქალი ხელმწიფედ და დაიწყეს ბედნიერი ცხოვრება.

ქალმა დაახატვინა თავისი სახე, წყაროსთან დააკიდებინა, დაუყენა დარაჯი. და უბრძანა:

— ვინც ამ სურათის დანახვაზე ამოიოხროს, ფიცხლავ დაიქირეთ და ჩემთან მოიყვანეთო.

ხელმწიფის შვილი გამარჯვებული დაბრუნდა სახლში, მაგრამ ის შენ მტერს, რაც იქ ამბავი დახვდა. ბევრი იდარდა, ბევრი იცემა თავში, მაგრამ რალას უშველიდა.

ადგა ხელმწიფის შვილი, ჩაიცვა ძველი ტანისამოსი და გულხელდაკრეფილმა გასწია საძებნელად.

ბევრი იარა, თუ ცოტა იარა, მოვიდა ამ ქალაქთან. წინათაც ყოფილა ამ მინდორზე, მაგრამ აქ ქვიშისა და რიყის მეტი არა იყო რა, ახლა კი ასეთი აყვავებული ქალაქი გაშენებულა, ბაზარი გამართულა, წყაროები და შადრევნები ამოდის. ძალიან გაუკვირდა, შევიდა ქალაქში და დაუწყო ქალაქს თვალიერება.


დაიღალა და იმ წყაროსთან მივიდა დასასვენებლად, სადაც იმისი ცოლის სურათი ეკიდა. ვაჟმა ყურადღებით დაუწყო თვალიერება თავის ცოლის სურათს, იცნო და ერთი ისეთი

ამოიოხრა, რომ კინლამ გული თან ამოაყოლა. სტაცეს დარა-  
ჯებმა ხელი და წაიყვანეს ხელწიფესთან.

იცნეს ცოლმა და ქმარმა ერთმანეთი, გადაეხვივნენ ერთმა-  
ნეთს და დიდხანს ჰკოცნიდნენ. ამის შემდეგ წავიდნენ, დედა  
და მამაც აქ მოიყვანეს და დაიწყეს ბედნიერად ცხოვრება.

აი ელასა, მელასა,  
ქიქა მეკიდა ყელასა...  
მთქმელსა და გამგონებელსა,  
ძილი გაამოთ ყველასა.





ხელმწიფის შვილს ქალი რომ არ მისთხოვდა, სანამ ხელობას ჰ  
არ ისწავლიო

იყო ერთი ხელმწიფე, ჰყავდა ერთი შვილი. ხელმწიფე და-  
ბერდა და შვილის დაქორწილება მოინდომა. ხელმწიფის შვილ-  
მა უთხრა თავის მამას:

— სოფლები დამატარეო და ვინც მომეწონება, იმას შე-  
ვირთავო.

წაიყვანეს, მოატარეს, მაგრამ არავინ მოეწონა.

ბოლოს ერთი საწყალი კაცის ქოხის წინ ერთი ქალი ნახა.  
ხელმწიფის შვილს ის ქალი ძალიან მოეწონა. ქალს უთხრა:

— უნდა ცოლად გამომეყეო!

— ჩემი დედა და მამა აქ არ არიან, სალამოზე მოვლენ  
და თვითონ იციანო, — უთხრა ქალმა.

მოუცადა ხელმწიფის შვილმა. მოვიდნენ გლეხი და იმისი  
ცოლი.

— უნდა თქვენი ქალი მე მომათხოვოთო, — უთხრა ხელ-  
მწიფის ვაჟმა.

— აბა, ჩვენ რა შენი საკადრისები ვართ, თუ გნებავთ,  
მოსამსახურედ გამოგყვებითო.

— ხელობა იცი რამეო? — ჰკითხა ქალმა ხელმწიფის შვილს.

— არაფერი! არაფერი! და ხელმწიფობა ხელობა არ არისო? —  
უპასუხა ვაჟმა.

— დღეს შეიძლება ხელმწიფედ იყო, ხვალ აღარ, მერც

რილათი გნებავს იცხოვრო? წადი, ერთი რამე ხელობა ისწავ-  
ლე და მერე მოგთხოვდებიო!

დაღონდა ხელმწიფის შვილი: ასე უცებ ხელობა როგორ  
ვისწავლოვო?

წავიდა მამასთან: — ესეა, ესე ჩემი საქმე და როგორ მო-  
ვიქცეო?

დაიბარა ხელმწიფემ ყველა ხელოსნები. დურგალსა ჰკითხა:

— რამდენ წელიწადს ასწავლი შენს ხელობას?

— ხუთს!

— უჰ, ხუთ წელიწადს ის ქალი კიდევაც გათხოვდება და  
მერე რაღად მინდაო? — სთქვა ვაჟმა.

ზოგმა ოთხი უთხრა, ზოგმა სამი, ზოგმა ორი, ზოგმა მე-  
ტი. ბოლოს ერთი მენაბდე წამოდგა წინა:

— მეც ხელოსნებში ვიხსენები, მე მომბარეთ, ერთ დღე  
და ღამეს ვასწავლიო.

მართლაც გაჰყვა ხელმწიფის შვილი და ისწავლა ნაბდების  
თელვა. შეირთო ის ქალი და დაიწყეს ტბილად ცხოვრება.  
ხელმწიფე რომ მოკვდა, ის დაჯდა ტახტზე.

ერთხელ სთქვა: — მოდი წავალ, დავივლი ჩემს ქვეყანას,  
იქნება რა უჭირს ხალხს, ან რა ულხინს; რას ამბობს ჩემზე  
ქვეყანაო.

ჩაიცვა უბრალოდ და წავიდა. ერთ ქალაქში ჩამოიარა:  
ისეთი საქმლის სუნი მოუვიდა, რომ მეტი აღარ შეიძლება.  
სთქვა:

— მე ამდენსა ვხარჯავ მზარეულებზე, ასეთ საქმელს ვერ  
შიმზადებენ, აბა, ჩავალ ვნახავ, როგორ აკეთებენო.

ჩავიდა ერთ სარდაფში. კაცის ხორცს აბუყუებენ. ხელმწი-  
ფემ უთხრა: — მოიტათ, ერთი კერძი დამისხითო.

დაუსხეს. რომ შექამა, ამ ურჯულოებს ჰკითხა: — ამ სარ-  
დაფში რა არისო? ახადეს და ჩააგდეს შიგა. სამი სხვა კაცი  
იყო იქ დამწყვდეული.

— ზე ხვალ დამკლავენ! — უთხრა ერთმა.

— ძე ზეგ, — სთქვა მეორემ.

— მე მაზეგ, — სთქვა მესამემ, — შენ რაკი მსუქანი ხარ,  
ჰვირას დაგკლავენო.

შეწუხდა ძალიან ეს ხელმწიფის შვილი. როცა ისინი დაკლეს და ჯერი იმაზე მიდგა, ხელმწიფის შვილმა უთხრა:

— მე ისეთ ნაბადს მოვთელავ. რომ ორას თუმნად გაყიდით. იმის ყიდვას ვერავინ შესძლებს, თუ არა ამა და ამ ხელმწიფის ცოლი!

მიუტანეს მატყლი. ისეთი მშვენიერი აყვავებული ქეჩა მოთელა, რომ თვალს მოსტაცებს კაცსა. ყვავილსა და ყვავილს შუა დააწერა: ამა და ამ ქალაქში, ამა და ამ ქუჩაზე ვარ ასეთ გაქირვებაში, ამ ორ დღეში თუ არ მიშველეთ, მე რე გვიანლა იქნებაო.

დაიდო ურჯულომ ეს ქეჩა თავზე და მიიტანა ხელმწიფის ცოლთან. გაჰოართვა ქეჩა, წაიკითხა ზედ, რომ ამისთანა და ამისთანა გაქირვებაში ვარ და თუ ორ დღეში არ მომეშველებით, მომკლავენო. მისცა ორასი თუმანი ხელმწიფის ცოლმა და წავიდა ურჯულო.

ის რომ წავიდა, თვითონაც დაუძახა ჯარისკაცებს და შორიხლოს გაჰყვა ურჯულოსა. ხელმწიფის ცოლმა შემოარტყა ჯარი ამ დუქანს და დაარიგა:

— მე შიგ ჩავალ და ჯამს გავტებ, როცა ხმა გაიგონოთ, მაშინვე წამოდითო.

ჩავიდა ხელმწიფის ცოლი. დაასხმევინა ერთი კერძი, დაახეთქა ძირს ჯამი და გატება. მაშინვე ჩაიჭრნენ სარდაფში ჯარისკაცები, დაიქირეს ურჯულოები და სულ დახოცეს. ხელმწიფე გაანთავისუფლეს და წამოიყვანეს.

ცოლმა უთხრა: — აბა, ახლა შენ რომ ხელობა არა გცოდნოდა, შენი ხელმწიფობა რას გიშველიდა, დაგკლავდნენ და შეგკამდნენო.

წამოვიდნენ და იცხოვრეს ბედნიერად.

ამის შემდეგ ძალიან ხელს უწყობდნენ ხელოსნობის გავრცელებას ხალხში.

კირი იქა, ლხინი აქა,  
ქატო იქა, ფქვილი აქა.





## ჩსგავინსა ლა შეგირღისა

იყო და არა იყო რა, იყო ერთი კაცი და დედაკაცი, ჰყავდათ ერთი შვილი. როცა ბიჭი წამოიზარდა, ცოლმა უთხრა ქმარსა:

— წაიყვანე, შიებარე საღმე ხელობაზედაო.

წაიყვანა კაცმა ის ვაჟი საღმე ხელობაზე შეგირდად მისაბარებლად. ბევრი იარეს, თუ ცოტა იარეს, მივიდნენ ერთ წყაროსთან და დაისვენეს. დაიბანეს ხელ-პირი და დალიეს. მამამ რომ დალია წყალი, სთქვა: — ახ, რა კაი წყალი ხარო!

ამ დროს წყლიდან ამოძვრა ერთი კაცი და უთხრა:

— აი, მე გახლავარ ახრაკაი, რა გნებავს, რისთვის მეძახდი?

— მე შენ არ გეძახდი, — უთხრა კაცმა, — მე წყალი დავლიე და წყალს ვუთხარ: ახ, რა კაი წყალი ხარ-მეთქი!

— მაინც სად მიხვალ? — ჰკითხა ახრაკამ.

— ეს შვილი მიმყავს, მინდა ხელობაზე საღმე მივებარო შეგირდად, — უთხრა კაცმა.

— მოდი, მე მომებარე, წლის თავზე მოდი და თუ იცან შენი შვილი, წაიყვანე, თუ ვერ იცან და მე დამრჩებაო!

— ძალიან კარგიო! — უპასუხა კაცმა.

ბიჭი იქ დარჩა, კაცი შინ წავიდა. გავიდა წელიწადი. მოვიდა კაცი შვილის წასაყვანად. დალია წყალი და სთქვა:

— ახ, რა კაი წყალი ხარო!

გამოვიდა ახრაკა და წაიყვანა კაცი თავის ბინაზე. თერთმეტი შეგირდი სხვა ჰყავდა, მეთორმეტე ის იყო. შეგირდები ყველანი ერთმანეთს ჰგავდნენ. კაცმა ვერ იცნო შვილი, შვილმა კი იცნო მამა.

ახრაკას ერთი გასათხოვარი ქალი ჰყავდა. ყველაზე მეტად ქალს იმ კაცის ვაჟი უყვარდა. მამა რომ მოუვიდა, ქალმა დაიბარა იმ კაცის ვაჟი და ერთი სხვა შეგირდი, დაარიგა:

— სადილად რომ დასხდებით, თქვენ ერთი იქით მიუჯექით მამაშენს, ერთი აქეთ. შენ მამაშენს საესევი ჰქვია დაუსხი, შენ კიდევ ნაკლული. მამაშენს ეგრე უთხარი, ყური გიგდოთ და მაშინ გიცნობს. როცა გიცნობს, მამაჩემი გკითხავს:

— რა ისწავლე ჩემგან? შენ ეტყვი: შენ რა იცოდი, მე რა უნდა მესწავლა-თქო?

სუფრაზე რომ დასხდნენ, შვილი ჰქვას აუვისებს, ის მეორე ნაკლულად დაუსხამს. იცნო მამამ შვილი, ახრაკას აბა, რას ესიამოვნებოდა? ბიჭსა ჰკითხა:

— რა ისწავლეო?

— შენთვის რა იცოდი, მე რა უნდა მესწავლაო! — უთხრა ბიჭსა. მერე გზა დაულოცა ოსტატმა და გაისტუმრა.

წავიდნენ მამა და შვილი. შვილმა უთხრა:

— იარე და მოგეწევიო!

მიბრუნდა ჯაგებში, იქცა ოქროს ცხვრად, გამოვარდა, გაურბენს და გამოურბენს მამას წინა. დასდევს მამა დასაქვრად. შევარდა ისევ ჯაგებში, იქცა ისევ ბიჭად და გამოვიდა მამასთან.

მამამ უთხრა: — სად იყავ შვილო? ერთი ოქროს ცხვარი გამოვარდა ჯაგებიდან, ვდიე, ვდიე, მაგრამ ვერ დავიჭირეო?

— ალბათ, ჩვენი იღბალი არ იყო და ვერ დავიჭირეო!

ამ დროს თავადიშვილები მოდიან სანადიროდ.

შვილმა უთხრა მამასა:

— მამა, მე ეს ხელობა ვისწავლე: რათაც მინდა ვიქცევი. ახლა აი, თავადიშვილები რომ მოდიან, მწვევრად ვიქცევი და შემოგვეპარებიან. რომ გკითხონ: ჰყიდიო? ვყიდი-თქო! დაგა-

ფასებიონონ, სამოც თუმნად დამაფასე. თოკი კი არ გამატანო  
თანაო.

იქცა მწვევრად. ისეთია სულ თითის ფრჩხილებზე ღგება.  
ჩამოიარეს თავადიშვილებმა:

— კაცო, მწვევარს არა ჰყიდი?

— ვყიდი, ბატონო!

— რა ღირსო?

— სამოცი თუმანიო!

მისცეს სამოცი თუმანი და წაიყვანეს. მოსამსახურეები თო-  
კიანად ართმევდნენ. ბერიკაცი არ ანებებდა. მერე თავადი-  
შვილებმა უთხრეს:—აჩუქეთ ეგ თოკი, შავით რა იქნებაო!

წაიყვანეს. გზაზე ერთი კურდღელი გამოუვარდათ. გამო-  
უდგა მწვევარი, დაიჭირა და მოუყვანა. მეორეც ასე დაუჭირა.  
მესამეს რომ დაუსიეს, შეჰყვა ტყეში, იქცა ბიკად, მოეწია  
მამას და წავიდნენ გზასა.

იარეს, იარეს და ერთი ხელმწიფის სახლთან მოვიდნენ.  
შვილმა უთხრა მამასა:

— ოქროს ცხვრად ვიქცევი, წამიყვანე და ხელმწიფის კა-  
რებზე გამატარე და გამომატარე. გეტყვიან: როგორ აძლეეო?  
შენ უთხარი: ას თუმნად-თქო. მოგცემენ. თოკი კი თან არ  
გამატანოვო.

მისცეს ასი თუმანი. ბიჭები თოკს ართმევდნენ, მაგრამ  
ხელმწიფემ დაუშალა: — გაუშვით წაიღოსო.

შეიყვანეს ცხვარი ხელმწიფის სასახლეში. როცა ფეხის  
ხმა მისწყდა, იქცა ბიკად და წამოვიდა. დაეწია მამას.

— მე ჯორად ვიქცევი, შენ ზედ შემჯექ და ამატარე და  
ჩამატარე ქალაქში, აღვირი კი თან არ გამატანოვო.

გაუგია ოსტატს, რომ ჩემ შეგირდს ჩემი ხელობა გაუტა-  
ნიაო. წამოვიდა და შეხვდა ამ კაცსა.

— ჰყიდი, ბერიკაცო, მაგ ჯორსა?

— ვყიდი!

— როგორ აფასებო?

— სამას თუმნადო!

მისცა და გამოართვა ჯორი. აღვირს არ ანებებდა, მაგრამ

ძალით წაართვა. შეჯდა, დაჰკრა მათრახი და ცას მიაკრა-  
კარგად რომ მოფეთქა, თავის სახლში წაიყვანა. მიაკრა ხეზე  
და ხმაღს ლესვა დაუწყო, თავი უნდა მოეჭრა.

სანამ ის ხმაღს გაღვსავს, ქალი მივიდა. წააძრო თავიდან-  
აღვირი, იქცა ბიჭად და გაიქცა.

ოსტატმა ნახა, რომ ჯორი იქ აღარ ება. გამოუდგა უკან.  
მოიხედა ბიჭმა. ხედავს ოსტატი საცაა დაეწევა, იქცა ვაშ-  
ლად. ხელმწიფის შვილს ქორწილი ჰქონდა. ნეფეს კალთაში  
ჩაუვარდა. ოსტატი იქცა დანად და ვაშლში ჩაერქო. შეგირდი  
იქცა ფეტვად და გაიფანტა. იქცა ოსტატი კრუხად, დაახვია  
წიწილები და დაუწყეს ფეტვს კენკა. იქცა შეგირდი ნემსად,  
გაუძვრა ქვეშ და წავიდა. იქცა ოსტატი ძაფად, გაეყარა ყუნ-  
წში და გაჰყვა თან.

შეგირდმა დაინახა, მინდორში მწყემსებს ცეცხლი უნთიათ.  
გაიარა ნემსმა ცეცხლში და ოსტატი ცეცხლში დასწვა.

იქცა ვაჟად და წამოვიდა. მოვიდა ოსტატის სახლში, ქალს  
უთხრა:


— შენ იმდენი სიკეთე მიყავი, რომ მე ვერაფრით გადა-  
გიხდი, შენ და იყავ, მე—ძმაო.

— არა, — უთხრა ქალმა, — შენ ქმარი და მე ცოლიო!

ძალიან გაეხარდა. შეირთო ცოლად. დანარჩენი შეგირდები  
ყველა თავ-თავის სახლში გაგზავნა. რაც ქონება ჰქონდათ,  
წაიღეს თან. დაიწერეს ჯვარი და დაიწყეს ტკბილად ცხოვ-  
რება.

ჭირი იქა, ლხინი აქა,  
ქატო იქა, ფქვილი აქა.





## ნაბიჭვრიშვილისა

იყო და არა იყო რა, იყო ერთი სოფელი. ამ სოფელში ერთი მეტად დიდი ხე გაიზარდა, ასე რომ მთელ სოფელსა ჩრდილავდა. იმის ჩრდილის გამო აღარაფერი მოსავალი აღარ მოდიოდა. შელონდა სოფელი და თქვა: ეს ხე თუ არ მოვჭერით, აქ აღარ გვეცხოვრებაო.

წავიდა სოფელი. სკრეს, სკრეს და ვერ მოსკრეს. დაღამდა, გათენდა, ისევ ისე გამთელებულია ეს ხე. ასე, დღე სკრიდნენ და ღამე ისევ მთელდებოდა. რაკი ველარაფერს გახდა სოფელი, წავიდნენ ხელმწიფესთან და მოახსენეს, რომ ჩვენ სოფელში იმისთანა ხე გაიზარდა, რომ ყველაფერსა ჩრდილავს, ვჭრით და ვერ მოვჭერით, გვიშველე რამეო.

ხელმწიფემ დაიბარა მთელი სოფელი და იმ ხის ქვეშ მოაგროვა.

— აბა, ვის შეგიძლიათ ამ ხეზე ასვლაო?

ვერავენ ვერ გაბედა.

ბოლოს ხელმწიფემ იკითხა:

— ყველანი აქ არიან, აღარავინ აკლიაო?

ხალხმა უთხრა:

— არავინ არ დარჩა, მარტო ერთი ნაბიჭვრიშვილიღააო.

— გასწით, ისიც მოიყვანეთო! — უბრძანა ხელმწიფემ.

წავიდნენ და მოიყვანეს. ავიდა ნაბიჭვრიშვილი და ნახა, რომ ხის კენწეროში ერთი საყდარია. შევიდა საყდარში და კარებს უკან დაიმალა.

მოვიდა ერთი მტრედი და შემოჯდა საყდარზე. მიეპარეს ბიჭი, სტაცა ხელი და დაიქირა.

მტრედმა უთხრა:

— შენ რა სულიერი ხარო?

— მე ნაბიჭვრიშვილი ვარ და ხელმწიფემ ამომგზავნა, გავიგო, რა არის ამ ხის კენწეროზეო.

— გამიშვიო, — შეეხვეწა მტრედი, მაგრამ ნაბიჭვრიშვილმდარ გაუშვა. წამოიყვანა თავისთან. იქცა მტრედი ქალად, ისეთია რომ იმაზე ლამაზი ქვეყანაზე არავინ იქნება.

ვაჟმა უთხრა:

— ღარიბი ვარ, მაგრამ თუ შენი ნება იქნება, შენ — ცოლი და მე — ქმარიო!

— ძალიან კარგიო!

ქალმა ინატრა: ისეთი სახლები დადგი ამ იდგილას, რომ ხელმწიფესაც არა ჰქონდესო!

მაშინვე ისეთი სახლები დაიდგა, რომ ხელმწიფეს არც კი ენახა, განამლაც თუ ჰქონოდა.

ერთხელ ნაბიჭვრიშვილმა უთხრა ქალს:

— ხელმწიფის დაპატიება მინდა და რას იტყვიო?

ქალმა უთხრა:

— თუ შენი თავისთვის კარგი გინდა, ნუ შეეცდები მაგ. საქმესაო.

ვაჟმა არ გაუგონა და დაჰპატიჟა ხელმწიფე.

მოვიდა თუ არა ხელმწიფე, შეხედა ამ სახლებსა და თქვა: ეს ბიჭი ისეთი ღარიბი იყო, რომ მქადის ლუკმაც ენატრებოდა და ამისთანა სახლები ვინ მისცაო?!

შეიწვიეს ხელმწიფე. დააბრძანეს მშვენიერ ხალიჩაზე. გაშალეს სუფრა. გადასწერა პირჯვარი ქალმა და იგეთი საქმელები გაიშალა, რომ ხელმწიფეს თავის დღეში არ ენახა. ხელმწიფეს ძალიან შეშურდა, გაბოროტდა, ადგა და პურუქმელი წავიდა შინ. მივიდა სასახლეში და უბრძანა მოსამსახურეებს:

— წადით და აქ მოიყვანეთ ნაბიჭვრიშვილიო.

წავიდნენ მოსამსახურეები და მოიყვანეს ნაბიჭვრიშვილი. ხელმწიფეს უნდოდა იმისი ცოლი თვითონ დარჩენოდა და მიზეზი მოუღო:

— თუ იგეთ ქვაბს მოიტან, რომ იმაში მოხარშული ხორცი ჩემმა საყმო-საბადებელმა ჭამოს და ნახევარი ისევ დარჩეს, მაშინ შენი ცოლი შენ დაგრჩეს, თუ არა და — მეო.

ნაბიკვრიშვილი წამოვიდა სახლში დაღონებული. მივიდა თავის ცოლთან და ეუბნება:

— ნეტავ გამეგონა შენი სიტყვა და ხელმწიფე არ დამეპატიენაო!

— მაინც რა გითხრაო? — ჰკითხა ქალმა.

— ხელმწიფემ მითხრა, თუ იგეთ ქვაბს მოიტან, რომ იმაში მოხარშული საკმელი ჩემმა საყმო-საბადებელმა ჭამოს და ნახევარი ისევ დარჩეს, შენი ცოლი შენ დაგრჩეს, თუ არა და — მეო.

— ნუ გეშინიან, — უთხრა ცოლმა, — ადი იმ ხეზე, საიდანაც მე ჩამომიყვანე და დაიძახე: ჩემო სიდედრო და სიმამრო! თქვენმა ქალმა გამომგზავნა, თქვენ რომ პაწკია ქვაბი გაქვთ, გაშოგზავნეთო, და შენ კი გამობრუნდიო.

წავიდა ვაჟი, ავიდა იმ ხეზე და დაიძახა:

— ჩემო სიდედრო და სიმამრო, თქვენმა ქალმა გამომგზავნა, პაწკია ქვაბი რომ გაქვთ, გამომიგზავნეთო. — და გამობრუნდა.

გათენდა თუ არა, ქვაბი იმის სახლში იდგა. აიღო და წაიღო ხელმწიფესთან. გააკეთებინა საკმელი ხელმწიფემ, აქამა თავის საყმო-საბადებელს და ნახევარი კიდევ დარჩათ.

კიდევ მოუმიზეზა ხელმწიფემ:

— იგეთი ყარფუზი მოიტანე, რომ ჩემმა საყმო-საბადებელმა ჭამოს და ნახევარი ისევ დარჩესო.

წამოვიდა ვაჟი დაღონებული. დაფიქრებული რომ ზის, ცოლმა ჰკითხა:

— რამ დაგალონაო?

ვაჟმა უთხრა:

— ხელმწიფემ მიბრძანა, იგეთი ყარფუზი უნდა მომიტანო, რომ მთელმა საყმო-საბადებელმა ჭამოს და ნახევარი ისევ დარჩესო!

— ნუ გეშინიან, — უთხრა ცოლმა, — ადი იმ ხეზე, საიდანაც წამომიყვანე, დაიძახე: ჩემო სიდედრო და სიმამრო! თქვენ-

მა ქალმა გამომგზავნა, მანდ რომ პატარა გოგრაა, ის გამო-  
მიგზავნეთო, და ფიცხლავ გამობრუნდიო.

ავიდა ნაბიჭერიშვილი იმ ხეზე და დაიძახა:

— ჩემო სიდედრო და სიმამრო! თქვენმა ქალმა გამომ-  
გზავნა, მანდ რომ პატარა გოგრაა, ის გამომიგზავნეთო. — და  
იმწამს გამობრუნდა.

გათენდა მეორე დღე და სახლში კი დახვდა. აიღო და წაუ-  
ლო ხელმწიფესა. ხელმწიფემ აქამა თავის საყმო-საბადლებელს,  
მაგრამ ნახევარი ისევ დარჩათ.

ხელმწიფეს უთხრა თავის ცოლმა:

— იგეთი მოუგონე რამ, რომ ვერ აგისრულოსო!

— აბა, იგეთი რა მოუგონო?

— ის მოუგონე, რომ მამაჩემს საიქიოს ბეჭედი გაჰყვა და  
შვიდი დღის განმავლობაში მომიტანე-თქო.

ხელმწიფემ დაიბარა ნაბიჭერიშვილი და უთხრა:

— მამაჩემს საიქიოს ერთი ნატერის ბეჭედი გაჰყვა, ის  
მომიტანე შვიდი დღის განმავლობაშიო!

მოვიდა შინ დაღონებული ნაბიჭერიშვილი.

ცოლმა ჰკითხა:

— რამ დაგაღონაო?

— ხელმწიფემ ასე მითხრა: საიქიოს მამაჩემს ნატერის ბე-  
ჭედი გაჰყვა, თუ შვიდი დღის განმავლობაში იმ ბეჭედს მო-  
მიტან, შენი ცოლი შენ დაგრჩეს, თუ არა და—მეო!

ცოლმა უთხრა:

— აკი გითხარ, ნუ დაჰპატიჟებ, თორემ ინანებ-მეთქი. აბა,  
ახლა რაღა ეშველებმა! მაინც ნუ გეშინიან, აღი იმ ხეზე, საი-  
დანაც მე წამომიყვანე და დაუძახე ჩემ დედ-მამას: ჩემო სი-  
დედრო და სიმამრო, თქვენმა ქალმა გამომგზავნა, მანდ რომ  
პატარა კვიცია, გამომიგზავნეთო და იმწუთას გამობრუნდიო.

წავიდა ნაბიჭერიშვილი. ავიდა იმ ხეზე და დაიძახა: ჩემო  
სიდედრო და სიმამრო! თქვენმა ქალმა გამომგზავნა, მანდ რომ  
პატარა კვიცია, ის გამომიგზავნეთო! და გამობრუნდა მაშინვე.

მეორე დღით ცხენი უკვე მზად იყო. შეჯდა ნაბიჭერი-  
შვილი და წავიდა. იარა, იარა და მიაღდა ერთ ყორულს: იღგა  
შიგ ერთი ხარი და ბლარდა.



ვაჟმა ჰკითხა:

— მაგოდენა ბალახია, შიგ იმალები და რატომ არა სუქ-  
ლებიო?!

— ამვლელი ბევრი მინახავს და ჩამომვლელი კი არა. გაი-  
არე და როცა გამოივლი, მაშინ გეტყვიო.

ვაჟმა იარა, იარა და მიაღმა ერთ რაყეს. შუა რაყეში  
ისეთი მსუქანი ხარი დგას, რომ მაღლია იმის შეხედვა.

ხარს უთხრა:

— აგე იქ ყორულში ერთი ხარი სიგამხდრით ლამის მოკ-  
ვდეს, თუმცა ბალახი თავზე საყრელი აქვს და შენ კი ცარიელ  
რიყეზე ასე მსუქანი ხარ. რამ გაგასუქა მაგრემო?

— ამვლელი ბევრი მინახავს, — უთხრა ხარმა, — და ჩამომ-  
ვლელი კი არა, გაიარე, გამოიარე და მაშინ გეტყვიო.

გასცდა ამასაც ვაჟი და წავიდა.

იარა, იარა და მიაღმა ერთ თონეს. თონეზე ორი დედა-  
კაცი იდგა და აცხობდნენ პურსა. ერთი იდგა და ყვიროდა:

— პური მშია, პური მშიაო!

ვაჟმა უთხრა:

— პურს აცხობ და რალას იძახი, მშია, ეგე პური და კა-  
მე, ეგ როგორ არის შენი საქმეო?

— გავლილი ბევრი მინახავს და გამომვლელი კი არავინ, —  
უთხრა დედაკაცმა, — გაიარე, გამოიარე და მაშინ გეტ-  
ყვიო!

იარა ვაჟმა, იარა და მიაღმა ერთ ადგილს. ერთ კამეჩის  
ტყავზე ერთი ცოლ-ქმარი იწვნენ და ეჩხუბებოდნენ ერთმანეთს:  
იქით მიიწიეს!

ვაჟმა ამათაც ჰკითხა:

— როგორ არის თქვენი საქმე, რომ ერთ კამეჩის ტყავზე  
წივხართ და კიდევ ვერ ეტყვითო?

— გამვლელი ბევრი გვინახავს, გამომვლელი კი არაო, —  
უთხრეს ცოლ-ქმარმა, — წადი, გაიარე, გამოიარე და მერე  
გეტყვიო.

იარა, იარა ვაჟმა და ნახა, რომ ერთ ცულას ტარზე ერთი  
ცოლ-ქმარი წევს და კიდევ ადგილია დანარჩომებულნი.

ვაჟმა იმათაც ჰკითხა:

— ეგ როგორ არის, რომ აგერ იქ გამოვიარე, ერთი ცოლ-ქმარი კამერის ტყავზე წვანან და კიდეც არ ეტევიან. თქვენც უკულის ტარზე წვეხართ და კიდეც ადგილი გაქვთ დანარჩომებულს?

— გამვლელი ბევრი გვინახავს და გამომვლელი კი არა, — უთხრეს ცოლ-ქმარმა, — გამოიარე და მაშინ გეტყვიან.

იარა, იარა და მიადგა ერთ ღრატეს. თურმე სამოთხეში შემსვლელმა ეს ღრატე უნდა გაიაროს. დაღონდა ვაჟი:

— როგორ უნდა გადავიდეთ?

ცხენმა უთხრა:

— ნუ გეშინია. ერთი ისეთი დამკარ, რომ სამი შოლტი ტყავი ამძვრეს და სამი პირი ტყავი შენ ხელებიდანაო.

გადაჰკრა ვაჟმა მათრახი. აფრინდა ცხენი და მივიდა სამოთხის კართან. ჩამოვიდა ვაჟი, გამოაძრო რაშს ძუა და გაუშვა!

წავიდა სამოთხეში და დაუწყო ხელმწიფის მამას ძებნა და იპოვა. ნაბიჭვრიშვილმა მოახსენა:

— შენმა შვილმა გამომგზავნა. მამაჩემს საიქიოს ერთი ნატერის ბეჭედი გაჰყვა და ის მომიტანეო.

ხელმწიფის მამამ მიუგო:

— ასე უთხარ ჩემ შვილსა: არ მოგასვენა ღმერთმა-თქო. მანდ ვიყავ, შენგან მოსვენება არა მქონდა და არც აქ მასვენებ-თქო?

მისცა ერთი მუჟა ფეტვი და უთხრა:

— ეს ფეტვი შეაყარე და უთხარი: შენ იქვეც კურდღლად და შენი ნაზირ-ვეზირები ნწვევრებად, გამოგიდგნენ, დაგიპირონ და შეგკამონ-თქო.

გამობრუნდა ნაბიჭვრიშვილი. გამოხსნა ცხენის ძუა და რაში იმწამს იქ დაიბადა. გადააჯდა და გამოსწია.

იარა, იარა და მიადგა იმ ადგილს, ცოლ-ქმარი რომ ცულის ტარზე იწვნენ. იმათ უთხრეს:

— ჩვენ იმ ქვეყანაშიაც გვიყვარდა ერთმანეთი, უერთმანეთოდ ვერც იქა ვძლებდით და აქაც ასე ვართო.

იარა, იარა და მივიდა იმ ადგილს, ცოლ-ქმარი რომ კამე-  
ჩის ტყავზე იწვნენ და კიდევ არ ეტეოდნენ.

ვაჟმა ჰკითხა:

— აბა, ახლა მითხარით, რათა ხართ მაგრეო?

— ჩვენ იმ ქვეყანაშიაც ერთმანეთი გვეჯავრებოდა და აქაც  
გვეჯავრებო.

ვაჟმა გასწია და მივიდა იმ ადგილას, ორი დედაკაცი,  
რომ პურს აცხობდა, ერთი იმათგანი რომ იძახოდა: პური  
მშიაო.

იმასაც ჰკითხა: — აი, ახლა მითხარი, რად იძახი მაგრეო?

— ასე იმიტომ ვარ, რომ იმ ქვეყანაში ასეთი ჯოჯოხეთი  
ვიყავე პური რომ მეცხო, ერთ ლუქმას არავის მოეუტეხავდიო.

გასცდა ამათაც ვაჟი. იარა, იარა და მოვიდა, რიყეზე რომ  
ხარი იდგა და სიმსუქნით კანი ასკდებოდა.

— როგორ არის შენი საქმე, რომ მომწვარ რიყეზე მშიერი  
დგებარ და მაგრე მსუქანი კი ხარო?

— იმ ქვეყანაში უღელში მოღალატე არ ვიყავ და აქაც  
ასე ვარო.

იარა ვაჟმა და მიაღვა იმ ყორულს, შიგ რომ ხარი იდგა  
და კიდევ ბლაოდა.

ვაჟმა ჰკითხა:

— როგორ არის შენი საქმე, მაგოდენა ბალახში შიგა  
დგებარ, კიდევ გამხდარი ხარ და ბლავიო?

— იმ ქვეყანაშიაც ჩემს მეუღლეს ვლალატობდი და აქაც  
იმიტომ ვარ ეგრეო.

შესრულდა მეშვიდე დღე და კიდევაც მოვიდა ნაბიჭვი-  
შვილი ხელმწიფესთან და უთხრა:

— მამაშენმა დამაბარა: შენ იქვეც კურდღლად, შენი ნა-  
ზირ-ვეზირი მწვევრებად, გაიქეც, გამოგიდგნენ, დაგიკირონ და  
შეგქამონო.

შეაყარა ფეტვი თუ არა, ხელმწიფე იქცა კურდღლად,  
იმისი ნაზირ-ვეზირები მწვევრებად, გამოუდგნენ, დაიკირეს და  
გაფლითეს.

ხელმწიფის ცოლიც იმას დარჩა და მისი საცხოვრებელიც-

ქირი იქა, ლხინი აქა,  
ქატო იქა, ფქვილი აქა.



## კომბლენი

იყო და არა იყო რა, იყო ერთი კომბლე. იმასა ჰყავდა სამი ცხვარი, გარეკა ტყეში, ცხვრებს თავი გაანება და თვითონ დაჯდა, კომბლებს კეთება დაუწყო. კაცებმა ჰკითხეს:

— კომბლე, რა სულ კომბლებს აკეთებო?

კომბლემ უპასუხა:

— მე ეს ხელობა ვიცი და ამან უნდა მაცხოვროსო.

მერე გაიღო ერთი დიდი კომბალი მხარზე და წავიდა საძებნელად. მიადგა ერთ მგლის სოროს და დაუძახა:

— შენ შეჭამე ჩემი ცხვრებიო?!

— არაო!

— აბა, პირი დააღე, კბილებში ჩაგრჩენია ხორციო.

მგელმა უთხრა:

— ოღონდ ნუ მომკლავ და ბედსა გწევო!

— რა ბედსაო?

— აგე, აქ მეცხვარეებს ბევრი ცხვარი ჰყავთ, იმ ცხვარში ერთი ოქროს ბატკანი ჰყავთ, იმ ოქროს ბატკანს მე მოვიტაცებ და სულ ყველანი მე დამედევნებიან, შენ მოუარე და გარეკეო.

წავიდა მგელი და მოიტაცა ოქროს ბატკანი. სულ ყველანი იმას დაედევნენ. მოუარა კომბლემ ცხვარსა და გარეკა.

კომბლეს კაცები შემოჰხედნენ და უთხრეს:

— კომბლე, შენ სამი ცხვარი გყავდა, მაგრე როგორ გაამრავლე ერთ თვეშიო?

კომბლემ უთხრა:

— ტყეში გავუშვი და გამრავლებულანო.

იმათაც იყიდეს სამი ცხვარი, გაანებეს ტყეში თავი და წამოვიდნენ შინ. ერთი თვის შემდეგ წავიდნენ საძებნელად. ცხვრები უნდა ეპოვათ, მაგრამ ცხვრები მგელს შეეპაძა.

წამოვიდნენ შინ და სთქვეს:

— რა ვუყოთ კომბლესაო?

— სახლი დავუწვათო!

დაუწვეს სახლი. კომბლემ გაანელა ცეცხლი. აიღო ერთი საცალო ნახშირი, დაახურდავა სამი მანეთი და გადააშალა. ნახშირს მოჰკრა პირი, აიკიდა საცალო, წაიღო. მივიდა ხაზინასთან და უთხრა კომბლემ ხაზინის ყარაულს:

— ამალამ აქ დამაყენეთ და ეს საცალოც შემიწახეთო.

— დადექიო.

იმ ღამეს იქ იყო. მეორე დილა გათენდა და უთხრა კომბლემ ხაზინის ყარაულს:

— ჩემი საცალო მომეციო.

მოუტანეს საცალო. კომბლემ გახსნა და ნახა. მერე შარი მოუდო:

— მე საცალო ფულით სახეს მქონდა და თქვენ ნახშირი ჩაგიყრიათ და ზევიდან თეთრი ფული გადაგიშლიათ; აუ მომცემთ, მომეციო, თუ არა და, წავალ ხელმწიფესთან გიჩივლებთო.

— ოღონდ ნუ გვიჩივლებ ხელმწიფესთან, აგივსებთ ფულით და გაგატანთო. — აუვსეს ფულით და გაატანეს.

კომბლემ მოიტანა შინ ფული და ჰკითხეს კაცებმა:

— კომბლე, შენ ნახშირი წაიღე და ფული მოიტანეო?

— სახლი დავწვი, ნახშირი გავაქრე, წავიღე და ფულზე გავცვალეო.

დაწვეს იმათაც თავიანთ სახლები, აიღეს ნახშირი, ჩაყარეს საცალოებში და დაჰქონდათ სოფელში და იძახოდნენ:

— ნახშირი ფულზეო!

ნახშირზე ფულს ვინ გაუცვლიდა და აკი არავინ გაუცვალა. წამოვიდნენ შინ და სთქვეს:

— რა ვუყოთ კომბლესაო?

— ცოლი მოვეუკლათო!

მოუკლეს ცოლი.

კომბლემ წამოიღო თავისი ცოლი და მივიდა ერთ კაცთან.

— ამ კაცს ჰყავდა სამი ქალი, ძალიან კარგები. უთხრა კომბლემ:

— ამაღამ აქ დამაყენეო.

— დადექიო.

თვითონ შინ მივიდა და თავისი მკვდარი ცოლი გარეთ მიიყუდა.

ჰკითხეს: — იქ ვინღა დგაო?

— ჩემი ცოლი. ჰკვირანია, სცხვენიან და იქ დადგა. წადით, ხელი მოსქიდეთ და წამოიყვანეთო.

წავიდა ერთი ქალი, ხელი მოსქიდა და გადაიქცა. მერე შინ მივიდა ქალი და უთხრა თავის მამას:

— ხელი მოვქიდე, გადაიქცა და მოკვდაო.

წამოხტა კომბლე და დაუწყო ჩხუბი:

— ჩემი ცოლი ცოცხალი იყო, რად მომიკალით? თუ მომცემთ, მომეცით ერთ-ერთი ქალი, თუ არა და წავალ, ხელმწიფესთან გიჩივლებთო.

— ოღონდ ნუ გვიჩივლებ ხელმწიფესთან და აი ამ სამ ქალს დაეამწკრივებ და რომელიც გინდა, აიყვანეო.

დამწკრივდნენ სამივე ქალი და რომელიც მოეწონა, აიყვანა და წაიყვანა.

შინ რომ მიიყვანა, ჰკითხეს:

— კომბლე, შენ მკვდარი ცოლი წაიღე და ცოცხალი ვინ მოგცაო?

— მკვდარს ცოცხალზე სცვლიანო.

დახოცეს თავიანთი ცოლები, წაიღეს სოფლებში და იძახიან: მკვდარი ცოცხალზეო. მკვდარზე ცოცხალი არავენ არ გაუცვალა, წამოვიდნენ შინ და სთქვეს:

— რა ვუყოთ კომბლესაო?

— მოვკლათო.

წამოვიდნენ, უნდა კომბლე მოეკლათ, მაგრამ კომბლემ უთხრა:

— ოღონდ ახლა ნუ მომკლავთ და მე თვითონ მოგვე-  
ვლევინებითო.

წავიდა კომბლე მინდორზე, გასკრა სამი თხრილი, მერე  
წაიყვანა ორი კაცი, წააღებინა თან ხმლები. შუა თხრილში  
კომბლე დადგა, აქეთ-იქით ის კაცები დააყენა, ხმლები დაა-  
ქვრინა და უთხრა:

— როცა დაეიყვირო, მაშინ შემომკარით ხმლებიო.

უცებ დაიყვირა, თვითონ თხრილში ჩახტა და იმ კაცების  
ხმლები ერთმანეთს მოხვდათ და ორივენი დაიხოცნენ. კომბლე  
კი მშვიდობით გადარჩა.

ქირი იქა, ლხინი აქა,  
ქატო იქა, ფქვილი აქა.





## მ ზ ე ჭ ა ბ უ კ ი ს ა

იყო და არა იყო რა, იყო ერთი ხელმწიფე, ჰყავდა ერთ-მზეთუნახავი ქალი. ამ ქალს ხელმწიფე არას აკმევედა ხოხობის მეტსა. ქალს თავის დღეში მზე არ ენახა.

ერთხელ ხელმწიფე სანადიროდ წავიდა და დაუგვიანდა. ხელმწიფე მობრძანდა და მოუტანა ქალს ხოხობი. შეუგზავნა მამამ ქალს კერძი, ქალმა კერძი გარეთ გამოისროლა და ფანჯარა გამოტეხა. ქალმა მაშინ დაინახა, რომ ქვეყანაზე მზე ყოფილიყო. დაუძახა ნაზირ-ვეზირსა და ხალიჩა გააფენინა. გამოვიდა ქალი გარეთ.

ერთმა პატარა ყმაწვილმა ახლოს ჩამოურბინა. ამ ყმაწვილს ხელში ერთი წითელი ვაშლი ეჭირა და მოიძახოდა:

— ამ ვაშლს მზეჭაბუკის ნახევარი ლოყის სიწითლე აქვსო.

ქალმა უთხრა ნაზირ-ვეზირს:—წადით და იმ ყმაწვილს ვაშლი წაართვითო.

წავიდა ნაზირ-ვეზირი, წაართვა ყმაწვილს ვაშლი და მოუტანა ქალს, ქალმა შალა ააგდო და ვაშლი დაიჭირა. მისცა ქალმა ვაშლი ნაზირ-ვეზირსა და გაატანა ყმაწვილთან. ყმაწვილი გაიქცა და წაიღო. ამ ქალს გულში ჯავრი ჩაუვარდა. მამამ უთხრა:

— რადგანაც მაგრე ჯავრი ჩაიგდე, მაინც აქამდის შვილი არა მყოლია და დამეკარგეო.

წავიდა ის ქალი. ბევრი იარა თუ ცოტა, მივიდა ერთ რკინის ქალაქში. იმ ქალაქიდან გამოვიდნენ რკინის ქალები, რკი-



ნის კოკები ედგათ მხარზე და რკინის წყაროზე მიდიოდნენ.

იმ ქალმა უთხრა:

— რკინის ქალებო, რკინის კოკები მხარზე გიდგიათ, რკინის წყაროზე მიდიხართ, მზეკაბუკის ამბავი ხომ არ გაგიგიათო?

იმათ უპასუხეს:

— არ გაგიგიაო.

წავიდა ის ქალი. ბევრი იარა, ცოტა იარა, მივიდა ერთ სპილენძის ქალაქში. იმ ქალაქიდან გამოვიდნენ სპილენძის ქალები, სპილენძის კოკები ედგათ მხარზე და სპილენძის წყაროზე მიდიოდნენ.

იმ ქალმა უთხრა:

— სპილენძის ქალებო, სპილენძის კოკები მხარზე გიდგიათ, სპილენძის წყაროზე მიდიხართ, მზეკაბუკის ამბავი ხომ არ გაგიგიათო?

ქალებმა უპასუხეს:

— არ გაგიგიაო.

წავიდა ის ქალი. ბევრი იარა, თუ ცოტა იარა, მივიდა ერთ ვერცხლის ქალაქში. იმ ქალაქიდან გამოვიდნენ ვერცხლის ქალები, ვერცხლის კოკები ედგათ მხარზე, ვერცხლის წყაროზე მიდიოდნენ.

იმ ქალმა უთხრა:

— ვერცხლის ქალებო, ვერცხლის კოკები მხარზე გიდგიათ, ვერცხლის წყაროზე მიდიხართ, მზეკაბუკის ამბავი ხომ არ გაგიგიათო?

ქალებმა უპასუხეს:

— არ გაგიგიაო.

ის ქალი წავიდა. ბევრი იარა, თუ ცოტა იარა, მივიდა ერთ ოქროს ქალაქში. იმ ქალაქიდან გამოვიდნენ ოქროს ქალები, ოქროს კოკები ედგათ მხარზე, ოქროს წყაროზე მიდიოდნენ.

იმ ქალმა უთხრა:

— ოქროს ქალებო! ოქროს კოკები მხარზე გიდგიათ, ოქროს წყაროზე მიდიხართ, მზეკაბუკის ამბავი ხომ არ გაგიგიათო?

იმ ქალებმა უპასუხეს:

— არ გაგვიგიაო.

მერე იმ ქალმა ოქროს ქალაქში დაიგირავა ერთი აბანო. ხალხს აბანებდა და მზეკაბუკის ამბავს ჰკითხავდა.

ერთხელ ერთ პატარა ყმაწვილს ეტირნა. დედ-მამას ფული არ მიეცა, რომ აბანოში შესულიყო. ქალმა გააბანა ყმაწვილი აბანოში და მზეკაბუკის ამბავი ჰკითხა.

ყმაწვილმა უპასუხა ქალს:

— მზეკაბუკთან მე ვიყავი, ქაჯებს ჰყავთ ტყვედ მოტაცებულიო.

ყმაწვილმა წაიყვანა ის ქალი მზეკაბუკთან და აჩვენა.

მზეკაბუკს შეედგა საარაყე ქვაბები და ქაჯებს საკმელს უხარშავდა. ვაჟმა მისცა იმ ქალს ხორცი და უთხრა:

— გასწი და წადიო!

ქალმა უპასუხა:

— მე შენი გულისთვის ვარ წამოსული და სად უნდა წავიდეო?

მზეკაბუკს ცალკე ოთახი ჰქონდა და ის ქალი იმაში შეიყვანა. მოვიდნენ ქაჯები. მზეკაბუკმა პური აჭამა და ქაჯები ისევ წავიდნენ.

მზეკაბუკი შევიდა ქალთან. გაუკეთა თავისი ბეჭედი და გაგზავნა თავის დედ-მამასთან.

წავიდა ის ქალი და მივიდა მზეკაბუკის დედ-მამასთან და უთხრა:

— ორი-სამი ღამე დამაყენეთო. ვაჟის დედ-მამამ შეიყვანეს ოთახში, მისცეს სასმელ-საკმელი და დააყენეს.

რომ დაღამდა მოვიდნენ ქაჯები. მზეკაბუკმა ვახშამი მიართვა და ისევ წავიდნენ.

მერე წავიდა ვაჟი და ქალს დაუძახა:

— ეთერ დედოფალო!

ქალმა გამოსძახა:

— ბატონოო!

ვაჟმა დაუძახა:

— მშვიდობითაო, — და წავიდა.

მეორე დღეს ვაჟის დედ-მამა შევიდნენ ქალთან და შეიტ-  
ვეს, რომ იმ ღამეს მზექაბუკი იქ ყოფილიყო.

მზექაბუკმა აჭამა კიდევ ქაჯებს პური, წამოვიდა ქალთან  
და დაუძახა:

— ეთერ დედოფალო!

ქალმა დაუძახა:

— ბატონო!

— როგორ შენ და შენი ძეო?

— ჩულას მე და ჩალას შენი ძეო!

— ოხრად დაურჩეს მზექაბუკის დედას მზექაბუკის ოქროს  
აკვანი, რომ იმისი ძე შიგ არ უწევს; ოხრად დაურჩეს მზექა-  
ბუკის მამას თავისი ოქროს ტახტი, რომ იმისი შვილის მეუღ-  
ლე ზედ არ უწევს! — დაუძახა ქალს, — მშვიდობითო! — და  
წავიდა.

მზექაბუკის დედ-მამამ გაიგეს, რომ ის ქალთან ყოფილიყო  
და თავიანთ ოთახში შეიყვანეს. მესამე ღამეს მივიდა ვაჟი და  
დაუძახა:

— ეთერ დედოფალო! როგორ შენ და შენი ძეო?

ქალმა დაუძახა:

— კარგად მე და შენი ძეო! აბა, ერთი შემოდი, შინ  
არავინ არის და წყალი მომაწოდო.

შევიდა უმაწვილი და მიაწოდა. მისცვივდნენ დედ-მამა და  
კარები მიუკეტეს.

გათენებისას მზექაბუკს ქაჯების მოლოდინი რომ ჰქონდა,  
უთხრა:

— მე მომიტანეთ ერთი კონა ჯარჯი, როგორც მე ვარ,  
ისე მოვრთავ, დავწვამ და ქაჯებსაც შიგ ჩავატანო.

მოუტანეს დედ-მამამ ერთი კონა ჯარჯი, ის ჯარჯი ისე  
მორთო, როგორც თვითონ იყო. გაახურებინა საკირე, ჩააგდო  
შიგ. მოცვივდნენ ქაჯები, ჩაცვივდნენ შიგ, ვითომ უნდა ამოეყ-  
ვანათ და შიგ კი დაიწვენენ.

შერე ის ვაჟი დედ-მამასთან დარჩა და იქ იცხოვრა.

კირი იქა, ლხინი აქა,

ქატო იქა, ფქვილი აქა.



### ერთი მანეთის ხაშით დამარხული მკვლარი

იყო და არა იყო რა, იყო ერთი კაცი, ის კაცი ღამით მუშაობდა, ღლისით კი ისე იჯდა. ღამე ქსოვდა თითო მანეთის ხაშს. მეორე ღღეს წაიღებდა და მანეთად ჰყიდდა.

ერთხელ შეიღს გაატანა გასაყიდად. შეიღმა რომ წაიღო ხაში გასაყიდად, დაინახა, რომ კაცებს მკვლარი მოაქვთ და სცემენ.

ვაჟმა რომ დაინახა სცემდნენ, უთხრა:

— რათა სცემთო?

— ჩვენი მანეთი ჰმართებს და იმისთვის ვცემთო.

ვაჟმა უპასუხა:

— აჰა, ეს ხაში. არც გაზომვა უნდა, მანეთისა არის და ეგ მკვლარი მე მომეცითო.

გამოართვეს ხაში და წავიდნენ.

ყმაწვილმა წამოიღო მკვლარი და წამოვიდა. შინ რომ მოვიდა, მამას უთხრა:

— მამილო, ვისაც ის ხაში მივეყიდე, იმან მითხრა: ერთი მანეთის ხაშიც წამოიღე და ორ მანეთს ერთად მოგცემო.

მისცა მამამ მანეთის ხაში და წამოვიდა. იმ ხაშით იყიდა კუბო, მერე შემოსა, ჩააცვა, დახურა და ის მკვლარი კარგად დამარხა. შინ რომ მივიდა, გარეთ დადგა.

ღედ-მამა ამბობდნენ:

— რატომ ის ყმაწვილი არ მოვიდაო?

ამ დროს დედა გარეთ გამოვიდა და დაინახა კარებთან ატუზული ყმაწვილი. შვილმა უთხრა:

— იმ ფულით მკვდარი დავმარხე და შინ ველარ მოვსულვარო!

— უჰ, შვილო, მამაშენი მოგკლავსო!

შვილმა უპასუხა:

— დედილო, საგზაოდ ცოტა ფული მომეციო.

მისცა დედამ ფული და წავიდა გზაზე. უკან ერთი ბიჭი დაეწია და უთხრა:

— დაძმობილდეთო.

დაძმობილდნენ და წავიდნენ.

ცოტა იარეხს, თუ ბევრი იარეხს, მივიდნენ ერთ ქალაქში. რომელმაც მკვდარი დამარხა, იმან უთხრა თავის ძმობილს:

— წავალ, ძმობილო, იქნება მგზავრად ვიყო და დამიგვიანდეს, — გზებს გავიგებო.

ძმობილმა უთხრა:

— წადიო.

წავიდა და მივიდა ერთ ხელმწიფესთან. ამ ხელმწიფეს ჰყავდა ერთი მზეთუნახავი ქალი.

ხელმწიფემ უთხრა:

— შენ რა სულიერი ხარ? ჩემი ქალის შიშით დაბლაკინეკელას ვერ გაუვლია და ზეცაში ფრინველს, შენ აქ რისთვის მოხვედიო?

ვაემა უპასუხა:

— ორ სიტყვას გეტყვი. თუ შენ ის სიტყვა ვერ ამოხსენ, შენი ქალი მე დამრჩესო!

ხელმწიფემ უპასუხა:

— სთქვიო!

ვაემა უთხრა:

— ჯერ ძმობილთან მივალ, დავეკითხები და ხვალ დილაზე მოვალო.

წავიდა ის ვაჟი თავის ძმობილთან. მეორე დღეს ძმობილმა ერთი ხელსახოცი გაატანა და უთხრა:

— კარებთან რომ შეხვიდე, ეს ხელსახოცი კარებთან დადე, რომ გითხრან ილაპარაკეო, შენ უპასუხე: ჩემს მაგივრად ხალიჩამ ილაპარაკოს-თქო.

წავიდა ის ვაჟი, მივიდა ხელმწიფესთან. ხელსახოცი კარებთან დადო.

ხელმწიფემ უთხრა:

— ილაპარაკეო.

ვაჟმა უპასუხა:

— თუ თქვენი ნებაც იქნება, ჩემს მაგივრად ხალიჩამ ილაპარაკოსო.

ხალიჩამ დაუძახა:

— ჩვენო ბატონო და პატრონო, მსურს, რომ მაგ ვაჟის მაგივრად მე ვილაპარაკოო.

ხელმწიფემ უპასუხა:

— გსურს და მსურს; მაშ ილაპარაკეო.

ხალიჩამ თქვა:

— სამი ამხანაგი მოდიოდა: დურგალი, დერციკი და მღვდელი. გზაზე დაუღამდათ. გააკეთეს ერთი ქოხი და შიგ შევიდნენ. გამოვიდა დურგალი და გააკეთა ხის კაცი. მერე გამოვიდა დერციკი, დაინახა, რომ კაცი იყო გაკეთებული, შეკერატანისამოსი, მივიდა და ჩააცვა. გამობრძანდა მღვდელი, დაინახა, რომ მორთული კაცი იყო. მივიდა მღვდელი, გადასწერა ჯვარი, აკურთხა, ჩაჰბერა სული და იქცა კაცად. ახლა, ხელმწიფევე, შენ უნდა გაარჩიო, რომელს ერგება ის კაციო.

ხელმწიფე ხან რომელს იტყვის, სამში იმას ერგებაო, ხან რომელს.

ქალმა უპასუხა:

— არა მამავ, ისევ დურგალს ეკუთვნის, რადგან სულიმის გაკეთებულიაო.

ხალიჩამ უპასუხა ქალს:

— თუ ის კაცი დურგალს ეკუთვნის, შენ კიდევ მაგ ვაჟს ეკუთვნიო.

წავიდა ის ვაჟი შინ და ძმობილთან მივიდა.

ძმობილმა ჰკითხა:

— რა ჰქენი შენი საქმისა, მოუგე ის სიტყვაო?

ვაჟმა უპასუხა:

— მოვუგეო.

მეორე დღეს ისევ წამოვიდა ხელმწიფესთან. ძმობილმა უთხრა:

— შენ უთხარი ხელმწიფეს, ჩემს მაგივრად სახლის ქერმა ილაპარაკოს-თქო.

ვაჟი რომ ხელმწიფესთან მივიდა, ხელმწიფემ უთხრა:

— ილაპარაკეო.

ვაჟმა უთხრა:

— თუ თქვენი ნებაც იქნება, ჩემს მაგივრად სახლის ქერმა ილაპარაკოსო.

სახლის ქერმა დაუძახა:

— ჩვენო ბატონო და პატრონო, მე მსურს მაგ ვაჟის მაგივრად ვილაპარაკო!

ხელმწიფემ უთხრა სახლის ქერს:

— ილაპარაკეო.

სახლის ქერმა თქვა:

— სამი ამხანაგი იყო. მივიდნენ ერთ ხელმწიფესთან. იმ ხელმწიფეს ჰყავდა ერთი მზეთუნახავი ქალი. ამ ქალმა უთხრა ვაჟებს: ვინც იგეთ საკვირველს რასმეს იყიდის, იმისი ვიქნებიო. წავიდნენ ის ვაჟები. ერთმა იყიდა ისეთი სარკე, რომ ჩაეხედა, ქვეყნიერება ჩანდა; მეორემ იყიდა ისეთი ეტლი, რომ ერთ წუთს ერთ ვერსს გაიბრუნდა; მესამემ იყიდა ისეთი ვარდი, მკვდარს რომ მოუსვამდა, გააცოცხლებდა. ერთმა ჩაიხედა სარკეში და დაინახა, რომ ქალი მომკვდარიყო; მეორემ ეტლში ჩასხა და ერთ წამზე მივიდნენ იქ და მართლა ქალი მკვდარი დახვდათ. მოუსვა მესამე ვაჟმა უკვდავების ვარდი და გააცოცხლა ქალი. ახლა თქვენ უნდა გაარჩიოთ, რომელს ერგება ის ქალიო.

ხელმწიფემ ვერ გაარჩია.

ქალმა უთხრა:

— ვინც უკვდავების ვარდი მოუსვა, იმას ერგებაო.

— თუ ის ქალი იმას ერგება, შენ კიდეც ამ ვაჟს ერგებიო,  
— დაუძახა სახლის ჰერმა და იმ ვაჟს დარჩა ის ქალი.

მერმე უთხრა იმ ვაჟმა ხელმწიფეს:

— მზითევს არას გაატანო?

ხელმწიფემ უთხრა:

— რატომაც არას გავატან. აი ჩემი სარჩო-საბადებელი,  
შენ წაიღეო.

იმ ვაჟმა წაიყვანა ქალი და ხელმწიფემაც ბევრი ფული  
გაატანა. იმის ძმობილი ზეცას წავიდა და ის ვაჟი კიდეც თავის  
დედ-მამასთან ცოლით ერთად.

ქირი იქა, ლხინი აქა,  
ქატო იქა, ფქვილი აქა.







## აღქსანდრისი

ერთ ქვივ დედაკაცსა ჰყავდა სამი ქალი. უფროსმა ქალმა სთხოვა დედას:

— იგეთი სარკე მომიტანე, თითონ ჩამახედოს, ცა და ქვეყანა შიგა ჩანდეს; თითონ დაიხუროს, თითონ შევიდეს და ბარგში ჩაიღოსო.

შუათანა ქალმა სთხოვა დედას:

— იგეთი მოსახვევი მომიტანე, თითონ მომეხვიოს, მომეხადოს, დაიკეცოს, თითონ წავიდეს და ბარგში ჩაიღოსო.

ახლა უმცროსმა ქალმა სთხოვა დედას:

— იგეთი ედემ-ყვავილი მომიტანე, ყბები გამოვივსო.

მოუტანა დიდს სარკე, შუათანას მოსახვევი. წავიდა დევის ბალში, მოიპარა ედემ-ყვავილი, მოუტანა უმცროსს ქალს და გამოუვსო ყბები. დევი სანადიროდ იყო წასული. გაიგო ბალში სწორედ ედემ-ყვავილი მომპარესო, დაანება ნადირობას თავი და წამოვიდა თავის ბალში. ედემ-ყვავილი დაკრეფილი დახვდა. ადგა და წამოვიდა დევი. მივიდა ქვივი დედაკაცის კარზე, დაიძახა:

— სახლის პატრონო!

გაიხედა უმცროსმა ქალმა და უთხრა დედას:

— გეძახიან, დედაო!

დედამ უთხრა:

— შვილო, შვილო, გაიხედეო!

— ვისაც სარკე მოუტანე, იმან გაიხედოსო.

ახლა მეორეს უთხრა:

— ადე, შენ გაიხედეო!

— ვისაც ედემ-ყვავილი მოუტანე, იმან გაიხედოსო!

— ადე, დედა გენაცვალოს, გაიხედეო!

მიდგა მარო კარზე და დევს უთხრა:

— ბრძანე, დედას მოვახსენებო.

— ახლო მოდი და გეტყვიო.

წვივიდა მარო, დასტაცა ხელი დევმა, შემოისო ცხენზე და წაიყვანა შინ, დასვა ხალიჩაზე და უთხრა შინაურებს:

— ამ ქალს არა გააკეთებინოთ რა, ეგრე იჯდესო.

ადგა დევი, წავიდა სანადიროდ. მაგრამ ქალმა არ დაშალა, ყველაფერს აკეთებდა. დედის სურვილმა მოუარა; ერთი განაყოფის დევის დედა იყო ბებერი, იმას უთხრა:

— ბატონო, დედა მინდა, გეცოდინება რამე, წამიყვანე დედასთანაო.

ბებერმა უთხრა:

— შვილო, წითელი ღვინო გექნებათ, ერთი ხელადა მომაწოდეო.

იმან ნახევარი ჩაფით მიაწოდა. რაც ჯალაბობა ჰყავდა, ყველას გაუკეთა სათითაო ჭიქა ბანგი; მეორე დილას დაუძახა ქალს, მიაწოდა ერთი ხელადა და უთხრა:

— თითო ჭიქა დაალევინე, დიდსა და პატარას, შენ კი არ დალიოვო.

გაშალეს სუფრა, მიიტანა ქალმა ღვინო.

— დედამთილმა კაშნიკი მოგაწოდათო, — და ყველას თითო ჭიქა დაალევინა.

— რატომ შენ კი არ დალევო?

— მე იქ დამალევინაო!

დიდი და პატარა სულ გაწყდნენ.

მარომ ბალში დაკრიფა ედემ-ყვავილი და გამოვიდა. უთხრა იმ ბებერს:

— გზა მასწავლე, წავიდე დედასთანაო.

— მე კი ვერ გამოგყვები, შვილო. რომ გამოგოს დევმა,

გადამყლაპავს, აი, ემ გზას დაადექ, წადი სწორედ, რომ წახვიდე, მავან ალაგას ციხეა, თუ მოგასწროს დევმა, სამჯერ ტაში დაჰკარ, სამჯერ უთხარ: ციხევ, კარი მიყავ, დევი მომღევს შესაქმელად-თქო და ციხე შეგიშვებსო.

ქალი ასეც მოიქცა და ციხემ კარი უყო. შევიდა მარო შიგ. მოვიდა დევიც.

— გამოდი, მარო, არას გერჩიო!

— რა ვქნა, ვერ გამოვალ, კარი არა აქვსო, — უპასუხა ქალმა.

წავიდა დევი. ციხეში ერთი ყმაწვილი მარხია მზისგან დამწყვდეული: დღისით მკვდარია, ღამე ცოცხალი. ღვთისგან მოსდის სასმელ-საქმელი; კიდევ სკამს, კიდევ ინახავს. სამ ღამეს ეპარება მარო და ის უქამს. ის ყმაწვილი ველარც ძღება, ველარც ინახავს.

მეოთხე ღამეს თქვა ყმაწვილმა:

— აქ სწორედ არის ვინმე და მპარავსო.

ანთო სანთელი, დაიარა ციხე: ციხის თახჩაში ედემ-ყვავილით გალაღებული მარო იყო.

ვაჟმა უთხრა:

— შენ ცოლი, და მე ქმარო!

— არა, — უთხრა მარომ, — შენ ძმა და მე -- დაო.

— არა, მე დაგასწარი, შენ ცოლი და მე — ქმარო!

-- კარგი, აგრე იყოსო!

მარო და ვაჟი ცოლ-ქმარნი იყვნენ. ქმარი დღისით კვდებოდა, იჯდა მარო და ტიროდა. როცა გაცოცხლდა უთხრა:

— ნუ ტირი, მე დღე მკვდარი ვარ, ღამე ცოცხალიო! მარომ აღარ იტირა.

მერე დაორსულდა და დრო რომ მოუვიდა, უთხრა ვაჟს:

— არავინ არა გყავს, რომ წავიდე იმათთანაო?

ვაჟმა მისცა ნეკის ბეჭედი:

— წადი მავან ალაგას და დაიძახე. ძალლი მოვარღება, ჩემი ნეკის ბეჭედი მიუშვირე, იცნობენ და ხმასაც აღარ გაგცემენო.

წავიდა მარო და დაიძახა. გამოცვივდნენ ძაღლები. უჩვენა ნეკის ბეჭედი, ხმაც აღარ გასცეს, გამოჰხედეს.

ქალმა უთხრა:

— ალაგი გექნებათ, დამაყენეთო!

ჯერ უარი უთხრეს:

— არა გვაქვსო! მერე საქათმე გამოხვეტეს და დააყენეს იმაში.

იმ ღამეს ეყოლა ოქროსთმიანი ვაჟი. შავიდა ქმარი და დაუძახა:

— მარიამ ქალოო!

— რაო, ბატონოო?!

— რა არის შენი საყოლიო?

— ოქროსთმიანი ვაჟიო.

— რა არის შენი საკმელიო?

— ბატონო, ღვთის წყალობით კუტ-მატიო!

— რა არის შენი საგებიო?

— ბატონო, ღვთის წყალობით ფიჩვი, ფიჩ-მაჩიო!

— ვაი შენ, სად არის შენი საგები დორი-დოშაკი? სად არის შენი საკმელი ნუში-ქიშმიშიო?

მეორე დღეს მოახლემ შეუტანა ამბავი ვაჟის დედ-მამას:

— ჩვენი ალექსანდრე იყოო.

გაუჯავრდა:

— ჩემი ალექსანდრესი ძვლებიც აღარ არისო!

დააყენა მეორე დღეს გამდელი.

მოვიდა ალექსანდრე და დაუძახა:

— მარო ქალო!

— ბატონოო!

— რა არის შენი საყოლიო?

— ოქროსთმიანი ვაჟიო.

— რა არის შენი საკმელიო?

— ბატონო, ღვთის წყალობით კუტი — კუტ-მატიო!

— რა არის შენი საწოლიო.

— ბატონო, ღვთის წყალობით ფიჩვი, ფიჩ-მაჩიო.

მეორე დღეს უთხრა გამდელმა დედას:

— ჩვენი ალექსანდრეაო!

ამის შემდეგ გამოუტანეს ლოგინი და ყმაწვილიც გამოიყვანეს. იმ ღამეს გამოვიდა დედა და დაუდგა.

მივიდა ალექსანდრე. მაშინ დედა გავიდა და უთხრა მაროს:

— შეჭფიციე, არავინ არის-თქო. გადმოდი, შენი თვალით ნახე, იქნება არც ვაჟი მყავს და არაფერი-თქო.

ალექსანდრე მიდიოდა, დედა კარზე მიეგება და მოეხვია:

— შენი ჭირიმე, შვილო, რომ მნახეო.

— გამაშვი, დედავ, თორემ მოგკედები, აღარც დღე გავცოცხლდები და აღარც ღამეო.

მერმე გათენდა. მოკვდა ალექსანდრე. აღარც დღე გაცოცხლდა და აღარც ღამე. ადგა მარო, ჩაიცვა რკინის ქალამნები და ტყავის კაბა, ყმაწვილი კალთაში გამოიხვია და უთხრა ალექსანდრეს დედ-მამას:

— არ დამარხოთ ჩემს მოსვლამდისო! — მარო წავიდა მზის დედასთან.

დაინახა, რომ ხნავდნენ. სულ ყველა რკინისაა. ხოცავდნენ საქონელს, და მაინც ვერაფერს ხნავდნენ.

სალამი მისცა. ჰკითხეს:

— სად მიდიხარო?

— ესე, ესეა ჩემი საქმე და მზის დედასთან მივდივარო.

— მაშ ჩვენც გაგვიგე რამე, რომ ასე ვიტანჯებით და ვწვალობთო. — გაატარეს.

ახლა ერთ ალაგას გაიარა: იღვნენ, ჯაგებს ხელითა ჰგლეჯდნენ. იმათაც ისე უთხრა.

— ჩვენც გაგვიგე რამე, რომ ასე ვწვალობთო.

— გამატარეთ და ამბავს მოგიტანთო.

— ბევრს შენისთანას გაუვლია, გამოვლით კი აღარ გამოვულიაო.

გაიარა. მივიდა ერთ ირემთან. ისეთია ის ირემი, რქებიცისთვის აქვს მიბჯენილი.

— რქებზე ამატარე, ამბავს ჩამოგიტანო!

— ავლილი ბევრი მინახავს, ჩამოვლილი კი აღარ; თუ ახვიდე, მეც შემიტყვე რამე, რომ ამოდენა რქა მეზრდება, რა არის წამალიო? — აატარა რქებზე.

სასამხროზე მზე რომ მივიდა, დაუძახა მზის დედას.

მზის დედამ უთხრა:

— რა ხარ, რა სულიერი ხარ, აქ რამ მოგიყვანა? ჩემი შვილის შიშით მალლა ფრინველს ვერ გაუვლია, დაბლა—კიან-ქველასაო.

ელაპარაკა მარო თავის კირ-ბოროტებაზე. მზის დედამ მარო მახათად აქცია, იმისი შვილი ნემსად და ორივე გააკეთა დედაბომში.

მოვიდა მზე და უთხრა დედას:

— აღამიანის სუნი მომდისო!

— შენი შიშით აქ აღამიანს რა უნდა? მზის უკან ნაგავს გადმოჰყრიდნენ, იმის სუნი მოგდისო.

მეორე დილას მიუტანა ტაშტი.

— ამაში დაიბანე ხელ-პირი, აღარ შემიდლიან, გავუტან, ქათმებს ჩავუღვრიო.

— უამისოდ არ დაგიბანინებია და ახლა რა არისო, — უთხრა შვილმა.

— მაშინ შემედლო, ახლა აღარ შემიდლიანო.

დაიბანა მზემ პირი და წავიდა.

ქალი ქალად აქცია მზის დედამ, ყმაწვილი ყმაწვილად. ჩაუსხა მზის ნაბანი ბოთლში, დაურკო მზის ნაჭერი ხელსახოცი, ჩაუღო ჯიბეში და გამოატანა. ირმისა უთხრა: გაზაფხულის წყალი დალიოს და გასცვივა; ჯაგებისათვის წალდი გააკეთებინონ და გუთანს მარტო სახნის-საკვეთი უყონ რკინისაო.

ჩამოვიდა მარო და ირემს უთხრა:

— გაიქნე, გამოიქნე თავი, გაზაფხულის წყალი დალიე და გაგცვივა რქებიო.

ირემმა დალია გაზაფხულის წყალი, ბალახი მოძოვა და გასცვივდა რქები.

ახლა იმ კაცთან გამოიარა და უთხრა:

— მკედელს წალდი გააკეთებინე, მოიტანე და იმითი მოს-  
კერიო.

წავიდა, გააკეთებინა, მოიტანა და მოსკრა. ახლა გამოი-  
არა გუთანთან და უთხრა:

— სახნის-საკვეთი — რკინისა, გუთანი, უღელი, სახრე —  
ხისა. წადით და ისე ხანითო.

წავიდნენ და გამართეს გუთანი. დაიწყეს ხენა, მოისვენა  
ხარმა.

მივიდა მარო შინ. ჯერ პირი დაბანა, მერე ხელები და  
ახლა ფეხები. მერე მოჰყვა და მზის ნაქერი ხელსახოცით გაწ-  
მინდა.

ალექსანდრემ თვალები გაახილა, გაიზმორა და სთქვა:

— რამდენი მძინებია? რატომ არ გამაღვიძეთო?

გაცოცხლდა და აღარც დღე მოკვდა და აღარც ღამე.  
იმის დედ-მამამ შეჰყარა თავის საყმო, დასწერა ჯვარი, გადი-  
ხადა ქორწილი. თავის ტახტი დაუთმო დედ-მამამ თავის შვილ-  
სა და იმის ცოლს.

პირი იქა, ლხინი აქა,  
ქატო იქა, ფქვილი აქა.







ფუკუნი  
ფუკრეზილი  
გლუკრესი







## ყაშქანელი

იყო და არა იყო რა, ერთ ქვეყანაში ერთი დიდებული ხელმწიფე მეფობდა. ჰყავდა სამი ვაჟი, ჰქონდა აუარებელი სიმდიდრე და იმ სიმდიდრესთან, თვალსა და მარგალიტთან ერთად ჰქონდა ერთი დიდი ბალი. იმ ბალში ერთი დიდი ვაშლი ედგა, რომელიც ქუდისოდენა ვაშლებს ისხამდა. ხელმწიფე თავის თვალეზივით უფროთხილდებოდა ამ ვაშლებს, არც თვითონ ჰკრეფდა, არც სხვას აკრეფინებდა, მაგრამ აი შეეჩვია რალაც ამ ბალს და სულ გააჩანაგა. გადის დღე, ხელმწიფეს რჩეული ვაშლები თითოობით აკლდება. შეწუხდა ძალიან ხელმწიფე, დაიბარა შვილები და უთხრა:

— აი, შვილებო, ბალში ერთი ვაშლი გვიდგია, ისიც ვერ შეგვინახია, სახელმწიფოს როგორ შევინახავთ, გვპარავს ვილაც და ჩვენ კი ვერ გავგივია, ვინ არის ჩვენი მტერიო. წადით, უყარაულეთ და რომელიც იმის ქურდს დაიჭერს, მეფობას იმას მივცემო!

ადგნენ ხელმწიფის შვილები და მოჰყენენ რიგით ყარაულობას.

რიგი უფროსს ძმას ჰხვდა. ის წავიდა, დაწვა ვაშლის ძირში და ერთი მაგრად დაიძინა. იმ ღამეს მოვიდა დევი, მოკრიფა ვაშლები და გასწია.

მეორე დღეს მივიდა სახლში უფროსი ძმა და უთხრა:

— წუხელ არავინ მოსულა, სუ თეთრად გავათენეო.

მეორე დღეს დარაჯობის რიგი საშუალო ძმაზე მიდგა. იმანაც დაიძინა. დევი მოვიდა, მოკრიფა ვაშლები და წავიდა. მეორე დღეს მოვიდა შინ და სთქვა:

— არავინ მოსულაო!

მესამე ღამეს უმცროსს მიერგო დარაჯობა. იმან აიღო მშვილდ-ისარი და გასწია საყარაულოდ. ძმებმა დასცინეს უმცროსს:

— აბა, შენ კი აუცილებლად დაიქერ იმას, აღარ გაუშვებო.

— თუ არავის მოვიყვან, მე ხომ მთელი მოგივალთო, — უთხრა ძმამ და გაუდგა თავის გზას.

იმ ღამეს ვაჟს არ დაუძინია. დარაჯობდა და ელოდა ვაშლების ქურდს. შუალამე იყო, რომ მოვიდა ერთი დევი და ავიდა ვაშლზე და დაუწყო კრეფა. ვაჟმა მოჰზიდა მშვილდს და გაანება ისარს თავი. დაიწვილა ისარმა და შეერქო ღრმად გულში დევს. დაიღრიალა დევმა, იტაცა ისარს ხელი და უნდოდა ამოეგლიჯა, მაგრამ ვერ ამოიძრო. ჩამოვარდა ღრი-ალით და მოფხუჟა, გაჰყვა თან სისხლის კვალი.

რა გათენდა, ვაჟი მივიდა სახლში, მამას უთხრა:

— ჩვენი ვაშლის ქურდი დავკოდე და მოძებნა უნდაო. ძმებს სიცილადაც არ ეკმავეა იმის საუბარი, მაგრამ ის ადგა და უთხრა:

— გამომყევით და მე დაგიმტკიცებთ, რომ ტყუილი არ ვიციო.

ადგნენ ეს ძმები, აისხეს იარაღი და გასწიეს დევის ნაკვალევზე. იარა სისხლმა და იარეს იმათ. ბოლოს სისხლის კვალი ერთ დიდ ქვასთან გათავდა. დევი მისულეყო, აეხადა ის ქვა და შიგ ჩამძვრალიყო. ძმებმა გადააგორეს ეს ქვა და დააპირეს შიგ ჩასვლა. წინ-წინ უფროსი ძმა უნდა ჩასულეყო. მოაბეს უფროს ძმას თოკი და ჩაუშვეს დევის სოროში. ბიჭს დევის ბაყბაყი მოესმა, შეშინდა და დაუძახა ძმებს:

— ამიყვანეთ! ამიყვანეთ!

მოაბეს მეორე ძმას თოკი და ახლა ის ჩაუშვეს. მაგრამ იმანაც დაიწყო ყვირილი:

— ამიყვანეთო, — და ამიყვანეს.

ჯერი უმცროსზე მიღვა. მოაბეს თოკი და ჩაუშვეს. მოუმატა დევმა ბაყბაყს და ვაჟმაც დაუძახა ძმებს:

— ჩამიშვით! ჩამიშვითო!

ჩაუშვეს იმათაც და ჩავიდა ვაჟი დევის სახლში. კერაში დევის დედა იჯდა, ფაჟასა ჰხარშავდა. ვაჟი მივიდა და ჰკითხა:

— რასა ჰხარშავ, დედავ, ვისთვის გინდაო?

— შვილი ნყავ ავად და იმისთვის მინდაო, — უპასუხა ბებრმა.

— რა სტკივაო? — ჰკითხა ვაჟმა.

— ნაისრალიაო.

— მე გასწავლი იმის წამალს, — უთხრა ვაჟმა, — აიღე, აადულე ერთი ქობი წურვილი ერბო და ნაისრალში ჩაასხიო.

აადულა დევის დედამ ერთი ქობი წურვილი ერბო, ჩაასხა შვილს ნაისრალში და ფეხები კი გააფშეკინა. ამოაძრო ვაჟმა დევის გულიდან ისარი, ბებერს თავი მოსკრა და წავიდა დევის სახლის დასათვალიერებლად.

ვაჟმა ერთ ოთახში სამი მზეთუნახავი ქალი ნახა. წამოიყვანა ისენი და დაუძახა ძმებს:

— თოკი ჩამამაწვადეთო! — ჩაუშვეს თოკი და ააყვანინა უფროსი და, — ეგ უფროსსაო, — დაუძახა ვაჟმა.

მერე მეორე ააყვანინა, ის საშუალო ძმისთვის. თავის საცოლზე უნდა აეყვანინა, მაგრამ საცოლემ უარი უთხრა:

— ძმები გილალატებენ, ჯერ შენ ადი, მერე მეც ამიყვანეო.

ვაჟი მაინც გადაეკიდა.

— თუ არ იშლი და მე მგზავნი, — უთხრა საცოლემ, — ვიცი, გილალატებენ, შენ აქ დაპრჩები, ესე გაივლი, ერთი ოთახია, იქ ორი ცხვარი აბია, ერთი თეთრი და ერთი შავი; შავზე შეჭდები — აქვე დაპრჩები, თეთრზე შეჭდები — ქვეცას წახვალ. იცოდე, როდესაც ქვეცას გაგაქანებს ის ცხვარი, შენ დაიძახე: „ბებრის ბანი ბამბიანი, ბებრის ბანი ბამბიანი“, და რბილად დაეცემიო.

აგზავნა საცოლზე ვაჟმა და როგორც კი ავიდა უმცროსი

ძმის საცოლზე, ძმებმა თოკი მოჰკვეთეს, წავიდნენ სახლში და წაიყვანეს ქალიც.

ვაჟი რაკი დევის სახლში დარჩა, ჯერ დაღონდა, მაგრამ ბოლოს მოაგონდა ცხვრები და წავიდა იმათ საძებნელად. იპოვა, გადაჯდა თეთრ ცხვარზე და გასწია ქვეცას: „ბებრის ბანი ბამბიანი! ბებრის ბანი ბამბიანიო!“ და ვაჟი ბებრის ბამბიან ბანზე კი დაეცა. აღვა და შევიდა ბებრის სახლში. ბებერი ბრმა ყოფილიყო ცალი თვალთ, ფაფა ეხარშა. ვაჟი მივიდა, მიუჯდა ბრმა თვალისაკენ და დაუწყო ფაფას ქამა. ბებერს ფაფა მალე გაუთავდა, მოიხედა, ნახა რომ ვაჟი ზის.

— ვინა ხარო? — ჰკითხა.

— შენი შვილიო!

ბებერი მძლივ დაესწვრა ვაჟს; დააყენა თავისთან და უვლიდა შვილივით.

ერთხელ ვაჟმა ნახა, რომ ბებერს დაუტრია ფქვილი, გადალაჯულა ვარცლზე და რალაც უნდა ქნას. ვაჟმა დაუძახა:

— დაიცა, დედავ. დაიცა, რას შერეგო?

— წყალი დევის უქერია, — უთხრა ბებერმა, — და მაშ რით მოვზილოვო?

— მე მოგიტან, — უთხრა ვაჟმა, — კოკა მომეციო.

ჯერ კი არ უშვებდა ბებერი:

— მოგკლავს, შვილოო, — მაგრამ ვაჟმა არ დაიშალა და წავიდა...

მიიტანა წყალზე კოკა და ამოავსო.

— ვინა ხარ, — დაუძახა დევმა, — ჩემი შიშით აქ ბუზიც ვერ დაიბზუელებს და შენ რას მოუყვანიხარო?

— სტუმარი ვარ შენო, — დაუძახა ვაჟმა.

— კარგი, წაიღე, — დაუძახა დევმა, — ეგ ერთი სტუმრობით გეპატიებაო.

— წავიდა ვაჟი, წაიღო წყალი და ჩამაურიგეს მთელ ქალაქს კვერცხის ნაქუჭითა.

მოტანილი წყალი რომ გაუთავდა, ვაჟმა აიღო ისევ კოკები და გასწია წყალზე. დევმა ფეხის ხმა გაიგონა და დაუძახა:

— ვინა ხარო?

— შე, შენი სტუმარიო, — უპასუბა ვაჟმა.

დეემა არათერი უთხრა. წამოილო წყალი, ჩამოურიგეს კიდეე ქალაქს კვერცხის ნაქუქით, მაგრამ გაუთავდა მოტანილი წყალი და მაუნდა ისეე წასულა. აისხა იარალი ვაჟმა, აილო მშვილდი და ისარი და გასწია. მივიდა წყალზე ვაჟი და ააგსო კოკები. დეემა დაუძახა:

— ვინა ხარო?

— შე, შენი სტუმარიო, — დაუძახა ვაჟმა.

— ერახელ სტუმარი, ორჯერ სტუმარი, მესამედ რალა სტუმარიო! — დაიღრიალა დეემა და გამეემართა ვაჟისაკენ. ვაჟმაც გაისწორა იარალი და მიეგება.

დაიწყეს ბრძოლა. მაიქნია ვაჟმა და დასვა დეევი მუხლამდის ქვიშაში; მაიქნია დეემა, დასვა ვაჟიც მუხლამდის; მაიქნია ვაჟმა, დასვა წელამდის დეევი; მაიქნია დეემა, დასვა წელამდის ვაჟი. ამოუხტა საჩქაროდ ვაჟი, მაიქნია, დასვა დეევი ყელამდის, წამოუსო ხმალი და მოაგდებინა თავი. ამოილო დანა და დაარქო მოკრილ თავში. თვითონ სახლში წავიდა და არავის კი არ უთხრა დეევის სიკვდილი; ბებერს კი უთხრა: — წადი, წყალი მოიტანეუ.

გავარდა ქალაქში დეევის სიკვდილის ამბავი. მოატყდა წყალს უთვალავი ხალხი და საქონელი. სუამდნენ, ზოგნი იქვე სკდებოდნენ წყლის სმით, ზოგნიც წიდიოდნენ სახლში და იქ იხოცებოდნენ.

გაიგო ხელმწიფემ დეევის სიკვდილი, მაშინვე უბრძანა მოყვანა დეევისმკვლელისა. მოვიდა მთელი ქალაქი, მთელი იმისი სახელმწიფო, მაგრამ იმათში დეევისმკვლელი კი არ ერია. ზოგნი ძალად იბრალებდნენ დეევის მოკვლას, წაიყვანდნენ და ეტყოდნენ:

— აბა, თუ შენა ხარ, ეს დანა ამოაძრეო! — მაგრამ დანა ვერავინ ამოაძრო. რომ ვერა და ვერ იბოვეს დეევისმკვლელი, ხელმწიფემ იკითხა:

— განა ყველანი არიან აქ, ვინც ჩემს სახელმწიფოში ცხოვრობსო?

— ყველანი, ერთი ბებრისა და იმის ნაშვილობის გარდაო,  
— უთხრეს ხელმწიფეს.

მაშინვე გაგზავნეს ბებრისა და იმის ნაშვილობის მოსაყვანად. მოვიდა ვაჟი. დანაც ამოაძრო და გამოტყდა კიდევ:

— დევი მე მოვკალიო.

წაიყვანა ხელმწიფემ სასახლეში და გაუმართა ნადიმი და ლხინ-გახარება.

— რა გინდა, რით დაგასაჩუქრო? — ჰკითხა ხელმწიფემ ვაჟს. — რასაცა მთხოვ, მოგცემ; დარჩი ჩვენთან და ტახტსაც შენ დაგიტოვებო.

— მე აქაური რომ არა ვარ, — უთხრა ვაჟმა, — ზეითა ქვეყნელი ვარ, და, თუ როგორმე იქ ამიყვანთ, ის იქნება ჩემთვის უდიდესი საჩუქარი. თუ ვერ ამიყვანთ, ის მაინც მასწავლეთ, როგორ უნდა ავიდეს კაცი ზეითა ქვეყანაშიო.

— იქ მხოლოდ ფაშკუნდს შეუძლიან აყვანაო, — უთხრეს ვაჟს.

ვაჟმა აისხა იარაღი და წავიდა ფაშკუნდისაკენ. ფაშკუნდის ბარტყებს გველვეშაპი ჰყოლიყო შეჩვეული და ექამა. ვაჟმა ნახა, რომ ფაშკუნდის ერთი ბარტყი კი ტირის და ერთი კი იცინის.

— ერთს ან რა გატირებს, — ჰკითხა ვაჟმა, — და ან შეორეს რა გაცინებსო?

რომელიცა ტიროდა, იმან უთხრა:

— მე ის მატირებს, რომ დღეს გველვეშაპი მოვა და შემეპამსო. რომელიც იცინოდა, იმან უთხრა:

— მე ხვალ შემეპამს გველვეშაპი, ერთი დღე კიდევ დამარჩომია სიცოცხლისა და ის მაცინებსო.

— თქვენ ნულარაფრისა ნუ გეშინიათ, — უთხრა ვაჟმა, — მე ვიცი და იმ გველვეშაპმაო.

დაუჯდა ვაჟი და დაუწყო მოლოდინი გველვეშაპს. მალე მზეც დაბნელდა. ფაშკუნდის შვილებმა უთხრეს ვაჟს:

— ახლა მოდისო.

ვაჟმა ჩააგდო კილოში ისარო და გველვეშაპი რომ გაუსწორდა, გაანება თავი და გულში კი გააგდებინა. დაეცა მკვდა-



რი გველვეშაპი და აუშო საძაგელი სუნი. აკაფა ვაჟმა გველვე-  
შაპი და აავო მთად ბუდის გვერდებზე. ცოტა ხნის შემდეგ  
მოისმა ქუხილი და წამოწვიმა კიდევ.

— ეს რა არიო? — ჰკითხა ფაშკუნდის შეილებს ვაჟმა.

— ეგ ჩვენი დედა ტირის, ცრემლსა ჰღვრის ჩვენზე, ჰგონ-  
ნია, გველვეშაპმა გადაგველაპაო.

ვაჟი დამალეს. მოვიდა ფაშკუნდი. ნახა ცოცხალი შეილები  
და სიხარულით ცას დაეწია.

— ვინ გიხსნათ, შეილებო, ვინა? — ჰკითხავდა გახარებული  
ფაშკუნდი შეილებს, — ვინ მოვიდა, ის ღვთის ნაკურთხი კა-  
ციო?

— თუ არ შესქამ, გაჩვენებთო, — უთხრეს შეილებმა.

— ჩემი შეილების მხსნელს, როგორ დავეუშავებ რამეს, მაჩ-  
ვენეთო, — უთხრა ფაშკუნდმა.

შეილებმა გამოუჩინეს ვაჟი. ფაშკუნდი გადაეხვია ვაჟს,  
მოჰხვია მხრები, მიიკრა გულზე და გვერდები კი ჩაამტვრია,  
მაგრამ მოუსო ფთე და მაარჩინა:

— რას დამდებ ვალად, რა გინდა, რა მოგცე, ე შეილები  
რო გადამირჩინეო? — უთხრა ფაშკუნდმა.

— ზევით ქვეყანაში ამიყვანე, მე იქაური ვარ, — უპასუხა  
ვაჟმა, — და ის დამდე სიკეთედაო.

— წადი, — უთხრა ფაშკუნდმა, — ერთი კოდი აავსებინე  
ხორციო. ერთ მხარზე ის დამადგი, ერთზე შენ დამაჯექ და  
აგიყვანო.

ვაჟმა ქნა ისე, როგორც ფაშკუნდმა უთხრა. ერთ მხარზე  
ხორციანი კოდი დაადგა, ერთზე თვითონ დააჯდა და გასწიეს.  
რამდენიც შემოტრიალდებოდა ფაშკუნდი, ვაჟი იმდენ ნაქერ  
ხორცს შეაქმევდა. ბოლოს ერთი ნაქერი დააკლდა. ვაჟმა გა-  
მოიკრა წვივი და ის შეაქამა. მას შემდეგ სახრელში, წვივის  
ზევით გამოპრილივითა აქვსო.

— ოჰ! ეს რა გემრიელი რამ შემაქამე, — უთხრა ფაშკუნ-  
დმა, — რა იყოვო?

— ეგ ჩემი ხორცი იყოვო, — უპასუხა ვაჟმა.

— ეგ რო მცოდნიყო, თუ ეგეთი გემრიელი იყო კაცის ხორცი, აქამდინვე შეგკამდიო, — უთხრა ფაშკუნდმა. გამოუსო ფთე, გაუმთელა წყლული, გადმოსო მიწაზე, გამოეთხოვა და წავიდა.

ვაეი გაუდგა გზას. ბევრი იარა, ცოტა იარა, ბოლოს თავის სახელმწიფოში მივიდა. გზაზე ერთ მელორეს შეჰხვდა. მელორე იჯდა და ტირიდა. ვაეი მივიდა იმასთან და ჰკითხა:

— ან ვისი ხარ და ან რა გატირებსო?

— რა არ მატირებს, — უთხრა მელორემ, — ჩემს ხელმწიფის შვილს ქორწილი აქვს, უმცროსი ძმა კი დაჰკარგეს, და უფროსი კი იმის საცოლეზე იწერს ჯვარსაო.

— შენა, — უთხრა მელორეს ვაჟმა, — ეგ ტანისამოსი გაიხადე, მაგას მე ჩავეცვამ, ჩემი ტანისამოსი შენ ჩაიცვი. მე ვარ იმათი უმცროსი ძმა. მივალ და ვნახოთ, როგორ დაიწერენ ჯვარსო.

ჩაიცვა ვაჟმა მელორის ტანისამოსი და გასწია ძმებთან. უფროსი ძმა იჯდა და მხიარულობდა. უმცროსი ძმის მშვილდი ეჭირა დაჯარებულ ხალხს ხელში და ეწეოდნენ:

— აბა, ვინ მოსწევს და ვინ ვერაო?

ჩამოატარეს მშვილდი, მაგრამ ვერავინ მასწია. ჯერი პატრონზე მიდგა.

— მიეცით ე მშვილდი ჩემს მელორეს, — დაიძახა უფროსმა ძმამ, — იქნება მაგან მოსწიოსო.

მისცეს მშვილდი. ვაჟმა მასწია მშვილდს, ჩააგდო ისარი და დაიძახა:

— ხარსა თუ ფურსაო?

ქალმა იცნო თავის საქმრო და გული გაეხსნა.

— ხარსა, ფურისა რა ბრალიაო, — დაუძახა ვაჟს.

ვაჟმა მოკლა ძმა ისრით, დაიწერა ჯვარი თავის საცოლეზე და დაიწყო ხელმწიფობა...





## შაშვი და მელა

იყო და არა იყო რა, იყო ერთი შაშვი. ააშენა ბუდე ერთ დაბურულ ტყეში. გამოჩეკა ბარტყები და ცხოვრობდა ტყბილად თავისთვის. გაიგო მელიამ, რომ შაშვის ბარტყები ჰყავსო, მივიდა იმის ბუდესთან და შესძახა:

— შაშვო, შვილები მომეც, თორემ დაგიჭერ და შენც შეგკამო.

— თავი დამანებე, — უპასუხა შაშვმა, — თორე ისეთს დავიძახებ, რომ რაც რამ ცის ძირს ორფეხები არიან, სუ აქ მოვლენო.

— მე ისეთს დავინახვლებ, რომ მთელი ოთხფეხობა აქ მოვა, — უპასუხა მელიამ.

დაიძახა შაშვმა და მოვიდა მთელი ორფეხობა, რაც რამ ან ფრინველი იყო და ან კაცი, სულ იქ მოვიდა. დაიხავლა მელიამ, და რაც კი რამ იყო ქვეყანაზე ოთხფეხი, იქ შოილო გრიალი. შეეკმნათ საშინელი ომი და სისხლის ღვრა. ოთხფეხებმა დაამარცხეს ორფეხები. დაჰხოცეს სულ ერთიან, ზოგი დაჰკრეს და გაჰფანტეს. ერთი კაცი გადაჰჩრომია ამ ომს. მოდის და გზაზე დაკრილი სვაფი ნახა. წაიყვანა სახლში, უწამლა. დაუკლა ცხვარი და აჭამა. მეორე დღეს სვაფი დაემზადა შინ წასასვლელად. კაცს უთხრა:

— მოდი, შემჯე მხრებზე, ჩემ დედ-მამასთან წაგიყვან. ვიცი ისენი გკითხავენ: რა მოგცეთ, რო შვილი მოგვირჩინეო.

და 'შენ სხვა არაფერი არ გამაართვა, ერთი ხელსაფქვევა აქვს და იმისი უთხარ, ის მომეცით-თქო.

შეისვა ეს კაცი სვავმა მეორე დღეს მხრებზე და გასწია სახლში. სვავის დედ-მამამ სიხარულით მიიღეს შვილის დამხსნელი.

— რა მოგცეთო? — ჰკითხეს, როდესაც კაცი დაემზადა წასასვლელად.

— თქვენ რომ ერთი ხელსაფქვევა გაქვსთო, — უპასუხა კაცმა.

მისცეს ხელსაფქვევა, და კაცი გახარებული წავიდა სახლში. მოდის გზაზე გახარებული და მაიმღერის. შეჭხვდა ერთი კაცი, ხმალი ჰკიდია და ჰკითხა:

— რას იმღერი, კაცო, რა გაქვს სამღერიო?

— სვავის დედ-მამასთან ვიყავ, ერთი ხელსაფქვევა მამცეს, — წაღმა შამოატრიალებ, ოქროს თვალს დაჰფქვევს, უკულმა — ვერცხლისას, — უპასუხა ხელსაფქვევას პატრონმა.

— მოდი გავცვალოთ. მე ისეთი ხმალი მაქვს, ვეტყვი: „ამოდი ვერცხლად, დაენთი ცეცხლად, წადი, იმ კაცს თავი მაჰქერ, მოდი და ისევ ჩაევი!“ მართლაც ამოვა, გაფრინდება, მაჰქრის თავს, ვისთვისაც გინდა, დაბრუნდება და ისევ ქარქაშში ჩაეგებაო, — უთხრა ხმლის პატრონმა ხელსაფქვევას პატრონს.

— კარგო, — უპასუხა იმან.

გაჰცვალეს და გაჰშორდნენ ერთმანეთსა. ცოტა გზა რომ გამაიარა, ხელსაფქვევის ნაპატრონალმა უთხრა ხმალს: „ხმალო, ამოდი ვერცხლად, დაენთი ცეცხლად, წადი, იმ კაცს თავი მაჰქერ, მოდი და ჩაევიო!“

ამოვიდა ხმალი ვერცხლად, დაენთო ცეცხლად, მაჰქრა თავი ხელსაფქვევის წამლებს, წამოიღო კაცმა ხელსაფქვევაც, ხმალიც და წამოვიდა. გზაზე მოდის და მაიმღერის. წინ კაცი შეჭხვდა, სუფრა მოაქვს.

— გამარჯვება!

— გაგიმარჯოს! რა გამღერებს, რამ გაგახარაო?

— რა არ მახარებს, ისეთი ხელსაფქვევა მაქვს, რომ წალ-

მა შამოვატრიალებ, ოქროს დაჰტეკავს, — უკულმა — ვერცხლსაო.

— გამიცვალე სუფრაზე, — უთხრა მგზავრმა, — ეს ისეთი სუფრაა, რასაც ეტყვი სასმელ-საქმელი იქნება, თუ სახლი და კარი, — ყველაფერს გააკეთებსო.


გასცვალეს. სუფრა ამან გამოართო, ხელსაფქვევა იმან წაიღო. მაგრამ როგორც კი გაჰცდა მგზავრი, წამლები იმის ხელსაფქვევისა, კაცმა ხმალს უთხრა: „ხმალო ამოდი ვერცხლად, დაენთი ცეცხლად, წადი, ჩემი ხელსაფქვევის წამლებს თავი მაჰქერ, მოდი და ისევ ჩაეგო!“

ამოვიდა ხმალი ვერცხლად, დაენთო ცეცხლად, მაჰქრა თავი ხელსაფქვევის წამლებს, მოვიდა და ჩაეგო. წამოიღო კაცმა ეს ხელსაფქვევა, ეს ხმალი, ეს სუფრა და წამოვიდა სიხარულით. მოვიდა სახლში, სუფრას უთხრა:

— სუფრავ, აბა, ერთი კარგი სახლები დამიდგო!

მაშინვე მშვენიერი სახლები წამოეჭიმა. დაიწყო ტკბილად ცხოვრება. ახლაც ცოცხალია და წუთისოფელს ჰკვამს.





## ზარმაცი

იყო და არა იყო რა, იყო ერთი ცოლი და ქმარი. ქმარი შეტისმეტი ზარმაცი იყო, არაფერს არ აკეთებდა, მხოლოდ იჯდა, ჰქამდა და ხან ერთ გვერდზე გადაბრუნდებოდა და ხან სხვაზე. ცოლი კი, რაც ძალი და ღონე ჰქონდა, შრომობდა, იმასაც ჰკვებავდა, აცმევდა და თავის თავსაც; მაინც მეტად ღარიბად ცხოვრობდნენ. იმათ ბედობაზე მარტო ერთი კარის პირი იყო სადღაც შორს, რიყეზე და ქვიშაზე, ქინკრისა და ღოღოს მეტი არც არაფერი იღვა იმაზე და მოდიოდა.

ერთ გაზაფხულზე ცოლმა ჰთხოვა მეზობლებს, მოახენინა, მერე თესლი ჩამაითხოვა, მოთესეს. ყანა ამოვიდა, რა ყანა, სულ ზღვასავით ჰღელავდა! მოვიდა მკათათვე. შემოვიდა ყანები.

ცოლმა უთხრა ქმარს:

— კაცო, აღექ, წადი, ნახე, იქნება ი მამულზე არაფერი არ მოგივიდა და ჩვენ კი ტყუილად იმედი გექონდესო.

აღგა როგორც იყო ზარმაცი, წავიდა მამულის სანახავად. ნახევარი გზაც არ გაუვლია, დაბრუნდა ისევ უკან და ცოლს მაატყუა:

— იქ ვიყავ და იქ ღოღოსა და ქინკრის მეტი არაფერი მოსულა, თესლი რაზე გადავყარეთ ტყუილადო.

ცოლმა იცოდა, როგორი ყანაც იღვა, და არაფერი არ უთქვამს. როდესაც სამკალი გახდა ყანა, ცოლმა უთხრა ზარმაცს:

— კაცო, ან სამკალს წადი, ან სახლში დარჩი, რძე შედღვებე, კრუხ-წიწილას საკენკი დაუყარე, თვალი დაიჭირე, ფქვილი გაცერ და პური გამააცხეო.

ზარმაცმა სახლში დარჩენა არჩია. კრუხ-წიწილა რომ არსად წასულიყო, ზარმაცმა აიღო ცოლის თხორი (გორგალი), გადააბა ერთმანეთს წიწილებიც, კრუხიც და ისე გაუშო კალოზე. უცებ საიდგანლაც გაჩნდა ქორი, დააფრინდა კრუხ-წიწილას და გააქანა ერთბაშად ყველა. დარჩა უკრუხ-წიწილო ზარმაცი. ზარმაცმა აიკიდა ზურგზე საცერი და ფქვილიანი გუდა, სარძეული და ისე გამოუდგა ქორს:

„კრუხ-წიწილასაც დაეგდებინებ ქორს, ფქვილიც დაიცრება, რძეც შეიღვებება და ერთბაშად ყველა საქმეს გავაკეთებო“. მაგრამ ვერც კრუხ-წიწილა გააგდებინა, ფქვილიც დააბნია. დაბრუნდა ზარმაცი სახლში, ცოტა არ იყოს შეფიქრიანებულნი:

„რალა ვუთხრა ცოლსა, — იფიქრა ზარმაცმა, — საიდან ვუშოვო ან კრუხ-წიწილა და ან ფქვილიო“. იფიქრა, იფიქრა და მოიგონა: „ჩემ ცოლს ხომ კვერცხები აქვს, ჩავაწყობ იმათ გოდორში, შიგ მე ჩავჯდები და, სანამ ჩემი ცოლი სამკლიდან დაბრუნდება, მე კიდე წიწილებს გამოვჩეკო“. აიღო მართლაც, ჩააწყო კვერცხები ბუდეში, ზედ თავად დააჯდა და მოჰყვა კრუშ-კრუშს.

სალამოზე ცოლი დაბრუნდა სახლში სამკლიდან, ქმარს დაუძახა:

— კარი გამიღეო!

— კრუხ, კრუხ, კრუხ! — მოესმა სახლიდან.

— კარი გამიღეო! — გაუმეორა ცოლმა.

— კრუხ, კრუხ, კრუხ! — მოესმა სახლიდან.

მესამედ დაუძახა ქმარს:

— სადა ხარ, სად დაიხაფრე და დაიქარგე, ე კარი გამიღეო!

მაგრამ იმას ხმა არავინ გასცა და მარტო კრუშ-კრუში მოესმის. შეამტვრია ცოლმა ძალად კარი და შევიდა სახლში. იმისი ქმარი ჩამჯდარა ქათმის საბუდარში და კრუშკრუშებს.

— რა არი, კაცო, ეგ რაღა საქნელი იყო, რა მოგიგონებავ, ეგ რასა ჰშვრები? ამოდი მა გოდრიდანაო!

— კრუხ-წიწილა ქორმა წამართო და კვერცხებს დაეჯექ გამოსაჩეკადო! — უპასუხა ქმარმა.

— შენი გამოჩეკილი არ მინდა, — უთხრა ცოლმა, — ამოდი მა გოდრიდანაო. — ამოიყვანა ბუდიდან ცოლმა ზარმაცი ქმარი, დასო კერაზე.

მეორე დღეს ცოლმა ჰკითხა ზარმაცს:

— აბა, რას იზამ, ისევ სახლს მოუვლი, თუ სამკალს წახვალო?

— სამკალს წავალ, — უპასუხა ქმარმა, — თუ დღეში სამ ქათამს დამიკლავ: ერთს სადილად, ერთს სამხრად და ერთს ვახშმად, მარტოკა მე მოვემკი იმ მამულსაო.

— ოღონდ შენ ის ყანა მომკე, და თუნდა ოთხ ქათამს დაგიკლავო, — უპასუხა ცოლმა.

წავიდა ზარმაცი ყანაში. მთელი დღე ორი-სამი ძნა ვერ გამოჰქრა, სულ ეგდო და ეძინა, სამი ქათამი კი შექამა.

ასე გავიდა სამი-ოთხი დღე. ყანა მამულში აპირებდა ჩაწვას. ერთ დილას ადგა ზარმაცის ცოლი, ითხოვა ცხენი, კაცის ტანისამოსი, იარაღი, ჩაიცვა ტანზე, იარაღიც აისხა, შეჯდა ცხენზე და ქმრისაკენ გაჰწია. ზარმაცს რომ მიუახლოვდა, დაუძახა:

— მომკალო, ერთი ზარმაცი კაციარ იცი, ხელმწიფეს შვილი ჰყავს ავად, უკვდება და ზარმაცის ღვიძლი გვასწავლეს, ის უშველისო.

ზარმაცი შეშინდა და შეჰფიცა:

— აი, ეს ერთი საათია რაც მკა დავიწყე და მეტს როგორ მოვემკიდო.

— თუ სალამომდისინ არ მოგიმკია ეგ ყანა, მოვალ, ვნახავ, თავს მოგჭრი და ღვიძლს ამოგარიდებო, — უთხრა მგზავრმა, გაჰცდა და წავიდა.

ე(კ)ა ზარმაცი ყანას და სალამომდისინ ბოლი აადინა. დაჯდა გადაწყვეტილი და დაიწყო ქშენა. სალამოზე ცოლმა საქმელი მოუტანა, მაგრამ რაღა საქმლის თავი ჰქონდა, იჯდა



და, რაც ძალი და ღონე ჰქონდა, კენესოდი. ცოლმა განგებ ჰკითხა:

— რას დაუღლიხარო?

ზარმაცმა უამბო:

— ამაზე ერთმა ხელმწიფის კაცმა გამოიარა და დამემუქრა: თუ სალამომდისინ ამ ყანას არ მოჰმკი, სალამოზე მოვალ, თავს მოგქრი, ღვიძლს ამოგარიდებ და წავიღებო.

ცოლმა გული გაუკეთა:

— ნუ გეშინიან, მოგიმკია, ის შენ აღარაფერს გეტყვისო.

როგორც იყო, მოიტანეს ძნაც, გაღეწეს და ჩაყარეს მარცვალი.

ზარმაცს ერთი ღორი ჰყავდა, რაც რამ ებადა, იმას აქმევდა.

ცოლმა უთხრა:

— კაცო, ჩვენთვისაც არაფერი გვაქვს, რომ ვქამოთ, შენ ღორს აქმევ, მოვიშოროთ, დაველათო.

— სანამ უკან ქონი არ გამოეჩრება, არ დაველაგო,—უპასუხა ქმარმა.

ცოლი ადგა, გაათბო ერბო, მიასხა ღორს, მოიყვანა ქმართან, აჩვენა და უთხრა:

— აი, ისე გასუქებულა, რომ ქონი გამოჰდისო.

მცონარამ დაჯლა თავის საყვარელი ღორი, რადგანაც მუცელი უფრო საყვარლად მიაჩნდა. ღორის ხორცი მალე შექამა ზარმაცმა, მხოლოდ იმის ცოლისაგან ერთი დამალული ბარკალილა დარჩა. ქმარმა შეიტყო, რომ ჩემ ცოლს ღორის ბარკალი დაუმალიაო და გადაეკიდა:

— მომეციო, — ცოლმა უარი მოახსენა, — მოვეკვდები, თუ არ გამომიჩენო,—უთხრა ზარმაცმა ცოლს. ცოლმა კადევ არ მისცა, — მოვეკვდებიო, — უთხრა კიდევ ზარმაცმა.

— მოკვდი, თუ მოჰკვდები, ყის დააკლდებიო,—შეჰმადლა ცოლმა.

ადგა მცონარა, წაწვა ტახტზე, დახუჭა თვალები, განაბა სულ-ტყავი და მოიმკვდარუნა თავი. ცოლმა ყასიდად დაიწყო ტირილი ქმარზე. მოიყვანა მღვდელი, გააკეთებინა კუბო,

ჩადეს შიგ და წაიღეს საყდარში. ცოლი ერთხელ კიდევ მივიდა ქმართან და წაჰჩურჩულა:

— გაცოცხლდი თორე, დაგმარხავთო.

— მკვდარი ვარ, როგორ გავცოცხლდეო,— უპასუხა ქმარმა.

— გაცოცხლდი,— დაუეინა ცოლმა.

— მაშ თუ ლორის ბარკალს მომცემ, გავცოცხლდებიო,— უთხრა ქმარმა.

— არაო,— უთხრა ცოლმა.

— მაშ არც მე ავდგებიო.

წაიღეს მცონარა და დაასვენეს ეკლესიაში. რომ დაღამდა, ზარმაცის ცოლი ადგა, მივიდა საყდრის კარებთან და დაიძახა:

— მკვდარნო, ახალნო და ძველნო, გეყურებოდესთ, ადექით, ცაში საყდარი შენდება; ვინც ახალი მკვდრები ხართ, ორას-ორასი აგური უნდა აიტანოთ, და ვინც ძველნი — ასასიო.

მცონარამ იფიქრა: ვაჟო, მე ხუთას აგურს აქაც ვერ მოვრეწვილვარ და იქ ორასი რით ეშმაკით უნდა ავიტანოვო!

წამოხტა და გაადინა ფხაქა ეკლესიიდან. ის დღეა ის დღე და აღარ მომკვდარა, აღარც ლორის ბარკალი მოუკითხნია და აღარც გვერდზე უგორაენია. მუდამ შრომობდა და იყვნენ ტკბილად და მდიდრად.

ქირი იქა, ლხინი აქა,  
ქატო იქა, ფქვილი აქა.

ელასა მელასა,  
ქიქა მეკიდა ყელასა...  
მთქმელსა და გამგონებელსა  
ქირი გაშოროსთ ყველასა.





## ვეზლა

ცხენი ვიყიდე ახალი,  
ახლა დამდგარი ჯანზედა...  
კაცმა რო სიტყვა ამოსუქვას,  
უნდა რამ იყვეს წარზედა.\*

იყო და არა იყო რა, იყო ერთი დიდებული ხელმწიფე. ჰყავდა სამი ვაჟი და სამი ქალი. უმცროსს ვაგს ეძახდნენ ვაშლას. ხელმწიფე რომ კვდებოდა, შვილებს ანდერძად სამი რამე დაუგდო: რომ მოკვდები და დამმარხავთ, სამ დღე-ღამეს მიდარაჯეთ რივრიგობით; ეგ სამი ჩეპი ცოდვის შვილები მაშინვე გაათხოვეთ; ვინც პირველადა გთხოვს, იმას მიეცით, და სპილენძის ქალაქში რომ სამი მზეთუნახავი ქალია, ისინი წამოიყვანეთო.

გარდაიცვალა ხელმწიფე, დაასაფლავეს, როგორც რიგი და წესი მოითხოვდა.

პირველსავე დღეს ჩამოწვა ღრუბელი ვაჟების კარებზე, შეეუგზავნა კაცი ძმებს, სთხოვა და ცოლად.

ვაშლამ უთხრა ძმებს:

---

\* რიგზედა (თ. რაზიკაშვილის შენიშვნა).

— ძმებო მამის ანდერძს ნუ გავტეხთ, ქალის მოხოვარი მოგვივიდა, რას იტყვიტო.

ძმებმა უთხრეს:

— რაც გინდა, ისა ქენო.

გაიყვანა უფროსი და ვაშლამ, მისცა ღრუბელს და გაისტუმრა. ის იყო ღრუბელი წავიდა, რომ მოვიდა არწივი, შეუგზავნა ძმებს კაცა და ჰთხოვა და ცოლად. ძმებმა უარი უთხრეს. ვაშლამ კი გაიყვანა საშუალო და და მისცა არწივს. არწივმა შეისვა ქალი მხრებზე და გაჰწია თავის სახლისაკენ. არწივის შემდეგ ეშმაკი მოვიდა. უმცროსი და ვაშლამ ეშმაკს მიჰცა და შეასრულა მამის ერთი ანდერძი.

რომ დაღამდა ძმები სადარაჯოდ დაემზადნენ. წილი ყარეს და მამის საფლავის ყარაულობა წინა ღამეს უფროს ძმას ერგო. უფროსი ძმა წავიდა სადარაჯოდ. დაჯდა საფლავზე და დაიწყო ლოდინი. ცოტა ხანი გავიდა და მაილო საფლავზე გრიალი შავრაშიანმა მხედარმა. მხედარი ყორანივით შავად იყო შემოსილი, რაშიც შავი ჰყავდა, იარაღიც შავი ჰქონდა, შავი ნისლი ებურა.

— ვინ ხარ? რას დაეთრევი? — დაუძახა უფროსმა ძმამ, — წადი შენს გზას გაუდექო!

შავმა მხედარმა შემოჰკრა რაშს და სიბნელეში მიიმალა. შუალამის დროს წითელი მხედარი მოვიდა, წითელი რაში ჰყავდა, წითელი ტანისამოსი ეცვა, წითელი აბჯარი ჰქონდა ასხმული, წითელი ნისლი ეხვია. ისიც გააფრთხო ვაჟმა და დაჯდა ისევ. თენჯინის დროს თეთრი მხედარი მოვიდა, თეთრი ცხენზე იჯდა, თეთრად შეკაზმულზე, თეთრი საცმელით, თეთრი აბჯრით. თეთრი, როგორც წიმარო\* თოვლი. თეთრი ნისლი ებურა პირზე. ისაც გააფრთხო უფროსმა ძმამ და წავიდა ძმებთან. ძმებს უამბო:

— ესე, ესე, ასეთ-ისეთი კაცები მოვიდნენ და გავაფრთხო.

მეორე ღამეს საშუალო ძმა წავიდა. იმ ღამესაც ვახშმობის

\* წიმარო — სპეტაკი (თ. რახიკაშვილის შენიშვნა).

დროს შავი მხედარი მოვიდა, გააფრთხო, შუალამის დროს წითელი მხედარი, ისიც გააფრთხო, თენებისას თეთრი მხედარი მოვიდა, ისიც გააფრთხო. დილით დაბრუნდა სახლში და ძმებს უამბო:

— წუხელ ასეთ-ისეთ კაცები მოვიდნენ და მე დავაფრთხეო.

მესამე ღამეს უმცროს ძმაზე ვაშლაზე მიდგა რიგი. იმან აიღო მშვილდი და ისარი და წავიდა სადარაჯოდ.

ვახშმობის დროს გამოჩნდა შავი მხედარი, მივიდა საფლავთან. ჯერ მიიხედ-მოიხედა, მერე გადმოხტა ცხენიდან, დაჰკრა ბარი სამარეს და სთქვა:

— აი, შე ასეთ-ისეთო, სანამ ცოცხალი იყავ, ვერაფერი გიყავ დი ახლა მკვდარი ხომ ჩემ ხელში ხარო.

ამის თქმა და ვაშლასაგან მშვილდის დამიზნება ერთი იყო. იქეჟა მშვილდმა, და შავი მხედარი ცხენიდან კი გადმოვარდა.

ადგა ვაშლა, გაჰხადა ტანისამოსი, აჰყარა აბჯარი, ცხენი წამოიყვანა, დამალა და თვითონ ისევ დაჯდა სადარაჯოდ.

შუღამე რომ გახდა, პირველი მამლის ყივილი, მოვიდა წითელი მხედარი. იმანაც ისა ჰქნა და ისა სთქვა, რაც შავმა მხედარმა. ვაშლამ ისიც მოკლა, აჰყარა იარაღი, გაჰხადა ტანისამოსი, წაიყვანა რაშიც, ისიც დამალა და დაუჯდა თვითონ ისევ სადარაჯოდ.

თენების ხანს თეთრი მხედარი მოვიდა. ისიც მოკლა ვაშლამ და იმის მოკაზმულობაც შეინახა. გათენდა. მივიდა სახლში და, ძმებმა რომ ჰკითხეს:

— რა ჰქენო?

იმან უთხრა:

— დავხოცე და მოვიშორეო.

ძმებმა არ დაუჯერეს და არც ვაშლამ შეატკია თავი. ორი ანდერძი რომ აასრულა მამისა, ვაშლამ უთხრა ძმებს:

— ძმებო, აბა ეს ორი ანდერძი აეუსრულეთ მამას, ეს შესამეც აეუსრულოთ, ნუ შევრცხვებით ბოლოს, წავიდეთ და

მამამ რო გვიჩიოდა ცოლად შესართავად, ის მზეთუნახავები მოვიყვანოთო.

ძმებმა დაჰყინეს:

— შენმა მზემ, შენ კი ეგ არი სამივეს ერთად მოიყვან; თუ წახვედი, შენ აღარა დაგიდგებო.

ადგა ვაშლა, შეკაზმა შავი რაში ჩუმად, ჩაიცვა შავი საცმელი, შავი აბჯარი აისხა, შემოჰკრა და გაათრინა სპილენძის ქალაქისაკენ. როდესაც სპილენძის ქალაქთან მივიდა ვაშლა, ნახა, რომ ქალაქს გალავანი არტყია, რომ თვალი ვერ აჰყვდებო. რაშმა უთხრა ვაშლას:

— გალავანთან რომ მივალთ, სამი ისეთი გადმომკარ, სამი შოლტი საქალმე ტყავი ამძვრეს. ზედ მარილი გადმომამყარე, გამაგრდი ზურგზე და მე ვიცი და იმ ქალებმამო.

მართლაც, გადაჰკრა ვაშლამ რაშს სამი მათრახი, სამი პირი ტყავი აჰძვრა, ზედ მარილი გადაამყარა, ისეუბნა რაშმა და გალავანს ზედ კი გადაეგლო. მოიტაცა უფროსი ქალი და გამოჰწია შინ.

სახლში რომ მივიდა, ვაშლამ დამალა ქალიც, გაიხადა შავი ტანისამოსიც, შავი რაშიც დამალა და ისე გამოეცხადა ძმებს. ძმებს არაფერი არ უთხრა.

მეორე დღეს ისევ დაემზადა ვაშლა და უთხრა ძმებს:

— აბა, ძმებო, წავიღეთ, მზეთუნახავები მოვიყვანოთო.

— აი, შენმა მზემ, — უპასუხეს ძმებმა, — გუშინ. რო შავი მხედარი იყო, სუ იმას არა ჰგეგხარო!

წავიდა ვაშლა. შეკაზმა წითელი რაში წითელი უნაგირითა, წითლად შეიმოსა, წითელი აბჯარი აისხა, შეჯდა ცხენზე და გაემართა ისევ მზეთუნახავებისაკენ. წითელმა რაშმაც ისე უთხრა. გადმოიყვანა საშუალო ქალიც და მივიდა სახლში. მეორე დღე რომ გათენდა, ვაშლა ისევ ადგა წასასვლელად, ისევ უთხრა ძმებს, მაგრამ იმათ ისევ უარი უთხრეს.

ადგა ვაშლა, შეკაზმა თავის თეთრი რაში, თეთრი ტანისამოსი ჩაიცვა, თეთრი აბჯარი აისხა და გაფრინდა ქარივით უმცროსი მზეთუნახავის წამოსაყვანად. გალავანთან რომ მივიდა, რაშმა უთხრა:

— მოსართავეები მაგრა მამიკირე, სამი მათრახი გადმომ  
კარ, სამი შოლტი ტყავი ამძვრება, ზედ მარილი გადამაყარე,  
და მე გადმოვიყვანო.

ვაშლამ ყველაფერი ისე ქნა, როგორც რაშმა ასწავლა, ის-  
კუბა რაშმა, გადახტა და წამოიყვანა უმცროსი ქალიც.

მივიდა სახლში. შეიყვანა ქალი დებთან, რაში რაშებთან,  
თვითონ ძმებთან შევიდა. წამოიყვანა ჯერ ქალებთან შეიყვანა.  
უფროსი უფროსს მისცა, საშუალო—საშუალოს, უმცროსი თა-  
ვად დაიჭირა. მერე რაშებთან შეიყვანა. შავი რაში უფროს  
ძმას მიჰცა და შავი ტანისამოსი და მორთულობა, წითელი  
საშუალო ძმას და თეთრი თვითონ დაიჭირა.

— აი, ეს რაშები და ეს ტანისამოსი იმ კაცებისაა, თქვენც  
რო ჰნახეთ, მამაჩვენის საფლაფზე რო მოდიოდნენ, მე დაეხო-  
ცე. ეს ქალებიც მამაჩვენმა რო ანდერძად დაგვიგდო მზეთუნა-  
ხავის ცოლად შერთვა, ესენი არიან. ის კაცები, ერთხელ  
შავი რაშით რო ჰნახეთ, ქალი რო მოიტაცა, ერთი წითლის  
რაშით და ერთიც თეთრის რაშით და თეთრი აბჯარ-აბგით,  
მე ვარო. გაუხარდა ძმებს. დაიწყეს ცხოვრება ტკბილად და  
გემრიელად.

ერთხელ ვაჟები სანადიროდ იყვნენ. მინდორში ერთი ციდა-  
მტკაველა კაცი ნახეს, თვითონ მუშტისტოლა ძლივ იქნებოდა  
და ულვაშები კი თითო ადლი ჰქონდა. უფროს ძმებს ძალიან  
გაუკვირდათ, სთქვეს კიდევ:

— წაიყვანოთ, ჩვენს ცოლებს გასართობლად გამოადგებაო.  
ვაშლამ უშალა:

— ნუ გინდათ, უბედურებას რასმეს შეგვამთხვევსო, — მაგ-  
რამ ვერ დააშლევინა.

წამოიყვანეს ციდა-მტკაველა სახლში და წამოვიდნენ. ცო-  
ლებს ძალიან გაუკვირდათ ციდა-მტკაველა და სულ იმის ჩაჩ-  
მულილში იყვნენ.\*

ერთხელ სამივე ძმა სანადიროდ იყვნენ. იმათ ცოლებმა

---

\* სულ იმას ჩასცქეროდნენ (თ. რაზიკაშვილის შენიშენა).

გამოიყვანეს ციდა-მტკაველა კარში და ეთამაშებოდნენ. უცებ ეს ციდა-მტკაველა უშველებელ ვეშაპანდ კი იქცა. მოიტაცა ვაშლას ცოლი და ჰერი,—გაუსეა, წაიყვანა და წაიყვანა. დაბრუნდა ვაშლა სახლში. სადღაა ცოლი! შემოიკრა თავში და პირში, მაგრამ რას უშველიდა?

შეკაზმა ბოლოს თავის თეთრონი, ჩაიცვა თეთრი ტანისამოსი, თეთრი აბჯარი აისხა და გაპწია საძებნელად. ბევრი იარა, ცოტა იარა და მოვიდა ღრუბლის სახლში. ღრუბელი სანადიროდ ყოფილიყო. უფროსი და კი შინ დაჰხედა. დას ძალიან გაუხარდა ძმის მისვლა. გადაეხევივნენ ერთმანეთს, დაუწყეს კოცნა. ვაშლამ უამბო დას, რადაც მივიდა იმათას, ან სად მიდიოდა. რომ დასალამოვდა, დამ უთხრა ვაშლას:

— ძმაო დაგმალავ, თორემ შენი სიძე მოვა და ვაითუ ვერ გიცნოს და ზიანი რამ გიყოსო.

აქცია ვაშლად და დადო ტახტზე. მოვიდა სალამოზე ღრუბელი და ცოლს უთხრა:

— კაცის სუნი მომდისო.

— აქ კაცს რა საქმე აქვსო,—უთხრა ცოლმა; გადუკრა ლაპარაკი და მერე უთხრა ცოლმა ღრუბელს:—აქ ჩემი ძმა რო ვინმე მოვიდოდა, რას უზამდიო?

— უფროსი იქნება, მწვადად ავაცვამ, საშუალო იქნება, დავციცქნი, თუ უმცროსი, და სულში ჩავისვამო.

აილო ქალმა ვაშლი ხელში და უთხრა:

— შენი ცოლის უმცროსი ძმა არის აქაო.

ვაშლი იქცა ვაჟად და ვაშლამა და ღრუბელმა ერთმანეთი ჩაკოცნეს. ღრუბელამ გამაჰკითხა ყველაფერი ვაშლას, ვაშლამ უამბო, სადაც მიდიოდა, ან რადაც და ჰკითხა:

— ხომ არსად გინახიაო?

— ვნახე, — უთხრა ღრუბელმა, — კიდევ გამოვუდექ, ხელსახოციც წავართვი ქალს, მაგრამ ის ისეთი ვაჟია, რომ იმას ვერავინ რას გამოართმევს. მე ვერაფერი ვერ ვიცი სხვაო,—



მისცა ხელსახოციც და უთხრა:—როდესაც გაგიქირდება ეს ხელსახოცი გამოგადგებაო.

გამოეთხოვა ვაშლა და წავიდა საძებნელად, თან გაუვსო ქიქა წყლით და უთხრა:

— სანამ ეს წყალი ქიქაში ფერს იცვლის, ცოცხალი მიგულებთ, გაწითლდება და—მკვდარი ვარო.

გზაზე არწივს შეუარა. გამოეგება საშუალო და დაუწყყო კოცნა. შეიყვანა შინ და დაუწყყო ამბის კითხვა. ძმამ უამბო ყველა თავის თავგადასავალი და უთხრა:

— ახლა საძებნელად მივალ და სიძეების თავი მქირიაო...

სალამო ხანი რომ მოახლოვდა, დამ უთხრა ვაშლას:

— ძმაო, კი თუ დაგმალავ, თორემ შენს სიძეს ვაითუ სხვა ვინმე ეგონო და შეგამთხოვოს რამეო,—აქცია ხელსახოცად და მუთაქის ძირში ამოდო.

სალამოზე არწივი მოფრინდა და სთქვა:

— სულიერის სუნი მომდისო.

— აქ კაცს რა უნდა შენი შიშითა, — უთხრა ცოლმა და გადუქრა ლაპარაკი;—ჩემი ძმა რო საითმე მოვიდოდა აქ, რას უზამდიო?

— უფროსი იქნებოდა, მწვადად ავაცვამდი, საშუალო იქნებოდა, წვრილად დავქრიდი, თუ უმცროსი იქნებოდა და სულში ჩავიძვრენდიო.

— აქ არის შენი უმცროსი ცოლის ძმაო,—უთხრა ქალმა და გამოუჩინა ვაშლა.

ვაშლამა და არწივმა დაჰკოცნეს ერთმანეთი და ჰკითხეს ამბავი. ვაჟმა უამბო, რადაც იყო მოსული და ჰკითხა:

— ხომ არსად გინახიაო?

— ვნადირობდი,—უთხრა არწივმა,—იმ დროს გადმოატარა ქალი, გამოვუდექე, ქოშის წართმევა კი მოვასწარ და ვერ წავართვი კი. ის იმისთანა ვაჟია, რომ ეგრე აღვილად იმას ვერავინ წაართმევსო.

გაუვსო იქაც ქიქა წყლით და უთხრა:

— სანამ ეს წყალი ქიქაში ფერს არ იცვლის, ცოცხალი მიგულებთ, გაწითლდება და—მკვდარი ვარო. — გამოეთხოვა ამათაც მეორე დღეს და გაუდგა გზას.

მივიდა ეშმაკთან. გამოეგება უმცროსი და და დაუწყო კოცნა. შეიპატიუა სახლში, დასეა და დაუწყო ამბის კითხვა. ვაშლამ ყველაფერი უამბო დას, სადაც მიდიოდა და ან რა-დაც. საღამო რომ მოახლოვდა, დამ ვაშლა წყლიან ჭიქად აქცია და ქმარს მარტო მაშინ გამოუჩინა, როდესაც ქმარმა უთხრა, რომ უმცროს ძმას სულში ჩაეიდგინო. ვაშლამ უთხრა ეშმაკს, თუ რადაც გაისარჯა და მოვიდა იმასთან. ეშმაკ-მაც უთხრა:

— მეც ვნახე, მიჰყავდა, დავედგენე კიდევ წასართმევად, მაგრამ მე იმას ვერ წავეართვი. ის ისეთი ვაჟია, რომ ჩემის-თანები იმას ქალს ვერ ართმევენ. ეს კი იყო, რომ ქალს ბე-ქედი წაეადრე ხელიდანაო.

გამოთხოვების დროს, აავსეს აქაც ჭიქა წყლით, და უთხრა ვაშლამ ეშმაკს, რომ თუ ჭიქაში წყალი გაწითლდა, მაშინ მკვდარი ვარო. გამოეთხოვა და გაუდგა თავის გზას.

ბევრი იარა, ცოტა იარა და მოვიდა ვეშაპის კარზე. იცნო ცოლმა და ტირილით მიეგება წინ:

— რად მოხველ, რადლა დამაღონებ, ისეც დაღონებულს, ხო მოგკლავს ის უსურმაგიო!

— ნუ გეშინიან, — უთხრა ვაშლამ, — გამამყევე, და იზან რაც უნდა; ისა ჭნასო! — შეისვა ვაშლამ ქალი თავის თეთრონზე და გაუდგა გზებს.

მოვიდა ციდა-მტკაველა შინ. მოიკითხა, აღარსად ცოლი-შაჯდა თავის სამფეხიან რაშს და გაუქროლა. ცოტა ხნის შემდეგ დასწვდა ვაშლას, წაართვა ქალი და უთხრა:

— ახლა კი მიპატიებია, რადგანაც მეც მოგტაცე ცოლი და მეორედ კი აღარ გაჰბედოვო. — გაუშო ვაშლა თავის გზაზე, ქალი თვითონ შეისვა ცხენზე და გასწია სახლში.

ვაშლამ ამით არ მოიშალა. ადგა ისევ და წავიდა ციდა-მტკაველას სახლში. ქალმა უარესად დაიწყო ტირილი:

— ეგ არი, აღარა გიხსნის, რად მოხვიდოდი, რაღა დაღონება და დამძარება მაკლდაო!

ვაშლამ მეორედ მიიტაცა ცოლი და გაუდგა გზას. გზაზე კოლსა ჰკითხა:

— რით, ან როგორ უნდა გავეხვეწოთ ციდა-მტკაველასაო?

— სხვით ირაფრით არ შეიძლება, იმას გაასწოროს კაცმა, თუ ისეთივე რაში არ იზოვია, როგორიც ციდა-მტკაველასა ჰყავს; იმან ის რაში ზღვიდან გამოიყვანა, წავიდა ზღვის პირს, წაიღო სამი ღუმეა, უსო, უსო ქვას ერთი ღუმეა და გამოჩნდა რაში ზღვიდან. რაშს უკან სამი მგელი მოჰყვა. ის ორი ღუმეა ორი მგლისთვის გადაეგდო; მესამე გაღეული ყოფილიყო, და აბა, მესამე მგელს რას გადაუგდებდა; იმ მესამე მგელს მოეჭამა იმის რაშისთვის მეოთხე ფეხი, და ახლა სამფეხა იმითა ჰყავსო.

ესენი ამ საუბარში იყვნენ, რომ ციდა-მტკაველა სახლში დაბრუნდა, ცოლი შინ ვერა ნახა; მაშინვე მიჰხვდა, ისევ ვაშლა წაიყვანდაო, და გამოუდგა; დაეწია, დაეკუნა, ჩაყარა გახურებულ რკინის ყუთში, დაკეტა და ზღვაში გადააგდო ვაშლა. ქალი უკან დააბრუნა და ავიდა სახლში.

აქ რომ ვაშლა დაეკუნა ციდა-მტკაველამ, იქ ღრუბლისას, არწივისას და ეშმაკისას კიქაში ჩაყენებული წყალი გაწითლდა, იქცა სისხლად. ღრუბელმა დაუარა სხვა სიძეებს და შეატყობინა, რომ ვაშლას საქმე უჭირსო. მაშინვე შეიყარნენ ერთად ღრუბელი, არწივი, ეშმაკი და გასწიეს ვაშლას საშველად.

ჩაწვა ღრუბელი ზღვაში, ამოიღო ზევით ვაშლა, არწივმა დაუქროლა, გამოიტანა ნაპირს, ეშმაკმა გატეხა ყუთი, გადაასხა ვაშლას ძვლებს უკვდავების წყალი და გააცოცხლა.

ადგა ვაშლა, მაიფუშენიტა თვალები და სთქვა:

— ჰო, რა ბევრი მძინებიანო!

— ბევრი მაშინ გეძინებოდა, რომ ჩვენ არ შეგსწრებოდითო, — უთხრეს სიძეებმა და უამბეს, თუ ან მკვდარი როგორ იპოვეს და ან როგორ გააცოცხლეს.

ვაშლა დაემზადა ისევ წასასვლელად. სიძეებმა უშალეს, მაგრამ არ დაიშალა. წავიდა ზღვის პირას, წაიღო ბევრი ღუმეა, დაჯდა იმ ქვაზე, რომელიც ცოლმა ასწავლა და დაუწყო ღუმას სმა ქვისად. ერთი ღუმეა რომ გალია, გამოჩნდა კიდევ ზღვიდან რაშის ყურები; მერე რაშიც გამოვიდა და მაჰყვნენ მგლებიც. მგელს ვაშლამ ღუმეები დაუყარა, თითოს მგონი,

ბუთ-ბუთიც შეჭვდა; იმათ ისენი დაირიგეს, და ვაშლამ კი თავის რაშით მოუსო ციდა-მტკაველასაკენ.

მოვიდა ქალთან, მოიტაცა და გააფრინა. მოვიდა ციდა-მტკაველა, აღარ დაჰხვდა ცოლი და მაშინვე რაშთან მიიქრა:

— დავეწვიეთ თუ არაო? — წინათაც ჰკითხავდა ხოლმე რაშს და ააჩქარებდა, მაგრამ რაში ეტყოდა:

— ფიქრი ნუ გაქვს, ვერსად წაგივლენო! — ახლა კი რაშმა გადუწყვიტა იმედი: — ეგ არი, იმათ ჩვენ ველარ მოვეწვიეთო.

მაინც შეჯდა ციდა-მტკაველა რაშზე, გამოუდგა ვაშლას, მაგრამ ვაშლას რაში სხვანაირად მიფრინავდა. ციდა-მტკაველას სამფეხი დარჩა, და ვაშლა კი გავიდა სამშვიდობოს...

ვაშლამ გზაზე შეუარა სიძეებს, ყველგან ლხინი გაუმართეს და მერე გასწია თავის სახელმწიფოში.

ქირი იქა, ლხინი აქა,  
ქატო იქა, ფქვილი აქა.

ელასა — მელასა,  
ქიქა შეკიდა ყელასა,  
მთქმელსა და გამგონებელსა,  
ძილი გაამოსთ ყველასა.

ჩიტი გაფრინდა ცხრაფრთანი,  
ასი ტყუილი, ერთი მართალი...





## ქიზრის ქალი

იყო და არა იყო რა, იყო ერთი დიდებული ხელმწიფე. იმ ხელმწიფეს ერთი ვაჟი ჰყავდა.

ერთხელ ხელმწიფის შვილი ქალაზე ქვიშაზე იჯდა და ლამსა ჰწყევდა. ამ დროს ერთმა ბებრის ქალმა წყლიანი კოკა გამაატარა. ხელმწიფის შვილმა ესროლა ქვა და ბებრის ქალს კოკა კი გაუტეხა. წავიდა ტირილით სახლში ეს ქალი. დედას უთხრა:

— ერთმა ვაჟმა კოკა გამიტეხა, რიყებზე იჯდა, ქვიშასა სწყევდაო.

დედამ აიღო კოკა და წავიდა წყალზე. გამოვლის დროს ხელმწიფის შვილმა იპასაც ესროლა და გაუტეხა კოკა. ბებერი მობრუნდა. დაინახა ხელმწიფის შვილი და დაუძახა:

— ხელმწიფის შვილი ხარ, როგორ დაგწყვიო და კიტრის ქალის სურვილიმც ჩაგვარდნია, რომ არც სმა-ქამა გიამებოდეს და არც წოლა-ძილიო!

ბებრის სიტყვები მართლა ასრულდა. ჩაუვარდა ხელმწიფის შვილს სიყვარული, და ჰკლავდა კიტრის ქალის სურვილი. უდროოდ ჩამოხმა. შეატყო ხელმწიფემ და დაიწყო მიზეზის ძევა. ბოლოს წეიტყო ხელმწიფემ, რომ იმის შვილი სიყვარულისაგან იყო ავად, დაიბარა და უთხრა:

— აბა, შვილო, მითხარ, რაზე ჰკვდები, სად არის, ვინც შენ გიყვარს, და ახლავ მოვაყვანიებთო.

ვაჟმა უთხრა:

— მე კიტრის ქალი მიყვარს და, თუ იქნება, იქნება, თორე მე არ შემძლიან სიცოცხლეო.

ხელმწიფე დალონდა და ბოლოს უთხრა:

— ისევ ის ბებერი თუ გიშველს რასმეს, რომელსაც დაუწყევინხარ, თორემ სხვა წამალი არ არისო!

დაუძახეს ბებერს. ბებერი ეტყვის:

— მე მოვიყვან იმ ქალს, გამომაყოლეთ ხელმწიფის შვილი და ექვსი შაური ფული მოგვეცითო.

ხელმწიფეს ძალიან გაუხარდა. ფულიც მისცეს, ხელმწიფის შვილიც გაჰყვა და წავიდნენ.

ბევრი იარეს, ცოტა იარეს, მიადგნენ ერთ ბაღს.

ბებერმა უთხრა ხელმწიფის შვილს:

— ეს ბაღი ხელმწიფისია, აქ მებაღეებს კიტრს შევევაქროთ, ექვსი შაურის კიტრი ვიყიდოთ; შენ შედი ჩუმად, შეიარე შუა ბაღში, ერთი დიდი კიტრი აბია, ის მოწყვიტე და დამალე. რომ გაპთლი, ერთი ნათალი არცად ჩაგივარდესო.

მართლაც შევევაქრებიან მებაღეებს, იყიდეს ექვსი შაურის კიტრი. ხელმწიფის შვილი შეიპარა შუა ბოსტანში, მოაწყვიტა დიდი კიტრი, დამალა და გამოვიდა გარეთ. გათალა ხელმწიფის შვილმა დიდი კიტრი. და ისეთი ქალი კი გამოჩნდა კიტრში, ისეთი რომ ამისთანას კაცის თვალი ვერაფერსა ჰნახავდა. გადაეხვია მაშინვე ხელმწიფის შვილი მზეთუნახავს კიტრის ქალს და დაუწყო კოცნა. წაიყვანეს ქალი და წავიდნენ. იარეს, იარეს და თავის სახელმწიფოში რომ მივიდნენ, ხელმწიფის შვილმა უთხრა კიტრის ქალს:

— ხელმწიფის შვილი ვარ, აბა ისე რო მიგიყვანო, ან რა სახელია და ან ნამუსი, წავალ, ჩემ ჯარსაც წამოვიყვან და ამაღასაც. სანამდისინ ამ ხეზე შეგსვამ და მომელოდინეო!

კიტრის ქალმა უთხრა:

— ხელმწიფის შვილო, ინანებ, აქ ნუ დამტოვებო!

ხელმწიფის შვილმა არ დაიჯერა, შესვა კიტრის ქალი ერთ ალვის ხეზე წყლის პირას და თვითონ კი წავიდა სახლში.

ხელმწიფის შვილი რომ წავიდა, ხმ გზით გამოიარა ერთმა

არაბის ქალმა წყლისათვის, დაინახა კიტრის ქალი ხეზე და დაუძახა:

— მანდ რა აგიტანია, რასა ჰშერებო?

კიტრის ქალმა ყველაფერი ჩაჰძახა:

— ჩემი ქმარი ხელმწიფის შვილია, აქ შემსვა ხეზე და თვითონ კი ჯარის მოსაყვანად წავიდა, რომ ისე წამიყვანონო.

არაბის ქალმა რაკი ეს გაიგო, მაშინვე კბილები დაუკრიჭა კიტრის ქალს:

— ჩამოდი მანდედან, თორემ თმას სუ სათითოოდ გაგაგლეჯო!

რას იზამდა? ჩამოვიდა კიტრის ქალიც. არაბის ქალმა გააძრო ტანისამოსი კიტრის ქალს, იმისი სამოსელი თვითონ ჩაიცივა, იმას ხელი ჰკრა, წყალში ჩააგდო, თვითონ იმ ხეზე შეხტა და დაჯდა.

მოვიდა ჯარით ხელმწიფის შვილიც. ნახა რომ მზეთუნახავის მაგიერ ერთი შავი ჯოჯო რამა ზის.

— ეგ რა მოგსვლიაო? — დაუძახა ხელმწიფის შვილმა არაბის ქალს, იმას კიტრის ქალი ეგონა.

— აქი გითხარ, აქ ნუ დამტოვებ, — დაუძახა არაბის ქალმა, — მზე მომეკიდა, იმან გაძაშავაო.

რალას იზამდა ხელმწიფის შვილი? წაიყვანა ეს არაბის ქალი, მაგრამ გული კი არ მიჰდიოდა იმაზე... კიტრის ქალი კი წყალში ოქროს თევზად იქცა, წავიდა და იქ დაბინავდა, სადაც ხელმწიფის ჯოგს წყალს ასმევდნენ.

ხელმწიფის შვილს მოახსენეს:

მესამე დღეა წყალში ერთი რალაც თევზია, მზესავით ანათებს, ცხენებს გვიფრთხობს, წყალი ვერ დაგვიღვინებიაო.

ხელმწიფის შვილი წავიდა თვითონ თევზის სანახავად. გაიკეთა წყლის პირზე ლოგინი და იქ ეძინა ხოლმე ღამე. როდესაც ხელმწიფის შვილს დაეძინებოდა, მოვიდოდა თევზი, დააწვევებოდა გულზე და ისე იყო. როდესაც ხელმწიფის შვილს გაელეიძებოდა, ისევე წყალში გაღუბტებოდა. ბოლოს ბევრი ცდით დააქერინა ხელმწიფის შვილმა ოქროს თევზი და თავის ორთავ თვალებივით ინახავდა. არაბის ქალმა იცოდა, ვინც

იყო ის თევზი და იი ერთხელ გახდა ტყუილად ავად, ქმარი დაიბარა და უთხრა:

— თუ მაგ თევზს არ დამიკლავ, მოვკვდებიო.

ხელმწიფის შვილი ჯერ დიდ უარზე იყო, მერე კი დაპ. თანხმდა. დაკლეს ეს თევზი, და არაბის ქალმა უბრძანა:

— ერთი ფხა, ერთი პატარა ძვალი არსად გადაგივარდეთ, ცეცხლში ჩაწვითო! — მაგრამ ბედზე ერთი ძვალი ბალში გადავარდნილიყო, და იმაზე ისეთი ხე ამოვიდა, ისიც ოქროვერცხლისა, რომ იმის ჩრდილი მკვდარს გააცოცხლებდა. გააკეთებინა იმ ხის ქვეშ ლოგინი ხელმწიფის შვილმა და ეძინა ხოლმე იქ ღამე. ხე კიდევ ჩამოუშვებდა ტოტებს და დაუწყობდა გულზე ხელმწიფის შვილს.

ასე მიდიოდა დრო. არაბის ქალს ქალი ეყოლა. იცოდა არაბის ქალმა ეს ხე საიდანაც იყო. გადაეკიდა ქმარს:

— ეკ ხე უნდა მოჰქრა და მაგისა ჩემი ქალისათვის აკვანი უნდა გააკეთებინოვო.

ხელმწიფის შვილს არ უნდოდა, მაგრამ ძალად მაჰკრეინა ცოლმა.

— ერთი ნაფოტი არსად გადააგდოთ მაგისა. თორემ ცოცხლები ვეღარ გადმირჩებიოთ, — უთხრა არაბის ქალმა ხის მკრელებს. ბედად ერთი ნაფოტი ლობის პირზე დაცემულიყო. ერთი უშვილო ბებერი საყდარში მიდიოდა. ნახა ნაფოტი, მოეწონა და წაიღო სახლში; რო მოკვდებო, თავით დავადებოებ კუბოშიო...

მიდიოდნენ დღეები. და ნაფოტი კი ბებერს ჰქონდა შენახული. ერთხელ ბებერმა დაიჩვილა: ნეტავი ერთი ისეთი ვინმე მომკა, რომ სანამ მე ლოცვაზეთ მოვიდოდი, სახლს დამიგვიდა, ცეცხლს დაანთებდა და ლობიოს დაჰდგამდაო.

ამის შემდეგ, როდესაც ბებერი წავიდოდა სადმე, იქცეოდა ნაფოტი ქალად, დაჰკვიდა, დაჰწმენდა იქაურობას, დაასუფთავებდა ჯამ-ქურქელს, ჩაჰდგამდა ლობიოს და ისევ ნაფოტად იქცეოდა. მოვიდოდა ბებერი, ჰნახავდა დაგვილ-დასუფთავებულ სახლს, დადგმულს ლობიოს; უკვირდა და არ იცოდა, ვინ იყო ეს ღვთისგან კურთხეული, რომელიც იმას ჰშველოდა.



ერთხელ ბებერი ადრე დაბრუნდა სახლში და ეს ქალი კი ნახა. უთხრა ქალმა:

— შენ — დედა და მე — ქალიო.

ამის შემდეგ ბებერმა და კიტრის ქალმა დაიწყეს ერთად ცხოვრება. კიტრის ქალი სხვა სახით დადიოდა მუდამ, რომ იმის სილამაზე არავის შეეტყო.

ერთხელ კიტრის ქალმა უთხრა თავის ნადედობს:

— ასე ტყუილად რაღა ვართ, ვიშოვოთ ან ცხენი, ან ძროხა სადმე და გავყვებოთო.

ბებერი წავიდა ხელმწიფის შვილთან, გამოართვა ერთი კოკლი ცხენი და დაუწყეს კვება. ისე მოუარეს, ისე ასვეს და აკამეს, რომ კოკლი ცხენი სულ ვარსკვლავებს ეთამაშებოდა. კიტრის ქალი პირს დაიბანდა და იმის პირის ნაბანზე ისეთი ბალახი დაწვებოდა, რომ ცხენს თავიც აღარ დაუჩნდებოდა.

ერთხელ ხელმწიფის შვილმა გაგზავნა კაცები ბებერთან შესატყობლად: რა უყვეს იმ ცხენს, ისევ ცოცხალია თუ მოუკვდაო. მოვიდნენ ნაზირ-ვეზირები, ნახეს ცხენი, რომ ვარსკვლავებს ეთამაშება. უნდოდათ დაქერა, მაგრამ სანამ ბებრის ქალი არ მოვიდა, ვერაფერს დაიქირა. წავიდნენ ნაზირ-ვეზირები, მოახსენეს ხელმწიფის შვილს:

— ბებერს რო ქალი ჰყოლია, იმას ისე მოუვლია იმ კოკლი ცხენისათვის, ისე გაუსუქებია, რომ ირემივით ველად დარბის, ხელში ველარ ჩაგვიგდიაო.

ხელმწიფის შვილმა მააყვანიანა მაშინვე ის ცხენი თავისთან, მაგრამ ცხენი კარებში ჩაწვა და ველარ ააყენეს. ხელმწიფის შვილი გაბრაზდა:

— როგორ თუ მომატყუეთ, ეს რა ცხენია, ამას აქებლითო? ნაზირ-ვეზირებმა მოახსენეს:

— თვითონ ბებრის ქალი დავიბაროთ, ის ააყენებს და მერე ნახეთო. — ცხენს კიტრის ქალისაგან ჰქონდა ნათქვამი, — რომ სანამ მე არა გკრა წიხლი, არ ადგეო.

დაიბარეს ბებრის ქალი. მივიდა ცხენთან, ჰკრა წიხლი და წამოაფრინა. გაიღერა ყელი ამ ცხენმა და გაიქცა მინდორზე. მთელი ჯარი, ნაზირ-ვეზირი იმას დაედევნენ, მაგრამ ვერ დაი-

ქირეს. ბებრის ქალმა კი ერთი სიტყვა დაუძახა და დააბრუნა. ნახა ბებრის ქალი ხელმწიფის შვილმა და საშინლად მოეწონა. სულ იმას ცდილობდა ის ენახა თვალთ.

ერთხელ ხელმწიფის შვილმა არაბის ქალს უთხრა:

— გოგოებს დაეუძახოთ და ბრინჯი გაეარჩევინოთო.

არაბის ქალს არ ექაშნიკა, უარი უთხრა, მაგრამ ხელმწიფის შვილმა თავისი გაიყვანა, და დაუძახეს გოგოებს. ბებრის ქალიც (კიტრის ქალი) იქ იყო. ხელმწიფის შვილიც იმათთან იყო და თვალს არ აშორებდა ბებრის ქალს. ბოლოს ხელმწიფის შვილმა უთხრა ქალებს:

— აბა, ქალებო, ვინმემ ზღაპარი თქვით, ეგები გავერთოთო.

ყველა ჩუმად იყო. არავინ არ იღებდა ხმას. ბებრის ქალმა დაიწყო:

იყო და არა იყო რა, და მოუყვა იმას, რაც გადაჰხდა თავს. არაბის ქალი პირდაპირ უწის და უღესავს კბილებს, მაგრამ ბებრის ქალი არ იშლის და აბოლოვებს ზღაპარს. ხელმწიფის შვილი გადაეხვია კიტრის ქალს და ჩაჰკოცნა:

— შენა ხარ ჩემი ცოლი, მე სხვა არავინ მინდაო!

გამოიყვანეს არაბის ქალი კი თავის ქალიშვილით, გამოაბეს ცხენის ძუას და ისე ათრეინეს. დაიწერა კიტრის ქალზე ჯვარი ხელმწიფის შვილმა, გამეფდა და დაიწყეს ტკბილი ცხოვრება...

ქირი იქა, ლხინი აქა,  
ქატო იქა, ფქვილი აქა.

ელასა, გელასა,  
ქიქა მეკიდა ყელასა,  
მთქმელსა და გამგონებელსა,  
ძილი გვაამოს ყველასა!





### ქობრე

იყო და არა იყო რა, იყო ერთი გლეხი კაცი, ჰყავდა სამი ვაჟი. უმცროსს ვაჟს კობრეს ეძახდნენ, უფროსისა და საშუალისა არ არის ნათქვამი.

გლეხი კაცი მოკვდა. ძმებმა მამის სიკვდილის შემდეგ ერთად დაიწყეს ცხოვრება. უმცროსი კობრე არაფერს არ აკეთებდა სხვას, ჰთლიდა კომბლებს და ჭერში აწყობდა. რაკი მზაბეზრა ზარმაცობით თავი ძმებს კობრემ, ძმებმა აიღეს, მისცეს ოთხი თხა და გამააგდეს სახლიდან კობრე.

კობრემ აიგო ერთი ქოხი, დადგა შიგ, ჰთლიდა ისევ კომბლებს და ჭერში აწყობდა. თხები თავგანებებულები დადიოდნენ ტყეში, ბევრჯერ დაბრუნდნენ კობრეს თხები შინ მშვიდობით, მაგრამ ბოლოს უბედურება ეწვია. ერთ დღეს ორი თხალა მოუვიდა, მეორე დღეს ერთიც აღარ მოჰსვლია.

ადგა კობრე, აიღო ოთხი კომბალი, ორი ერთ მხარეზე გადაიღო, მეორე მეორეზე და წავიდა ტყეში თავის თხების დამკვლეის საძებნელად. გზაზე მელია შეჰხვდა.

— გამარჯვება, მელიავ!

— გაგიმარჯოს!

— ჩემი თხები შენ ხომ არ დაგიკამიაო?!

— არაო, — უთხრა მელიამ.

— მაშ, აბა, კბილები დაკრიკეო? — დაკრიკა მელიამ კბილები, არაფერი არ ეტყობოდა, დაანება კობრემ თავი მელიას და წავიდა ისევ.

გზაზე შველი შეჰხვდა:

— გამარჯვება, შველო!

— გაგიმარჯოს კობრე!

— საიდან? ჩემი თხები ხომ არსად გინახიაო?

— არაო!

— აბა, კბილები დაკრიჭეო. — დაკრიჭა კბილები შველმა-  
აბა ის რა თხებს დაჰჰამდა? გაჰცდა ამასაც კობრე და ახლადათეს შეჰხვდა:

— გამარჯვება!

— გაგიმარჯოს!

— საით, დათვო, ჩემი თხები ხომ არ გინახია სადმეო?

— არაო, — უპასუხა დათვმა.

— აბა, მაშ კბილები დაკრიჭეო! — დაკრიჭა დათვმა კბი-  
ლები, არაფერი ეტყობოდა, გაჰცდა დათვსაც და წავიდა...

კობრეს თხები თურმე ტყეში დადიოდნენ. შეხვდათ მელია:

— გამარჯობათ, თხებო!

— გაგიმარჯოს, მელიავ!

— საიდან მოჰდიხართ, ან საისაკე, არ გეშინიანთ რო შეგ-  
ქამოსთ რამანმეო?

— არა, — ეტყვიან თხები, — ჩვენი პატრონი კომბლებსა-  
ჰთლის, ჰერშია ჰსხამს, ვინც ჩვენ დაგვკამს, თავშია ჰსხამსო.

გაჰცდა მელია და წავიდა. მერე კობრეს შეჰხვდა მელია,  
მაგრამ არ უთხრა, თუ ვნახეო...

თხებს წინ შველი შეჰხვდათ.

— გამარჯობათ, თხებო!

— გაგიმარჯოს! სად მიჰდიხართ, არ გეშინიანთ ან მგლისა,  
ან დათვისა, რო შეგქამოსთო?

— არა, — ეტყვიან თხები, — ჩვენი პატრონი კომბლებსა-  
სთლის, ჰერშია ჰსხამს, ვინც ჩვენ დაგვკამს, თავში ჰსხამსო.

გაჰცდა შველი, აღარაფერი უთხრა და გაუდგა თავის გზას.  
თხებიც წავიდნენ. თხებს დათვი შეჰხვდათ:

— გამარჯვებათ, თხებო!

— გაგიმარჯოს, დათვო! — საითკენ გაგიბედნიათ, თხებო, აწ  
დაბურულ ტყეში, არაფრისა გეშინიანთო?

— რისა უნდა გვეშინოდეს, — ეტყვიან თხები, — ისეთი პატრონი გვყავს, კომბლებსა ჰთლის, ჭერშია ჰსხამს, ვინც ჩვენ შეგვჭამს, თავშია ჰსხამსო...

შეშინდება დათვი, აღარც ავს ეტყვის, აღარც კარგს, გაპყდება და წავა თავის გზაზე. დათვი ამის შემდეგ კობრეს შეჭხვდება, მაგრამ დაუძალა და არ უთხრა: თუ მე ვნახე შენი თხებიო.

იარეს თხებმა და მგელი შემოჰხვდა გზაზე:

— გამარჯვებათ, თხებო, კულ-თეთრებო! — ეტყვის მგელი.

— გაგიმარჯოს, მგელო ლორმუტელო, — უპასუხებენ თხები.

— საისაკე გაგიბედნიათ, თხებო, არ გეშინიანთ, რო მე შეგვჭამოთ?

— არ გვეშინიან, — უპასუხებენ თხები, — ჩვენი პატრონი კომბლებსა ჰთლის, ჭერშია ჰსხამს, ვინც ჩვენ შეგვჭამს, თავშია ჰსხამსო.

— აბა, მაშ მე მცხას თავში თავის კომბლები თქვენმა პატრონმაო, — ეტყვის მგელი და ამ თხებს კი გამაჰლადრავს ყულებსა. თხის ხორციით გამძღარი მგელი მოდის, და შეჭხვდება გზაზე კობრე.

— გამარჯვება, მგელო!

— გაგიმარჯოს!

— ჩემი თხები ხომ არ გინახია?

— არა!

— აბა, მაშ კბილები დაკრიჭეო, — ეტყვის კობრე.

მგელმა არ დაკრიჭა კბილები.

— დაკრიჭე კბილებიო! — დაუყვირა კობრემ.

მგელმა კიდევ არ დაკრიჭა. მესამედ რომ გაუმეორა კობრემ, დაკრიჭა მგელმაც კბილები და ე თხის კული კბილებში კი ეჩარა ისევ. მოიყრენა კომბლები კობრემ და ერთი თუ ორი ამ მგელს, ტყიპა, ტყიპა. გამოუდგა კობრე, გაეჭყა მგელი. მგელმა ინატრა:

— ღმერთო, ისეთი წვიმა მაიყვანე, რომ კობრე დაახრწოსო!

კობრემ ინატრა:

— ღმერთო, ისეთი კამეჩის ტყავი გადმომხურე, რომ ნამი არ დამეცეს!

წამოვიდა საშინელი წვიმა, კობრეს კამეჩის ტყავი გადაეფარა, მგელს კი სოროში წყალი და კინალამ დაახრჩო.

— კიდევ ინატრებო? — მიუხდა სოროში კობრე მგელს. მგელმა უთხრა:

— კაცო, ოღონდ თავი დამანებე, და ერთ ფარა ცხვარს მოგცემ. წავალ, მეცხვარეებს რომ ოქროს ბატკანი ჰყავს, იმას მოვტაცებ, ზღვაში შევვარდები, შემომყვებიან, დაიხრჩობიან, შენ კიდე წადი და ფარებს დაჰპატრონდიო.

— კარგიო, — დაჰთანხმდა კობრე.

წავიდა მგელი, მოუარა მეცხვარეებს, მოჰტაცა ოქროს ბატკანი; გამოუდგნენ მეცხვარეები უკან, მგელი ზღვაში შეცურდა; შეჰყვნენ მეცხვარეებიც თან, მაგრამ ცურვა არ იცოდნენ და დაიხრჩნენ. იმათი ფარები კობრეს დაჰჩრა. წამოასხა ეს ამოდენა ცხვარი კობრემ და წამოვიდა.

კობრეს ძმებს შეჰშურდათ კობრეს ამთვენი ცხვარი და ჰკითხეს:

— კობრე, საიდან იშოვე მაგთვენი ცხვარიო?

— ჩემი თხები მგელს დავაჰქმიე, და იმან სამაგიეროდ ეს ფარები მომცაო.

ადგნენ კობრეს ძმები, იმათაც დააჰქმიეს მგელს, რაც რამ თხები ებადათ, მაგრამ მგელმა იმათ არაფერი მიჰცა. აჰმტერდნენ ძმები კობრეს. გამართეს იმის ბანი სანეხვედ და სულ იქ გადაჰყრიდნენ. კობრე კიდევ ახმოხდა ამ ნეხვს, ჰყრიდა ტომრებში და ინახავდა.

ერთ ადგილს მელორეებს ღორის ფარები ჰყავდა. კობრემ მაიკიდა ნეხვიანი ტომრები, გაიტანა ღორებთან, დაუყრიდა ცოტ-ცოტას, და მიჰდევდნენ ღორებიც. წავიდნენ საჩივლელად მელორეები:

— კობრემ ჩვენი ფარები მიითვისაო.

კობრემ მოსამართლეებს უთხრა:

— თუ ჩემი ღორები არ იყვნენ, მე რად გამომიდგებოდნენო! — მოიგო ღორები კობრემ და წაასხა ფარები.

ძმებმა რომ ნახეს კობრეს ღორის ფარები, ჰკითხეს:

— საით იშოვე, ვინ მოგცაო?

— აი, თქვენ რო ნეხვი გადმომიყარეთ, წავიღე და ღორებზე გავცვალეო.

ადგნენ ეს ძმებიც. წაიღეს ნეხვიანი ტომრები და ჩაატარეს:

— ნეხვი ღორზედა, ნეხვი ღორზედაო!

გამოუცვივდნენ ეს შელორეები და ერთი თუ ორი, ერთი თუ ორი. დაბრუნდნენ ძმები უფრო დაჯავრებულები, დაცეცხლებულები. მივიდნენ და მიუკიდეს ცეცხლი კობრეს სახლს. ადგა კობრეც, შეკრიბა რაც ნახშირი იყო, აამსო ერთი დიდი ტომარა, ზედ ერთი ლიტრა გროშები წააყარა, წაიღო და, ერთი მდიდარი კაცი იცოდა, მივიდა იმასთან. მიუტანა და მიიბარა:

— შემინახეთო!

მეორე დღეს მოჰთხოვა ტომარა და მაუღვა შარი:

— ფულის მაგიერ ნახშირი ჩამიყარესო!

გაავსებინა ტომარა ფულით, წამაიღო და წამოვიდა. შეჰშურდა ძმებს კობრეს ფული. დაუწყეს კითხვა:

— როგორ იშოვეო?

— როგორ ვიშოვე? — უთხრა კობრემ, — თქვენ რო სახლი დამიწვით, ნახშირი მოვაგროვე, წავიღე სოფელში, ვიძახე: ნახშირი ფულზე, ნახშირი ფულზე, და გამიცვალესო!

რაკი ამდენი ფული იშოვა, კობრემ ცოლი შეირთო...

აიღეს ძმებმა, მიუკიდეს ცეცხლი თავის სახლებს, შეკრიბეს ნახშირი, ჩაყარეს ტომრებში და ჩაატარეს სოფელში და დაიწყეს ძახილი:

— ნახშირი ფულზე, ნახშირი ფულზეო!

გამოუხტნენ სოფლელები და კარგა მიბერტყეს. დაბრუნდნენ დაბერტყილი და ნაცემი ძმები სახლში. გაჯავრებული ძმები წავიდნენ და მაუკლეს ცოლი. დაქვრივდა კობრე, შეწუხდა ძრიელ. ადგა, ჩააცვა მკვდარ ცოლს მდიდრულად, წაიღო. ერთ წისქვილში სამი ლამაზი ქალი ეგულებოდა. სარუესთან დააყუდა, თვითონ წისქვილში შევიდა და უთხრა ქალებს:

— წადით, იქ ქალბატონი დგას და შემოიყვანეთო.

გავიდა რომელიც ლამაზი ქალი იყო, ჯერ ეძახა:

— ქალბატონო, მობრძანდიო! — რომ არ გაუგონა ქალბატონმა, მივიდა და ხელი მოსკიდა. მკვდარი დედაკაცი წაიქცა; დაიწყო ძახილი, — მომეშველენით, ქალბატონი წამექცაო! გამოვიდა კობრე:

— რაზე მომიკალით ცოლი, გიჩივლებთო! — დაიწყო კობრემ.

— რა გინდა, რო მოგცეთ, ოღონდ კი ნუ გვიჩივლებო, — შეეხვეწნენ ქალები კობრეს. კობრემ უთხრა:

— თუ ჩემი ცოლის მამკლავი გამომყვება ცოლად, აღარაფერს ვიტყვიო.

წაიყვანა ერთი ლამაზი ქალი და წავიდა. მიიყვანა სახლში და დაიწყო უფრო ტკბილად ცხოვრება...

ძმებს გონჯი ცოლები ჰყავდათ, და შეჰშურდათ კობრეს ლამაზი ცოლი და ჰკითხეს:

— საით იშოვე მაგნაირი ცოლი, ჩვენც გვითხარო.

— თქვენ რო მომიკალით, — უთხრა კობრემ, — ავიღე, ჩავაცვი კარგად, ჩავატარე სოფელზე და ვიძახდი:

— მკვდარი ცოცხალზედაო, მკვდარი ცოცხალზედაო! — გამიცვალეს, მკვდარი გამომართვეს და ცოცხალი მომცესო.

ეს რომ გაიგონეს კობრეს ძმებმა, მაშინვე გასწიეს, დაახრჩეს ცოლები, ჩააცვეს მკვდრებს და ჩაატარეს სოფელ-სოფელ:

— მკვდარი ცოცხალზე, მკვდარი ცოცხალზეო! — გამოუხტნენ ჯოხებით და კეტებით სოფლელები და სულ კუდით ქვა ასროლინეს.

წამოვიდნენ ნაცემი კობრეს ძმები. კობრე მუქარაზე მიიმწყვდიეს ქოხის ყუნჭულში, დაიჭირეს, ჩასვეს ერთ გოდორში, გადუფხანთეს პირი, აიტანეს და ერთ საშავარდნეთ კლდის\* სიმაღლე კლდეზე დადგეს, დაანებეს თავი და წავიდნენ. მეორე ღლეეს უნდა ამოსულიყვნენ და უნდა გადაეგორათ.

\* საშავარდნეთ კლდე—დიდი მაღალი კლდეა სოფ. ჩარგალში.

(თ. რაზიკაშვილის შენიშვნა).



იმღერის, იმღერის იმ ღამეს კობრე, აიკლა იქაურობა. გაი-  
გონა ერთმა მეცხვარემ, მივიდა იმასთან და ჰკითხა:

— რა გამღერებს, კობრე, რა გაგხარებიაო?

— რა არ გამხარებია, ქვის სეტყვა უნდა მოვიდეს, სუ  
გააწყოს ყველა სულდგმული, და ჩემის მეტი ვერაფერს გადაჭ-  
რჩება, რადგანაც მე ამ გოდორში ვზივარო.

— მეც ჩამსვი, — შეევედრა მეცხვარე, — მაღლი არისო.

— კარგიო, — უთხრა კობრემ.

შეიყვანა ეს მეცხვარე, იქ გაწირა, თვითონ იმის ცხვარს  
დაედევნა. მოვიდნენ კობრეს ძმები და გადააგორეს ეს გოდო-  
რი კლდეზე. მეცხვარე იქ მოკვდა, კობრეს იმის ფარები  
დაჰრჩა. წამოასხა ცხვარი და წამოვიდა ღიღინით სახლში  
კობრე.

ძმებმა რომ ნახეს კობრეს იმდენი ცხვარი, ჰკითხეს:

— კობრე, სად გიშოვია ეგ ცხვარიო?

— სად მიშოვია, და თქვენ რო კლდეზე გადამაგდეთ, იქ  
მაჩუქეს, მძლივაც დამესწვრნენ და იქ ვიშოვეო.

მაშინვე წავიდნენ კობრეს ძმები, მოქსოვეს გოდორები, ჩას-  
ხდნენ შიგ და გადაგორდნენ კლდეზე. გახდნენ საეშმაკოდ და  
საჩიტ-ყორნედ. იმათი სარჩოც კობრეს დაჰრჩა, და დარჩა  
მარტოკა კობრე. გამდიდრდა ძალიან, შვილებიც გაუჩნდა და  
ერთმა იმის შვილიშვილმა მიამბო ეს ამბავი.

წავედი მთაში, წავიღე ცელი,

შემომხვდა მგელი, მოვწყვიტე წელი.

ვინც თამბაქოს არ მიყიდის,

გაპცვივდება წვერი.

ქირი იქა, ლხინი აქა,

ქატო იქა, ფქვილი აქა.





### სიზმარა

იყო და არა იყო რა, იყო ერთი ცოლი და ქმარი, ჰყავდათ ერთი გიგი შვილი სიზმარა.

ერთხელ ცოლი და ქმარი საქმეზე იყვნენ, სიზმარა ფეტვს დაუყენეს. სიზმარას დაეძინა, მივიდნენ ქათამ-ინდაურები და დაფენილი ფეტვი კი სულ ერთიან მოკენკეს. სიზმარამ ძილში სიზმარი ნახა:

მე ძილი მეძინებოდა,  
ძილმა წამილო ბურასა,  
ცალი ფეხი ბაღდადს მედგა,  
ცალი ბაღდადის ბოლოსა,

მზე იქით მედგა, მთვარე აქეთა, შუქურვარსკვლავი ხელ-პირს მახანინებდაო.

დაბრუნდნენ სიზმარას დედა და მამა საქმიდან, ნახეს აკენკილი ფეტვი, გაუჯავრდნენ სიზმარას და ჰკითხეს:

- სად იყავ, რად დააჭამე ფეტვი ქათმებსაო?
- დამეძინა, — უთხრა სიზმარამ, — სიზმარი ვნახე:

მე ძილი მეძინებოდა,  
ძილმა წამილო ბურასა,  
ცალი ფეხი ბაღდადს მედგა,  
ცალი ბაღდადის ბოლოსა,

მზე იქით მეღვა, მთვარე აქეთ, შუქურვარსკვლავი პირს მამანინებლაო.

— ეგ სიზმარი მამაშენს უნდა აჩუქო, — უთხრა დედამ.

— სიზმარი სიზმრად წავა, სიზმრის ჩუქება როგორ შეიძლება, — უპასუხა სიზმარამ, — თუ როგორმე გამომართმევთ, თქვენი იყოსო.

სცემენ დედ-მამა სიზმარას, ათრევენ და სთხოვენ სიზმარს.

ადგება სიზმარა და წავა სახლიდან. ივლის, ივლის და ერთ ხელმწიფის ბალში შეიპარება, დაბინავდება იქ. იპარავს საზამთროს, ყარფუზს და იმითი იკვებება. შაატყობენ მებაღეები ნავალს, ნაჰამ ყარფუზს, დაუწყებენ ძებნას ქურდს. ეძებენ, ეძებენ, იპოვიან და დაიპყრენ სიზმარას. წამოიყვანენ ხელმწიფესთან და მოახსენებენ:

— ეს ნესე-საზამთროს გვპარამლაო.

ხელმწიფემ ჰკითხა სიზმარას:

— ვინა ხარ, რას დადიხარ, საიდან მოსულხარო?

— მე, — უამბო სიზმარამ, — დედ-მამამ გამომაგდეს სახლიდან, სიზმარი ვნახე:

მე ძილი მეძინებოდა,  
ძილმა წამილო ბურასა,  
ცალი ფეხი ბაღდადს მეღვა,  
ცალი ბაღდადის ბოლოსა,

მზე იქით მეღვა, მთვარე აქეთა, შუქურვარსკვლავი პირს მამანინებლაო.

— ეგ სიზმარი მე უნდა მომცეო, — უბრძანა ხელმწიფემ.

— სიზმარი სიზმრად წავა, სიზმრის მიცემა როგორ შეიძლებაო, — უპასუხა სიზმარამ.

ხელმწიფე განრისხდა და უბრძანა იმისი ხაროში ჩაგდება. აიყვანეს პატარა სიზმარა და ხაროში კი ჩააგდეს. იჯდა იქ მარტოკა სიზმარა, არც წყალს უგზავნიდა ხელმწიფე და არც პურს.

ხელმწიფეს ერთი ქალი ჰყავდა, მუდამ დღე ხელმწიფის ნასუფრალს ჩაუყრიდა ხოლმე, და იმითი ჰკვებავდა დღემუდამ.

გავიდა ხანი, გაიზარდა სიზმარაც; ასეთი ლონიერი გახდა, რომ ქვას რძეს გაადენდა. ერთხელ დასავლეთის ხელმწიფემ გამოუგზავნა წისქვილის ქვა აღმოსავლეთის ხელმწიფეს და შემოუთვალა: „თუ ამ წისქვილის ქვაში კეტს არ გაუყრი და ისე არ გამომიგზავნით, შენ ქალს მე წავიყვან; თუ გააკეთებთ და ისე გამომიგზავნით, ჩემ ქალს თქვენ მოგცემთ!“

შეწუხდა აღმოსავლეთის ხელმწიფე, შეწუხდა იმის ქალიც. წავიდა და სიზმარას ჩასძახა:

— დასავლეთის ხელმწიფეს წისქვილის ქვა გამოუგზავნია: თუ კეტს გაუყრით და ისე გამოგზავნით, ჩემს ქალს თქვენ მოგცემთ, თუ ვერ გაუყრით და შენს ქალს მე წავიყვანო... ეცადნენ, მთელი ჯარი დაახვია მამაჩემმა და ვერავენ ააყენა. აბა, რაღა ვქნა, დასავლეთის ხელმწიფე წამიყვანსო.

ამოვიდა მაშინვე სიზმარა, ააყუდა წისქვილის ქვა, გაუყარა კეტი, თვითონ ჩუმად ისევ ხაროში ჩავიდა.

მეორე დღეს აყუდებულ ქვასთან მიდგებ-მოდგება ერთი უცხო და იძახის:

— ეს წისქვილის ქვა მე ავაყენე, დავაყუდე, კეტიც მე გაუყარე, და ხელმწიფემ თავისი ქალი მე უნდა მომცესო.

ხელმწიფეს კი ისე ჰქონდა პირობა დადებული, რომ ვინც იმ წისქვილის ქვას ააყუდებდა და გაუყრიდა კეტს, თავის ქალს იმას მისცემდა.

ხელმწიფის ქალმა გაიგონა ეს სიტყვები, წავიდა დასაკითხად სიზმარასთან:

— ესე, ესე არის საქმე და რა ვქნაო?

სიზმარამ უთხრა:

— წადი, უთხარ: აბა, თუ შენ ააბრუნე ეგ ქვა, ახლაც გადააბრუნე და კეტიც გამოაძრე-თქო.

ქალი წავიდა, როგორც სიზმარამ ასწავლა, ისე ქნა. მაგრამ უცხომ წისქვილის ქვა ვერც დააყუდა, ვერც წააქცია და ვერც კეტი ამოაძრო.

გაიგო დასავლეთის ხელმწიფემ, რომ წისქვილის ქვა დაუყენებიათ გვერდზე, კეტიც გაუყრიათო და არ ესიამოვნა. გამოუგ-

ზაენა ახლა მარილის ქვა: „ეს ქვა საბანდად\* უნდა დამიხიოთ და ისე გამომიგზავნოთ.“

დაღონდა ისევ აღმოსავლეთის ხელმწიფე. მარილის ქვას თასმად ვინ დაუხვედა? ქალი ისევ სიზმარასთან წავიდა. სიზმარამ უთხრა:

— პირი აართვი და თვითონ დაიხვეაო.

ქნეს ისე, როგორც სიზმარამ ასწავლა, და მარილის ქვა მართლა ისე დაიხია.

გამოუგზავნა ცხენები და კვიციები დასავლეთის ხელმწიფემ აღმოსავლეთისას და შემოუთვალა: „ყველას თავისი კვიცი უპოვეთ, გამოაყოლეთ, და ქალს მაშინ მოგცემთ, არა და — თქვენ ქალს მე წავიყვანო!“

წავიდა ქალი ისევ სიზმარასთან და ჰკითხა, თუ რა უნდა ექნა, რომ გაეგო, რომელი რომლის კვიცია. სიზმარამ უთხრა:

— წაასხით ცხენები და კვიციები, ერთ ლამეს ერთ ბაკში შეჭყარეთ, მეორე დღეს გამოუშვით და ყველა დედას თავისი კვიციები უკან გამოჰყვებიანო.

წავიდა ქალი, ყველაფერი ისე ქნა, და მართლაც ყველა ცხენს თავისი კვიციები გამოჰყვენ.

გაუგზავნა ცხენ-კვიციები ხელმწიფემ და ჰკითხა ქალს:

— ვინ არის ის, ასე რომ გვშველოდა, რატომ არ იტყვი და არ მაჩვენებო?

ქალმა მოახსენა:

— თქვენ რომ ერთი საწყალი ვაჟის ჩაგდება ბრძანეთ ხაროში, იმან გვიშველაო.

ხელმწიფემ უბრძანა, მაშინვე ამოეყვანათ სიზმარა ხაროდან, მიათხოვა თავისი ქალი და გადასწერა ჯვარი.

ახლა სიზმარა დასავლეთის ხელმწიფესთან გაემგზავრა, იმისი ქალი უნდა შეერთო ცოლად. გამოეთხოვა ცოლსაც, ხელმწიფესაც და გასწია დასავლეთის ხელმწიფესთან. ბევრი იარა, ცოტა იარა, შემოჰხვედა ერთ კაცს: მოუხნავს ერთ-

---

\* საბანდი — კობი. (თ. რახიკაშვილის შენიშვნა).

დიდი მამული, მოუსვამს ხელს და რაც რამ ბელტია, ჰყლაპავს. მივიდა იმის ახლოს სიზმარა, მიესალმა და ჰკითხა:

— კაცო, მაგას რას შერები, ბელტის ქამა ვის გაუგონია, რა საკვირველი კაცი ვინმე ყოფილხარო?!

— საკვირველი სიზმარა არის, რომ აღმოსავლეთის ხელმწიფის ქალი შეირთო და ახლა დასავლეთისა უნდა შეირთოსო, — უპასუხა ბელტიყლაპიამ.

— სიზმარა მე ვარო, — უთხრა სიზმარამ.

— მაშ ან მიყმე და ან მიძმეო! — შეეხეწა ბელტიყლაპია, სიზმარამ იძმო და გაუდგნენ გზას.

იარეს, იარეს, ერთ კაცს მოადგნენ. მისჯდომია ერთ ტბას, დაეჭუქება, ამოჰწრუხაეს, და ხირხიტოლა\* დაიწყებს იმისპირში შედენას. სიზმარა მივა ზღვაყლაპიასთან, მიესალმება და გაიკვირვებს იმის სმას:

— ეს რა საკვირველია, — უპასუხებს ზღვაყლაპია, — საკვირველი სიზმარაა, რომ აღმოსავლეთის ხელმწიფის ქალი ცოლად შეირთო და ახლა დასავლეთის ხელმწიფის ქალის შესართველად მიდისო.

— მე ვარ სიზმარა, — უპასუხა სიზმარამ, — თუ გინდა ვიძმობილნეთო. — ზღვაყლაპიას ძალიან გაეხარდა, მაშინათვე გაჰყვა სიზმარას და წავიდნენ.

იარეს, იარეს ამ სამთ და ერთი ფეხდოლაბა ნახეს. მიუკვრია ფეხებზე დოლაბები, დარბის წვრილიანში, იქერს კურდღლებს და ერთ ხელში აგროვებს. სიზმარას ძალიან გაუკვირდა:

— ჯერ კურდღლის დაჭერა სთქვი და მერე ისიც ფეხებზე დოლაბებმიკრული კაცისაგანაო!

— რა საკვირველია, საკვირველი სიზმარაა, რომ აღმოსავლეთის ხელმწიფის ქალი შეირთო და ახლა დასავლეთის ხელმწიფის ქალი უნდა შეირთოსო!

— მე ვარ სიზმარაო, — უთხრა სიზმარამ.

---

\* ხირხიტო — ნაძირალი (თ. რაზიკაშვილის შენიშვნა).

— მაშ მიძმეო, — სთხოვა ფეხდოლაბამ. სიზმარამ იძმო, და ოთხი ძმობილი გაუდგა გზას.

იარეს, ბევრი იარეს, ცოტა იარეს, ერთ ადგილას ერთი კაცი ნახეს. ცხრა მთას იქით მჯდომ ჩიტს ისარს უმიზნებს. სიზმარამ გაიკვირვა:

— კაცო, მე წინ მჯდომ ჩიტსაც ვერ მოვარტყამ, და შენ ცხრა მთას იქით ისვრი? რა საკვირველი კაცი რამ ყოფილხარო!

— ეს რა არის. — უპასუხა იმ კაცმა, — სიზმარამ აღმოსავლეთის ხელმწიფის ქალი ცოლად შეირთო და ახლა დასავლეთის ხელმწიფის ქალის შერთვა ჰსურსო!

— მე ვარ სიზმარა, თუ გსურს გამომყეო, — უთხრა სიზმარამ. ჩიტკალიას ძალიან გაეხარდა და გაჰყვა.

იარეს, იარეს და ერთ კაცს შეხვდნენ. მიწაზე ყური ედო და იცინოდა.

— რა გაციინებსო? — ჰკითხა სიზმარამ.

— რა მაციინებს? ჭინჭელებს ჩხუბი მოუვიდათ და გასამართლებლად მე მეძახიანო!

— საკვირველი კაცი ყოფილხარო! — უთხრა სიზმარამ.

— საკვირველი ეს კი არ არის, ის არის, რომ სიზმარამ აღმოსავლეთის ხელმწიფის ქალი შეირთო და ახლა დასავლეთის ხელმწიფის ქალი უნდა შეირთოსო!

— მე ვარ სიზმარაო, — უპასუხა სიზმარამ.

— მაშ, ან მიძმე და ან მიყმეო, — სთხოვა ყურმახვილამ.

— ძალიან კარგიო, — უთხრა სიზმარამ, იძმო და გასწია.

იარეს და ერთი კაცი შეჰხვდათ. გვრიტს კვერცხებს უტყვლიდა, ჰპარავდა და გვრიტი კი ვერაფერს ტყობილობდა. სიზმარას ძალიან გაუკვირდა იმისი საქციელი, მივიდა, მიესალმა და უთხრა:

— რა საკვირველი კაცი რამა ყოფილხარო.

— საკვირველი მე კი არა, სიზმარაა, რომ აღმოსავლეთის ხელმწიფის ქალი შეირთო და ახლა დასავლეთის ხელმწიფის ქალის შერთვა უნდაო.

— მე ვარ სიზმარაო, — უთხრა სიზმარამ.

— მაშ ან მიძმე და ან მიყმეო, — სთხოვა იმანაც. სიზმარას ძალიან გაუხარდა იმისი ძმობა, იძმო და წავიდნენ გზას.

იარეს და ერთ მღვდელს შეხვდნენ. ზურგზე ერთი საყდარი ეკიდა. სადაც მზის მყუდრო იქნებოდა, მიიტანდა, იქ დაჰყუდებდა, დადგებოდა და დაიწყებდა ლოცვას. მივა სიზმარა მღვდელთან და გაიკვირვებს იმის საქციელს.

— ეს არაფერი, — ეტყვის მღვდელი, — სიზმარამ აღმოსავლეთის ხელმწიფის ქალი შეირთო, ახლა დასავლეთის ხელმწიფის ქალის შესართველად წავიდა და აბა, ვაჟი ის არისო.

— მე ვარ ისაო, — უთხრა სიზმარამ.

მღვდელმა სთხოვა:

— ან მაყრად გამოგადგები, ან ჯვარს დაგწერ, წამიყვანე, ან მიძმე და ან მიყმეო.

იმმო სიზმარამ ეს მღვდელიც და გასწიეს ყველამ ერთად დასავლეთის ხელმწიფის სახლისაკენ. რომ მივიდნენ იმის არემარეში, კაცი გაუგზავნეს:

— სიზმარა მოვიდა და ქალსა გთხოვსო.

ხელმწიფემ შემოუთვალა:

— თუ რაც მე პური მაქვს გამომცხვარი, იმას სულ შექამენ, მივცემ, ვერ შექამენ და არაო.

— საშენო საქმეა, ბელტი არა ჰყლაპო, პური ქამეო, — უთხრა სიზმარამ ბელტიულაპიას და გაუგზავნა ხელმწიფეს.

მოუსო ამ ბელტიულაპიამ და სულ ერთიანად კი მიწმინდ-მოწმინდა, რაც ხელმწიფეს გამომცხვარი პური ჰქონდა. ეს პური რომ გაათავა, ხელმწიფემ მაინც არ მისცა ქალი და შეუთვალა:

— რაც ქვევრებში ღვინო მიდგა, თუ იმას დაჰლევო, მოგცემთო.

სიზმარამ უთხრა ზღვაყლაპიას:

— აბა, ძმობილო, ზღვების ხვრეპას, ღვინის ხვრეპა სჯობიან, შენ ერთი მოხვრაძე იმის ქვევრები და ხირხიტოლა გაუწირეო.

მოუწვა ეს ზღვაყლაპია ამ ღვინიან ქვევრებს, მოეჭუჭუა, მოხვრიპა, კამეჩი რომ გუბეს მოხვრეპს და თხლის ხირხიტომლა დაიწყო კბილებში ყრანჭისაკენ გადადენა. რაკი ესეც შეასრულეს, ხელმწიფემ შეუკვეთა:

— მე ერთი ფეხმარდი მყავს, თუ იმას ვისმეს დააჯობრებ-



და უკვდავების წყალს მოატანიან, და თუ თქვენი ფეხმარდი მოუსწრებს ჩემს ფეხმარდს, ქალს მოგცემთ, არა და — არ მოგცემთო.

მაშინვე წამოაფრინა სიზმარამ ფეხდოლაბა და უთხრა:  
— შენი თავი მიქირსო.

გაიქცა ფეხდოლაბა, წამოიღო უკვდავების წყალი, წამოვიდა, გამოასწრო ხელმწიფის ფეხმარდს, მაგრამ გზაზე დაიძინა. ის იყო ხელმწიფის ფეხმარდი მოსვლას აპირებდა, რომ სიზმარამ უთხრა იმ კაცს, ჩიტს რომ ისარს უმიზნებდა ცხრა მთას იქით:

— აბა, უშველე რამე, ისარი ესროლე, გააღვიძეო.

ესროლა ჩიტკალიამ ისარი, მონარტყა ერთ დოლაბს, მოამტვრია, გამოეღვიძა ფეხდოლაბას, წამოხტა და მოუსო ხელმწიფისკენ. მოუსწრო მაინც ხელმწიფის ფეხმარდს და მიიტანა უკვდავების წყალიც. ხელმწიფე მაინც არ აძლევდა ქალს. მაშინ სიზმარამ უთხრა მღვდელს:

— აბა, მღვდლო, რაღასა ვწვალობთ და ვიტანჯებით, მოიკიდე ხელმწიფის მთელი სასახლე და დედაბუდიანად წავიღოთ და წავასხათო.

მოჰხვია მართლა მღვდელმა თოკები და დააწყებინა სახლებს კიქინი. ხელმწიფე შეშინდა, გამოუგზავნა კაცი სიზმარას და შემოუთვალა:

— ოღონდ სახლს კი ნუ დამინგრევთ და ქალიც წაიყვანეთ, და კარგადაც გაგიმასპინძლებითო.

დაანებებინა თავი სახლისათვის მღვდელს სიზმარამ. დასხდნენ პურის საკმელად. ხელმწიფემ გაიკითხა ნაზირ-ვეზირი, და ჩურჩული დაიწყეს. სიზმარამ უთხრა იმ კაცს, ქინკველების ჩხუბს რომ უსშენდა:

— წადი, შენ კარგა გესშის და ერთი დაიყურე რას ლაპარაკობენო.

დაიყურა ყურმახვილამ, დაბრუნდა და მოახსენა:

— იმას ლაპარაკობენ, რომ ჯამები მოეუწამლოთო.

ჯამები რომ ჩამოატარეს, სიზმარამ უთხრა კვერცხიპარიას:

— აბა, კვერცხიპარიავე, იმ კვერცხების ცვლას, ჯამები გა-

მოცვალე, მოწამლულები იმათ დაუდგი და მოუწამლავები ჩვენაო!

მართლაც გამოუცვალა კვერცხიპარიამ ჯამები ყველას. ხელმწიფესა და იმის მხლებლებს მოწამლული ჯამები დაუდგა, თავად და თავის ამხანაგებს კი მოუწამლავები. ჰამეს პური და ხელმწიფემ და იმისმა მხლებელმა ნაზირ-ვეზირებმა ფეხები კი ფშოკეს. ქალიც წამოიყვანა სიზმარამ, სიმდიდრეც წამოიღეს და წამოვიდნენ.

პირველ ცოლთან ოქროსქოჩრიანი ვაჯი გასჩენოდა. სიზმარი:

მე ძილი მეძინებოდა,  
ძილმა წამილო ბურასა,  
ერთი ფეხი ბალდადს მედგა,  
ერთი ბალდადის ბოლოსა,

მზე იქით მედგა, მთვარე აქეთა, შუქურვარსკვლავი ხელ-პირს მაბანინებდაო, — ასე აცხადდა. ორივე სახელმწიფო სიზმარას დარჩა. მზე და მთვარე იმისი ცოლები იყვნენ და შუქურვარსკვლავი კიდევ, იმათი ოქროსქოჩრიანი შვილი.

ქირი იქა, ლხინი აქა,  
ქატო იქა, ფქვილი აქა.

ელასა, მელასა,  
ქიქა მეკიდა ყელასა,  
მთქმელსაც და გამგონებელსაც  
ცხელი ხინკალი ყველასა.





## ერთი მზეთუნახავისა და ხელმწიფის შვილის ზღაპარი

იყო და არა იყო რა, იყო ერთი ხელმწიფე. ჰყავდა იმას სამი ვაჟი.

იმ სახელმწიფოში ერთი მზეთუნახავი ქალი იყო; ის ქალი არავის არ ეჩვენებოდა უფასოდ. ერთი ხელი რომ ენახათ, უნდა ასი თუმანი მიეცათ და მთლიანად რომ ენახათ ქალი, უთვალავი ფული უნდა მიეცათ. ხელმწიფის შვილებს ძრიელ უნდოდათ იმ ქალის ნახვა. უფროსსა და საშუალოს მიჰცა მამამ უთვალავი ფული და ორივემ ნახეს. უმცროსს კი არ მიჰცა. დაღონდა და ეწყინა ძალიან უმცროსს შვილს. წავიდა გზაზე, მიდის და ტირის. შემოჰხვდა ერთი ქოსამატყუარა და ჰკითხა:

— რა გატირებსო?

— ჩემმა ძმებმა კი ნახეს მზეთუნახავი, — მიჰცა მამაჩემმა უთვალავი ფული, და მე კი არ მომცა, რომ მენახაო, — უპასუხა ხელმწიფის შვილმა.

— წადი, ერთი თხა და სადგისი იყიდე, წავიდეთ და იმ მზეთუნახავს მალე გაჩვენებო, — უთხრა ქოსამატყუარამ.

წავიდა ვაჟი, იყიდა ერთი თხა, იზოვა სადგისები, წამოიყვანა, წამოიღო და მოიტანა.

მივიდნენ მზეთუნახავის სახლის წინ, წააქციეს თხა და აუწყეს სადგისებით ჩხვლეტა, ვითომდა ჰკლავდნენ, აჩხავ-

ლებენ თხასა. შეცვივდნენ მოსამსახურეები და მოახსენეს მზეთუნახავს:

— აბა, გამოდი, ქალბატონო, რანაირად ჰქლავენ იმ თხას ის კაცებიო!

გამოვიდა მზეთუნახავი და ხელმწიფის შვილმაც დაინახა. ეს ერთხელ.

უბრძანა მზეთუნახავმა მსახურებს:

— ჩადით, დაუკალით, როგორც რიგი და წესი იყევსო!

ჩავიდნენ, დაუკლეს, ქვაბში ჩაუყარეს და დადგეს ცეცხლზე. აილო ქოსამატყუარამ ქვაბი და პირქვე მოაბრუნა. შევიდნენ კიდევ მოსამსახურეები მზეთუნახავთან და მოახსენეს:

— აბა, გამობრძანდი, ქალბატონო, რასა ჰშვრებიან ის კაცებიო.

გამოვიდა მზეთუნახავი და უბრძანა მსახურებს:

— ჩადით და, როგორც რიგი და წესი იყოს, ისე მოუხარშეთო.

ეს მეორედ ნახა ხელმწიფის შვილმა მზეთუნახავი.

ჩავიდნენ მსახურები, გაურეცხეს ბორცი, ჩაყარეს ქვაბში და შედგეს ცეცხლზე. როდესაც მოიხარშა, მოუსხდნენ ქოსამატყუარა და ხელმწიფის შვილი. ხან ერთი ჩაჰცემს პირს და ხან მეორე, იწვენ ლაშებს. ამას ჰნახვენ ქალის მსახურები, შევლენ და მოახსენებენ მზეთუნახავს:

— აბა, გამობრძანდით, ქალბატონო, ის კაცები რასა შვრებიანო!

მზეთუნახავმა უბრძანა:

— ჩადით, ამოიყვანეთ აქ, მადლია, დავსხათ და ვაკამოთ, როგორც რიგი და წესი იყოსო.

ჩავიდნენ, ამოიყვანეს, დასხეს, ასვეს და აქამეს. ბოლოს ძილი მოეკიდათ. ხან ქოსა გაწვება ხელმწიფის შვილზე, ვითომ ლეიბიაო, ხან ხელმწიფის შვილი ქოსამატყუარაზე.

უბრძანა მზეთუნახავმა მსახურებს:

— ეგ ქოსა თქვენ წაიყვანეთ, დააწვინეთ და ამას მე დავაწვენო.

დაწვა ქალი და მოიწვინა ხელმწიფის შვილიც გვერდზე, უთხრა:

— აი, ესე უნდა წოლა. ხელი არ გაანძრიო, თორემ ახლავე თავს მოგჭრი. ხვალ სამ ოქრო-ვერცხლით აკიდებულ ჯორს მოგცემ, წაიყვანე და, თუ ერთიორად აქცევ, კმრად შეგიერთავ, — და თუ ვერა — არაო.

წამოასხა ეს ჯორები. არის დაღონებული: ერთიორად როგორ უნდა ვაქციოვო. მოვიდა ერთ მეხაშესთან და უთხრა:

— აჰა, ეს ჯორი, და რო ჩამოვიარო, ერთი თავი მომეციო.

გაუხარდა მეხაშეს ძალიან. აიარა კიდევ, ერთი შემაწვენს მიჰცა:

— რო ჩამოვიარო, ერთი ქილა მაწონი მომეციო.

წავიდა და ერთიც მესაბლეს მიჰცა:

— რო ჩამოვიარო, ერთი საბელი მომეციო. — დაჩჩა ცარიელი და წავიდა დაღონებული. შემოეყარა ერთი კაცი და ჰკითხა:

— რათა ხარ დაღონებულიო?

— იმათა ვარ დაღონებული, რომ მზეთუნახავმა სამი ოქრო-ვერცხლით აკიდებული ჯორები მომცა; თუ ერთიორად ვაქცევდი შემირთავდა; სამივე ტყუილუბრალოდ დავკარგე, ერთი ერთ მეხაშეს მივეცე, ერთი ერთ შემაწვენს, ერთიც — მესაბლეს, და დავრჩი ცარიელიო.

კაცმა უთხრა:

— ამა და ამ ადგილას ერთი ხე დგას, ექ წადი, იმ ხესთან მოვლენ ის შენი ჭეხაზე, მემაწვენე და მესაბლე. შენ იმ ხეზე დაიშალე. იქ მოვა მათი უფროსიც და იმას ეტყვიან ყველა თავის ზარალ-სარგებელსა, თუ გეშველები იქ გეშველებათ. წავიდა ხელმწიფის შვილი. მიაგნო იმ ხეს, ავიდა ზედა და დაიშალა. მოვიდნენ ის კაცებიცა და იმათი უფროსიც.

— აბა, რა მოიგეთ, რა წააგეთო? — ჰკითხა უფროსმა.

მეხაშემ უთხრა:

— მე გუშინ კარგი მოგება ვნახე: ერთი კაცი მოვიდა, ერთი ოქრო-ვერცხლით აკიდებული ჯორი მომცა და რო ჩამოვიდნის, ერთი თავი უნდა მივცეო.

— შენ მოგება არ გიქნია,—უპასუხა უფროსმა,—იქნება ის კაცი კაცის თავსა გთხოვსო?!—დაბრუნდა დაღონებული მეხაშე.

ახლა მემაწვნე მოვიდა.

— შენ რაღა წააგე, ან მოიგეო?!—ჰკითხა უფროსმა.

— მე გუშინ დიდი მოგება მქონდა,—უპასუხა მემაწვნემ,—ერთმა კაცმა ჩამოიარა, ერთი ოქრო-ვერცხლით დატვირთული ჯორი მომცა და, რო ჩამოივლის, ერთი ქილა მაწონი უნდა მიეცეო.

— შენ ვერ გიქნია კარგი მოგება,—უთხრა უფროსმა,—იმან რო ჩამოიაროს და ადამიანის რძის წველა გთხოვოს, საიდან მოუტანო?—წავიდა ისიც დაღონებული.

ახლა მესაბღე მოვიდა.

— შენ რაღა ჰქენიო?—ჰკითხა უფროსმა.

— მეც გუშინ დიდი მოგება ვქენი; ერთი კაცი მოვიდა, ერთი ოქრო-ვერცხლით აკიდებული ჯორი მომცა და, რო ჩამოივლის, უნდა ერთი საბელი მიეცეო.

— ვერაფერი მოგება გიქნია,—უპასუხა უფროსმა,—იმ კაცმა რო შენი ულვაშების თოკი გთხოვოს, საიდან მოუტანო? ისიც დაღონებული წავიდა. უფროსიც თავის გზაზე წავიდა.

ჩამოვიდა ხელმწიფის შვილიც და წამოვიდა მაშინვე მეხაშესთან.

— აბა, გამომიტანე დაპირებული თავიო!

მეხაშემ ერთი კარგა გაკეთებული თავი გამოუტანა:

— აჰა, წაიღეო.

— არა,—უპასუხა ვაჟმა,—ჩვენი პირობა ეგ არ იყო. ან ერთიორად ჩემი ოქრო-ვერცხლი და ან კაცის თავიო!

რა მეტი ღონე ჰქონდა მეხაშეს, გამოუტანა და ერთიორად მიჰცა ოქრო-ვერცხლი. წამოიღო ვაჟმა და ახლა მემაწვნესთან ჩაიარა.

— გამომიტანე ჩემი ქილაო!

მემაწვნემ ერთი წველა ქილა გამოუტანა.

— პირობა ეს არ იყო,—უთხრა ხელმწიფის ვაჟმა,—თუ

აღამიანის რძისა არ იქნება, არ მინდაო.—წაართვა იმასაც  
ერთიორად ოქრო-ვერცხლი და წამოვიდა. ჩაუარა მესაბლეს.

— გამომიტა ჩემი საბელიო!

მესაბლემ ერთი კარგი საბელი მოუტანა:

— აი, ინებეთო!

— ეს არ მინდა,—უპასუხა ვაჟმა,—უნდა შენი ულვაშისა  
იყოს, არა და, ერთიორად რაც მომიციაო.

წაართვა ერთიორად და წამოვიდა გახარებული. მიუტანა  
ქალს, შეირთო და გაიხარა.

პირი იქა, ლხინი აქა,

ქატო იქა, ფქვილი აქა.





## მხერის შვილი

ერთ მეცხვარეს ცხვარი თურმე მიუდიოდა შინა. ერთი ჯანდაგი ცხვარი თურმე დარჩა გზაზე. არც მეცხვარემ უგდო ყური და დაანება თავი. იმ ცხვარმა ერთი ნატყლაპი იპოვა და ის შეჭამა, იმისგან გაინებრა.

მოუხტნენ მგლები:

— უნდა შეგკამოთო.

ცხვარი შეეხვეწა:

— ახლა ხო მხედავთ, ლუბი ვარ, ან თქვენ რა გემოს ჩამართომთ, დამაცადეთ, გავსუქდები და შაშინ თქვენს ხელთა ვარ, სამღირველოც ვიქნები და გემრიელიცაო.

მგლებმაც უსმინეს ვედრება, არ შეკამეს. ცხვარს გაუჩნდა ვაეი, იმის სახელი—ცხვრის შვილი. ის ვაეი დღეში თითო მათრახის ტარს თურმე იზრდებოდა.

ათი დღისა რომ გახდა, მკედელს მშვილდ-ისარი გააკეთებინა. როდესაც გაიგო, რომ ის მგლები ახლა კი მოვლენო, იმათ მოსაჯალ კარებში ცხრა ისარი შეინახა. მგლები მართლაც ცხრანი მოვიდნენ. ესროლა თითო და სათითაოდ დახოცა. მერე დედას ერთ-ერთ კლდეში გაუკეთა ბინა და მუდამ იქ უზიდავდა წყალსა და ბალახსა.

ბოლოს სთქვა ცხვრის შვილმა: ერთი ისეთი კაცი უნდა ვიშოვო, რომ ძმად გამომადგეს, ჩემისთანა იყოს და მტრის წონა ჰქონდესო. წავიდა. ბევრი იარა, თუ ცოტა იარა, შებ-



ვდა ერთ კაცს. ერთმანეთს გამარჯვება უთხრეს. მერე ჰკითხა:

— შენ რა კაცი ხარო?

— მე ის კაცი ვარ, ემ გორას მოვგლწე და ამ გორას მივარტყამო,—უპასუხა იმან.

— მეც ეგეთი მინდოდა, დავძმობილდეთო.

— აგრეთ.—დაძმობილდნენ.

ბევრი იარეს, თუ ცოტა იარეს, შეხვდნენ ერთ კაცსა.

— შენ რა კაცი ხარო?!—ჰკითხეს.

— მე ის კაცი ვარ,—უპასუხა იმან,—ემ წიფლიანს ავუელი—ავამტვრევ, ჩამოვიელი—ჩამოვამტვრევო.

— კარგი, ჩვენც ეგეთი გვინდოდა, დავძმობილდეთო!

— ძალიან კარგიო!

დაძმობილდნენ. წავიდნენ, ერთ მალალ მთაზე გავიდნენ. ჩაიხედეს და ნახეს, რომ ქვევით ერთი ჰყანტიანია, და იმ ჰყანტიანს იქით, კარგა შორს, დევების სახლია.

ძმობილებმა სთქვეს:

— აბა, რომელიც იმ დევების სახლს ისარს დავკრავთ, ის ვიქნებით კაი ბიჭიო.

— აბა, აგრეთო.

გაჰკრა გორთამგლწეელმა, და ჰყანტის აქეთ დაეცა ისარი, სახლამდე ვერ უწია.

გაჰკრა წიფლიანისმტვრეველმა და ჰყანტიანში ჩაგდო ისარი. ცოტათი აჯობა გორიდრეკიას. დევების სახლთან ვერც იმან უწია.

ახლა ცხვრის შვილმა გაჰკრა. ისარი დევებს სახლის ბანზე მივიდა, შიგ თაფეში მიიჭედა, წვერი სახლში ჩააჩინა. დევებმა სთქვეს:

— რამ დაადგრიალა ეს ბანი, რომ კინაღართ დაიქცა, გავიდეთ, ვნახოთ რა არისო.

გამოვიდნენ, ნახეს, ისარი არის დაცემული, აპხედნეს მალა მთაზე და ნახეს, რომ კაცები გადმომდგარან და მშვილდისარი უქერიათ ხელში, სთქვეს:

— აბა, ვცადოთ, ამოვადროთ ისარიო.—ეზიდნენ, ეზიდნენ და, რაკი ვერ ამოაძრეს, გაიქცნენ და გადიყარნენ ცხრა მთას იქით. იმათ იქით დაჰკივლეს და დაუტიეს.

დევებს ერთი ბებერი ჰყავდათ, ის ველარ გაიქცა, მაღლა თავზე შესვეს და დაანებეს თავი. მოვიდნენ ძმობილები ცხვრის შვილმა ნეკურა თითით ამოაძრო ისარი და შეინახა. მერე ჩაიარეს და სახლი ძალიან მოეწონათ: აქ დავდგეთო, სთქვეს.

მეორე დღეს გორთადრეკელს უთხრეს:

— ჩვენ სანადიროდ წავალთ, ეს ხორცი კი არის და სადილი მოგვიმზადეო.

ისინი წავიდნენ. იმან ყველაფერი რომ გააკეთა, ბებერმა დაუძახა:

— აქ ამომაწოდე, რაც რამ გააკეთე, თორო ჩამოვხდები და შენც შეგჭამ და მაგასაცაო.

ააწოდა გორთადრეკელმა. მოვიდნენ ისენი და რომ არაფერი დაჰხვდათ, ჰკითხეს:

— ყველაფერი იყო, და რატომ არ მოამზადეო?

— დამძინებოდა და ველარ მოვასწარიო!

მერე წიფლებისმტვრეველი დარჩა. ბებერმა იმასაც ისე უყო.

მესამე დღეს ახლა ცხვრის შვილმა უთხრა:

— წადით ახლა თქვენ, და აბა ახლა მე დამეძინოს აქაო. გააკეთა იმანაც და დადგა. ბებერმა იმასაც დაუძახა:

— ამომაწოდე, რაც რამ მანდ გააკეთე, თორო ჩამოვხდები და შენც და მაგასაც ერთად შეგჭამთო.

შეიხედა ცხვრის შვილმა მაღლა და დაინახა, რომ თავზე დევების დედა ზის და დაუტყვრცია თვლები. მაშინვე ესროლა ისარი და თავხეს ზედ მიაკრა. დადგნენ იქ სამნივენი, მოიყვანეს ცხვარიც და უცხოვრიათ.





### უბედური ხელმწიფის ზღაპარი

იყო და არა იყო რა, იყო ერთი უბედური, მაგრამ ძალიან მდიდარი და დიდებული ხელმწიფე. უშვილობა ძალიან აღონებდა, და ღმერთს მუდამ შვილსა სთხოვდა.

ერთხელ ხელმწიფე სანადიროდ იყო წასული, იმისი ცოლი შინ იყო. მოუვიდა ერთი მთხოვარა, მოწყალება ითხოვა. ხელმწიფის ცოლმა ერთი მქანისოდენა\* ოქრო გადმოუგდო. მთხოვარამ დიდად დაუმაღლა და უთხრა:

— ვიცი, ღმერთს რასაცა სთხოვთ. მე გასწავლით მაგ უბედურების წამალს. დილაზე გარედან ერთი ცვრიანი ფოთოლი შემოიტანე, მუცელზე მიიდე და ისე დაჯექი, დილაზე ვაეი გეყოლებათ. ხელმწიფის ცოლმა ისე ქნა, როგორც მთხოვარამ დაარევა. დილით ცვრიანი ფოთოლი მუცელზე დაიდო და ეყოლა ვაეიშვილი.

ამ დროს ხელმწიფე ზღვით გამოემართა საშინაოდ. ზღვაზე ერთი დევი აუდგა და დაიჭირა. ხელმწიფე შეეხვეწა:

— გამიშვიო!

— რას მომცემ, — ჰკითხა დევმა, — რო გაგიშვავ?

— რასაც მთხოვო, — უთხრა ხელმწიფემ.

— მაშ შინ რო მიხვიდე, რაც პირველად გახარონ, ის მომეცო.

\* მქანე — ორი ხელი ერთად (თ. რაზიკაშვილის შენიშვნა).

— კარგი, — დაჰთანხმდა ხელმწიფე, — ისეთს რას მახარებენ, რო მიხატევი არ იყოსო.

გაუშვა დეემა და წამოვიდა. ხელმწიფის ცოლმა რომ ქმრის მოსვლა გაიგო, მაშინვე მახარობლები გაუგზავნა:

— გაეი გეყოლაო!

ხელმწიფემ რომ ეს გაიგონა, შემოიკრა თავში და პირში, დაიწყო ტირილი და ერთი ამბავი. ვინც იქ იყო, ყველას გაუჟვირდა:

— ეს ხელმწიფე ხომ არ გაგიჟდა, რა ატირებს; სასიხარულო ახლა აქვს. აქამდის ღმერთს სულ შვილსა სთხოვდა, იმასა ტიროდა, რომ არა ჰყავდა, და ახლა, როცა ღმერთმა მისცა, ტირისო?!

ბოლოს ხელმწიფეს ჰკითხეს:

— რა გატირებსო?

ხელმწიფემ ყველაფერი უამბო, რაც გზაზე შეემთხვა. ამ ამბავმა ყველა დაალონა; მაგრამ რაღას უშველიდნენ, რაღა იქნებოდა?!

ის გაეი დღეში თითო მათრახის ტარი იზრდებოდა. გავიდა ხანი. მოვიდა იმისი წაყვანის დროც. დეეი უნდა მოსულიყო. ვაჟმა, რასაკვირველია, გაიგო თავისი უბედურება, ადგა და ტირილით სხვისა ქვეყანაში გაიქცა.

იმ ქვეყანაში ერთი ბებრას სახლში მივიდა:

— შვილო, რა გატირებსო? — ჰკითხა ბებერმა.

— რა არ მათირებს, მამაჩემი დევს მაძღვესო.

— რათაო? — ჰკითხა ბებერმა.

ვაჟმა ყველაფერი დაწერილებით უამბო.

— ნუ გეშინიან, შვილო, — უთხრა ბებერმა, — მე გასწავლი წამალს, თავი როგორც უნდა მოიჩინო. ამა და ამ ადგილას ერთი კოშკი რო ღვას, იმ კოშკში იმ დეეის ქალები სხედან. ღამე კოშკში წვანან, დღე მტრედად იქცევიან და ცაში ფრინავენ. სამნი არიან ის ქალები, უმცროსი ნატრაცხადა არის. როცა ისინი გაფრინდნენ, შენ კოშკში შეიპარე და იმ უმცროსს ქალს ტანისამოსი დაუშალე და თვითონაც იქ დაუდექი. საღამოზე დები დაბრუნდებიან ციდან, შენ ის უმცროსი ქალი შე-

მოგებვეწება: მომეც ტანისამოსიო, შემოგაძლევს ზოგ რას და ზოგ რას, შენარ მისცე, სანამ ცოლობაზე არ დაგთანხმდეს. შენ უთხარ: შენ ცოლი და მე ქმარი და მერე მოგცემ-თქო და ისიც დაგთანხმდება. იმ ღამეს იმ ქალთან დაწვევ და შენი თავგადასავალი შესჩივლე. მერე იმან იცის, როგორც დაგარიგებსო.

წავიდა ბიჭი და დაიმალა კოშკთან. როცა ქალები გაფრინდნენ, შეიპარა კოშკში, დამალა უმცროსი ქალის ტანისამოსი და თვითონაც იქ დაიმალა.

როცა მოვიდნენ საღამოზე, სხვა დებმა ტანისამოსი ჩაიცივეს და უმცროსი ისე დარჩა.

— რა სულიერი ხარ, — დაუძახა ქალმა, — რა გინდა ჩემგან, ეგ ტანისამოსი მომეციო.

ვაემა არ მისცა. ქალმა კიდევ დაუძახა:

— შენ ძმა და მე — და, მომეც ეგ ტანისამოსიო.

— არა, — უპასუხა ვაემა, — შენ ცოლი და მე ქმარიო. — ქალი დაჰთანხმდა.

იმ ღამეს ბიჭი იქ დარჩა ქალთან. ყველა თავის თავგადასავალი უამბო. ქალმა უთხრა:

— შენ წადი, მიღე მამაჩემთან და ასე უთხარ: ოღონც კი ნუ შემეკამ და, რაც გინდა, იმას აგისრულებ-თქო. მერე რაც გითხრას, ყველაფერი კარგად დაისწავლე და მე მომიტანე ამბავიო.

ბიჭი წავიდა და დევთან მივიდა.

— ოღონდ ნუ შემეკამ, — უთხრა, — და რაც გინდა, აგისრულებო. დევმა უთხრა:

— აბა, მაშ ამაღამ ამ ზღვაზე ისეთი ოქროს ხილი ააშენე, რომ ჯერ ხილი იყოს, ზემოთ ბანი, იმას ზემოთ ხილი და კიდევ ზემოთ ბანიო.

— კარგიო, — უთხრა ბიჭმა და წამოვიდა ქალთან. ყველაფერი კარგად უთხრა.

აღგა ქალი ღამეს, წაიღო ერთი ოქრო, დადგა ზღვის პირზე და ინატრა:

შენ გენაცვა, მზეთამზეო,  
უკეთესო ოქროზედა,  
ზღვაზე დადგი ოქროს ხიდი,  
• ბანი დაჰხედავდეს ზედა!

ქალმა როგორც ინატრა, სწორედ ისეც აუსრულდა. ზღვაზე ბანითბანიანი ოქროს ხიდი გადიქიმა.

მეორე დილით ბიჭი მივიდა დევთან და უთხრა:

— გავაკეთე თუ არაო?

გადმოიხედა დევმა და ძალიან მოეწონა. ბიჭი შეიპატიჟა და ბანგი შეაპარა. წამოვიდა ბიჭი, და ქალთან რომ მიდიოდა, ჯაგებში წაიქცა. ქალმა იფიქრა: უთუოდ მაჰაჩემი ბანგს დააღეინებდა, მოეწევა და მძინარს შესჭამსო. ინატრა ისე ქალმა:

გენაცვალე, მზეთამზეო,  
უმჯობესო ოქროზედა,  
ის ბიჭი მერცხლად მიქციე,  
მოიყვანე ჩემს კარზედა!

მართლაც აუსრულდა ნატვრა. იმ დევს თურმე გულთმისიანი ცოლი ჰყავდა. იმან უთხრა დევსა.

— შენი ქალი ჰყავ იმ ვაჟს ცოლად და ისა ჰშველისო.

გაიგო თუ არა დევმა ეს ამბავი, მაშინვე კბილების ლესვით გაიქცა იმათ შესაკმელად, მაგრამ იმათაც მოუსვენს და გაიქცნენ. ინატრა ქალმა: ვაჟი ვენახადამც იქცევა და მე იმის ყარაულად, თოფი მექიროს ხელში და გარს ვუვლიდევო.

იქცა ვაჟი მსხმოიარე ვენახად და ქალი იმის ყარაულად. მოვიდა დევი, ჰკითხა:

— მამაშვილობას აქ მგზავრი ხომ არაეინ გინახიაო?

— არაო,—უთხრა ქალმა.

— ერთი მტევანი მაინც მამახლეჩინეო.

— ვერც ერთ მტევანს მოგახლეჩინებო,—უთხრა ქალმა.

დევი გამობრუნდა და მივიდა ცოლთან. ცოლმა უთხრა:

— ის ვენახი ის ბიჭი იყო და ის ყარაული შენი ქალი, რატო ხელი არ ჩაჰკიდევო.

დევი უფრო გაბოროტებული წამოვიდა იმათ საქმებნელად. იქცა ვაჟი ეკლესიად და ქალი მღვდლად. ღვას ეკლესია და შიგ მღვდელი ხუცობს. გამოივლის დევი.

— მგზავრები ხომ არავენ გინახიაო?

— მე რა ვიცი,—უთხრა მღვდელმა,—მე მგზავრებისა რა ვიციო?

დევი ისევ უკან დაბრუნდა, ცოლმა უთხრა:

— ის საყდარი ბიჭი იყო და ის მღვდელი—შენი ქალიო.

დევმა უთხრა:

— აბა, ახლა შენ წადიო.

ახლა დევის ცოლი წამოვიდა. ქალმა ინატრა: ჩვენს გარს ზღვა გაჩნდეს, ჩვენ შუაზე ვიყოთ, მშრალი ადგილი იყოს, წელთ ჩემ კმარს ხმალი შემოარტყიო. მართლა ისე იქნა. შემოერთყა გარს ზღვა, მოვიდა დევის ცოლი, დაეწაფა და შესვა ზღვა. მიეწადა ახლა იმათ ჩასაყლაპად. შემოჰკრა ბიჭმა ხმალი და მოჰკრა თავი. მერე დევიც მოიშორა და დაიწყო თავის ცოლით ტკბილი ცხოვრება.

კირი იქა, ლხინი აქა

ქატო იქა, ფქვილი აქა.





### ხელმწიფის გიჟი შვილი

იყო ერთი დიდებული ხელმწიფე. ხელმწიფეს ორი ვაჟი-შვილი ჰყავდა. ერთ ვაჟს გიჟს ეძახდნენ, გიჟიც ეგონათ და არც არაფერს ყურს უგდებდნენ. მეორეს კი ჰკვიანს ეძახდნენ და ტახტის მემკვიდრეთაც იმას ამზადებდნენ.

გიჟ ხელმწიფის შვილს დილით ჩააცმევდნენ მშვენიერად, მოპრთავდნენ ვერცხლითა და ოქროთი; მიეფარებოდა მერე საღდაც და სალამომდის აღარ გამოჩნდებოდა. სალამოზე დაბრუნდებოდა ჩამოხეული და ჩამოწეწილი, საძაგლის კონკებით, თითქოს გლახა არისო. მეორე დღეს ისევ ახალი უნდა ჩაეცმიათ ხელმწიფის შვილისათვის; თუმცა არ მოსწონდა არც ხელმწიფეს შვილის საქციელი, მაგრამ რას იზამდნენ. ხელმწიფის შვილი იყო და ტიტველს ხომ ვერ ატარებდნენ?!

ხელმწიფეს ერთი ვეზირი ჰყავდა, ბრძენი და მეცნიერი, ერთგული ხელმწიფისა, რომ სიერთგულეში სწორი არა ჰყავდა; მთელი თავისი სიცოცხლე ხელმწიფის სამსახურში გაეტარა, ხელმწიფეც პატივსა ჰცემდა და აფასებდა იმის ერთგულებას. ვეზირიც ჰხედავდა, რომ ხელმწიფის შვილი დილით ატლასიონს ჩაიცვამს, წავა და სალამოზე ჩითიონითაც აღარ მოვა. ერთხელა სთქვა: მოდი, გავყვები ამ გიჟს ისე, რომ ვერ გაიგოს, ვნახავ, ან ტანისამოსს რითა ჰხევეს, ან მთელ დღეს რას აკეთებს, სად ატარებსო?

ერთხელ, როდესაც ხელმწიფის შვილი, მორთული მშვენიერად, სასახლიდან გავიდა და გაჰწია მინდვრისაკენ, ვეზირიც



თან გაჰყვა. მიდის ხელმწიფის შვილი და მიჰყვება შეუმჩნევლად უკან ვეზირიც. გაიარა ხელმწიფის შვილმა მინდორი, გავიდა შარაგზაზე და გზა გასაყარში დადგა. ააყოლებს და ჩააყოლებს თვალს გამვლელ-გამომვლელს, ხმას არავის არა ჰქემს. ბოლოს ერთი საბრალო, ჩამოხეულ-ჩამოფლეთილი გლახა ჩამოივლის, ტანზე არათფერი არ აკრია ძონძების მეტი, ერთი საბრალო და ღვთის ცოდვილი. გადუღგება წინ ხელმწიფის შვილი და შეაყენებს გლახას:

— გაიხადე ახლავე, რაც გაცვია და მომეც მეო, — უბრძანებს გლახას.

გლახა გაჰკვირდება:

— რა მაცვია, რად უნდა, რისთვის გავიხადოვო.

როგორც იქნება გაახდენინებს გლახას ტანისამოსს ხელმწიფის შვილი, იმას თვითონ ჩაიცმევს და თავის ტანისამოსს იმას მიჰქემს, მერე გაუშვებს გლახას და ეტყვის:

— ახლა წადიო!

გლახა გაჰცდა და ხელმწიფის შვილმაც გულდასვენებით გაჰწია წინ. იარა, იარა და ერთ რიყეზე მივიდა და დაჯდა ლანზე. მიჰყვა ვეზირიც. აძლებს ხელმწიფის შვილი ჩანახს, აავსებს ლამით და დააგროვებს ერთკენ: ეს იმას, ვინც ძმას გაეყაროს და ცოლს შეეყაროსო! აავსებს მეორედ ჩანახს და დააგროვებს: ეს იმას, ვინც ცოლს გულის სიტყვა უთხრასო! დააგროვებს მესამედ და იტყვის: ეს იმას, ვინც ბატონს უერთგულოსო! ამას რომ მორჩება, ადგება და გამოჰწვევს სახლისაკენ.

ვეზირს გულში ჩაეჭრა ხელმწიფის შვილის სიტყვები; იფიქრა: თუ ყველა ეს არა ვცადე, არ იქნებაო.

მეორე დღესვე ძმას რალაც შარი მოუდო, მოუვიდათ ჩხუბი, შეუჩნდა ძმობილი ვეზირს:

— გაეყარე ძმას, მე შემეყარეო!

გაეყარა ვეზირიც ძმას და ძმობილს შეეყარა. სანამ ვეზირი ფულს აძლევდა და აკმევდა, მეგობარსაც ძალიან მოჰწონდა და უყვარდა, მაგრამ როდესაც ვეზირმა ქისას მოუქირა, ძმობილი ჩამოვიდა სხვა ბაქანზე; ცოტა ხანს ითმინა მეგობარმა, ბოლოს ჰკრა კიტლაყი და გამოუძახა.

აუსრულდა ხელმწიფის შვილის სიტყვა ვეზირსა. მერე მეორე და მესამის სიტყვის გამოცდა მოინდომა.

ხელმწიფეს ერთი შველი ჰყავდა, საშინლად უყვარდა. თა-ვისთან აკმევდა, ასმევდა და აძინებდა. სულ იმის ალერსში და სიყვარულობაში იყო. ვეზირმა იმის მოპარვა განიზრახა და აასრულა კიდევ; წამოიყვანა შველი და დამალა; თხა დაკლა და ცოლს უთხრა:

— ეს ხელმწიფის შველია, მე მოვიპარე, დავკალ და ვქა-მოთო.— ჰამეს თხის ხორცი. რა იცის ცოლმა, თუ შველისა არ არის.

შვლის მოპარვამ ხელმწიფე ძალიან გააბრაზა. გაჰცა საში-ნელი ბრძანება, რომ აუცილებლად უნდა ეპოვათ იმისი მომ-პარავი. საქმე გამოძიებაში ჩავარდა.

ერთ დღეს ვეზირმა ცოლი ლაზათიანად მიბეეა. გაიქცა ცოლი და მაშინვე ხელმწიფეს მოახსენა:

— შენი შველი, ღმერთმანი, ჩემმა ქმარმა მოიპარა, დავკა-ლით და შევქამეთო.

დაიჭირეს ვეზირი მაშინვე და წაიყვანეს სახრჩობელაზე. რომ უნდა დაახრჩონ, ვეზირმა სთხოვა ხელმწიფეს:

— ერთი სიტყვა მათქმევინეთო!—დააცადეს.—ის შველი ცოცხალია, არ დავიკლავს. ესე, ესე გამოცდა მინდოდა ცო-ლისა და იმათ მოვიპარეო.

მოიყვანეს შველი და გადაჰრჩა სახრჩობელას ვეზირი, მაგ-რამ გაიგო კი ვეზირმა, რაც უნდოდა; დარწმუნდა, რომ ბა-ტონის ერთგულება მართლა არა ღირებულა არაფრად: ხელ-მწიფემ ერთი შვლის გულისთვის სახრჩობელაზე წამიყვანა ერთგული ვეზირი, და... ცოლმა კი პირველ წყენაზედვე გამცაო.

მაშინ მიხვდა ვეზირი, ვინც გიყი იყო და ვინც ჰქვიათი.

ჭირი იქა, ლხინი აქა,  
ქატო იქა, ფქვილი აქა.



### მელიას ეშმაკობა

მელიამ ნაფეტვარზე გაიარა, ნახა, რომ ბევრი თავთავი ეყარა ტყუილად. იფიქრა: ამ თავთავებით ბევრ ზიანს ვიზამო. დაჯდა და დაიწყო თავთავების კრეფა. აკრიფა ერთი კონა, ამოიღო ილღის ძირში და გაუდგა გზას. გზაზე დაულამადა. მივიდა ერთი სახლის კარებზე და შესძახა:

— არ დამაყენებთო?

— დაგაყენებთო! — დაუძახეს.

მელიამ მიაბარა თავთავების კონა და უთხრა:

— საქათმეში შეიტანეთო!

მელიას თავთავები შეიტანეს საქათმეში და ისე დადეს, რომ ქათმებს არ გამოეჩურჩათ.

შუალამის დროს, როდესაც ყველას ეძინა, ადგა მელია, აიღო თავთავები და ერთ დიდ წითელ მამალს დაუღო ცხვირწინ.

მეორე დღეს მოჰბოვა მასპინძელს ანაბარები. შევიდა მასპინძელი და მელიას გამოკენკილი თავთავები კი გამოუტანეს. მელიამ ტირილი დაიწყო:

— მაგის მეტი არაფერი მებადა და ეგეც თქვენმა მამალმა შემიჭამაო!

მასპინძელმა ჰკითხა:

— რა გიყოთ, ახლა, მელიავ, რაღა ეშველება შენს თავთავებსაო?

— ან უნდა მომიტანოთ ჩემი თავთავები, არა და—ის მა-  
მალი უნდა მომცეთო!

რას იზამდა მასპინძელი? აიღო და მისცა მამალი. აიყვანა  
მელიამ და გასწია თავის გზაზე.

ბევრი იარა, ცოტა იარა, დაუღამდა. გზაზე ერთ მეცხვა-  
რესთან დადგა. მიაბარა მამალი და უთხრა:

— ეგ მამალი არ მომიკლათ, თორემ ცხვარს წაგართმევთო.

— კარგო, — უთხრეს მელიას.

ღამე ადგა მელია, აიყვანა მამალი და ჩამოაცო რქებზე  
ერთ ერკემალს.

მეორე დღეს მელიამ მამალი მოითხოვა.

— უნდა წავიდეთო!

შევიდნენ, ნახეს და მამალი ერკემალს კი ჰყავს ჩამოცმული  
რქებზე. მელიამ ისევ განგებ დაიწყო ტირილი:

— ეგ ერთი მამალი მყავდა, ღამე ეგ მალვიძებდა და ახლა  
კი დავრჩი ცარიელიო.

მისცეს მელიას ერკემალი და გაისტუმრეს.

გახარებულმა მელიამ გასწია თავის გზაზე. მოდის მელია,  
მიიმდერის:

ფეტვი გავყიდე ზამლადა,  
მამალი ერკემალადა.

დაუღამდა მელიას. დადგა ერთ გლეხთან. ერკემალი მიაბა-  
რა და უთხრა:

— ეგ ერკემალი არამც ხარებს არ მომიკვლენოთ, თორე  
დამლუჰავთ და იმ ერკემლის მომკვლელ ხარს წაგართმევთო.  
ერკემალი შეიყვანეს და დააბეს ხარებთან ცალკე.

ღამე ადგა მელია, აიღო ერკემალი და ჩამოაცვა რქებზე  
ერთ დიდ ხარს.

მეორე დღეს გამოართვა მასპინძელს ერკემლის მომკვლელი  
ხარი, გაიგდო წინ სიხარულით.

გზაზე დაუღამდა, მაგრამ სახლში არაფერ შეუშვა. ბოლოს  
ერთ ქვრივთან მივიდა და სთხოვა:

— ხარი მყავ, მეშინიან, მგელმა არ შემეჩამოს, ბოსელში

დამაბმევინეთ, მე კი კარებზე დავწვები და ვუყარაულებ ჩემ ხარსაო.

ღამე ადგა მელია, გამოჰპრა ხარს ყელი და ბებერის უმცროს ქალს ჩაუდო დანა ჯიბეში.

მეორე დღეს მოითხოვა ხარი:

— უნდა წავიდეთ!

ნახეს, ხარი მკვდარია. შეწუხდა სახლის პატრონი, შეწუხდა ვითომ თვითონ მელიაც. მელიამ უთხრა:

— ვინც ის ხარი დაკლა, ის უნდა წავიყვანოვო.

დებმა უარი სთქვეს:

— ჩვენ არ დაგვიკლავსო!

— მაშ ვისაც სისხლიანი დანა ჰქონდეს, ის არის მკვლელიო.

გაუსინჯეს ჯიბეები და სისხლიანი დანა უმცროს დას კი უნახეს. წამოიყვანა ქალი მელიამ. ჩაისვა გულაში, მოიკიდა ზურგზე, მიდის და იმღერის:

ფეტვი გავყიდე მამლადა,  
მამალი ერკემალადა,  
ერკემალაი ხარადა,  
ხარაი ლამაზ ქალადა.

გზაზე მხენელებს შეჰხვდა. მხენელებმა დაუძახეს:

— დაისვენე, მელიავ, პური ჰამეო.

დაისვენა მელიამ. მისცეს ერთი ცხრილი და უთხრეს:

— წადი, სანამ ჩვენ სამხარს მოვამზადებთ, წყალი ამოგვიტანეო.

წავიდა მელია. ავსებს წყალს, მაგრამ ცხრილი რას დაიჭერდა?

ეძახის მელია მხენელებს:

— გასდის, გასდის!

— კურკლე და გლისე მელიავ, კურკლე და გლისეო!— ეძახიან მხენელები.

დაკურკლა მართლა მელიამ და წაუსვა ცხრილს, მაგრამ კურკლი რას დაიჭერდა წყალს? სანამ მელია წყალზე იყო, მხენელებმა მოხსნეს გუდის პირი, ამოიყვანეს ქალი და იმის

მაგიერ ერთი ძალღი ჩაუსვეს, ჩაუდეს პური, რომ ჩუმაღ ყო-  
ფიღიყო და მოუკრეს ისეღ პირი. მეღია მოვიღა მღენეღებთან  
და უთბრა:

— ახღა კი წავაღ, გამიშვიღო!

მღენეღებმა გაისტუმრეს მეღია თავის გუღიღ.

მიღის მეღია და მიიღღერის ისეღ წინანღებურად. გაათავა  
ძაღღმაღ პური გუღაში და დაუწყო ფბაკუღნი ხმეღ გუღას. მე-  
ღიას ჰგონიღ ქაღიღო და ეუბნება:

— რა არი ქაღო, რა გაწუხებს, თუ გწყურიან—დაღიე, თუ  
გშიან—ქამეო...

მიინღ არაფერი შეისმიღა მეღიისა ქაღმა, ისეღ აფბაკუღნებ-  
ღა ფბროკ გუღას. ბოღოს მოვიღა მეღია თავის სოროში,  
მოჰხსნა პირი გუღას, ამოფრინღა გუღიღან ძაღღი, გაიგღო  
მეღია და გააძრო ქურქი.

კირი იქა, ლხინი აქა,  
ქაღო იქა, ფკვიღი აქა.





## წიქარა

იყო და არა იყო რა, იყო ერთი ცოლ-ქმარი. ჰყავდათ ერთი ვაჟი. კაცი მალე დაქვრივდა, ვაჟიც დაობლდა, დარჩა პატარა. სახლისა და შვილის მოსაველეად ვაჟის მამამ მეორე ცოლი შეირთო. ვაჟი დედინაცვლის ხელში ჩავარდა. უდიერი დედინაცვალი ჰყავდა. მუდამ სცემდა პატარა ვაჟს და აყენებდა ცეცხლის კალოში. დედინაცვალს მეგობარი ჰყავდა, ქმარმა კი არ იცოდა. ვაჟმა იცოდა და დედინაცვალსაც გულით იმიტომ უნდოდა ვაჟის მოშორება.

კაცს ერთი ხარი ჰყავდა—წიქარა. ეჟესა და წიქარას ერთმანეთი საშინლად უყვარდათ. მუდამ დადიოდა წიქარასთან, აძოებდა იმასაც და თვითონაც ერთობოდა.

დედინაცვალი კი დროს ელოდა, რომ ვაჟი თავიდან როგორმე მოეშორებინა.

ერთხელ მოიავადა თავი და დაიწყო ტყუილად კენესა და გმინვა. ქმარმა ჰკითხა:

— რა გიშველისო?

ცოლმა უთხრა:

— შენი შვილის გულ-ღვიძლის მეტი ვერაფერი მიშველისო!

მამა ცოტა შეწუხდა ამ სიტყვის გაგონებაზე, მაგრამ რომ მეტი ღონეც არა ჰქონდა? ირჩია ცოლი შვილსა და დაკვლა დაუპირა.

მეორე დილაზე ვაჟი ჰხედავს, რომ მამა დანებსა ჰლესავს.

— რად გინდა, მამავ, ეგ დანა, რო ლესავო?—ჰკითხა ვაჟმა.

— წაიყვანე, შვილო,—ეტყვის მამა ვაჟს,—წიქარას დაა-  
ლევინე, უნდა დავკლათო.

წაიყვანა ვაჟმა წიქარა წყალზე, ასმევს წყალს და ტირის,  
ტირის, რომ იმის ცრემლები წყალთ ეწვეიან.

— რა გატირებს, ჩემო მეგობარო?—ჰკითხავს წიქარა,—  
რაზე ითხრი თვალებს, შემოგველოს შენი წიქარა თავსაო!

— დაკვლას გიპირებენ, დაკვლასო!—ეტყვის ვაჟი.

დაღონებული წიქარა ამოიდგამს ენას და ეტყვის ვაჟს.

— მე კი არა მკლავენ, შენ გიპირებენ ყელის გამოჭრას;  
წადი წამოიღე ერთი სალესავი, ერთი სავარცხელი და ერთი  
ბოთლი წყალი. შემჯექ და წავიდეთო.

წავა ვაჟი, მოიტანს ყველაფერს, რაც წიქარამ უთხრა და  
მოვა. შეჯდება ვაჟი წიქარაზე და გაქუსლავს.

გაიგო ვაჟის მამამ შვილის წასვლა, შეჯდა ერთ წყეულ  
ლორზე და გამოუდგა. მირბის წიქარა, მიაბრუნს პატარა მე-  
გობარს, მისდევს მამაც ლორზე მჯდომი დალესილი დანებით,  
მისდევს და ის არის უნდა დაეწიოს.

წიქარამ უთხრა ვაჟს:

— რალას ელი, მეგობარო, სიკვდილი თვალწინ გვიდგა,  
გადაღვარე წყლიანი ბოთლიო.

გადააქცევს წყალს ვაჟი, გაჩნდება საშინელი ზღვა. ჰლე-  
ლავს შავად ზღვა, გაბრაზებულთა, ტალღები სიკვდილს უქა-  
დის ყველას, მაგრამ ლორი არ უდრკება ზვირთების ცემას და  
მიცურავს. სახამ ლორი ზღვას გადაცურდება, წიქარა და იმი-  
სი მეგობარი კარგა გზას გაივლიან. ბოლოს გამოვა ლორიც.  
წიქარა ეტყვის ვაჟს:

— თავი მიიბრუნე, აბა, მოდის თუ არაო?

მიიბრუნებს ვაჟი თავს; შორს ბუზივით რალაც მორბის და  
მოფრინავს. წიქარას ეტყვის:

— ბუზისტოლად კი ჩანს რალაცაო!

— ეგ ლორია, და ზედ მამაშენი ზის,—ეტყვის წიქარა  
და გაეშურება,—წავიდეთ, მეგობარო, გავფქვეთ უსამართლო-  
ბას, როდესაც იმის წინააღმდეგი ფარი არა გვაქვსო!



მირბის წიქარა და მიაქროლებს პატარა ვაეს; მირბის ღორი და მიაგელებს ვაეის მამა დაათურებულ დანებს... ცოტა კიდევ და ღორი დაეწევა წიქარას!

— გადააგდო სავარცხელიო!—შესძახა ვაეს წიქარამ.

გადააგდო ვაემა სავარცხელი. უცებ ისეთი წვრილი და ხშირი ტყე აიყარა, რომ შიგ თაგვი კუდს ვერ მოიბრუნებდა. სკრა კბილით ღორმა, სკრა და გავიდა. წიქარა და ვაეი კი მირბიან.

კარგა გზა აქვთ გავლილი. მოიხედაეს ვაეი, შორს ბუზით რაღაც მოჩანს.

— ღორი მოგვედევსო!—ეტყვის წიქარა... ცოტა კიდევ, ცოტა კიდევ და ღორი წიქარას დაეწევა, მაგრამ გადააგდებს ვაეი სალესავს და აიმართება საშინელი თვალუწვდენელი კლდე წიქარასა და ღორის შუა. სკრის ღორი, სკრის, რაც ძალი და ღონე აქვს, აკეთებს კლდეში საკიბურებს და აღის ზევით. შუა ადგილში რომ მივიდა ღორი, ჩააპრა კლდის ფხას ფეხი და თავის მხედრით უფსკრულში კი ჩაინთქა... წაიღო ჩემიცა და თქვენი კირიც.

ვაესა და წიქარას ხსნის იმედი მოეცათ... იარეს და გავიდნენ სამშვიდობოს. წაქარამ წაიყვანა ვაეი ერთ ტრიალს მინდორზე, იქ ერთი ალვის ხე იდგა, რომ იმის წვერი ცასა ჰხევდა. შესვა ზედ, მისცა ორი სალამური: ერთი საპირო, ერთი სალხინო და უთხრა:

— მე წავალ, მარტოკა ვივლი მინდვრებზე, ვძოვ, დავირჩენ თავსა, შენ აქ იჯექ: გაგიკირდეს, დაუკარ საპირო სალამური და მე მაშინვე აქ დავიბადებ, გილხინდეს, დაუკარ სალხინო სალამური, საკმელსაც ის მოგიტანს და სასმელსაცაო,—გამოეთხოვა და წავიდა წიქარა.

ვაეი იჯდა ალვის ხეზე და უკრავდა სალხინო სალამურს... გაიგონა ერთმა მეცხვარემ სალამურის ხმა, საშინლად მოეწონა და გადაჰწყვიტა იმისი შოვნა. მიჰყვა სალამურის ხმას. მივიდა ალვის ხესთან და ნახა, რომ ბიჭი სალხინო სალამურს უკრავს, პეპლები კი მოგროვილან იმასთან და სალამურის ხმაზე თამაშობენ და ირევიან ერთმანეთში.

მეცხვარეს შურით თვალები გადმოუბრუნდა, ვაჟს დაუ-  
ძახა:

— ჩამოდი ძირს, სალამური მაჩვენე, რისაა გაკეთებულიო.

მაგრამ ვაჟი არ ჩავიდა: წიქარასაგან ჰქონდა ნათქვამი, რომ ალვის ხიდან არ ჩამოხვიდო. ვაჟმა არ გაუგონა მეცხვარეს და არ ჩავიდა...

ადგება შურიანი მეცხვარე და წავა ხელმწიფესთან. ხელმწიფეს მოახსენა:

— ამა და ამ ადგილას ერთი ვაჟი ზის ალვის ხეზე და ისე უკრავს სალამურს, რომ იმის დაკვირვებით მთელი ქვეყანა ხარობსო.

ხელმწიფემ მაშინვე დაიბარა ნაზირ-ვეზირი და უთხრა:

— ან თქვენ უნდა მოიყვანოთ ის ვაჟი და ან უნდა კაცი იშოვოთ იმის მომყვანიო.

ნაზირ-ვეზირმა ხელმწიფესთან ერთი ბებერი მიიყვანეს. ბებერმა უთხრა:

— მე მოვიყვან იმ ვაჟსაო.

ადგება ბებერი, წაიყვანს ერთ თხას, ერთ სადგისს წაიღებს და მივა ალვის ხის ძირში. ვაჟი ზის ალვის ხეზე და უკრავს სალხინო სალამურს. ბებერი ალვის ხის ძირში დგას, ჰჩხვლევს სადგისით თხას და აჩხვლევს.

ვაჟი დაინახავს, რომ ბებერი თხას აჩხვლევს და დაუძახებს:

— რასა ჰშვრები, დედილო, რად აჩხვლევ მაგ თხასაო?

— დაკვლა მინდა და ვერ დამიკვლია. იმდენი სიკეთე მიყავ, ჩამოდი, დამიკალიო.

ვაჟი რას მოიფიქრებდა თუ ბებერს ლალატი ედო გულში? ჩავიდა ვაჟი ძირს. ბებერმა დაათრო და დააძინა.

წაიყვანეს ხელმწიფის კაცებმა და ჩასვეს ცხრაკლიტულში. ვაჟს გამოეღვიძა, ნახა თავის თავი დატყვევებული და დალონდა. დაიწყო ტირილი, ინატრა თავის სალამურები, მაგრამ იმის სალამურები ალვის ხეზე იყო ოხრად დარჩენილი. ვაჟი ფანჯარასთან იჯდა და გაჰსცქეროდა ცასა. ცხრაკლიტულს ვკვამა გაუარა გვერდზე. დაინახა ვაჟმა და შესძახა:

— ყვევო, ყვევო! სად მიფრინავ, სად მიგეჩქარება? წადი შენი შეილები მზეს, მინდორთ რო ალვის ხე დგას, იქ ჩემი სალამურებია და აქ მომიტანეო!

— მე რო ლეშა ვქამდი და შენ კი ქვევს მესროდი, აღარ გახსოვსო?—უპასუხა ყვევმა და გაუღმა გზას. გააყოლა ვაჟმა თვალი და ჩამოყარა ცრემლები.

გაუარა ყორანმა.

— ყორანო! ყორანო! წადი, შენი შეილების მზეს, ალვის ხეზე სალამურები დამრჩა და აქ მომიტანეო!—გასძახა ვაჟმა ახლა ყორანს

— მე რო წიქარას ლეში ვთხოვე, და არ მომეცი, სალამურს რად მოგიტანო!—ჩამოსძახა ყორანმა. გასცილდა და თავის სიშავით უფრო გააშავა ისეც შავი და მწარე ღლე პატარა ტყვისა.

გადაუარა არწივმა.

— არწივო! არწივო, მხარკვერიანო!—გასძახა ვაჟმა,—ფრინველთ მეფე ხარ, სადაც მაღალი კლდე არის და ხე, შენი საბუღარია. მაშ წადი და მინდორთ ალვის ხე დგას, იქ სალამურები დამრჩა და მომიტანეო.

— მე ჩემი საქმე მაქვს; შენგან კრავი როდის მიმიღია საჩუქრად, რო მე სალამური მოგიტანო!—უპასუხა არწივმა და მხრების შხლარტუნით გასცდა.

გადაიფრინა ჩიტმა. ამასაც შესძახა ვაჟმა:

— ჩიტო, ჩიტო, შენი ბარტყების გაზრდას, მინდორთ სალამურები დამრჩა და მომიტანეო!

— შენ რომ მახეს გვაგებდი და ბუღეს გვიშლიდი! მე ვერ მოგიტან. სხვას სთხოვე,—უთხრა ჩიტმა და გასცდა ჟივილ-ხივილით. გააყოლა თვალები ვაჟმა და ჩამოსცივდა ცრემლები. ბოლოს მერცხალი დაინახა. ვაჟმა შესტირა:

— მერცხალო, მერცხალო, გაზაფხულის მახარობელო! მინდორთ სალამურები დამრჩა და მომიტანეო!—გაფრინდა მერცხალი და მოუტანა სალამურები.

დაუკრა საჭირო სალამური ვაჟმა, დაუკრა და აატირა. წიქარამ გაიგონა სალამურის ხმა და გაეშურა ვაჟისაკენ. გააფთხებული ეცა რქებით ცხრაკლიტულს და დაუწყო მტვრევა. რვა კარი გატეხა, მაგრამ მეცხრე კარი გასატეხი ჰქონდა.

და მოსტყდა ერთი რქა. დალონდა წიქარა. ისე თავის რქას არა ჩიოდა, როგორც თავის მეგობრის ტყვეობას. ღმერთს რქა შესთხოვა.

ერთი თავი გამოძვრა და წიქარას უთხრა:

— რას მომცემ, რომ რქა მოგაბა? შენს ლემს ხომ მაქმეგო?

— გაქმეგო,—უთხრა წიქარამ.

თავში გაუმთელა რქა, ეცა წიქარა და შელენა მეცხრე კარიც. შევიდა ვაჟთან, შეისვა ზურგზე მეგობარი და გააშურა ალვის ხისაკენ. შესვა წიქარამ ვაჟი ალვის ხეზე და თვითონ კი ისევ მინდორში წავიდა.

არის ვაჟი ალვის ხეზე. უკრავს სალხინო სალამურს და ერთობა. ბოლოს მოაგონდა წიქარა, მოუნდა იმისი ნახვა, დაუკრავს საქირო სალამურს, დაუკრავს, მაგრამ არსად არის წიქარა! ელის ვაჟი წიქარას, მაგრამ არსად ჩანს წიქარა!

დალონდა ვაჟი. ჩამოვიდა ძირს. დაუკრა საქირო სალამური, დაუკრა და აატირა მთელი ქვეყანა. იმის ცოდვით ბალახნი ტიროდნენ, პეპლებიც აღარა ფრინავდნენ და ცრემლებს ჰღვრიდნენ, ხეებიც აღარ ინძრეოდნენ. უკრავდა სალამურს, და ცივ კლდეებსაც ცხელი ცრემლები სდიოდათ. უკრავდა სალამურს და შავი ყორანი კი ზალეშარით საითლაც მიეშურებოდა...

წავიდა ვაჟი, ეძება წიქარა და ბოლოს მინდორში მკვდარი იპოვა. შავ ყორანსა და უგვანო სვაე-ყაჟირებს თვალეზი დაეთხარათ, ყვავე-კაქკაქებს გამოეხრათ. დასტირა ვაჟმა წიქარას, დასტირა ცხარედ; აღარც სალხინო და აღარც საქირო სალამური არ დაუკრავს, შეძვრა წიქარას გვამში და მოკვდა იმასთან.

კირი იქა, ლხინი აქა,  
ქატო იქა, ფქვილი აქა.

ელასა, მელასა,  
ქიქა მეკიდა ყელასა,  
მთქმელსაც და გამგონებელსაც,  
ძილი გვაიმოს ყველასა.



## ბადრისა. უსუპისა და ამირანისა

გიაგობთ ამირანისასა,  
თუ ზღაპრად მოგეწონებათ...  
ბადრის, უსუპის ამბავი  
მალი-მალ მოგეგონებათ.

ხალხში დაშთენილი მოძახილი

იყო და არა იყო რა, იყო ერთი კაცი, სახელად სულკალმახი. სულკალმახს სამი ვაჟი ჰყავდა: უფროსი—ბადრი, შუათანა—უსუპი და უმცროსი—ამირანი. ამირანი ქრისტე ღმერთის ნათლული იყო. სულკალმახის ცოლს, დარეჯანს, ამირანი სულ ბოლო დროს, სიბერეში ეყოლა. დარეჯანს ძალიან უყვარდა თავისი უმცროსი ვაჟი ამირანი და ამიტომ ამირანს დარეჯანის საკუთარ ძეს ეძახდნენ.

სულკალმახი მოხუცებული იყო და ეწინოდა: მე რომ მოვკვდე, ამირანს აღარავინ გაზრდისო. ამირანი უნდოდათ მდიდრის კაცისათვის მოენათვლინებინათ, რომ სულკალმახის სიკვდილის შემდეგ ამირანი ნათლიას წაეყვანა და გამოეზარდნა. დაიპატივეს კიდევ ნათლიად მდიდარი კაცი, მაგრამ ნათლობის დროს სულკალმახის სახლში გლახად ჩაცმული ქრისტე ღმერთი მივიდა და სთხოვა სულკალმახს: შენი შვილი მე უნდა მომანათვლინოვო. სულკალმახმაც უარი ვეღარ უთხრა და მონათვლინა შვილი. ქრისტე ღმერთმა ამირანს დაანათლა: გაქანებული ხის სიჩქარე, გაქანებული ზევის სიმარდე, თორმეტ

უღელა ხარ-კამეჩის ღონე და მგლის მუხლი, ბაღლობით სი-  
საწყლე და სიბეჩავე, ვაეკაცობაში—ომი და ქირსახდიელი.

მართლაც დიდხანს არ გაუვლია, რომ სულკალმახი მოკვდა.  
იმის მტერს დევებს დრო მიეცათ ჯავრის ამოყრისა, დაეცნენ  
ობლების სახლ-კარს და სულ ცეცხლის ალი აადინეს, ააოხრეს  
და დააბუნდოვეს. ძმები, დევების დაშინებულები, სულ გადი-  
კარგნენ, გასწირეს თავისი ქვეყანა.

ბადრი, უსუბი, ამირან  
ობლები მოვიზარდენით;  
დევების დაშინებულნი  
ჩაბალხეთს ჩავეყარენით.

მოკვდა დარეჯანიც. შვილებს დააბარა: შვილებო, დევებს  
მოერიდენითო. მაგრამ გზაზე ქეას ვინ აარიდებდა მუდამ ფეხს.  
ბევრი ბეჩაობა გამოიარეს ძმებმა, სულ ცის ქვეშ აღამებდნენ  
და ათენებდნენ. კერა-ნაცარი ენატრებოდათ.

ბადრი, უსუბი, ამირან  
ობლები მოვიყარენით;  
ღველფ არ გვინახავ, კერაი,  
საჩალეს მოვიზარდენით;  
ვინაც კარგ გვიყვა ობოლთა,  
შუაში დავეტანენით;  
ვინაც ავ გვიყვა ობოლთა,  
იმას შინ შევეტანენით.  
ღედამ დარეჯანმ გვაბარა:  
„ღვეებს ნუ შეეყრებითო,  
„თუ შეეყარნეთ ღვეებსა,  
„ადვილ ნუ გიეყრებითო!“  
სამნი ჩვენ, სამას ღვეები  
ჩაბალხეთს შევიყარენით,  
თავს მოვხდით ბალხის კარავსა,  
ბოლოში გავიყარენით,  
ომისა ვერა გავიგეთ,

ფარისქვეშ მოვიმალენით.  
დაესხედით ღვინის სმაზედა,  
ზოგნ ღვენიც დავიტანენით.  
ვინაც სვა ღვინო ჩვენთანა,  
ძმებურად გავიყარენით;  
ვინაც არა სვა ღვინოი,  
დავკარით, არ ვიწყალენით.  
ღვევებ ხო არა ყოფილან,  
სუ ხმალქვეშ მოვატარენით.

გავიდა ხანი. გაიზარდა ამირანიც; ისეთი ღონიერი გახდა, რომ მიწას უმძიმდა იმისი ტარება. უსუპი და ბადრი მშვენიერები იყვნენ.

ცოტა კაცია ამირან,  
ცოტა სმა-ჭამა ეყოფა:  
სადილად ბულა კამეჩი,  
ვახშმად არც სამი ეყოფა...  
ბადრი ქალსა ჰგავს ლამაზსა,  
საქმარედ გამზადებულსა;  
უსუპი—ბროლის ციხესა,  
თავ-ბოლოთ გამაგრებულსა;  
ამირან შავსა ღრუბელსა,  
საადროდ დამზადებულსა.

ერთხელ ამირანი და იმისი ძმები სანადიროდ იყვნენ. ცხრა მთაზე ინადირეს, ვერაფერი მოკლეს; ცოცხალ სულს არ შეჭხვედრიან; გადავიდნენ მეთათე მთაზე და გაინადირეს. უცებ უზარმაზარი ტანისა და უზარმაზარქიანი ხარ-ირემი გამოუხეტათ. დაიწყო ირემმა რქები ზურგზე და ჰერი! ესროლა ამირანმა და დასქრა.

სანადიროდ წამოვიდნენ  
ამირან და ძმანი მისნი;  
გადიარეს ცხრანი მთანი,  
მეთათენი ალგეთისნი.

მინდორს კვალი მაუკვლიეს,  
დანაქლიკი ეშმაკისი.  
მთას ირემი წამოუხტათ,  
ოქრო იყო რქანი მისნი.  
უცხოს მთაზე კოშკი ნახეს,  
ანაგები ბროლის ქვისი;  
მაუარეს გარემურგვალთ,  
ვერ იპოვეს კარი მისი...  
სადაც რო მზემ პირი შოჰკრა,  
ამირანმა მუხლი მგლისი,  
კოშკმა პირი იქ გაალო,  
იქ შეება კარი მისი.  
კოშკში ლომი წოლილიყო,  
მამრევე არვინ იყო მისი.  
იმას თავით რაში ება,  
ტოტით მიწას სთხრიდა ისი;  
მარცხნივ რო შუბი ეყუდა,  
წვერი ცასა ჰხევედა მისი;  
მარჯვნივ ედო თავის ხმალი,  
პირი ჰქონდა აღმასისი;  
ერთ კუთხეში ოქრო-ვერცხლი,  
ნაგროვები ცამცუმისა.  
გვერდით ეჯდა თავის დედა,  
ცრემლად დასტიროდა შვილსა,  
თავით ერთი ქალი ეჯდა,  
ზღვას ერევა ცრემლი მისა.  
თითებსა და თითებს შუა  
წიგნი ჰქონდა ქალაღლისა.  
წაიკითხეს, შიგ ეწერა:  
ძმისწული ვარ უსუჰისა,  
სანამ ვიყავ, მტერი ვმუსრე,  
არ შეეკამე ჯავრი სხვისა;  
მოვეკედი, მხოლოდ ჯავრი გამყვა  
ერთი დევის ბაყბაყისა,



ვინაც მოჰკლავს ბაყბაყანსა,  
ჩემი შუბი ალალ მისა;  
ვინც დედ-მამას დამიმარხავს,  
ჩემი ფული ალალ მისა;  
ვინაც რომ დებს გამითხოვებს,  
ოქრო ვერცხლი ალალ მისა;  
ვინც მე მამიელის, დ-მმარხავს,  
ცოლიც, რაშიც ალალ მისა!

ამირანმა უთხრა ძმებს, წიგნი რომ წაიკითხა:

— ხომ მოვკლავთ და მოვკლავთ იმ ბაყბაყ-დეეს და  
ბარემ ეს სარჩოც წავიღოთ და ეს ქალი და რაშიც წავიყვა-  
ნოთ. მაინც ხომ ანდერძიც ესეაო.

ძმებმა დაუშალეს:

— სირცხვილია, ვინ რას იტყვისო  
ნუ ამირან, ძმათა მზესა,  
ნურა გინდანურავისა,  
გამოდი და გამოხურე  
საყდარი და კარი მისა,  
თორემ გმირნი დაგეძრახავენ,  
მკვდარი გაუტარცვავ სხვისა!

მკვდარს მოუარეს, დამარხეს, გამოხურეს კოშკის კარი და  
წავიდნენ ბაყბაყ-დევის საძებნელად. ამირანს ომი სწყუროდა.  
დიდი ხანი იყო გასული, რაც თავი არ ეცადნა. უნდოდა ომის  
გადახდა. მართლაც გზახე ბაყბაყ-დევი შემოჰხვდათ. გაეგო:  
ცამცუმი მომკვდარაო და მოდიოდა საქმელად. ამირანმა შეუ-  
ტია დევს:

— სად მიდიხარ, შე აყროლებულო, საითკე მიეჩქარებო?

— უსუპის ძმისწული ცამცუმი მომკვდარა და იმის მძორის  
საქმელად მივალო, — უპასუხა დევმა.

ამირან, დევი ბაყბაყი  
ჩასაუბრობენ მტრულადა;

ხმალზე ხელი აქვს ამირანს,  
ცხარე ომი აქვს გულადა.

შენ ქრისტიან კაცს არვინ შეგაქმევს, — უთხრა ამირანმა,  
— ტყუილად მიხვალ და მიეხეტებოი.

— მაშ, შენ დამიქერ გზასაო? — უპასუხა ბაყბაყანმა და-  
ცინვით.

ექვერა კიდევ ამირანი და დაიწყეს ცხარე ომი. დასძლია  
ამირანმა, დასცა, მოსტეხა მხარი და დააზიანა.

დევ და ამირან იბრძოდნენ,  
მიწა და ბყარი ხვიოდა;  
იმაო ნაომარ აღგილზე  
სუ ქვა და ლოდი ცვიოდა.

ამირანის ძმამა სთქვა:

დევ და ამირან შეიბნენ,  
მიწას გაჰქონდა გრიალი;  
ამირანმა დევი დასცა,  
აღგილი შეჰხვდა ქვიანი;  
დასცა და მხარი მოსტეხა,  
დააწყებინა ღრიასი.

დევი შეშინდა, ღრიალი დაიწყო, ამირანს აფიცა ხმლიანი  
ხელი, დედის მანდილი, ოქროიანი თაკლავი და შეევედრა: ნუ  
მომკლავო.

ნუ მომკლავ, დარეჯანისძევ  
ხელი გაფიცო ხმლიანი,  
მანდილი დედიშენისა,  
თაკლავი ოქროიანი.  
ზღვას გაღმა ქალი გასწავლო,  
სახელად ყამარ ჰქვიანი.  
საყამაროსა კაბასა  
შვიდი დღე უნდა ნზიანი,  
შვიდ კვერეული საპონი,  
შვიდ მეტი კოკაწყლიანი.  
წასვლა აღგილი იქნება,  
მოსვლა გახდება გვიანი;

მოყვარული ხარ ომისა,  
გზა იქ გექნება მტრიანი...  
თან შიკრიკს გამოგაყოლებ,  
ვაჟია ღალატისანი.

ამირანს უნდოდა ისევ ცოცხალი გაეშო ბაყბაყ-დევი, მაგრამ ძმებმა უთხრეს:

— თუ არ მოჰკლავ, ცუდ საქმეს გიზანს, დევი არ დაიხაგებაო.

ბაყბაყ-დევი სამთავა იყო. ამირანმა უსმინა ძმებს. ორი თავი მოსჭრა და მესამესაც რომ დაუწყო კრა, ბაყბაყ-დევმა სთხოვა:

— ხომ მკლავ და მკლავ და ჩემი თხოვნა არ შეისმინე, ეს მაინც ამისრულე: ჩემი თავიდან სამი ქია ამოძვრება და იმათნუ დაჭხოცავო.

მოსჭრა ამირანმა მესამე თავიც. ბაყბაყ-დევის თავებიდან მართლა სამი ქია ამოძვრა. უსუპმა უთხრა ამირანს:

— რაკი ერთი კირი მოიშორე თავიდან, ძჰაო ამირან, ბარეველ მეორეც თან გააყოლე. ეგ ქიები სასიკეთოდ არ ამოძვრენ დევის თავებიდან, მოდი ეგენიც დახოცეო!

— რას ამბობ, — უპასუხა ამირანმა, — დევმა რა მიყო, კიები რას მიზამენო. ჰამამ რა მიყო, ლოკვამ რა მიყოსო. ეს ერთი თხოვნა ხომ აგისრულე, ერთიც დევისთვის ამისრულეზაო. — არ დახოცა ქიები, გაანება თავი.

— მაშ რაც იმ ქიებმა გიყონ, მე უბრალო ვიყოფო, — მოიხადა ბრალი უსუპმა.

რაკი ბაყბაყ-დევი მოჰკლეს და მოიშორეს, ამირანმა უთხრა ბაყბაყანის მოცემულ შიკრიკს:

— აბა, შიკრიკო, გვასწავლე გზა, ყამარისკე სავალი; აჩქარდი, ფეხი ააჩქარეო.

გაუძღვა წინ შიკრიკი. ბევრი ატარა. იარეს მრავალი დღე და ღამე, მაგრამ შიკრიკს რომ ერთ გზაზე გაეტარებინა ძმები, დააბრუნებდა სხვა გზით და იმაზედვე წაიყვანდა. უნდოდა იმათთვის გზის არევა და მათი დახოცვა. უსუპმა შეატყო შიკრიკს ღალატი და გაელისას ერთ კუნძს ისარი დაჰკრა. მართლაც

მეორე დღეს შიკრიკმა იმაზედვე გაატარა. უსუპმა თავისი ისარი და ნაისრალი დაინახა, აემღვრა სისხლი, გაუშვირა ხელი ამირანს ნაისრალ კუნძისაკენ და უთხრა:

ვერ გაგიგია, ამირან,  
არ გამარჯვების ნიშანი;  
მესამედ იქვე მოვედით.  
გუშინ რო დავკარ ისარი!

ამირან გაჯავრდა და შიკრიკს შეუტია:  
შიკრიკო, გზანი გაიხვენ,  
თუ არ ხარ თავის მისანი,  
თორო აგიღე, გაგთალე,  
რო საკიდობნე ფიცარი!

გაუძღვა შიკრიკი ძმებს და გაიყვანა ერთ ტრიალ მინდორზე. გაიხედა ამირანმა და დაინახა, რომ ის სამნი ჭიანი, ბაყ-ბაყის დევის თავებიდან რომ ამოცოცდნენ, ვეშაპებადა ქცეულიყვნენ. ერთი თეთრი იყუ. ერთი წითელი და ერთიც შავი, მინდორში მიდიან და მიიმღერიან.

მინდორში სამნი ჭიანი  
მიდიან, მიიმღერიან,  
თვალს უცემს დარეჯანისძეს  
მაგათთან ომი მწადიან.

ამირანმა უთხრა ძმებს:

— აბა ძმებო, მეტი ღონე აღარ არის, უნდა მაგ ვეშაპებშევებნეთო.

— თეთრი ბაღრს, წითელი უსუპს,

— შავი ჩემდ გინებებიათ!

— თეთრიც შენა და წითელიც,

შავიც შენ ნაგონარია, — უპასუხა უსუპმა, — აკი გითხარ, ინანებ-მეთქი; შენი გაფუჭებული საქრე შენვე გააკეთე, შენი გამრუდებული გზა შენ გაასწორეო.

— ჰაი, უსუპო, უსუპო! — უთხრა ამირანმა,

უსუპო, ჩემი სიმუხთლე  
სულ მუდამ გულში გდებია;  
ტვინი სადები თავშია,

ჩაბალახშია გდებია!

— მაშ, შენ ამინც მომეშველე, ბადროვო, — უთხრა ბადრს ამირანმა, მაგრამ ბადრმაკ უარი უთხრა. მაშინ ამირანმა უთხრა ბადრს:

არა ჰყოფილხარ, ძმავ, ბადრო,  
ფერი არქატი გქონია,  
დაჯე და ჰკერე ტყავები,  
სხვა ხელი არა გქონია!

კიდევ უთხრა უსუპს: მომეშველენითო, მაგრამ უსუპმა უარი სთქვა:

შენისა ცოლის გულისთვის  
სულ ძმები დავილიენით.

მაშინ ამირანი თავის აბჯარს მიუბრუნდა და უთხრა:

ჩემო ხმალო და აბჯარო,  
საძალედ მომეშვილენით!

და დაუწყო სასტიკი ომი გველვეშაპებს. მოჰკლა თეთრიც, მოჰკლა წითელიც.

თეთრი მოჰკლა და წითელი,  
შავსა შეება მაშვრალი.

გაიხედა ამირანმა და დაინახა, რომ ბადრი და უსუპი წასულან და გადადიან მთაზე, დაუძახა:

რომელი მიხვალ მა მთასა,  
რომელი მიჰკეც მაგ გზასა,

გადადი და დაუძახე  
ბადრსა, უსუპსა, ჩემს ძმასა:

თეთრიც მოვკალ და წითელიც,

ნულარ გადივლით მა მთასა! — დაბრუნდითო.

შეება შავ გველვეშაპს დალაღული და დამაშვრალი.

შავმა აიღო, ჩაყლაპა,  
შავი ზღვისაკენ გასწია.

ჩაყლაპა შავმა და გასწია თავის დედისაკენ. რაკი დაინახეს ძმებმა, ამირანს უქირსო, მაშინვე გაიქცნენ ამირანის საშველად. დაეწვივნენ ქარცეცხლს. ესროლა უსუპმა ისარი და ცხრა ადლი კული მოსწყვიტა შავს გველვეშაპს. ქარცეცხლს ისე მოწყვეტილი კული არა სტკიოდა, როგორც ჩაყლაპული ამირანი

ატკიებდა მუცელს. დარეჯანისძე ჰგლეჯდა გულ-მუცელს და იკლავებოდა ქარცეცხლიც საშინლად. ქარცეცხლს ერთი რკინის ბოძი ჰქონდა. ვინმე რომ ჩაეყლაპა, მოვიდოდა, შემოეხევიოდა იმ ბოძს გარს, დაამტვრევდა და მოინელებდა. ახლაც ამირანის დამტვრევა უნდოდა, შემოეხვია ბოძს, მაგრამ კუდი პირს აღარ მოსწვდა, რადგან უსუპმა მოაწყვიტა. მივიდა დედასთან ქარცეცხლი და შესჩივლა:

— მუცელი მგვრემს, ცეცხლი. მიკილებათ.

— ვაიმე შეილო, თუ დარეჯანიანთ ვინმე ჩაჰყლაპე, იმათ კაცს შენ ვერ მაინელებ. რა კაცი იყო, რა ფერი ჰქონდაო?

— საცერივით თვალები ჰქონდა და ერთი ოქროს კბილი ედგათ.

— ამირანი ყოფილა, შეილო, დარეჯანისძეო.

ამირანს ჯიბეში აღმასის დანა ედო, მაგრამ არ მოაგონდა. ბოლოს უსუპმა უთხრა ბადრს:

— ძმაო, ჩასძახე, შენი ხმა მშვენიერია, დანა მოაგონეო.

ჩადი, ბადრო, და ჩასძახე,

ხმა შენი მშვენიერია:

„მაულის დარეჯანის ძეთ

ჯიბეს ჩადება დანისა,

ამოღება და გამოქრა

მაგ შავი გველვეშაპისა!“

მართლაც, მოაგონდა ამირანს დანა, ამოიღო, გამოსქრა ქარცეცხლის მუცელი და გამოვიდა, მაგრამ წვერი და თმა კი გასცვივნიყო. უსუპმა შეჭხედა გაქოსავებულს ამირანს, გაეცინა და დასცინა:

ამირანი დაიბადა,

გოქსა ჰგავდა ხუზალასა

წვერ-ულვაში გასცვივნოდა,

ჩაეყარა ტომარასა.

ეწყინა ამირანს უსუპის სიტყვა და გაჯავრებულმა უპასუხა:

ისივ ვაჟია ამირან,

გუშინ რო ჩამოქარობდა;

არც არა ბევრი ტანთ ეცვა,  
არც არა მკლავთა ჭფარობდა...  
კაცი გამოვთა კაცობრი,  
წვერი არ დაეხაჯოსო  
თხასაც ასხია ბალანი,  
მაზმანი დააფასებსო.

— შენ ძმა კი არა, ჩემი მოსისხლე მტერი, ჩემი ძირის მთხრელი ჰყოფილხარ, — უთხრა ამირანმა უსუსს. — მტერიც არ მიზამდა იმას, რაც შენ მიყავი. მუდამ მლაღატობ, მუდამ ჩემი მარცხი და ღალატი გიძე გულში. მტერს ვებრძოდი, არ მიშველე, განგე, დამანებე თავი; მტერმა ჩამყლაპა, თავი არ შახივთე შავით, მტერს გადაგჩი და ახლაც დამციანი. მე არც თქვენნი ძმობა მინდა და არც მტრობა. „არც მინდა შენი ლე- შიო, ნურც არას შემოშხენეშიო,“ — ამისა არ იყოს, წავალ, ან მე მოგშორდებით და ან თქვენ უნდა მოშორდეთო.

— ნუ გეწყინება, ძმაო ამირან, უსუსის სიტყვები, გულად ნუ მიუშვებ. ხო იცი, უსუსპროგორი კაცი არის; წვერულვაშ- ზე კი ნუ იჯავრებ. იგრი ბატონთან ჩავიდეთ, ის გაგიკეთებს, როგორც გინდა. იგრი ცოტა ავი კაცია, იმის კარებზე რომ მიხ- ვიდეთ იგრი ბატონი დაუძახე, თორემ არ გაგიკეთებსო, — და- იოგა ბადრმა ამირანი.

წავიდა ამირანი. მივიდა იგრის სახლის ბანზე და საკმისას ჩასძახა:

— იგრი! იგრი! კარში გამოდიო.

იგრი ხელკვერიანი გამოუვარდა ამირანს და შეეტია:

— ვინ მოთრეულხარ, რომ „იგრი ბატონის“ დაძახებასაც არ ჰკადრობ! — მერე კი იცნო, რომ ამირანი იყო და ენა ჩაუ- ვარდა პირში, — რა ვინდა, ამირანო, ჩემი თავი რაში დაგკირ- და, მე მუდამ მზადა ვარ სამსახური ავისრულოვო, — უთხრა იგრიმ დარეჯანისძეს.

— ხომ ჰხედავ, წვერ-ულვაში გამცვივინია, შენ თუ გამიკე- თებო? — უთხრა ამირანმა.

— მე ხელმწიფის ყმა ვარ, — უპასუხა იგრიმ, — და სანამ იმის ბრძანებას არ მომიტან, წვერს ვერ გაგიკეთებო.

ამირანი წავიდა ხელმწიფესთან ბრძანების მოსატანად, მაგ-

რამ ხელმწიფემ ვერ იცნო გაქოსავებული ამირანი და დაითხოვა:

— გასწი, გაეთრიე, ვინ მოთრეულხარ, ბრძანება ვის უნდა მოგცე, მე რა ვიცი, შენ ვინა ხარო.

— თუ არ მომცემ ნებით, ძალით წავიღებო, — უთხრა ამირანმა. წასწვდა, წაგლიჯა თავი, გამოიხვია კალთაში, წამოუღო იგრის, გაუგორა და უთხრა:

— ესეც შენი ბრძანება, ჩქარა, ჩქარა საქმეს შეუდექო იგრი რალას იზამდა, მაშინვე გაუქეთა მშვენიერი წვერ-ულვაში და გაისტუმრა. ამირანი წავიდა ძმებთან...

ძმები ისევ წავიდნენ ყამარის საძებნელად. ათასი თავგადასავალი გადაჰხდათ, ათასგან იომეს და ღვარეს სისხლი. ბოლოს მოსწყინდათ სისხლის ღვრაც, გარეთ უსახკლაროდ ყოფნაც და სთქვეს ძმებმა:

— რას დავდივართ, როგორც ნადირები და ცხოველები. დათესაც კი აქვს თავის ბინა და ჩვენ კი, სულკალმახის შვილებს. არა გვაქვს. ვიშოვოთ სახლი, დაებინავდეთ, ოჯახობას მოვეკიდეთ, — (უსუჰსა და ბადრს კი ჰყოლიათ ცოლები, და ამირანს კი ჯერ არა).

უსუჰმა ურჩია ამირანს;

— იქ ჩავიდეთ, გუშინ რომ ვიყვენით, ქორწილი რომ ჰქონდათ დევებსაო:

აიქ ჩავიდეთ, ამირან,  
გუშინ რომ ქარი ხვიოდა;  
დევებსა ჰქონდათ ქორწილი,  
სიმღერა ამოდიოდა.

შეგვიპატიეთეს, შევედით,  
ამირანს პური ჰშიოდა.

დედობილების ნაცხობი  
ქადა კეცებში შხიოდა;

• შამაჰქრეს, შამააყენეს,  
კაცის თავ-ფეხი დიოდა;  
საღვინით ღვინო მოგვართვეს,  
შიგ გველ-ბაყაყი წიოდა;



უსმელ-უქველად დაქეხით,  
 ყელშიაც ამოგვდიოდა.  
 ამირანს შემოვხედნოდით,  
 ცრემლები ჩამოჰდიოდა:  
 პატარა შვილ მამასა  
 ლოგინით წამოჰკიოდა:  
 „აკი მას მიქადებდია,  
 ამირანს მოგაკვლევინებ,  
 ბადრისა წითელთ გალოთა  
 სადილად დაგახვრევეინებ,  
 უსუპის ქამარ-ხანჯალსა  
 წელზე შამოგარტყვიენებ!“  
 მამას შვილი ჰკარ პირშია  
 სისხლ წავა დასაგუბარად;  
 წარბის თავს დაჰკარ ხანჯალი  
 სისხლისა გასადინარად.  
 დევებმ დაიწყეს სიცილი  
 ამირანის დასაჲჰვიდარად;  
 ყმაწვილის საუბარზედა,  
 ამირან, ომი გინდა რად?!  
 თხორს სძახდა დევების დედა,  
 ჯარა ხეიშტაკი ხეიოდა;  
 ამირანს მაგათ ხუვილი  
 ფოთელად არ შამოსდიოდა;  
 ბადრი ქარს ჰგავდა, ფურცელსა,  
 ცაშიით ჩამოსჰკიოდა;  
 უსუპს დაჰკვლევდი, დნებოდა,  
 დაკვლევით სადამ ჰქრებოდა!

— მართლა, ასლი საჩვენო სახლი ის არის, — უთხრა ამირანმა ძმებს, — თქვენ გამამყევით და მე ვიცი და იმ დევებმაო.

ამირანმა წაიყვანა ძმები და ცხრა ძმა დევების კარზე მიიყვანა. ცხრა ძმა დევები ძალიან გახვიებულები იყვნენ, ერთი უზარმაზარი ოჯახი ჰქონდათ, უთვალავი ქალი და რძალი ჰყავ-

დათ, ბალები და მოხუცებულები. მუდამ დღე აუღებელი სუფრა ედგათ, არც მუშაობდნენ და მუდამ უქმად ეყარნენ.

ამირანი მივიდა დევების კარებზე. გაივლის და გამოივლის დარეჯანისძე და უყურებს დევის კარებს. ერთმა ქალმა დაინახა კარებზე მოარული ამირანი, შევიდა და უთხრა დევებს:

— აქ ვილაც კაცი მოსულა, კარებზე დასეირნობს და აინუნშიაც არ იგდებს, თუ თქვენ აქა ბართო.

დევებმა სთქვეს: ის თუ იქნება დარეჯანისძე იქნება, სხვა აქ ვერავენ მოვიდოდაო.

გამოგზავნეს ერთი ქალი და უთხრეს:

— გადი, გაუარ-გამოუარე, გაიციინე და ეგები იმანაც გაგიციინოს. თუ ოქროს კბილი გამოუჩნდა, შემოდი შეგვატყობინე, თავდარიგი უნდა დავიჭიროთ, თორემ დარეჯანისძე ადვილად სასტუმრო არ არისო.

გამოვიდა დევის ქალი, გაუვლის და გამოუვლის ამირანს, გაუვლის და გაუციინებს. ამირანმა უთხრა:

რას იცინი, დევის ქალო,  
რას მიელვი თე არსა პირსა,  
გამივლი და გამოივლი,  
გამისინჯავ ბაგე-კბილსა!  
სომეხა ვარ, ტანტრე მქვიან,  
დაჯკარგე და ვეძებ ვირსა;  
დღეს დავკარგავ, ხვალ ვიპოვი,  
ჩემი ბედიც ასე სჭრისა!

ქალი შევიდა შინ და მოახსენა დევებს:

— ოქროს კბილი აქვს ამ კაცს, საცრისოდენა თვალები აქვს, ვირები დაუკარგნია და იმათ ეძებსო.

სანამ ქალი ლაპარაკს გაათავებდა და დევები იარაღს აისხამდნენ, ამირანი შეუვარდება დევებს და წაიკაფიავებს:

ვაჟიკაცო, გულოვანო,  
ღვინის ფერო, მცინარეო,  
ხმლის სიმოკლე რას დაგიშლის,  
ფეხი წადგი წინარეო!

დაერია თავის მოკლე ხმლით და სულ ერთიან ამოვლიტა. დევების სისხლით სახლი თავამდე აივსო. სისხლის გუბე ყულამდე მოადგა ამირანს, შეიკრა, შეკუთდა და დაახრჩობდა კიდევ ამირანს უცილოდ, რომ ბედისაგან გაწირული ყოფილიყო. ამირანი ამ ყოფაში იყო. მიიწ-მოიწია, მისძრა-ნოსძრა სისხლის ტბა, მაგრამ აბა! შეველა აღარსაით იყო. თავის ნახოცი დევების სისხლში იხრჩობოდა ამირანი. მოაგინდა ყანარი, დაენანა თავი და სთქვა:

მოვლალე გმირის მარჯვენა  
ამდენი ომში ქნევითა,  
ჯაქვის კალთები დამაცვლა  
ამდენი სისხლში რვეითა...  
ვაიმე, ჩემო ყანარო,  
ვერ გავძებ შენი ხვევითა.

ბედად, ამირანის ახლოს, ერთი დაქრილი დევი სისხლში ფართხალობდა. ამირანი დასწვდა დევს, ესროლა სახლის კარებს დევის მძოვრი და გაამტვრია. სისხლმა ერთი დაიჭვქა, ერთი დაიგრიალა, იქუხა და ბურთივით გავარდა გარეთ... ამირანს რაკი მოჰშორდა სისხლი, მხრები გაიწია, გაიბერტყა და თავისუფლად ამოისუნთქა. გამოვიდა... გაწმინდეს სახლი, მიალაგ-მოალაგეს, მააწყეს და დაიწყეს შიგ ცხოვრება. მაგრამ ამირანს დიდხანს ვერ დაუდგა გული სახლში, იმას თავისი ყამარი ელანდებოდა სიზმარშიაცა და ცხადადაც. ბადრს თეთრონი სთხოვა:

— უნდა მათხოვო შენი თეთრონი, ყამარის წამოსაყვანად წავალ. თქვენ თუ წამოხვალთ და იმოდენა სიკეთეს მიხამთ, ზღვის გამოღმა მომიცადეთ, ზღვას შე გავალ და შე მოვიყვანო-

ბადრო, მათხოვე თეთრონი,  
ზღვაში გავიდე ნგრევითა, -  
გავიდე, გამოვიყვანო,  
ქალია თეთრი მზე ვითა;  
თან ყურძენ გამოვყაყოლო,  
ტკბილია დედის რძევითა.

ათხოვა ბადრმაც თეთრონი, ძმებიც გაჰყენენ და წავიდნენ ყამარის მოსაყვანად. ამირანმა ძმები ზღვის გამოღმა დატოვა, თვითონ კი თეთრონზე შეჯდა და შევიდა ზღვაში. გააპო ზღვა, გავიდა გაღმა და გააშურა ცხენი ყამარისაკენ. გაიარა კარგა გზა და ყამარის კოშკს მიაღდა.

ყამარს დედ-მამა ცაში ჰყოლიყო, თვითონ მარტოკა იყო, ფანჯარაში იჯდა და ქურქელს ჰრეცხდა. მივიდა ამირანი ფანჯარასთან და შესძახა:

— ჩამოდი, ყამარო, ჩვენსა წავიდეთო!

— ამოდი, ცოტა შეისვენე, მეც ჯამ-ქურქელს დავრეცხ და მერე წავიდეთო, — ჩამოსძახა ყამარმა.

ამირანმა დააბა რაში ძირს და თვითონ ყამართან ავიდა. ყამარმა დარეცხა ჯამები და ამირანს უთხრა:

— შენ კი დააწყე. ფრთხილად დაალაგე, არაფერი არ გატეხოვო.

აწყობს ამირანი ჯამებს და ერთი ჯამი, რამდენჯერაც ამირანი პირქვე დადგამს, იმდენჯერ გადმობრუნდება გულაღმა. გაბრაზდა ამირანი, დასცა წიხლი ურჩს ჯამს და დაამსხვრია. გატყდა თუ არა ჯამი, მთელმა მთელს უთხრა, ნატეხმა ნატეხს, დადგა ერთი ქრიაბული და ხმაურობა, აიშალა ქურქელი და სულ ერთიან გასწია ცისაკენ, ყამარის მამისაკენ.

— ყამარი მოიტაცეს, მიეშველენით, დაგვეკარგა, მდევეარი, მდევეარიო!

ყამარმა უთხრა ამირანს:

— ის ქურქელი ჩვენ კარგს არ დაგვაყრის, მამაჩემი გამოგვიდგება, ადვილად ვერ გადავურჩებით, თუ ჩქარა არ წავედითო! — შემოისვა თეთრონზე ყამარი ამირანმა და გაქუსლა.

ცოტა გზა რომ გაიარეს, საშინელი ქარი ავარდა, გრივალნი ატყდა. ამირანმა აიხედა მალლა და სთქვა:

— ამ ცაში კი არაფერი ნიშნებია და ამ მიწის პირზე რაღა ამბავიაო...!

კარგა გზა გაიარეს და დაუშვა წვიმამაც. ამირანმა კიდევ აიხედა ცაში და სთქვა:

— დიდება შენთვის, ღმერთო, წელან ცა ვათვალღერე, საავდროო ჰაერი არ იყო და ახლა საით მოვიდა წვიმაო?!

• — ეგ ქარი მამაჩემის ლაშქრის ფეხის მტვერია, — უპასუხა  
ყამარმა, — ეს წვიმა კიდევ დედაჩემის ცრემლია, ჩემს დაკარ-  
გვასა ჩივიან. აჩქარდი, ამირან, აჩქარდიო, — დააჩქარა ყამარმა:

ამირან, გვალე-გვალესა,  
მუხლად გაქებენ მალესა!  
ამბრნი, უმბრნი და არაბნი  
ცხენს შესხდებიან ჩქარესა,  
მალედვე მ-გეწევიან,  
ომს გაგიწევენ ცხარესა!..

ამირანმა შეაგულიანა ყამარო: ამოდ იარეო!

ამოდ იარე, ყამარო,  
გზათა ვერ დაჰლევ ბრძოლითა..  
არცა ვარ ტყისა ხოხობი,  
მომინადირონ ქორითა;  
არცა ვარ ქალის კურდღელი,  
რომ დამიქირონ მწვერითა;  
არცა ვარ ხისა ფურცელი,  
გადამიტანონ ქარითა!  
მოვლენ და მეც აქ დავხვდები  
ამ ჩევი გორდა ხმალითა,  
უსუპითა და ბადრითა,  
მესამით ამირანიითა.  
სუყველას თავებს დაგვიჭრი  
საპურყველადი დანიითა...  
იმ მამაშენის ლაშქარსა,  
გაუმადლარსა ლომითა,  
მარტო გაუხდი ჩხუბადა,  
მარტო ვეყოფი ომითა!

გამოვიდა ამირანი ზღვას, გამოიყვანა ყამარიც. მოდგა და  
მოდგა მდევარი ჯარიც ყამარის მამის ხომალდებით. გაივსო  
ზღვის მიდამო. ბადრს უთხრა ამირანმა:

— შეკაზმე ძმაო, შენი თეთრონი, შეჯე, ჩადი და აბა, რამ-  
დენი ხანი დაგელევა ლაშქრის შემოვლაშიო.

ბადრის თეთრონი ისეთი იყო, რომ ერთი წლის სავალს ერთ საათში გაიბუნდა, ზღვა და ხმელი იმისათვის ერთი იყო. ადგა ბადრი, შეკაზმა თავის თეთრონი, შეჯდა და ჩავიდა. და-არქო ერთ ადგილს ისარი, რომ იქვე მოსულიყო, საითაც წინაწინ გააქცია ცხენი. ჩაარქვა ისარი, გააქცია ცხენიც, მაგრამ ეშმაკებმა მოგლიჯეს ისარი და უკან გამოუდგნენ ბადრს (ყამარის მამის ლაშქარი სულ ქაჯებისა და ეშმაკებისაგან იყო შემდგარი). არბინა ბადრმა დიდხანს თავის თეთრონი, მაგრამ ისართან მაინც ვერ მივიდა. ბოლოს დაბრუნდა ამირანთან და უთხრა, რომ ტყუილად ვირბინეო:

ცხრა დღე მივლია, ცხრა ღამე,  
გარსა ვერ მომიბუნია,  
ამ ჩემი თეთრონისთვისა  
ოფლი არ შემიშრენია,  
ამ ჩემი მათრახისთვისა  
ფოჩი არ შემირჩენია!

მერე შეჯდა ამირანი და ჩავიდა ჯარის დასათვალეგრებლად, დაარქო ისარი და გააფრინა თეთრონი. მოცვიდნენ ეშმაკებიც, დაებლაუქნენ დარეჯანისძის დასმულს ისარს, მაგრამ ვერ ამოაძრეს. შემოურბინა ამირანმა ლაშქარს ერთ წამიერ ხანს და მოვიდა ძმებთან. უსუპს უთხრა:

— ჩადი, უსუპო, იომე, მერე ჩვენც მოგეშველებითო!

ჩავიდა ვაჟი უსუპი, ჩავიდა სახელიანი, ჩავიდა და ჩაზომა სალაშქრო გზები, შეუტია ჯარს, იომა, იბრძოლა, გაანახევრა ჯარი, მაგრამ თვითონაც იქ დადვა ვაჟკაცურად თავი. მოჰკლეს უსუპი. ამირანს გულმა გაუგო, უსუპის თავს ჭირიაო, და ბადრს უთხრა:

ან ჩადი, ბადრო, ან ჩავალ  
ან გაჰილესე ხმალია;  
ჩავალ და ველარც ამოვალ,  
ვაიმე, შენი ბრალია!

ამირანის წესი ის იყო, სადაც ომში ჩავიდოდა, ან გაიმარჯვებდა და ან მოკვდებოდა. სირცხვილიანის შინ მისვლას,

სიკვდილი სჯობს სახელოვანიო, — იტყოდა ამირანი, კიდევ  
უთხრა ბადრს... ძმა უსუპი ჰქონდა გულში.

ან ჩადი, ბადრო, ან ჩავალ,  
მე შემიკაზმე შენ ცხენი,  
უსუპის მეხარადისა  
ალარ ამოდის ნაცხერი.

შეჯდა ახლა ბადრი და ჩავიდა ძმის სისხლის საძვევრად.  
იომბა ბადრმაც, მაგრამ მოჰკლეს ისიც. მაშინ ყამარმა უთხრა  
ამირანს:

— შენი აბჯარი მე მომეც, მე ჩავალ საომრად.

— რას ამბობ, — გაუჯავრდა ამირანი, — დედაკაცებს თავი-  
ნი საქმე ნუ გავიწყდებათ, რა შენი საქმეა ხვალი. ხმლიანი მე  
ვარ, მე ჩავალ — ეგ რა ნამუსია, ან სახელი ჩემთვის, რომ შენ  
იომბო და მე აქით გიციქერიდეო!

— მაშ თუ ჩახვალ, — უთხრა ყამარმა, — არ დაიშალო, ეს  
მანც ამისრულე; ომშიით რო გამოჰდიოდე, ხმალს ნუ ჩააგებ,  
ჩემთან ხმლით ამოდიო!

ჩავიდა ამირანი საომრად, გაუსვა და გამოუსვა სიმამრის  
ლაშქარს, სჭრა ცხვრეზსავით თავები, გაწყვიტა მთელი ლაშ-  
ქარი და შეჭხვდა ბოლოს სიმამრს პირისპირ. შეუტრეხს ერთ-  
მანეთს ამირანმა და ყამარის მამამ. სცეს ერთურთ ხმალი,  
ფარი უფარეს. ორივეს ბეჭთრები ეცვა. ვერც ერთის ხმალი  
ვერა სჭრიდა ჯაქვს. ამირანის ხმალი ყამარის მამის მუზარადს  
რომ მოჭხვდებოდა, ნაპერწყლის ცეცხლი ენთებოდა. ყამარის  
მამის ხმალი ამირანის ბეჭთარს რომ მოჭხვდებოდა, ჯაჭვი  
გველივით წიოდა. უცქეროდა ყამარიც დიდხანს ამირანის და  
მამის უნაყოფობას; ჰხედავდა, რომ ამირანს გაუქირდებოდა  
და უქირდა კიდევ ქაჯთ ბატონის მოკვლა, შეუშფოთდა გული  
ყამარს და დაჰგმო ამირანი:

ამირან ცოლ-დედა ბოზო  
ომი ვერ იცი კილოსა;  
მალლა კი ნუ სცემ სპილოსა,  
დაბლა შემოჰკარ რბილოსა;  
დააწყდებიან ძარღვები,

დაეცემიან ძიროსა...  
ბოძნი რო დეეკრებიან,  
დარბაზნი დეეცემიან!..

გაიგონა ქალის სიტყვები ყამარის მამამ, მამისად ლალატი,  
ქმრისად მხრის ქერა, გული აემღვრია და დაუძახა ყამარს ყველ-  
რებით:

უყურეთ, ბოზას, ქალასა,  
ქმარი ირჩია მამასა!  
ქმარი ხეს ასხავ ფოთვლადა,  
მამას ვინ მისცემს საწყალსა?!  
რისთვის გაგზარდა დედამა,  
რისთვის გეტყოდა ნანასა,  
რად გაწუებდა ძუძუსა,  
გირწევდა აკავანასა!

— დედაშენს რომ შობამდისვე გასწყალეხიყავ მუცელში,  
ან ძალლი ეშობა და გაეზარდა შენს ძაგიერ, ისა სჯობდა,  
შენს გაჩენასა და გაზრდას, ის უფრო ნამუსი და სახელი იქ-  
ნებოდა, ძალლი უფრო ერთგულიც იქნებოდაო...

ყამარმა უპასუხა:

არც რა გამზარდა დედამა,  
არც რას მეტყოდა ნანასა;  
მიმაგდის სახლის ყურეში  
თაგვების ანაბარასა...  
არც არას მათირებოდით,  
არც რას მეტყოდით ნანასა.  
დამსოდით დავიწყებული,  
მაღირებოდით დანასა!

— შაგას გაზრდას ეძახით, რომ ერთხელაც არ მიბრუნებ-  
დით თავს, ტირილით რომ მოვმკვდარიყავიო.

ამირანმა გაიგონა ცოლის სიტყვები, შემოჰკრა ქაჯთ ბა-  
ტონს ფეხებში ხმალი და დასქრა. მოკლა სიმამრი, გაწყვიტა  
იმის ლაშქარი და გამარჯვებული და გახარებული მიდიოდა  
ყამართან. წინ ერთი ქალი შეჰხვდა, ნახა ხმალამოდებული  
ამირანი და უთხრა:



ნეტა ხმლიანი საღ მიხვალ,  
ამირან თარაქამაო,  
გაწყვიტე ცოლეულები,  
ვინ გითხრა ბარაქალაო.

— შენ, თუ კაცი იყო, ხმაღს ჩააგებდი და წახვიდოდი  
ძმების საძებნელად.

მოაგონდა უსუპის სიტყვა ამირანს: „შენი ცოლის გულის-  
თვინ სუ ძმები დავილიენითო“, დაავიწყდა ყამარიც, თავის  
თავიც და გამარჯვებაც. იმის გულში მარტო ძმების საგონარს  
ჰქონდა ადგილი: „მაშ თქვენი ცოდვის ნზიდველი ვიყო, თუ  
არ გიპოვოთ, მკვდრები იქნებით, თუ ცოცხლები, — გაივლო  
გულში ამირანმა. — ცოცხლები იქნებით, მეც თქვენთან გავი-  
ხარებ, მკვდრები და, მეც თქვენთან გავითხრი სამარეს და  
თქვენთან მოვკვდებიო, — ესა სთქვა ამირანმა და გავიდა  
მკვდრებით მოფენილ ველზე ძმების საძებნელად.

თვალგადაუწვდენელი მინდორი დახოცილი ლეშით იყო  
შერთული და შეფარული. ყვავი და ყორანი ხარობდა მტრე-  
ბის ნძოვრზე. ცალკე ნადირნი ხარობდნენ უპატრონო მკვდრებ-  
ზე და ცალკე ცის ფრინველნი. სისხლი რუებად მიდიოდა.  
ეძებდა ამირანი თავის დახოცილ ძმებს მკვდართა შორის,  
ეძებდა, მაგრამ იმოდენა ღუნია მკვდრებში ეგრე ადვილად  
როგორ იპოვიდა. ბოლოს, როგორც იყო, იპოვა მკვდარი  
უსუპი, აიღო ხელში ამირანმა და წაევიდა ახლა ბადრის საძებ-  
ნელად. დიდი ძებნის შემდეგ იპოვა ბადრიც, ისიც მკვდარი.  
დააწყო ერთად მკვდარი ძმები ამირანმა, დაჯდა თვითონაც  
იმათთან და ერთხელ კიდევ ჩასძახა მკვდარ ძმებს:

„ძმებო, ნუ დამემღურებით, მეც თქვენთან წამოვალო!“  
და დაიცა გულში თავის მოკლე ხმალი, უნდოდა იმითან ერ-  
თად სიკვდილი, მაგრამ ხმაღმა არ გასჰრა... ამირანი არ  
მოკვდებოდა, თუ ნეკა თითს არ მოიქრიდა...

დაჯდა ამირანი მკვდარ ძმებთან და დაიწყო ტირილი:  
„სიკვდილიც აღარ მეღირსა თქვენთანა. ღმერთი სიკვდილსაც  
კი იშურებს ჩემთვისო“. ზის ამირანი და გარს ორად ნაკაფი  
ქაჯები ჰყრა. წამოიწეეს ერთი მკვდარი ქაჯი და გადასძახებს  
მეორე მკვდარ ქაჯს:

— ადგი! ადგი! რა მოვიხილევ, ამირანს თავის მოკვლა უნდოდა, ხმალი დაიცა გულში, მაგრამ არ მოკვდა. ამირანი ისეთი რეგვენი ყოფილა, რომ არა სცოდნია, როგორ მოკვდება. იმან რომ ნეკა თითი მოიქრას, მეტიც არ უნდაო! — გაათავა ეს მკვდარმა ქაჯმა, მიდვა თავი და ისევ მიწვა.

დადგა ისევ სიჩუმე და სიკვდილი. გაიგონა ამირანმაც იმათი ლაპარაკი, ამოიღო ხმალი და მოიქრა ნეკა თითი. უღინა სისხლმა და მიწვა ისიც ძმებთან.

ყამარო, დამსხენ ძუძუნე,  
შენც ჩემთან დასთმე თავიო,  
ცოცხალსა სიარსამულსა  
მე გირჩევენივარ მკვდარიო!

ეს სიტყვები კიდევ მოასწრო და მიაბარა სული.  
ცხრათა ფრინველთა მხარგრძელთა  
აღგეთის ჭალა გაექნა...  
უძმოსა, უმამისძმოსა  
ამირანს თავი მოეკლა.

მოვარდა ყამარიც ცრემლის შლით. დასტირა და დაჰგლოვა ამირანს, მაგრამ ვინ იყო იმის მეშველი... ზის და ტირის ყამარი. იმისი ცრემლები ზღვას ერთვიან, იმის ცოდვით ხეებს ფოთლები სცივია, ამირანი კი გღია უმეშველიო... უცებ გამოძვრება ერთი თავგი და დაიწყებს ამირანის სისხლის ლოკვას. მოუვა გული ყამარს, გაიძრობს ქოშს ფეხიდან, დაჰკრავს თავში თავგს და იქვე მოჰკლავს. თავგის სიკვდილზე გამოვარდება იმის დედა და დაუწყებს ჩხუბს და ლანძღვას ყამარს:

— შე კახპავ, შენა, შენი გულისთვის შენმა მამამ მოიკლა თავი, შენი ქმარ-მაზლები წინ გიწყვია მკვდრები, ამდენი ჯარი გაწყდა და შენ კი არ შეგრცხვა. იქნება ისა გგონია, რომ მეც არ მენანებოდეს ჩემი შვილი, როგორც შენ შენი მამა და ქმარ-მაზლები. ბრალი შენი, შენ რას უზამ მაგდენს მკვდარს, თორემ მე ჩემ შვილს მალე გაეცოცხლებო! — ესა სთქვა თავგმა, გაიქცა, მიირბინ-მოირბინა, იპოვა რაღაც ერთი ბალახი, მოიტანა, წაუსვა შვილს, გააცოცხლა და კისერში ქისტის ცემით გააქანა სოროში.

ადგა ყამარიც, მოძებნა იგივე ბალახი, იპოვა, მოიტანა, წაუსო ამირანს და გააცოცხლა. ადგა ამირანი, მოიფშენიდა თვალები და სთქვა:

— ოჰ, რა ბევრი მძინებიაო!

— ბევრი მაშინ გეძინებოდა, — უთხრა ყამარმა, — თაგვი რომ არ გამოგჩენიყო! — მერე მოჰყვა ქალი ყველაფერს და უამბო, რაც საქმე გადაჰხდა. გააცოცხლეს ბადრიც, უსუპიც და სამივე ძმა წავიდნენ სახლში...

ნეტავი ძმათა მრავალთა,  
ცხარე მზე ამოუხდება,  
ვერც ვინ წაართომს დიაცსა,  
ვერც ვინ შინ შამაუხდება!

გავიდა კარგა ხანი. ამირანმა ბევრს ბევრი რამ გადაჰყარა: ბევრ დევს უტირა დედა, ბევრს აურიო ქამკარი, ბევრგან შა-აცოტავა დაბევრებულნი ოჯახნი, ბევრი გველვეშაპიც გამო-სალმა ქვეყანას. ამირანს თავის მამრევი აღორავინ ეგონა ქვე-ყანაზე.

ერთხელ ამირანი გზას მიდიოდა. იმისი მტერი ამბრი მომკვდარიყო, იღვა ურემზე და თორმეტი უღელი ხარ-კამეჩი ძლივს სძრავდა.

ამბრი ჩაჰქონდა დედასა,  
თორმეტ უღელა ხარსაო;  
გადმოვარდნიყო ბარკალი,  
მიწას არღევდა მყარსაო.

მკვდარს ამბრს დედა ედგა გვერდზე და მიჰყვებოდა შვილს. ამბრის ბარკალი კიდევ მიწაზე მიეთრეოდა და მიჰლარავდა. ამბრის დედამ დაინახა მომავალი ამირანი, იცნო, მოინდომა თავის შვილის მტრის გამოცდა და დაუძახა:

— დარეჯანისძევ! შვილის ბარკალი გადმომივარდა მიწაზე, დაბლა ეთრევა, უპატიურად ხდება, ასწიე, შედე ისევ, დედა-შვილობას, ურემზედაო.

ამბრი მაპთრევაე დედასა,  
გირაოდ უყრავ ხარები.  
ამირანმ მაგის ზიდილსა  
ასო\_აიგლო, მხარები.

ამირანი ტყუილად ებორძიწებოდა ამბრის ბარკალს. ძვრაც ვერ უყო, მიწასაც ვერ ააცილა, თორემ ურემზე ხომ ვერ შედო.

აის ქვეყანამც კრულია,  
სადაც შენ ამირანობდი;  
თავს იხურავდი ჩაჩქანსა,  
ბოლოზე ჰჯაჰვიანობდი!  
წესი თუ იყოს დედათი,  
ადვილად გინადირებდი;  
მოგკრავდი მათრახის წვერსა,  
ცის გიდელ-გიდელ გაგრევედი!  
ღმერთმ იცის, ჩემო ამირან,  
ამბრის ვერ ედარებოდი;  
ვერც სმაში, ვერცა ჭამაში,  
ვერც ომში ედარებოდი;  
მკვდარმა გაჯობა ცოცხალსა,  
ცოცხალს რას ედარებოდი;  
თუ მაგის მეტი არ იყავ,  
ჩემ შვილს როგორა ჰმტერობდი?!

— ე მაგის პატრონი თუ უბარებდი ამბრის მუქარას, დარე-  
ჯანიანთ ამირანო, მაგ ღონით თუ უპირებდი ჩემ შვილს  
შებმასაო?

გაწბილდა და დალონდა ამირანი. მიწა რომ გახეთქილიყო  
და ჩავარდნილიყო, ის ერჩივნა. მზისაცა სცხვენოდა და კაცო-  
საცა. თავი მკვდარში ჩათვალა. ვინ ამირანი, ვინ ამბავი?!  
გული ჰკლავდა, ჯავრი და ვარამი დღეს უბნელებდა მზიანსა,  
სიცოცხლეს ჰგმობდა, სიკვდილსა ნატრობდა ნამუსიანსა.

საბნელოს ჩაჯდა ამირან,  
შამაიკრიფა ფეხები;  
თუკი ამის მეტ არ ვიყავ,  
სამზეოს რას ვეხეხები?!

ჩაჯდა საბნელოს. დღე და ღამე იმისათვის ერთი იყო.  
არც კაცი იცოდა და არც სხვა რამ სულიერი. არავის არ

იკარებდა ახლოს. მაშინ მოუმატა ღმერთმა ამირანს კიდე: სამი ალაღებულნი წყლის ღონე და სამი ფერდო ზოვის ძალა და სიმარდე.

ამირან, ძალს რო გიმატა,  
მე რაით შეჰვეცოდები;  
ზღვას აქათ არა დაგიპერს,  
ზღვას იქით გაეხეხები?!

უთხრა ღმერთმა: ვერ შეიფერებ, ვიცი, ავზე მოიხმარებ, კიდე სირცხვილსა სჯამო...

რაკი ღონე მოემატა, ამირანმა ისევ ბიჭობა დაიწყო, ისევ და ისევ მკლავზე დაიწყო გახედვა, ახლა კი იმის მომრევი აღარავინ იყო. გაამაყდა ამირანი, გაიღიდა თავი. ბოლოსა სთქვა: „ის ჩემი ნათლია, ღონე რომ მომცა, ნეტაი ერთი მაჭიდა, მეცადა რა ვაჟიო“.

ერთხელ ქრისტე ღმერთი შეჰხვდა ამირანს. ამირანმა უთხრა:

— ნათლიავ. შენ იმოდენა ღონე მომეცი, რომ ქვეყანაზე ველარავინ მიწონს, და მოდი, რაც იქნება, იქნება, ერთი მეჭიდეო.

— ამირან, ფილაფოზი კაცი ხარ, მაგდენი როგორ არ იცი, რომ ნათლიას არ უნდა ეჭიდოვო, — უთხრა ქრისტე ღმერთმა.

— არა, უნდა მეჭიდოო, — გაინიჟა ამირანმა.

— მაშ კარგი, — უთხრა ქრისტე ღმერთმა, — მე ამ ჯოხს, ხელში რო მიქერია, დავარკობ და თუ შენ ამოიღე, გამარჯვებული შენ იქნებიო.

— კარგი, — უთხრა ამირანმა, — მაგრამ ეგ ჯოხი თუნდა ამომიძერია და თუნდა არაო.

დაარკო ქრისტე ღმერთმა ჯოხი, მივიდა ამირანი, დაეხიდა და ადვილად ამოიღო. დაარკო კიდევე მეორედ ჯოხი ქრისტე ღმერთმა და ამირანმა კიდევე ამოსწია, ისევ ადვილად ამოიღო ამირანმა ჯოხი.

— ეჰ, რას მეთამაშები?! — უთხრა ქრისტე ღმერთს, — თუ გინდა მეჭიდე, თუ არა და, თავი დამანებეო.

მაშინ აიღო ქრისტე ღმერთმა თავის ჯოხი, დაარკო და უბრძანა ისეთი ფესვების გაღვმა, რომ მთელ ქვეყანას ჰქონიყოს იმის ფესვები ირგვლივ სარტყელივით შემორტყმული;

იმისი წვერი კიდევ ზეცაში ყოფილიყო გართხმული. მერე უბრძანა ამირანს ამოწევა. დაეზიდა ამირანი ჯოხს, მაგრამ ტყუილად, ძვრაც ვერ უყო. მაშინ შესწყია ღმერთმა ამირანი და დააბა ზედ იმ ხეზე. დაბმულ ამირანს ზედ თოვლ-ყინუ-ლიანი გერგეტი და ყაზბეგის მთა დაახურა, რომ ამირანს ცა ქვეყანა ველარ ენახა და მოწყვეტილი ყოფილიყო სინათლესა და სიხარულს.

მას შემდეგ იქ არის ამირანი მიჯაჭვული. დღეში ღვთისაგან ერთი პური აქვს და ერთი შინა ღვინო საზრდოთ. ყოველდღე ყორანი მიუტანს და დაუდგამს წინ. ამირანს ერთი გოშია ჰყავს. ის გოშია ყორნის ნაშობია. დახავესებულსა და დაუანგულს ჯაქვს დღე მუდამ ჰლოკავს ერთგული გოშია, ჰლოკავს და ათხელებს რკინას. მიდგება ჯაქვიც გაწყვეტაზე. გაეხსნება ამირანსაც ჩახურული გული, იმედი მოეცემა კიდევ თავისუფლად სიარულისა, მაგრამ ამ დროს წყეული მჭედელი დაჰკრავს დიდ ხუთშაბათს კვერს, დაჰკრავს გრდემლსა და გასაწყვეტად დამზადებულ ჯაქვი ისევ სქელდება, ისევ ისეთი საზარელი ხდება და ისევ ისე ამორებს სიკვდილსა და სიცოცხლეს, ისევ ისე ხდება სინათლისა და სიბნელის საზღვრად, თავისუფლებისა და მონობის ბეწვის ხიდად. იქავე ახლოს უდევს თავის მოკლე ხმალიც ამირანს, მაგრამ ველარცა რას ის არგია: ისიც ჟანგისა და მიწის შექმულია. უპატრონობას ცალკე ისა ტირის და ცალკე ამირანი უიმისობას.

წელიწადში ერთხელ კიდევ გაეღება ამირანს საბნელოს კარი. გერგეტი კიდევ უზამს კარებს დაბმულ გმირს, მაგრამ ამირანი სანთელს აღარც კი უტკერის. ქვეყნის დანახვა მიყუჩებულ ტკივილებს ისევ უღვიძებს, გული ისევ უწყლულიანდება...

გერგეტზე ერთი გველვეშაპია გაქვავებული და მოკლული. ის გველვეშაპი ამირანის მტერი იყო. გაეგო ამირანის დაბმა, წამოსულიყო შესაკმელად, მაგრამ ქრისტე ღმერთს შეუწყევია ისიც და ისე გაუხშია. მას აქეთ იქა წევს ის გველვეშაპი, ისიც ღვთის რისხვას ველარსად გაჰტყევია; ვერც ცეცხლს დაუწვავს და ვერც მზეს; ვერც ქარს გადუგორობია უფსკრულს

ხევებში და ვერც ყინულის ზეავებს; არც ცას უთვისებია და არც ქვეყანას. იმ ადგილს, სადაც გველვეშაპია, არც თოვლი ეკარება და არც ყინული. ნისლებსა და ღრუბლებს რომ მთელი გერგეტი ჰქონდეს დაფარული და მოცული, ის ადგილი კიდევ შავად გამოიყურება. წვიმაც ერიდება იმას და ნიავეიც. კიუხში მცხოვრები ჯიხეები და კლდის ვაცებიც კი არ შეეფარებიან იმ არემარეში თოვლბუქის დროს. ყველა მიურბის და მიერიდება... ირგვლივ მარტო წყველაა და წყველა, სიკვდილი და სიჩუმე...

ამ ყოფაში ამირანი ერთ მონადირეს ენახა. ის მონადირე თურმე გერგეტის გარშემო ჩონჩხებით ნადირობდა ჯიხეებზე. ერთ ჯიხეს ესროლა, დასკრა, მაგრამ დაპრილი ჯიხეი გაექცა და შეიხიზნა ერთ ეხში. გასავეალი აღარსაით ჰქონდა თურმე. ვერცსაით მიუდგებოდა მონადირე და ვერც ესროდა. თუ ესროდა და მოჰკლავდა, მკვდარი ჯიხეი მაინც დარჩებოდა და მაინც კლდეში, ვერც ხორციით ირგებდა და ვერც ტყავით. ამ ყოფაში თურმე არის მონადირე და ვერ შენიშნა, რომ მზე ჩავიდა და ის არის ბინდდება; მაშინვე იქით ეცა, აქეთ ეცა, ეძებდა გზა, მაგრამ ველარ იპოვა ჩამოსავეალი. იქ უნდებოდა დადგომა. საბრალო მონადირე ორ ჰირში იყო: თუ წავიდოდა, გადილეწებოდა სადმე, არ წავიდოდა და, სიცივე მოჰკლავდა. ბევრი იღონა მონადირემ და ბოლოს უკანასკნელი არჩია: „ისევე გზაში მოვეკვდე, აქ სიკვდილსაო“. ებლატა ბევრი, ებლაუქა კლდეებს, ხან ხანჯლის წვერითა თხარა, ხან კლდეებში საფეხურები აკეთა და იარა ასე. მონადირე ერთ კლდეს მოიდგა და იქ შეისვენა. უცებ ერთი საშინელი კენესა და გმინვა მოესმა. მონადირე შეშინდა: ჯერ ეშმაკი და ქაჯი ეგონა, გაქცევა გაბედა, მაგრამ გასაქცევი არა ჰქონდა; მერე იფიქრა: „იქნება ან ზეავემა ვინმე ჩამოაგდო, ან ყინულზე იყოს შესხლეტილი და დამტვრეული, ან კიდევ იქნება ჩემსავეით ვინმე მონადირე გაჰყვა ჯიხეებს, საფარში შერეკა, თვითონაც თან შეჰყვა; ჯიხეებმა რქის ჯარი შეუყარეს და დალიეს კლდეზედა. — წავალ, აბა ერთი გავიგებ, ვინ არის, რასა ჰშვრებოა?!“

წავიდა მონადირე იქისაკენ, საითაც კენესა ისმოდა, და გამოქვაბულს კლდეში კი შევიდა. ნახა, რომ ერთი უზარმაზარი დევით კაცი მიბმულია კლდეზე ჯაჭვით. თმა-წვერი ასხია ისეთი, რომ დაბლა ლოგინადა ჰქონია; ერთი გოშია კიდე გვერდზე უდგა და ჰლოკს ჯაჭვებს. მონადირე შეშინდა, გაქცევა გაბედა, მაგრამ დაჯაჭვულმა გმირმა დაუძახა:

— თუ ქრისტიანი ხარ, ნუ გაიქცევი, აქ მოდი ჩემთან, დაჯაჭვული ვარ, რას გიზამო?!

გაბედა მონადირემ და მივიდა ახლოს. გმირმა უთხრა ჩუმად:

— მე ამირანი ვარ და ნუ შეშინდები. წადი, ის ჩემი ხმალი მომაწვადე, იქ რომ ცრემლად იღვრება და მერე მე ვიციო!

წავიდა ხმალთან მონადირე, მოეპიდა რაც ძალი და ღონე ჰქონდა, მაგრამ ადგილიდან ვერ დასძრა. ეს დაინახა ამირანმა და ისე დაიკენესა, რომ მთებმა დაიწყეს ნგრევა და ქუხილი.

— აქ მოდი, — დაუძახა ისევ ამირანმა მონადირეს, — ვერ მოათრევ მაინც ისე, რომ მიეწვდეთ?

მონადირემ კიდე ვერ უყო ძვრა. მაშინ ამირანმა უბრძანა მონადირეს:

— დაწევ მიწაზე, ხელები ხმალს მოავლე, ფეხები მე მომეც ხელში, მე შენ დაგეზიდები, შენ ხმალს და იქნება მოვათრიოთო.

დაწვა მონადირე მიწაზე, ხელები ხმალს ჩაავლო, ფეხები ამირანს მისცა ხელში. მოსწია ამირანმა, მაგრამ მონადირემ დაიწყო ყვირილი:

— გაეწყდი! გაეწყდიო!

უშო ხელი ამირანმა და დანანებით უთხრა:

— წადი და ეცადე, ჯამბარა-დასაკიდელი მოიტანო ისე, რომ ვერავინ გნახოს; თუ გნახვენ, არავის არ უთხრა, რადაც გინდა და არც თავი მიიბრუნო უკანაო.


გამოვიდა მონადირე. გათენებულყო. წამოვიდა შინ, აიღო ჯამბარა-საკიდელი და გასწია ამირანისაკენ, მაგრამ ნახა ცოლმა და გამოეკიდა ქმარს:




— კაცო, სად მიგაქვს ეგ ჯამბარა-საკიდელი, რად გინდაო? ჯერ თავი იმაგრა მონადირემ, არა სცემდა ხმას და არც თავს უბრუნებდა ტუტუც ცოლს, მაგრამ როდესაც საქმე გაუქირა, დაბრუნდა, დადვა ცოლი, აიღო და ერთი თუ ორი, მიტყუება თქვენი მოწონებული და წამოვიდა ამირანთან. მოვიდა იმ ადგილას, სადაც ეგულებოდა ამირანი, მაგრამ აღარც სად ამირანი იყო და აღარც სად გამოქვამული.

— ჰაითუ დაჰგლეჯდა ჯაჭვებს ამირანი, თვითონ იცოდა რასაც იქმნოდაო! — იტყვის ჩვენი გლეხკაცი და ამოიქშენს დაქრილ ლომივით...

დაჰკარ და დაჰკარ თანდურო,  
კარგა მაძლიე ბანია!  
შე გამოთხრილო ღვიისო,  
ვერ დაგაჰარბებს ბალია;  
სუ შენ მაგონებ ლექსებსა,  
ნახევეარ შენი ბრალია.





### მამალი, კურღლეული, მელია, გველი და დათვი

იყო და არა იყო რა, იყო ერთი წუწიანი კურღლეული. ერთხელ ერთი მუხის ქვეშ ეძინა. რკო ჩამოვარდა და დაეცა თავში. კურღლელს დაეწვა თავი. წამოხტა და მოკურცხლა, იფიქრა: ქვეყნის დაქცევა ზოდისო. ბევრი ირბინა და ბოლოს ერთ მამალს შეჰხვდა. მამალმა ჰკითხა:

— სად მირბინარ, კურღლელო, რა დაგმართვიაო.

— ქვეყანა იქცევა, — შეჰჩივლა კურღლეულმა, — და მივრბივარ, თავს უნდა ვუშველოო.

— მეც წამიყვანეო, — უთხრა მამალმა.

— წამოდიო, — უთხრა კურღლეულმა. — გაჰყვა მამალი და გაიქცენ.

ირბინეს, ირბინეს და გზაზე ერთი მელია შეჰხვდათ.

— სად მიპრბინართ, კურღლელო და მამალოო?!

— ქვეყანა იქცევა და უნდა სადმე შევადარაოთ თავიო, — უპასუხეს ერთად კურღლეულმა და მამალმა.

— მეც წამიყვანეთო, — ჰთხოვა მელიამ.

— წამოდიო, — უთხრეს და გასწიეს სამივემ.

გზაზე მგელი შეჰხვდათ, ისიც გამოუდგა უკან. ბოლოს დათვიც შეჰხვდა და გაუამხანაგდა. წავიდნენ ეს ძმობილები ერთად.

გზაზე დაულამდათ. დაანთეს ცეცხლი და შემოუსხდნენ ბრგვლივ. ვახშმობა რომ მოვიდა, მელია ადგა და სთქვა:

— ჰო, ეს დათვი დათვია, ეს მგელი მგელია, ეს კურდღელი კურდღელია და ეს მამალი რისლა მაჩანჩალა არისო.

მოჰგლიჯა თავი და ჩადეს მოსახარშად. ხორცი შექამეს და ქონი ქოთანში ჩაასხა მელიამ.

ახლა მგელი ადგა. იმანაც სთქვა:

— ეს დათვი დათვია, ეს მელი მელია, და ეს კურდღელი რალა მაჩანჩალააო.

მოჰგლიჯეს კურდღელსაც თავი, მოხარშეს, ხორცი შექამეს და ქონი მელიამ ქოთანში ჩაასხა.

ახლა დათვი ადგა და სთქვა:

— მამალი მამლის ადგილას წავიდა, კურდღელი კურდღლის ადგილას, და ეს მგელი რალას აკეთებსო.

მოჰგლიჯა დათვმა მგელს თავი და მოხარშეს ისიც.

დარჩნენ მელია და დათვი. მელიას ეშინოდა დათვის ღონისა და არათერს ეუბნებოდა. დათვისაც ეშინოდა: მელიამ არათერი მიგდოსო, და არათერს ეუბნებოდა.

გავიდნენ დღეები. შემოელიათ საქმელი მელიას და დათვის. წავიდნენ ტყეში, ინადირეს, მაგრამ ვერათერი იშოვეს. დათვმა უთხრა მელიას:

— მოდი, მელიავ, მოვიგონოთ რამ ისეთი, რომ მუცელი გავიძლოთო.

მელიამ უთხრა:

— მე არათერი მაქვს და აბა რას გაკმევო?

დათვი გამოვიდა, დაჯდა კარებზე და დაიწყო ყვირილი:

— არა მცალიანო!

მელიამ ჰკითხა:

— რას იძახი, რა საქმე გაგიხდაო.

— ნათლიად შეძახიან, — უთხრა დათვმა, — და აბა, რას შეტყვი, წავიდე თუ არაო?!

მელიამ უთხრა:

— წადი, შენ მაინც ჰამე რამ, მე კიდევ გავეძლებ მშიერიო.

წავიდა დათვი, ამოთხარა საერთო ქონიანი ქოთანი და მოასვლია თავი. როდესაც დაბრუნდა უკან, მელიამ ჰკითხა, თუშეა კი იცოდა, სადაც წავიდა დათვი:

— როგორი ნათლობა გქონდათ, ან რა დაარქვით ნათლულსაო.

— ნათლობა ცუდი იყო, — უპასუხა დათვმა, — ერთი ლუქმაც არაფრისა შემიჭამია; ნათლულს კი თავმოლოკილა დავარქვითო.

მეორე დღეს ისევ წავიდა დათვი.

— არ შეშვებიან ეგ ოხრები, არ ვიცი რა უნდათ ჩემგანაო! ამონახევრა ეს ქონიანი ქოთანი და დაბრუნდა სახლში.

— რა დაარქვითო? — ჰკითხა მელიამ.

— რა დავარქვით და შუანელაო, — უპასუხა დათვმა.

მესამე დღესაც ისე ქნა დათვმა.

— იმას რაღა მიაქვივნეთო, — ჰკითხა დათვს მელიამ.

— ძირმოლოკილიო, — უპასუხა დათვმა.

მეოთხე დღეს მელიამ უთხრა დათვს:

— ახლა მე წავალ, შენ აქ იყავ, მამშივდა; დეგებ\* თავი მაინც სადმე დავიჭიროო.

წავიდა ეს მელია, აამსო ეს ცარიელი ქოთანი ნაცრით და ჩადგა წინანდელ ადგილსვე. მობრუნდა სახლში და უთხრა დათვს:

— ვერაფერი ვიშოვე, მშიერი ვარ, იმ ქონიან ქილას რაღა შავი დღესთვის ვინახავთ, წავიდეთ, ვჭამოთ. მაგრამ რადგანაც ორს ვერაფერს გაგვიხდება, გავიქცეთ და რომელიც მივასწრობთ, იმან შევჭამოთო.

დათვი რაც ძალი და ღონე ჰქონდა, გაიქცა. იფიქრა: რაკი მე მივასწრობ მელიას, ის იფიქრებს, რომ ახლა შემიჭამია ეს ქონი და წინანდელი ჩაიფარცხებაო.

მიიბრინა ამ დათვმა და ჩაპცა პირი ამ ნაცრიან ქილაში. ნაცარი თვალეზში შეეყარა და გადმოჰზხარა. დარჩა ბრმა დათვი. მელიამ უთხრა:

— ბიძავ, რაკი დაჰბრმი, ახლა აღარაფერი გეშველება, მე კუღზე საქლარუნებელს შევიბამ და იმის ხმაზე იარეო.

---

\* დეგებ — ეგები. (თ. რახიკაშვილის შენიშვნა)

გაუძღვა მელია და წაიყვანა ერთ კლდის თავზე. გაირბინა მელიამ ამ კლდეზე და გააეღარუნა კუდი. გაჰყვა დათვიც, მაგრამ აუსხლტა კლდეზე ფეხი და გადაილეწა ხევში. ჩავიდა მელია და მიაძღა ამ დათვის ხორცს, რაც ძალი და ღონე ჰქონდა.

ხიდან სამი ვაშლი ჩამოვარდა,  
ერთი მე, ერთი შენ და ერთიც ამ ზღაპრის მთქმელს.





## განმარტება

### ძნელად გასაგები სიტყვებისა \*

#### ც ე რ ა

1. კვერია—კვერი, პატარა მრგვალი პური (გვ. 21)
2. ხახაბი—ჩაყლაპვა (გვ. 22)
3. მუგზური—მუგუხალი (გვ. 23)
4. მიბერტყეს—სცემეს (გვ. 23)
5. მოძღვა—მოუსვა, გაიქცა (გვ. 24)

#### ერთი ხელადის ამბავი

1. გატყვრა—გასკდა, გატყდა. გატყვრა კვერცხი (გვ. 26)

#### ორი შაური ალალი, თუ ორი თუმანი არამი

1. გასაღდა—კარგად გაზდა, გაჯანსაღდა (გვ. 29)
2. საგძალი—საგხალი, გზაში საკმელი (გვ. 30)
3. ებლატეზოდა—ბლოტვით აღიოდა, აწვდენას ცდილობდა (გვ. 30)

#### ხამი ძმისა

1. უნჯი—საქონელი (გვ. 32)
2. გორა კარს გიზამს, ე. ი. გორა კარს გაგიღებს (გვ. 33)
3. სუდარა—მკვდრის გადასაფარებელი მიტკალი (გვ. 34)
4. ანდი—აზრი, მიგნება. ხარაზმა იარა ანდით (გვ. 34)
5. აბჯართ არიან შელესილნი, ე. ი. აბჯართ არიან შემოსილნი (გვ. 35)

#### ხუთკუნჯულა

1. ხალიჩასაც ადრე მოიტანსო, ე. ი. ხალიჩის მოტანაც არ გაუჭირდებაო (გვ. 39)
2. ეჩო, ხუსტარა, საწარბელა—სადურგლო იარაღებია (გვ. 40)
3. ხუსხუსი—გაქცევა (გვ. 40)
4. დაიხიდა—გაიწია (გვ. 41)

\* განმარტებანი დალაგებულია ზღაპრების მიხედვით. ა. ლ.

## იაღონისა და გულგულისა

1. დაჭკვერა—გაუშვა, გაუტურდა (ხელიდან) (გვ. 47)
2. ხუილი—ხმაური (გვ. 48)
3. დაყმენდილი—მომშეული, დამშეული (გვ. 48)
4. ჯარში რომ ჩაჯდა. ჯარი აქ ხალხს ნიშნავს (გვ. 48)
5. ფთე—ფრთა (გვ. 50)

## ხელმწიფისა და მისი ცხრა ვაჟის ამბავი

1. ჩემი ნაქნარი ექნა, ე. ი. რაც მე გამოიკეთებია, იმის მსგავსი რამ გაეკეთებინა (გვ. 51)
2. წყლის ამოსაკრებად, ე. ი. წყლის ამოსალებად (გვ. 52)
3. დაწყეული—დაწყველილი (გვ. 52)
4. დუხ—გაშლილი ადგილი, ტრიალი მინდორი (გვ. 52)
5. ფთის საკვირველებიდან იყო გამოსული, ე. ი. ფრთისაგან გაკვირვებული იყო (გვ. 53)
6. მალე კი გაუცვდა სიხარული, ე. ი. მალე გაუტრუვდა სიხარული (გვ. 56)
7. მაღლებინეს გრიალი ხელმწიფის კარზე, ე. ი. თქარათქურით, ხმაურით მოვიდნენ ხელმწიფის კარზე (გვ. 57)

## მონადირის შვილი

1. წყლის ხევა—წყლის გარღვევა (გვ. 62)
2. შხლარტუნნი—ტყლაშენი, ტალღათა ხეთქებიდან გამოსწეული ხმაური (გვ. 63)

## მელია და მიწისქვილი

1. მე გზაზე დაეძაბავ სულ-ტყავს, ე. ი. გავნაბავ სულსა და ტყავს; მკედარს დავემსგავსებ (გვ. 64)
2. გატეხეს შაქარი და გამართეს ლხინი, — ძველად იცოდნენ, ქალის დანიშენისას თავიან შაქარს გადატეხდნენ ნიშნად დანათესაუბრისა, სიტკბოსი, შაქრის ერთ ნაწილს ქალის ოჯახში დატოვებდნენ, მეორე ნაწილს ვაჟის ოჯახში წაიღებდნენ (გვ. 66)

## ოგოლი და ძოსამატუშარა

1. სულ გააძევა—ე. ი. სულ შეკამა, გაანადგურა (გვ. 69)
2. დავრგეთ ვაზი, ისე გავაჩიხრიხეთ, რომ მტერსაც კი ეამებოდა. გავაჩიხრიხეთ—მოვუარეთ, გავამშვენიერეთ (გვ. 69)
3. სულ ხელი აგვადებინა, ერთი სიტყვით, წყალი გადაგვიწურა, ე. ი. აღარაფერი დარჩა, წაიღეკა (გვ. 69—70)



## სამი ძმა და ქოსაგატყუარა

1. ოსოქოლური ვარ, ჯანაბას შივალ, ე. ი. მეც არ ვიცი, სად ნივდივარ (გვ. 74)

### ხელმწიფის შვილი

1. ხედ დაღამდა კიდეც—ამ დროს დაღამდა კიდეც (გვ. 78)
2. მოაგონებენ ხელმწიფის შვილს. მოაგონებენ — გულწასულს მოაბრუნებენ, გონზე მოიყვანენ (გვ. 79)

### მეცხვარე და გველი

1. ააშენა ცხვარი. ააშენა—მომრავლა (გვ. 81)
2. ააჭვევენ საფქვეასო—სანამ აიდებენ საფქვეასო (გვ. 82)

### ოძროსძოჩიანი ძალ-ვაჟის ფლაპარი

1. თვალში ეკალივით ეხირებოდა გერები — სძულდა. დანახვა მათი ეჯავრებოდა (გვ. 87)
2. დააყენა სადარიელად — დააყენა საყარაულოდ, სადარაჯოდ (გვ. 88)

### ღორის ამბავი

1. შუქმა მთა გადაიარა — იმისი სილამაზის შუქი მთას გადასწვდა (გვ. 91)
2. მოფხუტა ფარაში. მოფხუტა—გაიქცა, მოსხვა (გვ. 93)
8. მღვდელი ქვეშ გაინაგვა. გაინაგვა — გარგდო, თითქმის გასრისა (გვ. 93)

### პინურაბა

1. კარგ ყელშიაც იყვნენ, ე. ი. კარგ მდგომარეობაში იყვნენ, ყელთამდის სავსენი იყვნენ (გვ. 94)
2. ააჩინა დევის ტახტის ქვეშ, ე. ი. გაჩნდა ტახტის ქვეშ, თავი ამოყო დევის ტახტის ქვეშ (გვ. 95)
3. სტაცა ხელადასა და მოჭხუტა, ე. ი. დასტაცა ხელი ხელადას და გაიქცა (გვ. 95)

### მზის ძალი

1. მოიჭურუშა ცამ პირი. მოიჭურუშა — მოიღრუბლა, გაშავდა (გვ. 98)
2. მზეს რომ ოქროს ერკემალი ჰყავსო, ერკემალი — ცხვარი (გვ. 101)
3. და სამზეოს მოება, ე. ი. მზის ქვეყნის გზას დაადგა (გვ. 101)

4. ხოგს კი ჩამოსდიოდა, ე. ი. სიმწიფისაგან ხიდან სცვიოდა (გვ. 102)
5. გაიკითხა მგელი იქით. გაიკითხა—გაიხზო, გაიძახა (გვ. 102)
6. ყველა იმაზე გარდება და გამოზდება, ე. ი. ზედ გაივლიან და გამოივლიან.

### ა ნ ა ნ ა

1. განა მე ვერ ვიქ მაგასო. ვიქ—გავაკეთებ, ვიხამ (გვ. 115)
2. დაუწყეს ერთმანეთს კოცნა და სურვილება. სურვილება—ალერსი (გვ. 116)

### ა რ ა ბ ი

1. დაიწყო მდულარის ღვრა. — იგულისხმება ცრემლები, ცრემლების ღვრა (გვ. 117)
2. ჯანი წაერთვა—ლონე წაერთვა, ძალა დაკარგა (გვ. 118)

### ზ ლ ა პ ა რ ი ც ხ რ ა ძ მ ა ზ ე მ

1. გათქვირდა—ხორციოთ აივსო, გასუქდა (გვ. 129)
2. აღარ ქნა ძრა — აღარ დაიძრა, ადგილიდან არ დაიძრა (გვ. 129)

### გ ა უ ც ი ნ ა რ ი ხ ე ლ მ ვ ი ჴ ი ს ზ ლ ა პ ა რ ი

1. ქოჩორზე დაატრიალა, ე. ი. შავი დღე დააყენა, შვაწუხა (გვ. 139)
2. ქოჩახი—ქოთანხი, ქილა (გვ. 142)

### ძ ა ჩ ა ლ - მ ე ბ ა ტ ე მ

1. ხალხი სულ ტატნად იყო მომდგარი. ტატნად — შეჯგუფულად (გვ. 150)
2. ადგა რაში ტოტებზე, ე. ი. ყალყზე შედგა რაში (გვ. 151)
3. დადღირება კალთაში ჩასაჯდომად, ე. ი. მოემზადება, დააპირებს კალთაში ჩაჯდომას (გვ. 154)
4. უთუოდ შენ კი მოიტან, არ მთავირჩებო, ე. ი. შენ კი მოუტანელს არ გაუშვებ; მოტანა არ გაგიჭირდებაო, დაცივით ეუბნებიან (გვ. 155)
5. ჩაიცვა ძველი ტარტლები — ჩაიცვა ძველი, კუჭყიანი, დაგლეჯილი ტანისამოსი (გვ. 156)
6. ვეფხვების თერგში რომ მივიდნენ.—აქ თერგი ადგილს, ჯოგს ნიშნავს (გვ. 156)
7. თუ ყურის ფიშვილოებს დამიჭრით. ფიშვილოები — ბიბილოები (გვ. 157)

8. კოკოზა—ყელიანი გოგრა (გვ. 158)
9. შეეტევა ამ შტრის ლაშქარს. შეეტევა — შეესევა, შეუტევეს (გვ. 159)
10. დააჯარებს ლაშქარს, ე. ი. ჩამწყრივებს, დაწყობს (გვ. 160)
11. შურით თვალბიდან ძმარი სდიოდათ, გ. ი. ძალიან სწყინდათ, შურდათ (გვ. 161)

### ზღაპარი მინდორთ ძალინა

1. თავიც დამიშვრია. დამიშვრია — მიწრომია, დამაშვრალი ვყოფილვარ (გვ. 167)
2. იქნება ერთი თული და გავარდნილი ხარ. თული — უპატრონო, შორიდან მოსული (გვ. 167)
3. დებიც ისე გადაეთხი. გადაეთხიე—გადაკვარგე (გვ. 168)
4. რაც უნდა დასაკლენ. რაი იყოს. დასაკლებარი — დანაკლისი, (გვ. 172)

### ზღაპარი ხაქვირველისა

1. თავის გონა—თავის ქალა, გამზმარი თავი (გვ. 179).
2. მოჩანჩხარებს—მოსდევს (გვ. 179)
3. რაში სულ ვარსკვლავებს ეთამაშება, ე. ი. ლამაზია, მშვენიერია, ვარსკვლავების დარია (გვ. 180)
4. ხელმწიფე ძლივს ესწრობოდა, ე. ი. ძლივს მოესწრო მეგობრის შეილის ნახვას (გვ. 181)
5. სადაც რომ მეკატური ვველი იყო. მეკატური გველი—კაცის მკბენავი, მანებელი (გვ. 182)
6. ყორღები ჩამოეტივნენ დასაკუმვლად. ჩამოეტივნენ—ჩამოფრინდნენ, წამოესივნენ (გვ. 185)
7. დევებს მამის რიგი ჰქონდათ, ე. ი. დევებს მამის მოსახსენიებელი რიგი ჰქონდათ (გვ. 189)

### სამნი ძმანი

1. მუცელი დვენაბრა იმ ლამისათვის. დვენაბრა, — დაედო. (გვ. 192)

### ე თ ე რ ი

1. უშვილოდ გადაგებას აპირებდნენ—უშვილოდ სიკვდილს, ან უშვილოდ გადაშენებას აპირებდნენ (გვ. 211)
2. ორბმა დაჰყოყინა კანკს, ე. ი. ორბმა დაჰყვირა, დასძახა (გვ. 211)

### ძვადცემული ვაჟისა

1. ერთ ნაფთვეს ერთ დღეს უნდებთან, ე. ი. ერთ გუთნის გატანას მთელ დღეს უნდებთან (გვ. 228)
2. რკინის დუქაოლი—ცხვრის საკრეკი მაკრატელი (გვ. 229)

### ოხტატიხა ღა შვიკრღისა

1. კარგად რომ მოფეთქა, ე. ი. კარგად რომ მოთეთქვა, სცემა. (გვ. 244).

### ნაბიჰვირვიხილისა

1. განამლაც თუ ჰქონოდა, ე. ი. არა მარტო არა ჰქონდა (გვ. 246)
2. ღრატე—ღრანტე (გვ. 250)

### ალემხანდრეანი

1. ციხეე, კარი მიყავ, ე. ი. კარი გამიღე (გვ. 267)
2. დორი—ზურგის მისაყუდებელი ბალიში (გვ. 268)
3. უამისოდ—სხვა დროს (გვ. 270)

### ფაშკუნდი

1. ძმებს სიცილადაც არ ეკმაეა, ე. ი. სიცილადაც არ ეყოთ, არ ყოფნიდათ (გვ. 276)
2. ქობი წურვილი ვრბო, ე. ი. ერთი ქვაბი გაწურული ვრბო. (გვ. 277)

### ჯარმაცი

1. სად დაიხაფრე, ე. ი. სად დაბანდდი (გვ. 287)
2. ღვიძლს ამოგარიდებ — ღვიძლს ამოგიღებ, ამოგაცლი (გვ. 288)
3. დაჯდა გადაწვეტილი. გადაწვეტილი—დადლილი, დაქანცული (გვ. 288)

### ვ ა უ ლ ა

1. არც ვაშლამ შეატკია თავი, ე. ი. თავი არ შეიწუხა იმათ დარწმუნებაში (გვ. 293)
2. ხომ მოკლავს ის უსურმაგიო. უსურმაგი — გაუმაძლარი (გვ. 298)
3. როგორ უნდა გავეხვეწოთ. გავეხვეწოთ — გავეცალოთ, დავიმალოთ (გვ. 299)

## კიტრის ძალი

1. როგორ დაგწყვიო, ე. ი. როგორ დაგწყველო (გვ. 301)
2. დაიწყო მიხეზის ძევა. ძევა—გამოჰქნა (გვ. 301)
3. სანამ ლოცვაზეთ მოვიდოდი —სანამ ლოცვიდან მოვიდოდე (გვ. 304)

## კობრა

1. საისაკე—საითყენ (გვ. 308)
2. თავში ჰსხამსო—თავში ჰკრავსო (გვ. 308)
3. გადუფსანათს პირი—გადაუწმეს, მოუკრეს პირი (გვ. 312)

## სიზმარა

1. ერთ ტბას დაეჭუტება. დაეჭუტება—დაეწაფება (გვ. 318).

## ცხვრის შვილი

1. ლუბი—გამხდარი (გვ. 328)
2. სამღირველო—ღირებულება მექნება (გვ. 328)
3. ჯანდაგი—გამხდარი (გვ. 328)

## წიძარა

1. აყენებდა ცეცხლის კალოში, ე. ი. ძალიან სტანჯავდა, შავდღეში ჰყავდა (გვ. 343)
2. იმის ცრემლები წყალთ ეწევიან, ე. ი. ისე ძლიერ სტიროდა, რომ მისი ცრემლები წყალს ერთვოდა (გვ. 344)
3. ყავირები—სვავის ბარტყები (გვ. 348)

## ბადრისა, უაუპისა და ამირანისა

1. მათირებდიო:—მიაღერსებდიო (გვ. 368)
  2. გაეხეხები—დაეხეტები (გვ. 373)
  3. კრისტე ღმერთს შეუწყვიო. აჲ შეუწყვიო—შეურისხავს, დაუწყველია (გვ. 374)
-

## ს ა რ ჩ ე ვ ი

83-

<b>ხალხური სიტყვიერების გამორჩენილი შემკრები თედო რაჭიკაშვილი . . . . .</b>	<b>3</b>
---	----------

### კახეთში შეკრებილი ზღაპრები

ცერა . . . . .	21
ერთი ხელადის ამბავი . . . . .	25
ორი შაური ალალი, თუ ორი თუმანი არამი . . . . .	27
სამი ძმისა . . . . .	32
ხუთუნქულა . . . . .	37
იადონისა და ბულბულისა . . . . .	43
ხელმწიფისა და მისი ცხრა ვაჟის არაკი . . . . .	51
მონადირის შვილი . . . . .	59
მგლია და ნეწისქვილე . . . . .	64
ობოლი და ქოსამატყუარა . . . . .	68
სამი ძმა და ქოსამატყუარა . . . . .	71
მეთევზე და სამი თევზი . . . . .	76
ხელმწიფის შვილი . . . . .	78
მეცხვარე და გველი . . . . .	81
ცოლ-ქმრის ამბავი . . . . .	84
ოქროს ქორჩიანი კალ-ვაჟის ზღაპარი . . . . .	87
ლორის ამბავი . . . . .	91
კინკრახა . . . . .	94
მზის ქალი . . . . .	98
„იამ რა უთხრა ვარდსა, ვარდმა რა უთხრა იასა“ . . . . .	109
ანანა . . . . .	114
არაბი . . . . .	117
ზღაპარი ცხრა ძმაზე . . . . .	121
ეშმაკის გასაღები . . . . .	130
ზღაპარი ველის ყვავილისა . . . . .	133
გაუტინარი ხელმწიფის ზღაპარი . . . . .	139
ქაჩალ-მებატე . . . . .	147
ზღაპარი მიხდორთ ქალისა . . . . .	161

ზღაპარი საკვირველისა . . . . .	178
სამნი ძმანი . . . . .	191
ედემის ყვავილი . . . . .	196
სამნი ძმანი . . . . .	201
კუნძი ძისა . . . . .	207
ეთერი . . . . .	211
გიორგი მონადირისა, ცოლმა რომ ძალღად აქცია . . . . .	221
ჭადჭვეული ვაჟისა . . . . .	226
მხეხათუნის არაკი . . . . .	231
ხელმწიფის შვილს ქალი რომ არ მისთხოვდა, სანამ ხელობას არ ისწავლიო . . . . .	238
ოსტატისა და შეგირდისა . . . . .	241
ნაბიჭვრიშვილისა . . . . .	245
კომბლესი . . . . .	252
მხეკაბუკისა . . . . .	256
ერთი მანეთის ხაშით დამარხული მკვდარი . . . . .	260
ალექსანდრესი . . . . .	265

### ფშავში შიპრბილი ზღაპრები

ჟაშკუნდი . . . . .	275
შაშვი და მელია . . . . .	283
ხარმაცი . . . . .	286
ვაშლა . . . . .	291
კიტრის ქალი . . . . .	301
კობრე . . . . .	307
სინმარა . . . . .	314
ერთი მხეთუნახაეისა და ხელმწიფის შვილის ზღაპარი . . . . .	323
ცხვრის შვილი . . . . .	328
უბედური ხელმწიფის ზღაპარი . . . . .	331
ხელმწიფის გიჟი შვილი . . . . .	336
მელიას ეშმაკობა . . . . .	339
წიქარა . . . . .	343
ბადრისა, უსუპისა და ამირანისა . . . . .	349
მამალი, კურდღელი, მელია, მგელი და დათვი . . . . .	378
ვ ა ნ მ ა რ ტ ე ბ ა ძნელად გასაგები სიტყვებისა . . . . .	383

რედაქტორი—მ. ჩოქოვაძე

მხატვარი—ი. გაბაშვილი

ტიქრედაქტორი—შ. გვინჩიძე

კორექტორები { ლ. კაკაბაძე  
მ. ტყემალაძე

---

გადეცა წარშობას — 4/III-50 ხელმოწერილია დასაბეჭდად 9/X-50 ნაბეჭდ ფორმათა რაოდენობა — 24,5. სააღრიცხვო ფორმათა რაოდენობა — 23. ანაწყობის ზომა— $5\frac{1}{2} \times 9$ . ქალაქის ზომა— $54 \times 84$  შეკვეთის № 939 უე06212 ტირაჟი 8000

---

საქპოლიგრაფგამომცემლობის 1-ლი  
სტამბა, ორჯონიკიძის ქ., № 50.

1-я типография Грузполиграфиздата,  
Тбилиси, ул. Орджоникидзе, № 50.